

ಮತ್ತಾಯ ವಳಕ

ಜಗತ್ತ ಉದ್ಧಾರ ಕರಾಲಾ ಯಕ್ಕನೆ ಜಿಮಿನಪರ ವಳೌಸ ಕೈನ ಕ್ಕುದಾ ಆದಿಮಾಜಿ ವಾಗ್ದಾನ ಕರೈತೊ. ಯೆಸು ಸ್ವಾಮಿಜಿ ತೆ ಉದ್ಧಾರಕ ವ್ವೈ ಜಗತ್ತನೊ ರಕ್ಷಕ ವ್ವೈ 'ಬೈಬಲ' ಪವಿತ್ರ ಗ್ರಂತನಾ 'ಜುನ್ನಾ ಒಡಂಬಡಿಕೆ' ಕವಾನಾ ಪಸ್ಸನಾ ಭಾಗಮಾ ದಡಿರ್ದಯಲ ಕ್ಕುದಾನಾ ಕ್ಕಾರಾ ವಾಗ್ದಾನೊನೆ ಆಂ ಯೆಸು ಸ್ವಾಮಿನಾ ಮುಲಕಜಿ ಪುರಾ ಕರಲ ಛೆ. ಕ್ಕುಶಿನಿ ಎ ಸುದ್ದಿನೆ ಶ್ರಿ ಮತ್ತಾಯ ತಿನಾ ಎ ಸುವಾರ್ತೆಮಾ ಒತ್ತ ದಿನ ಕವಸ. ಎ ಸುವಾರ್ತೆ ಕ್ಕಾಲಿ ಸ್ವಾಮಿನಾ ಸ್ವಂತ ಮನಕ್ಕೊ ಥಯಲ ಯಹುದೊನೆ ನ್ವವೈ ಪುರಾ ಜಗತ್ತನೆ ವ್ವೈ ಕೈನ ಕವಸ.

ಯೆಸುನು ಜನನತು ಶುರು ಥಾವಾನು ಎ ಬುಕ್ಕ, ತೆ ಸ್ವಿಕಾರ ಕರಲ ಬಾಪ್ತಿಸ್ಮಾ ಸೈತಾನನೆ ಜಿತ್ತಲ ತಿನಿ ಬೊದನೆ, ಚೊಕಿ ಬೊದನೆ ಕರಲ, ಗಲಿಲಾಯಮಾ ರೊಗೊನಾ ತ್ರಾಸೊನೆ ಕಾಡ್ಯಲ - ಎ ಕ್ಕಾರು ಚೊಕಿತರಾ ವರ್ಣನೆ ಕರಸ. ಪಾಚಲ್ತಾ ಗಲಿಲಾಯತಾ ಯೆರುಸಲೆಮನೆ ಯೆಸು ಗಯಲ ವಿವರಣೆ ಛೆ. ಜಿಂದೆಗಿನಾ ಲಾಸ್ವಹಪ್ಪಾಮಾ ತ್ಯನೆ ಅನುಬೊಸೆಲ ಘನ್ನು ಕೆಟ್ಟ ಶಿಲುವಿನು ಮರಣ, ಪಾಚಲ್ತಾ ಜಿತ್ತಲ ಪುನರುತ್ಥಾನ ಎ ಕ್ಕಾರಾವೊನಾ ಕ್ಕಾತೆ ಎ ಸುವಾರ್ತೆ ಕ್ಕರಲ.

ಪ್ರಭು ಯೆಸು ಕ್ಕಾಸ ಬೊದಕ ವ್ವೈ ಧಾರ್ಮಿಕ ನಿಯಮೊ ಚೊಕಿತರಾ ಕವಾಲೊ ವರಿ ದೈವಿಸಾಮ್ರಾಜ್ಯನೊ ಸ್ಥಾಪಕ ಕೈನ ಲಿಕ್ಕೊಸ, ಮತ್ತಾಯ. ತಿನಾ ಬೊದನೆನಾ ವಿಷಯ ಪಾಂಚ ಭಾಗ ಕರಲ ಛೆ -1. ಡೊಂಗರನಾ ಉಪ್ಪರ್ಲಿ ಬೊದನೆ; ದೈವಿಸಾಮ್ರಾಜ್ಯನಾ ಮನಕ್ಕೊಮಾ ರ್ವಾನಿ ಗುಣಾ ವರಿ ಗುರಿ ಉದ್ದೆಶ, ತ್ಯನಾ ಕರ್ತವ್ಯ ವರಿ ಹಕ್ಕೊ (ಅದ್ಯಾಯ 5-7); 2. ಪ್ರೆರಿತ ಥಯಲ ಶಿಶ್ಯಾ ತ್ಯನಾ ಕರ್ತವ್ಯ ಪುರಾ ಕರಾನೆ ಲಾಗು ರ್ವಯಲ ನಿತಿನಿಯಮೊ (ಅದ್ಯಾಯ 10); 3. ಕ್ಕುದಾನಾ ಸಾಮ್ರಾಜ್ಯನಾಹುತಿ ಸಾಕ್ಷಿಯೊ (ಅದ್ಯಾಯ 13); 4. ಶಿಶ್ಯತ್ವನು ಕ್ಕರಿನು ಮತ್ಲಬ (ಅದ್ಯಾಯ

18); 5. ಹಮ್ಮಾನು ಯುಗನು ಅಂತ್ಯ ವರಿ ಸ್ವರ್ಗ ರಾಜ್ಯ ಆವಾನು (ಅದ್ಯಾಯ 24-25).

ಮತ್ತಾಯ ಯಹುದ್ಯನಾ ಒದಾಲಾವೊನೆ ಕ್ಲಾಪೊ ಮೈಲಿನ ಎ ಸುವಾರ್ತೆ ಬದ್ಯೊಸ. ಎ ಕಾರಣಕ್ಕುಜ ಯಹುದ್ಯನಾ ಒದಾಲಾವೊನೆ ಚೊಕಿತರಾ ಗ್ವತ್ತ ರ್ವಯಲ ಜುನ್ನಿ ಒಡಂಬಡಿಕೆನಾ ವಾತೊನೆ ಪ್ರವಾದನೆನೆ ಉದಾಹರಣೆ ದಿವಸ. ತೆ ಕ್ರಿಸ್ತ ಯೆಸುಮಾ ಪುರಾ ಥಯಾಸ ಕೈನ ವಾದ-ವಿವಾದ ಕರಸ. ತಿನಾಹುತಿ ಜುನ್ನಿ ಒಡಂಬಡಿಕೆ ಗ್ವತ್ತ ನೈ ರ್ವಯಲ ವರಿ ಯಹುದ್ಯನಿ ಸಂಸ್ಕೃತಿ ನೈ ಗ್ವತ್ತ ರ್ವಯಲ ಕನ್ನಡಾ ಒದಾಲಾವೊನೆ ಎ ಬುಕ್ಕ ಅರಾಮ ಒದಾನೆ ತ್ರಾಸ ಥಾಸಕಸ. ತೆನೈಸೊ ಪಾಚ್ಚಲ್ತಾ ಆವಾನಾ ಭಾಗೊಮಾ ಎ ತ್ರಾಸ ಹಲ್ಕು ಥಾವಸ.

ಪಿರಿಕೆ

ಯೆಸುನಿ ವಂಶಾವಳಿ ವರಿ ಯೆಸು ಹುಟ್ಟಲ1:1—2:23

ಸ್ನಾನಿಕ ಯೊಹಾನನಾಹುತಿ 3:1-12

ಯೆಸು ಒಪ್ಪಿಲಿದಲ ಬಾಪ್ತಿಸ್ಮಾವರಿ ಶೊದನೆ ಜಿತ್ತಲ ಬೊದನೆ3:13—4:11

ಗಲಿಲಾಯಮಾ ಯೆಸುನಿ ಖುಲ್ಲಮ ಖುಲ್ಲಾ ಸೆವೆನು ಕಾಮ 4:12—18:35

ಗಲಿಲಾಯತಾ ಯೆರುಸಲೆಮೆ ಜಾವಾನು 19:1—20:34

ಯೆರುಸಲೆಮ ವರಿ ವಾತಾವರಣಮಾ ಲಾಸ್ವನಾ ದಿನ್ನೊ 21:1—27:66

ಯೆಸುನು ಪುನರುತ್ಥಾನ ವರಿ ದಿವ್ಯದರ್ಶನ 28:1-20

ಕ್ರಿಸ್ತನು ಖಾಂದಾನ

¹ ಯೆಸು ಕ್ರಿಸ್ತನು ಖಾಂದಾನ. ತೆ ದಾವಿದನಾ ಖಾಂದಾನನೊ ವ್ಹೈ ದಾವಿದ ಅಬ್ರಹಾಮನಾ ಖಾಂದಾನನೊ ವ್ಹೈ

² ಅಬ್ರಹಾಮ ಇಸಾಕನೊ ಬಾ ವ್ಹೈ ಇಸಾಕ ಯಾಕೊಬನೆ ಪಡ್ಡಿಲಿದ್ಯೊ ಯಾಕೊಬ ಯಹುದನೆ ವರಿ ತಿನಾ ಭಾಯೊನೆ ಪಡ್ಡಿಲಿದ್ಯೊ

³ ಯೆಹುದ ತಾಮಾರಳಮಾ ಪೆರೆಚನನೆ ಬಿ ಜೆರಹನನೆ ಪಡ್ಡಿಲಿದ್ಯೊ ಪೆರೆಚನ ಹೆಚ್ಚಿನನೆ ಪಡ್ಡಿಲಿದ್ಯೊ

4 ಹೆಚ್ಚಿನ ಅರಾಮನೆ ಪಡ್ತಿದ್ಲಿದ್ಲೊ ಅರಾಮ ಅಮ್ಮಿನಾದಾಬನೆ ಪಡ್ತಿದ್ಲಿದ್ಲೊ ಅಮ್ಮಿನಾದಾಬ ನಹಶೊನನೆ ಪಡ್ತಿದ್ಲಿದ್ಲೊ ನಹಶೊನ ಸಲ್ಮೊನನೆ ಪಡ್ತಿದ್ಲಿದ್ಲೊ

5 ಸಲ್ಮೊನ ರಾಹಾಬಳಮಾ ಬೊವಜನನೆ ಪಡ್ತಿದ್ಲಿದ್ಲೊ ಬೊವಜನ ರುತಳಮಾ ಓಬೆದನೆ ಪಡ್ತಿದ್ಲಿದ್ಲೊ ಓಬೆದ ಇಷಯನನೆ ಪಡ್ತಿದ್ಲಿದ್ಲೊ

6 ಇಷಯನ ರಾಜೊ ಥಯಲ ದಾವಿದನೆ ಪಡ್ತಿದ್ಲಿದ್ಲೊ ದಾವಿದ ಉರಿಯನನಿ ಬೈಕೊ ಥಯಲವಾಲಿಮಾ ಸೊಲೊಮೊನನೆ ಪಡ್ತಿದ್ಲಿದ್ಲೊ

7 ಸೊಲೊಮೊನ ರೆಹಬ್ಬಾಮನೆ ಪಡ್ತಿದ್ಲಿದ್ಲೊ ರೆಹಬ್ಬಾಮ ಅಬಿಯನನೆ ಪಡ್ತಿದ್ಲಿದ್ಲೊ ಅಬಿಯನ ಆಸನನೆ ಪಡ್ತಿದ್ಲಿದ್ಲೊ

8 ಆಸನ ಯೆಹೊಷಾಫಾಟನೆ ಪಡ್ತಿದ್ಲಿದ್ಲೊ ಯೆಹೊಷಾಫಾಟನ ಯೆಹೊರಾಮನನೆ ಪಡ್ತಿದ್ಲಿದ್ಲೊ ಯೆಹೊರಾಮ ಉಜ್ಜಿಯನನೆ ಪಡ್ತಿದ್ಲಿದ್ಲೊ

9 ಉಜ್ಜಿಯನ ಯೊತಾಮನೆ ಪಡ್ತಿದ್ಲಿದ್ಲೊ ಯೊತಾಮ ಆಹಾಜನನೆ ಪಡ್ತಿದ್ಲಿದ್ಲೊ ಆಹಾಜನ ಹಜ್ಕಿಯನನೆ ಪಡ್ತಿದ್ಲಿದ್ಲೊ

10 ಹಿಜ್ಕಿಯನ ಮನಸ್ಸೆಯನೆ ಪಡ್ತಿದ್ಲಿದ್ಲೊ ಮನಸ್ಸೆಯ ಆಮೊನನೆ ಪಡ್ತಿದ್ಲಿದ್ಲೊ

11 ಆಮೊನ ಯೊಷಿಯನನೆ ಪಡ್ತಿದ್ಲಿದ್ಲೊ ಮನಕ್ಹೊ ಬಾಬೆಲನೆ ಧರಲಿನ ಮಯಲ ಟೈಮಮಾ ಯೊಷಿಯನ ಯೆಕೊನ್ಯನೆ ವರಿ ತಿನಾ ಭಾಯೊನೆ ಪಡ್ತಿದ್ಲಿದ್ಲೊ

12 ಬಾಬೆಲನೆ ಧರಲಿನ ಗಯಲ್ಪರ ಯೆಕೊನ್ಯನ ಶೆಯಲ್ತಿಯನನೆ ಪಡ್ತಿದ್ಲಿದ್ಲೊ ಷೆಯಲ್ತಿಯನ ಜೆರುಬಾಬೆಲನೆ ಪಡ್ತಿದ್ಲಿದ್ಲೊ

13 ಜೆರುಬಾಬೆಲ ಅಬಿಹೊದನನೆ ಪಡ್ತಿದ್ಲಿದ್ಲೊ ಅಬಿಹೊದನ ಎಲ್ಯಕಿಮನೆ ಪಡ್ತಿದ್ಲಿದ್ಲೊ ಎಲ್ಯಕಿಮನ ಅಫೊರನನೆ ಪಡ್ತಿದ್ಲಿದ್ಲೊ

14 ಅಫೊರನ ಸದೊಕನೆ ಪಡ್ತಿದ್ಲಿದ್ಲೊ ಸದೊಕ ಅಖಿಮನೆ ಪಡ್ತಿದ್ಲಿದ್ಲೊ ಅಖಿಮ ಎಲಿಹೊದನನೆ ಪಡ್ತಿದ್ಲಿದ್ಲೊ

15 ಎಲಿಹೊದನ ಎಲಿಯಾಜರನೆ ಪಡ್ತಿದ್ಲಿದ್ಲೊ ಎಲಿಯಾಜರ ಮತ್ತಾನನೆ ಪಡ್ತಿದ್ಲಿದ್ಲೊ ಮತ್ತಾನ ಯಾಕೊಬನೆ ಪಡ್ತಿದ್ಲಿದ್ಲೊ

16 ಯಾಕೊಬ ಮರಿಯಳನೊ ಮಟಿ ಥಯಲ ಯೊಸೆಫನೆ ಪಡ್ಲಿದ್ಯೊ ಎಜ ಮರಿಯಳಮಾ ಕ್ರಿಸ್ತ ಕವಾಲೊ ಯೆಸು ಹುಟ್ಟೊ.

17 ಇಮ್ಮ ಅಬ್ರಹಾಮತು ದಾವಿದಲಕ್ಕಾ ವಟ್ಟಜ ಚೌದಾ ತಲೆಮಾರೊ ವ್ಹ್ಯೆ ದಾವಿದ ಪೈಲಾ ಥೈನ ಬಾಬೆಲನೆ ಧರಲಿನ ಗಯೆಲಕ್ಕಾ ಚೌದಾ ತಲೆಮಾರೊ ವ್ಹ್ಯೆ ಬಾಬೆಲನೆ ಧರಲಿನ ಗಯೆಲ ಟೈಮತಾ ಕ್ರಿಸ್ತ ಲಕ್ಕಾ ಚೌದಾ ತಲೆಮಾರೊ ವ್ಹ್ಯೆ.

ಯೆಸು ಕ್ರಿಸ್ತ ಹುಟ್ಟಲ

(ಲುಕ 2:1-7)

18 ಯೆಸು ಕ್ರಿಸ್ತ ಕಿಮ್ಮ ಹುಟ್ಟೊ ಕದ್ಯಾಮ ತಿನಿ ಯಾ ಥಯಲ ಮರಿಯಳನೆ ಯೊಸೆಫನಾ ಕ್ಹಾತೆ ನಾತ್ರ ಥಯುತು ತ್ತುನೆ ಮಳಾತಿ ಪೈಲಾ ತೆ ಪವಿತ್ರ ಆತ್ಮಾ ಕ್ಹು ಪೆಟಿ ವ್ಹತ್ತಿ ಕೈನ ಗ್ವತ್ತ ಥಯು.

19 ತೆನ್ನೈಸೊ ತಿನೊ ಮಾಟಿ ಥಯಲ ಚೊಕೊ ಮನಕ್ಕ್ ರ್ಹಯಲಕ್ಕು ತೆ ವಾತ ಕಿನೆ ಕವಾನೆ ಮನಸ ನೈ ರ್ಹಯಲಕ್ಕು ಕಿನೆಜ ಗ್ವತ್ತ ವಾಚಿ ತಿನೆ ಚೊಡಿಪಡು ಕೈನ ಕರೈತೊ.

20 ತೆ ಎ ವಿಚಾರ ಕರಾನಾ ಟೈಮಮಾ ಪ್ರಭುನೊ ಧುತ ಕ್ಹಪನಮಾ ದಿಕ್ಕಿನ ಎ ಯೊಸೆಫ, ದಾವಿದನಾ ಖಾಂದಾನವಾಲಾ, ತಾರಿ ಬೈಕೊ ಥಯಲ ಮರಿಯಳನೆ ಹಿವಾ ಕರಿಲಿವಾನೆ ಬುಚ್ಚುನಕೊ. ತೆ ಪೆಟಿ ರ್ಹಯಲ ಪವಿತ್ರಾತ್ಮಾಕ್ಹುಜ ವ್ಹ್ಯೆ.

21 ತೆ ಯಕ್ಕ ಪಟ್ಟಾನೆ ಜನ್ನಸ; ತು ತಿನೆ ಯೆಸು ಕೈನ ನಾಮ ಮ್ಹೆಲು; ಕಾ ಕದ್ಯಾಮ ಎಜ ತಿನಾ ಮನಕ್ಕೊನೆ ತ್ತುನಾ ಪಾಪೊಕ್ಕು ಚೊಡೈನ ವಚಾಡಸ ಕದ್ಯೊ.

22 ಪ್ರಭು ಪ್ರವಾದಿನಾ ಮೂಲಕ ಕದಲ ವಾತ ಪುರಾ ಥಾವಾನಾ ಹುತಿ ಎ ಕ್ಹಾರು ಥಯು; ತೆ ವಾತ ಸು ವ್ಹ್ಯೆ ಕದ್ಯಾಮ-

23 ದೆಕ, ಯಕ್ಕ ಜಾಂಜಿಮಾನ ಛೊಕ್ರಿ ಪೆಟಿ ರ್ಹೈನ ಪಟ್ಟಾನೆ ಜನ್ನಸ; ತಿನೆ ಇಮ್ಮಾನುವೆಲ ಕೈನ ನಾಮ ಮ್ಹೆಲಸ ಕವಾನು ವ್ಹ್ಯೆ ಕ್ಹುದಾ ಅಪ್ಪಾ ಕ್ಹಾತೆ ಛಿ ಕೈನ ಎ ನಾಮನು ಮತಲಬ ವ್ಹ್ಯೆ.

24 ತೆಳಾಮಾ ಯೊಸೆಫ ನಿಂದರಮಾತೊ ಉಟಿನ ಪ್ರಭುನೊ ಧುತ ಅಪಣೆ ದಿದಲ ತಿಮ್ಮ ತಿನಿ ಬೈಕೊನೆ ಹಿವಾ ಕರಿಲಿದ್ಲೊ.

25 ತೆನ್ನೆಸೊ ಮರಿಯಳ ಪಟ್ಟಾನೆ ಜನ್ನೆಲಕ್ಕಾ ಯೊಸೆಫ ತಿನಾ ಕ್ಹಾತೆ ಶರೀರನಾ ಸಂಭಂದಕ್ಕು ನ್ಹೊತೊ. ಯೊಸೆಫ ತೆ ಪಟ್ಟಾನೆ ಯೆಸು ಕೈನ ನಾಮ ಮ್ಹೆಲ್ಯೊ.

2

ಪುರ್ವತಾ ದಿಕ್ತಾ ಗ್ಯಾನಿಯೊ ದೆಕಾನೆ ಆಯಲ

1 ಹೆರೊದ ರಾಜೊ ಥಯಲ ಟೈಮಮಾ ಯೆಸು ಯುದಾಯನಾ ಬೆತ್ಲೆಹೆಮ ಕವಾನಾ ಗಾಮಮಾ ಹುಟ್ಟೊ. ಯೆಸು ಹುಟ್ಟಲ್ಪರ, ಪುರ್ವ ದೆಶನಾ ದಕ್ಖಾ ಗ್ಯಾನಿಯೊ ಯೆರುಸಲೆಮೆ ಆಯಾ.

2 ತೆ ಗ್ಯಾನಿಯೊ ಮನಕ್ಹೊನೆ, ಯೆಹುದಿಯೊನೊ ರಾಜೊ ಹುಟ್ಟೊಸ ನ್ಹೆ? ತೆ ಕಿಜಾ ಛೆ? ತೆ ಹುಟ್ಟೊಸ ಕೈನ ದೆಕಾಡಾನಿ ಚಿಕ್ಕಿ ಪುರ್ವ ದಿಕ್ಕಮಾ ಹುಟ್ಟಲ ದೆಕಿನ ತಿನೆ ಆರಾಧನಾ ಕರಾನೆ ಆಯಾಸ ಕದ್ಯಾ.

3 ಯೆಹುದಿಯೊನಾ ಎ ನಯಾ ರಾಜಾನಿ ವಿಶಯ ಗ್ವತ್ತ ಥಯಲ್ಪರ ಹೆರೊದ ವರಿ ಯೆರುಸಲೆಮನಾ ಕ್ಹಾರಾ ಮನಕ್ಹೊಗಲಿಬಿಲಿ ಥಯಾ.

4 ತೆಳಾಮಾಜ, ಹೆರೊದ ಕ್ಹಾರ ಖಾಸ ಯಾಜಕೊನೆ ಶಾಸ್ತ್ರಿಯೊನೆ ಸಭೆ ಮಳ್ಳಿನ ಕ್ರಿಸ್ತ ಹುಟ್ಟಿನಿ ಜಗಾ ಕೈವ್ಹೆ? ಕೈನ ಪುಚ್ಚೊ.

5 ತ್ಯಾನೆ, ಯುದಾಯನಾ ಬೆತ್ಲೆಹೆಮ ಕವಾನಾ ಗಾಮಮಾ ಹುಟ್ಟಸ. ಕಾ ಕದ್ಯಾಮ ಪ್ರವಾದಿ ಪವಿತ್ರ ಗ್ರಂಥಮಾ ಇಮ್ಮ ಬರದ್ಲೊಸ.

6 ಯೆಹುದ ಸಿಮೆನಿ ಬೆತ್ಲೆಹೆಮ, ಯೆಹುದನಾ ಖಾಸ ಗಾಮೊಮಾ ತು ನಕ್ಕರಬಿ ನ್ಹಾನು ನ್ಹವ್ಹೆ. ಯಕ್ಕ ಅದಿಪತಿ ತಾರಾಮಾತೊಜ ಆವಸ, ತೆ ಮಾರಾ ಮನಕ್ಹೊ ಥಯಲ ಇಸ್ರಾಯೆಲೊನೆ ಆಳಾಲೊ ವ್ಹೆ ಕವಾನು ಪ್ರವಾದಿನಾ ಮುಲಕ ಬರ್ದಲ ಛೆ ಕೈನ ಕದ್ಯಾ.

7 ತೆಳಾಮಾ ಹೆರೊದ ಪುರ್ವ ದಿಕ್ಕನಾ ದೆಶನಾ ಗ್ಯಾನಿಯೊನೆ ಚೊರಿಕ್ತು ಬಲೈನ, ತ್ಯಾನೆ ತೆ ಚಿಕ್ಕಿನೆ ದೆಕಲ ಕರೆಕ್ಟ ಟೈಮ ತ್ಯಾನೊಕಂತೊ ಗ್ವತ್ತ ಕರಿಲಿದ್ಲೊ.

8 ಹೆರೊದ ತೆ ಗ್ಯಾನಿಯೊನೆ, ತುಮೆ ಗೈನ ಚೊಕಿತರಾ ಪುಚ್ಚಿಲಿನಿ ತೆ ಬಚ್ಚು ಕಜಾ ಶೆ ಕೈನ ಗ್ವತ್ತ ಥಯಲ್ಪರ ಐನ ಮನೆ ತಿಳಸಾವೊ. ತೆಳಾಮಾ ಮಿ ಗೈನ ತಿನೆ ಆರಾಧನಾ ಕರುಸ ತಿಮ ಕೈನ ತ್ಯುನೊನೆ ಬೆತ್ಲೆಹೆಮನೆ ವಳ್ಳೆನ ದಿದ್ಯೊ.

9 ತೆ ಗ್ಯಾನಿಯೊ ರಾಜಾನಿ ವಾತ ಐಕಿನ ತ್ಯಾಂತಾ ಗಯೆಲ್ಪರ, ಪುರ್ವ ದಿಕ್ಕಮಾ ಹುಟ್ಟಲ ಚಿಕ್ಕಿನೆ ವರಿ ದೆಕಯಾ. ತ್ಯುನೆ ತೆ ಚಿಕ್ಕಿನಾ ಪಾಚಾ ಗಯಾ. ತೆ ಚಿಕ್ಕಿ ತ್ಯುನಾ ಅಗಿ ಜಾತಿ ಪಟ್ಟೊ ರ್ಡಯಲ ಜಗಾಪರ ಗೈನ ಹುಬ್ಬೆ.

10 ತ್ಯುನೆ ತೆ ಚಿಕ್ಕಿನೆ ದೆಕಿನ ಘನ್ನಾಕಿ ಕ್ಕುಶಿ ಥಯಾ.

11 ತ್ಯುನೆ ತೆ ಘರೆ ಆಯೆಲ್ಪರ, ಪಟ್ಟಾನೆ ಮರಿಯಳ ಕನ್ನ ದೆಕಿನ, ಸಾಷ್ಟಾಂಗ ಧೈನ ಆರಾಧನಾ ಕರ್ಯಾ ತೆನ್ನೆಸೊ ತ್ಯುನೆ ತೆ ಪಟ್ಟಾನಾ ಹುತಿ ಲಾಯೆಲ ಕಾಣಿಕೆ ಕಾಡಿನ ಕೊನು, ಧುಪ ವರಿ ಬಾಸನಾ ದ್ರವ್ಯೊನೆ ದಿದ್ಯಾ.

12 ತೆನ್ನೆಸೊ ಕ್ಕುದಾ ತೆ ಗ್ಯಾನಿಯೊನಾ ಕ್ವಪನ್ನಾ ಐನ, ತುಮೆ ಹೆರೊದ ಕನ್ನಫರಿನ ಜೊ ನೈ ಕೈನ ಹುಶಾರ ಕರ್ಯೊ. ತ್ಯುನೆ ಬಿಜಿ ಯಕ್ಕ ಜಗಾನಾ ಮುಲಕ ತ್ಯುನಾ ದೆಶನೆ ಫರಿನ ಗಯಾ.

ಇಜಿಪ್ಟೆ ಗಯಲ

13 ಗ್ಯಾನಿಯೊ ಫರಿನ ಗಯೆಲ್ಪರ ಪ್ರಭುನೊ ದುತ ಯೊಸೆಫನೆ ಕ್ವಪನ್ನಾ ದಿಕ್ಕಿನಿ, ಉಟ್ಟ! ಬಚ್ಚಾನೆ ವರಿ ತಿನಿ ಯಾನೆ ಬಲೈಲಿನ ಇಜಿಪ್ಟನೆ ನ್ವಾಟಿನ ಜಾ. ಹೆರೊದ ಬಚ್ಚಾನೆ ಹುಡ್ಡಾನು ಶುರು ಕರಸ. ತೆ ಬಚ್ಚಾನೆ ಕ್ವಲಾಸ ಕರು ಕೈನ ಕೈಲಿದ್ಯೊಸ. 'ಸುಜ ಕೆಟ್ಟ ನತ್ತಿ' ಕೈನ ಮಿ ತುನೆ ಕದೆ ಲಕ್ಕಾ ತು ಇಜಿಪ್ಟಮಾ ರ್ಡೊನೆ" ಕೀನ ಕದ್ಯೊ.

14 ತೆಳಾಮಾಜ್ಜ, ಯೊಸೆಫ ಉಟಿನ ಬಚ್ಚಾನೆ ವರಿ ತಿನಿ ಯಾನಾ ಕ್ವಾತೆ ಇಜಿಪ್ಟನೆ ರಾತ್ನಾ ಟೈಮಮಾ ಗೈಪಡ್ಯೊ.

15 ಹೆರೊದ ಮರೆಲಕ್ಕಾ ಯೊಸೆಫ ಇಜಿಪ್ಟಮಾಜ ವ್ವತ್ತೊ. ಮಿ ಮಾರಾ ದಿಕ್ಕಾನೆ ಇಜಿಪ್ಟಮಾತೊ ಬಲಾಯೊ ಕೀನ ಪ್ರವಾದಿ ನಾ ಮುಲಕ ಪ್ರಭು ಕದಲ ವಾತ ಇನಾಕ್ವುಪುರಾ ಧೈ.

ಪಟ್ಟಾವೊನೆ ಖಲಾಸ ಕರಲ

16 ಗ್ಯಾನಿಯೊ ತಿನೆ ಮೊಸ ಕರಾಸ ಕೈನ ಗ್ವತ್ತ ಥಯಲ್ಲರ ಹೆರೊದ ಘನ್ನೊ ಶಿಟ್ಟಿ ಥಯೊ. ತೆಳಾಮಾ ಬಚ್ಚು ಉಟ್ಟಲ ಟೈಮ ಹೆರೊದ ಗ್ಯಾನಿಯೊಕ್ಕು ಗವ್ತ ಕರಿಲಿದ್ಯೊತೊ. ತೆ ಬಚ್ಚು ಹುಟ್ಟಿನ ಬೆ ವರಕ್ಕ ಥಯಾತಾ. ತಿನಾಹುತಿ ಹೆರೊದ ಬೆತ್ಲೆಹೆಮಮಾ ವರಿ ತಿನಾ ಆಙ್ಕು ಬಾಜುನಾ ಗಾಮೊಮಾ ರ್ಡಯಲ ಬೆ ವರಕ್ಕನಾ ವರಿ ತ್ಯುನಾತಿ ನ್ಹಾನಾ ರ್ಡಯಲ ಕ್ಹಾರಾ ಪಟ್ಟಾವೊನೆ ಕ್ಹಲಾಸ ಕರು ಕೈನ ಆಗನ್ಯಾದಿದ್ಯೊ.

17 ಅಮ್ಮ ಕ್ಹದಾ ತಿನೊ ಪ್ರವಾದಿ ಥಯಲ ಯೆರೆಮಿಯನಾ ಮುಲಕ ಕದಲ ಎ ವಾತ ಪುರಾ ಥೈ.

18 ರಾಮಮಾ ಬೊಂಬಡ್ಯಾ ಮಾರಾನು ಐಕು ಐವು; ರುವಾನು ವರಿ ಘನ್ನು ಗೊಳಾಟ ಉಂಟ ಥಯು; ರಾಹೆಳ ತ್ಯುನಾ ಬಚ್ಚಾವೊನ ಹುತಿ ರ್ಡೈನ ತ್ಯೆನ ನೈರ್ಡಯಲಕ್ಕು ಸಮಾಧಾನ ಹೊಂದಿಲಿದ್ಯಾವಾಚಿ ವ್ಹತ್ತಿ.

ಇಜಿಪ್ಪತಾ ವಾಪಸ ಆಯಲ

19 ಹೆರೊದ ಮರಲ್ಪರ, ಪ್ರಭನೊ ದುತ ಯೊಸೆಫನೆ ಕ್ಹಪನ್ಮಾ ದಿಕ್ತಿನ. ಯೊಸೆಫ ಇಜಿಪ್ಪಮಾ ರ್ಡತಾಮಾಙ್ಕ ಆ ಥಯು.

20 ಕ್ಹದಾನೊ ದುತ ತಿನೆ, ಉಟ್ಟ! ಪಟ್ಟಾನೆ ವರಿ ತಿನಿ ಯಾನೆ ಬಲೈಲಿನ ಇಸ್ರಾಯೆಲನೆ ಜಾ. ಪಟ್ಟಾನೆ ಕ್ಹಲಾಸ ಕರು ಕೈನ ಪರಯತ್ನ ಕರಾಲಾ ಮರಿ ಗಯಾಸ” ಕೈನ ಕದ್ಯೊ.

21 ತಿನಾಹುತಿ ಯೊಸೆಫ ಪಟ್ಟಾನೆ ವರಿ ಪಟ್ಟಾನಿ ಯಾನೆ ಬಲೈಲಿನ ಇಸ್ರಾಯೆಲನೆ ಗಯೊ.

22 ತೆನೈಸೊ ಹೆರೊದ ಮರಲ್ಪರ ತಿನೊ ದಿಕ್ರೊ ಥಯಲ ಅರ್ಖೆಲಾಯ ಯುದಾಯನೊ ರಾಜೊ ಥಯೊಸ ಕರಿನ ಕವಾನು ಐಕಿನ ತ್ಯಾ ಭಾವಾನೆ ಭುಚ್ಚಕ್ಕೊ ಕ್ಹಪನ್ಮಾ ದಿದಲ ಹುಶಾರಕಿ ಲಿಂಗತಜ ತೆ ತೆ ಭಗಾನೆ ಛೊಡಿನ ಗಲಿಲಾಯ ಗಾಮನೆ ಗೈನ,

23 ನಜರೆತ ಕವಾನಾ ಗಾಮ್ನಾ ರ್ಡಯಲೊ. ಕ್ರಿಸ್ತನನೆ ‘ನಜರೆತನೊ’ ವ್ಹೈ ಕೈನ ಬಲಾವಸ” ಕೈನ ಕ್ಹದಾ ಪ್ರವಾದಿಯೊನಾ ಮುಲಕ ಕದಲ ಅಮ್ಮ ಪುರಾ ಥಯು.

3

ಬಾಪ್ತಿಸ್ಮದಿವಾನು ಯೋಹಾನನಾ ಉಪದೇಶ

¹ ತೆ ಕಾಲಮಾ ಬಾಪ್ತಿಸ್ಮದಿವಾಲೊ ಯೋಹಾನ ಯುದಾಯನಾ ರಾನ್ಮಾ ಬೊದನೆ ಕವಾನು ಶುರು ಕರೊ.

² ಸ್ವರ್ಗನೊ ರಾಜ್ಯ ನಜಿಕ ಆಯೊಸ. ತುಮೆ ತುಮಾರಾ ಪಾಪೊನಾ ಹುತಿ ಪಶ್ಚಾತ್ತಾಪ ಪಡ್ತಿನ ಕ್ಕುದಾಕನ ಫರೊ” ಕೈನ ತೆ ಬೊದನೆ ಕರೊ.

³ ಪ್ರಭುನಾ ಹುತಿ ವಾಟೆ ತಯ್ಯಾರ ಕರೊ; ತಿನಿ ವಾಟೆ ಸಿದಾ ಘೊಕಿ ಕರೊ ಕೈನ ರಾನ್ಮಾ ಅಡ್ಡಾಲಾನಿ ಆವಾಜ ಐಕು ಆವಾಡುಸ. (ಯೆಶಾಯ 40:3) ಕೈನ ಬಾಪ್ತಿಸ್ಮದಿವಾಲಾ ಯೋಹಾನನಾ ಹುತಿ ಪ್ರವಾದಿ ಥಯಲ ಯೆಶಾಯ ಕದಲ ವ್ಹೆ.

⁴ ಯೋಹಾನನಾ ವಣ್ಣಾ ಹುಂಟಾನಾ ಬಾಲೊಕ್ಕು ಕರಲ ವ್ಹತ್ತಾ. ತಿನೆ ಕಂಬರನೊ ಪಟ್ಟೊ ವ್ಹತ್ತೊ. ತಿನೆ ಫಿರಕಾ ವರಿ ರಾನನು ಜೆನ ಅನ್ನ ಲಿಂಗತ ವ್ಹತ್ತು.

⁵ ಮನಕ್ಲೊ ಯೋಹಾನನು ಉಪದೇಶ ಐಕಾನೆ ಯೆರುಸಲೆಮತಾ, ಯುದಾಯ ವರಿ ಯೊರ್ದನ ನದಿನಾ ಬಗಲ ದಂಡಿಕನ ರ್ಹಯಲ ಕ್ಕಾರಾ ಜಗಾತಾ ಆವಾಡಾತಾ.

⁶ ಮನಕ್ಲೊ ತ್ಯನೆ ಕರಲ ಪಾಪ ವಪ್ಪಿ ಲಿದಲ್ಪರ ಯೋಹಾನ ತ್ಯನೊನೆ ಯೊರ್ದನ ನದಿಮಾ ಬಾಪ್ತಿಸ್ಮದಿವಾಡೊತೊ.

⁷ ಘನ್ನಾ ಫರಿಸಾಯರೊ ವರಿ ಸದ್ದುಕಾಯರೊ ಯೋಹಾನನಾ ಹತೆ ಬಾಪ್ತಿಸ್ಮ ಕರೈಲಿವಾನಾ ಹುತಿ ಆಯಾ. ಯೋಹಾನ ತ್ಯನೊನೆ ದೆಕಿನ, ತುಮೆ ಕ್ಕಾರಾ ಕ್ಕಾಪೊ ವ್ಹೆ! ಆವಾನೆ ರ್ಹಯಲ ಕ್ಕುದಾನಾ ಶಿಟ್ಟಿಕ್ಕು ವಾಚಾನೆ ತುಮೊನೆ ಹುಶಾರಕಿ ದಿದಲವಾಲು ಕುನ್ನ ವ್ಹೆ?

⁸ ತುಮಾರು ಮನಸ ಕ್ಕರಿಮಾಜ್ಜ ಕ್ಕುದಾ ಬಗಲ ಛೆ ಕೈನ ಕವಾನು ತುಮೆ ಕರಾನಾ ಕಾಮೊಕ್ಕು ದೆಕಾಡೊ.

⁹ ‘ಅಬ್ರಹಾಮ ಅಪ್ಪೊ ಬಾ ವ್ಹೆ’ ಕೈನ ತುಮೆ ಸ್ವಕ್ಕ ಕರಾನು ಕಾ? ಕ್ಕುದಾ ಅಬ್ರಹಾಮನಾ ಹುತಿ ನ್ಯಾ ರ್ಹಯಲ ದಗಡಾವೊಕ್ಕುಬಿ ಬಚ್ಚಾ ಹುಟ್ಟಾವಾನೆ ಥಾವಸ ಕೈನ ಮಿ ತುಮೊನೆ ಕೌಸ.

10 ಝಾಡೂ ಕತ್ತಿನ ನಾಕಾನೆ ಕೂಡ್ಲಿ ಹಮ್ಮಾಜ ತಯ್ಯಾರ ಛಿ. ಝೂಕು ಫಲ ನೈದಿವಾನಾ ಹರಯಕ್ಕ ಝಾಡನೆ ಕತ್ತಿನ ಆಗಮಾ ಫಾಲಸ.

11 ತುಮಾರಾ ಮನಸೂ ಕ್ಕುದಾ ಬಗಲ ಫರ್ಯಾಸ ಕವಾನೆ ದೆಕಾಡಾನಾ ಹುತಿ ಮಿ ತುಮೂನೆ ಪಾನಿಮಾ ಬಾಪ್ತಿಸ್ಮಾ ಕರೌಸ. ತೆನೈಸೂ ಮಾರಾ ಪಾಝೂ ಆವಾಲೂ ಮಾರಾತಿ ತಾಕತವಾಲೂ ವ್ಹೈ ತಿನಾ ಚಪ್ಲೊ ಲೊಡಾವಾನೆಬಿ ಮಿ ಯೂಗ್ಯ ನ್ಹವೈ ತೆ ತುಮೂನೆ ಪವಿತ್ರ ಆತ್ಮಾಮಾ ಆಗಮಾ ಬಾಪ್ತಿಸ್ಮಾ ಕರಾವಸ.

12 ತೆ ಬಿಯ್ಯಾವೂನೆ ಸ್ವಚ್ಛ ಕರಾನೆ ತಯ್ಯಾರ ಥಯೊಸ. ತೆ ಬಿಯ್ಯಾವೂನೆ ಕೂಂಡಾವೂಕ್ಕು ಜುದೂ ಕರಿನ ಝೂಕಾ ಬಿಯ್ಯಾವೂನೆ ಕಣಜಮಾ ಭರೈನ ಕೂಂಡಾವೂನೆ ನೈ ಇಜ್ಜಾವಾನಿ ಆಗಮಾ ಬಾಳಿ ಪಡಸ" ಕೈನ ಕದ್ಯೂ.

ಯೂಹಾನನಾ ಹತೆ ಯೆಸು ಬಾಪ್ತಿಸ್ಮಾ
(ಮಾರ್ಕ 1:9-11; ಲುಕ 3:21-22)

13 ತೆ ಟೈಮ ಯೂಹಾನನಾ ಹತೆ ಯೆಸು ಬಾಪ್ತಿಸ್ಮಾ ಲಿವಾನೆ ಗಲಿಲಾಯತೂ ಯೂರ್ದನ ನದಿನೆ ಆಯೊ.

14 ತೆನೈಸೂ ಯೂಹಾನ, ಮಿಜ್ಜ ತಾರಾ ಹತೆ ಬಾಪ್ತಿಸ್ಮಾ ಕರೈ ಲಿವಾನು ಛಿ. ಇಮ್ಮರ್ದತಾಮಾ ತು ಮಾರಾಕ್ಕು ಬಾಪ್ತಿಸ್ಮಾ ಲಿವಾನೆ ಮಕನ ಆವಾನು ಕಾ? ಕೈನ ತಿನೆ ಹುಬ್ರಾಡಾನೆ ದೆಕ್ಕೊ.

15 ಯೆಸು "ಹಮ್ಮಾ ತು ಇನಿ ಒಪ್ಪಿಲೆ ಅಪೆ ಕಾಮೂ ಕರಾನು ಶೆ" ಕದ್ಯೂ. ತೆಳಾಮಾ ಯೂಹಾನ ಯೆಸುನೆ ಬಾಪ್ತಿಸ್ಮಾ ದಿವಾನೆ ಒಪ್ಪಿಲಿದ್ಯೂ.

16 ಯೆಸು ಬಾಪ್ತಿಸ್ಮಾ ಲಿನಾ ಪಾನಿಮಾತೂ ಉಪ್ಪರ ಆಯೊ, ತೆಳಾಮಾಜ್ಜ ಹಬಾಳ ಕ್ಕುಲ್ಯು ಕ್ಕುದಾನಿ ಆತ್ಮಾ ಖಬುತರನಾ ರುಪ್ಪಾ ಉತರಿ ತಿನಾ ಉಪ್ಪರ ಆವಾನು ಯೆಸು ದೆಕ್ಕೊ.

17 ತೆಳಾಮಾ ಸ್ವರ್ಗಮಾತು ಆವಾಜ ಐಯು "ಆ ಮಾರೂ ಮಾಯಾನೂ ದಿಕ್ಕೊ ಯೆಸು ವ್ಹೈ ಅನೆ ಮಿ ಘನ್ನೂ ಮೆಚ್ಚೊಸ".

4

ಯೆಸು ಪರಿಕ್ಷಾಮಾ ಪಡಲ

(ಮಾರ್ಕ 1:12-13; ಲುಕ 4:1-13)

¹ ತೆಳಾಮಾ ಕ್ಕುದನಿ ಆತ್ಮಾ ಸೈತಾನಕ್ಕು ಪರಿಕ್ಷಾ ಲಿವಾನ ಹುತಿ ತಿನೆ ರಾಣಮಾ ಲಿನ ಗಯೊ.

² ಯೆಸು ಚಾಲಕ್ಕ ದಿನ್ನ ರಾತ ಸುಜ ಕ್ಕದ್ಯೊ ನೈ. ಪಾಚಾತು ತಿನೆ ಘನ್ನಿ ಬುಕ್ಕ ಲಾಗಿ.

³ ತೆಳಾಮ ಯೆಸುನೆ ಪರಿಕ್ಷಾ ಲಿವಾನಾ ಹುತಿ ಸೈತಾನ ಕನ ಐನ ತು ಕ್ಕುದಾನೊ ದಿಕ್ರೊ ರ್ಲಯೊಮ ಆ ದಗ್ಡಾನೆ ರೊಟ್ಟೊ ಥಾ ಕೈನ ಆಗನ್ಯಾದೆ” ಕದ್ಯೊ.

⁴ ಯೆಸು ತಿನೆ ಮನಕ್ಕ ರೊಟ್ಟೊ ಕ್ಕದ್ಯಾಮಾಜ ಜಿವ್ವೊ ರ್Xಹತೊ ನೈ. ಕ್ಕುದಾನಾ ನಾ ಮೊಡಾಕ್ಕು ಆವಾನಾ ವಾತೊಕ್ಕು ಜಿವ್ವೊ ರ್ಲವಸ ಕೈನ ಬರ್ದನ ಶೆ ತೊ.

⁵ ತೆಳಾಮಾ ಸೈತಾನ ತಿನೆ ಯೆರೊಸಲೆಮನಾ ದೆವಾಲಯನಕನ ಲಿನ ಗೈನ, ದೆವಾಲಯನಾ ಕ್ಕಾರಾವೊತಿ ಉಪ್ಪರ ಜಗಾಪರ ಹುಬ್ರಾಡಿನ,

⁶ ತು ಕ್ಕುದಾನೊ ದಿಕ್ರೊ ರ್ಲಯೊಮ ಉಪ್ಪರತೊ ಉಡ ತೆ ತಾರಾಹುತಿ ತಿನಾ ದೆವದುತೊನೆ ಆಗನ್ಯಾ ದಿವಸ ತ್ತುನೆ ತಾರಾ ಪಗೊ ದಗ್ಡಾನೆ ಲಾಗಾನೆ ದಿದ್ಯಾವಾಚಿ ತುನೆ ಹತೊ ಮಾ ಉಚ್ಚೆಲಿವಸ” ಕೈನ ಬರ್ದಲ ಛಿ ತೊ.

⁷ ತೆ ವಾತೆ ಯೆಸು ತಾರಾ ಕ್ಕುದಾ ಥಯಲ ಕರ್ತಾನೆ ಪರಿಕ್ಷಾ ಕರು ನೈ ಕೈನ ಬಿ ಬರ್ದಲ ಶೆ.

⁸ ಪಾಚಾತೊ ಸೈತಾನ ತಿನೆ ಘನ್ನೊ ಉಚ್ಚು ರ್ಲಯಲ ಡೊಂಗರಪರ ಲಿನ ಗೈನ ಆ ಲೊಕಮಾ ರ್ಲಯಲ ಹರಯಕ ರಾಜ್ಯ ದೆಕಾಡಿನ ತ್ಯಾ ರ್ಲಯಲ ಹರಯಕ ವೈಭವ ದೆಕಾಡಿನ

⁹ ತು ಮನೆ ಅಡ್ಡ ಪಡ್ಯಾರೆ ಆ ಕ್ಕಾರು ಮಿ ತುನೆ ದ್ಯುಸ” ಕದ್ಯೊ.

¹⁰ ಯೆಸು ತಿನೆ ಸೈತಾನ ತು ಗೈಪಡ, ತಾರೊ ಕ್ಕುದಾ ಥಯಲ ಕರ್ತಾನೆ ಯಕ್ಕಜ ಅಡ್ಡ ಪಡಿನ ತಿನೆ ಯಕ್ಕಲಾನೆಜ ಆರಾದನಾ ಕರು ಕೈನ ಬರ್ದಲ ಛಿ ತೊ” ಕದ್ಯೊ.

11 ತಿನಾಹು ಸೈತಾನ ತಿನೆ ಛೊಡಿನ ಗೈ ಪಡ್ಲೊ ತೆಳಾಮಾ ದಕ್ಕಾ ದೆವದುತೊ ಐನ ತಿನೆ ಉಪಚಾರ ಕರ್ಯಾ

ಯೆಸುನು ಕಾಮ ಗಲಿಲಾಯಮಾ ಶುರು
(ಮಾರ್ಕ 1:14-15; ಲುಕ 4:14-15)

12 ಯೊಹಾನನೆ ಜೆಲ್ಮಾ ಫಾಲ್ಯಾಸ ಕೈನ ಯೆಸುನೆ ಗೊತ್ತ ಥಯು, ತಿನಾಹುತಿ ಯೆಸು ಗಲಿಲಾಯಾನೆ ಫರಿನ ಗಯೊ.

13 ತೆಳಾಮ ತೆ ನಜರೆತಮಾ ರ್ವಯಾ ಬಗರ ತ್ಯಾಂತೊ ಗೈನ ಗಲಿಲಾಯನಾ ಸರೊವರನಾ ಕ್ವಾಮು ರ್ವಯಲ ಕಪೆನೊರ್ಮ ಕವಾನಾ ಗಾಮಮಾ ರ್ವಯೊ. ತೆ ಗಾಮ ಜೆಬುಲೊನ ವರಿ ನಫ್ತಾಲಿನ ಸಿಮೆಕನ ಶೆ.

14 ಪ್ರವಾದಿ ಥಯಲ ಯೆಶಾಯ ಕದಲ ನಿಂಗತ ಥಯು ತೆ ಸು ವ್ಹೈ ಕದ್ಯಾರೆ

15 ಜೆಬುಲೊನ ಸಿಮೆ ವರಿ ನಫ್ತಾಲಿನ ಸಿಮೆ , ಯೊರ್ದನನಾ ಬಾಜು, ಸಮುದ್ರಕನ ರ್ವಯಲ ಸಿಮೆ, ಬಿಜಾ ಭಾತನಾ ಮನಕ್ಲೊ ರ್ವಯಲ ಗಲಿಲಾಯ ಸಿಮೆ

16 ಅಮ್ಮ ಅಂದಾರಮಾ ರ್ವಯಲ ಆ ಗಾಮ ವಾಲಾ ಮನಕ್ಲೊನೆ ಮ್ಹೊಟ್ಟು ಉಜಾಲು ದಿಕ್ಪ್ಪು ಮೌತನಾ ಅಂದಾರಾಮಾ ರ್ವಯಲವಾಲಾ ದೆಶನಾ ಮನಕ್ಲೊನೆ ಸುರ್ಯಾನು ಉಜಾಲು ಪಡ್ಕು”

17 ತೆ ದಿನತೊ ಯೆಸು ಬೊದನೆ ಕರಾನು ಸುರು ಕರ್ಯೊ ಪರಲೊಕ ರಾಜ್ಯ ಜಲ್ದಿ ಆವಾನು ಶೆ, ತಿನಾಹುತಿ ತುಮೆ ಕ್ವದಾಕನ ತುಮಾರಾ ಮನಸೊ ಫರಾವೊ ವರಿ ತುಮಾರಿ ಪಾಪನಿ ಜಿವ್ವಾಬದ್ಲಿ ಕರಲಿವೊ” ಕೈನ ಯೆಸು ಬೊದನೆ ಕರ್ಯೊ

ಯೆಸು ಚಾರಜನಾ ಮಚ್ಚಿಯೊ ಧರಾಲಾವೊನೆ ಬಲಾಯಲ

(ಮಾರ್ಕ 1:16-20; ಲುಕ 5:1-11)

18 ಗಲಿಲಾಯಾನ ಸರೊವರಕನ ಯೆಸು ಜಾತಾಮಾ, ತೆಳಾಮಾ ಪೆತ್ರಕೈನ ಕೈಲಿವಾಲಾ ಸಿಮೊನ ವರಿ ತಿನೊ ಭೈ ಥಯಲ ಅಂದ್ರೆಯನೆ ದೆಕ್ಲೊ ತ್ಸುನೆ ತ್ಸುನಾ ಮಚ್ಚಿಯೊ ಧರಾನಾ ಬಲಿಯೊ ಸಿದಾ ಕರಾಡಾತಾ, ತ್ಸುನೆ ಭಂಬಿಜಾನಾ ಮಚ್ಚಿಯೊ ಧರಾಲಾ ವ್ಹತ್ತಾ.

19 ಯೆಸು ತ್ಯನೊನೆ ಆವೊ ಮಾರಾ ಪಾಚ್ಚಾ ಆವೊ, ಮಿ ತುಮೊನೆ ಮನಕ್ಟೊನೆ ಧರಾನಾ ಬೆಸ್ತರೊ ಕರುಸ” ಕೈನ ಕದಲ ಬರೊಬ್ಬರಜ

20 ತ್ಯನೆ ತ್ಯನಾ ಮಚ್ಚೆಯೊ ಧರಾನಾ ಬಲಿಯೊ ಛೊಡಿನ ತಿನಾ ಪಾಚ್ಚಾ ಗಯಾ.

21 ವರಿ ಯೆಸು ಆಗೊ ಭಾತಾಮಾ ಹಜ್ಜುನ ಬೆ ಭಾಯೊನೆ ದೆಕ್ಲೊ ತ್ಯನೆ ಕುನ್ನ ವ್ಹೊ ಕದ್ಯಾರೆ ಜೆಬೆದಾಯನೊ ದಿಕ್ಲೊ ಥಯಲ ಯಾಕೊಬ ವರಿ ತಿನೊ ನ್ಹಾನೊ ಬೈರಲ್ಯಲ ಯೊಹಾನ. ಆ ಭಂಬಿ ಜ್ಜನಾ ತಿನಾ ಬಾ ನಾ ಕ್ಹಾತೆ ಮಚ್ಚಿ ಧರಾನಿ ಬಲಿಯೊ ಸಿದಾ ಕರಾಡಾತಾ, ತೆ ತ್ಯನೊನೆಬಿ ಮಾರಾ ಪಾಚ್ಚಾ ಆವೊ ಕದ್ಯೊ.

22 ತೆಳಾಮಾಜ್ಜ ತ್ಯನೆ ತಿನಾ ಬಾನೆ ತ್ಯನೆ ರಲ್ಯಲ ಹಡ್ಗಾನೆ ಛೊಡಿನ ತಿನಾ ಪಾಚ್ಚಾ ಗಯಾ.

ಯೆಸುನು ಉಪದೆಶ ವರಿ ರೊಗ್ಮಾರಲ್ಯಲ ಮನಕ್ಟೊನೆ ಅರಾಮ ಕರಾನು
(ಲುಕ 6:17-19)

23 ತೆ ಥಯಲ್ವರ ಯೆಸು ಗಲಿಲಾಯ ಪುರಾ ಫರಿನ ತ್ಯಾ ರಲ್ಯಲ ಸಭಾ ಮಂದಿರಮಾ ಉಪದೆಶ ಕರತೊ ಪರಲೊಕ ರಾಜ್ಯನಿ ಸುವಾರ್ತಾ ಕತೊ ಮನಕ್ಟೊಮಾ ರಲ್ಯಲ ಹರಯಕ ರೊಗ , ತ್ರಾಸ ಅರಾಮ ಕರತೊ ಆಯೊ.

24 ತಿನಿ ಸುದ್ದಿ ಸಿರಿಯಾ ದೆಶಮಾ ಫೈಲಿ ಗಯಲಕ್ಹು ಮನಕ್ಟೊ ಅರಾಮ ನೈರಲ್ಯಲ ವಾಲಾವೊನೆ ಕದ್ಯಾರೆ ತರಾ ತರಾನಾ ರೊಗೊಮಾ ರಲ್ಯಲ ತ್ರಾಸ ಕ್ಹಾವಾವಾಲಾವೊನೆ ಬೆಹೊಶ ಡೈ ಜ್ಜಾವಾನಾವಾಲಾವೊನೆ ಪಾರ್ಶಿಮಾರಾಲವಾಲಾವೊನೆ ತಿಕನ ಲಾಯಾ. ತೆ ತ್ಯನೊನೆ ಅರಾಮ ಕರಲ್ಯೊ.

25 ವರಿ ಗಲಿಲಾಯ ದೆಕಪೊಲಿ ಯುದಾಯ ಕವಾನಾ ಗಾಮೊತಾ ವರಿ ಯೊರ್ದನ ನದಿಕನ ರಲ್ಯಲ ಆಜ್ಜು ಬಾಜುನಾ ಗಾಮೊನಾ ಮನಕ್ಟೊ ತಿನಾ ಪಾಚ್ಚಾ ಗುಂಪ ಗುಂಪ ಡೈನ ಗಯಾ.

5

ಡೊಂಗರ ಪರ ಕ್ಷುದಾನಿ ವಾತೊ

(ಲುಕ 6:20-23)

1 ಯೆಸು ತೆ ಮನಕ್ಕೊನು ಗುಂಪ ದೆಕಿನ ಡೊಂಗರ ಚಡಿನ ಬೈಟಲ್ವರ
ತಿನಾ ಶಿಷ್ಯಾ ತಿಕನ ಆಯಾ.

2 ತೆ ತ್ಯನೊನೆ ಉಪದೇಶ ಕರತೊ ಸು ಕದ್ಯೊ ಕದ್ಯಾರೆ -

3 ಆತ್ಮಾಮಾ ಗರಿಬ ರ್ವಯಲ ವಾಲಾ ಧನ್ಯ ವ್ಹೈ; ಪರಲೊಕ ರಾಜ್ಯ
ತ್ಯನು ವ್ಹೈ

4 ದುಕ್ಕ ಪಡಾಲಾ ಧನ್ಯ ವ್ಹೈ; ತ್ಯನೆ ಸಮಾಧಾನ ಹೊಂದಿಲಿವಸ.

5 ಶಾಂತ ರ್ವವಾಲಾ ಧನ್ಯ ವ್ಹೈ; ತ್ಯನೆ ಆ ಲೊಕಮಾ ಘನ್ನಾ ದಿನ್ನ
ರ್ವವಸ.

6 ನಿತಿನಾ ಹುತಿ ಭುಕ್ಕಾ ವರಿ ತರಕ್ಕಾ ರ್ವಯಲವಾಲಾ ಧನ್ಯ ವ್ಹೈ;
ತ್ಯನೊನೆ ತೃಪ್ತಿ ಧಾವಸ.

7 ಕರುಣಾ ಕುನ್ನ ದೆಕಾಡಸ ಧನ್ಯ ವ್ಹೈ; ತ್ಯನೊನೆ ಕರುಣಾ ಮಳಸ.

8 ನಿರ್ಮಲಚಿತ್ತ ರ್ವಯಲವಾಲಾ ಧನ್ಯ ವ್ಹೈ; ತ್ಯನೆ ಕ್ಷುದಾನೆ ದೆಕಸ.

9 ಸಮಾಧಾನ ಕರಾಲಾ ಧನ್ಯ ವ್ಹೈ; ತ್ಯನೆ ಕ್ಷುದಾನಾ ಬಚ್ಚಾ ವ್ಹೈ ಕೈನ
ಕವೈಲಿವಸ.

10 ನಿತಿನಾ ಹುತಿ ತ್ರಾಸ ಖಾವಾಲಾ ಧನ್ಯ ವ್ಹೈ; ಸ್ವರ್ಗಲೊಕ ರಾಜ್ಯ
ತ್ಯನು ವ್ಹೈ

11 ತುಮೆ ಮಾರಾ ಪಾಚಾ ಆವಾಕ್ಸು ಮನಕ್ಕೊತುಮೊನೆ ಕದ್ರಾಯಮ,
ತ್ರಾಸ ಕರ್ರಾಮ ವರಿ ತುಮಾರಾ ಉಪ್ಪರ ಕೆಟ್ಟ ವಿಶಯ ಸುಳ್ಳ ಫಾಲ್ಯಮ
ತುಮೆ ಧನ್ಯ ವ್ಹೈ

12 ಕ್ಷುಶಿ ಧಾವೊ, ಆನಂದಕ್ಕು ರ್ವವೊ. ಸ್ವರ್ಗಲೊಕಮಾ
ತುಮಾರಾಹುತಿ ಕೈದಲ ಹೆಚ್ಚಿ ಫಲ ತುಮೆ ವ್ಹಂದಿಲಿವೊಶಿ. ತುಮಾರಾತಿ
ಪೈಲಾ ಜಿವ್ತಾ ರ್ವಯಲ ಪ್ರವಾದಿಯೊನೆಬಿ ಮನಕ್ಕೊ ಇಮ್ಮಜ್ಜ ಕರ್ರಾ

ಮಿಟ್ಟು ವರಿ ಉಜಾಲು

(ಮಾರ್ಕ 9:50; ಲುಕ 14:34-35)

13 ತುಮೆ ಜಿಮಿನನೆ ಮಿಟ್ಟು ಥಯಾಸ. ತೆನ್ನೆಸೊ ಮಿಟ್ಟುಜ ತಿನು ಸ್ವಾದ ಭವೈಲಿದ್ಯಮ ತಿನೆ ವರಿ ಮಿಟ್ಟಾನು ಸ್ವಾದ ಕರಾನೆ ಥಾತು ನೈ; ತೆವಾ ಮಿಟ್ಟುಕ್ಕು ಸುಭ ಉಪಯೊಗ ನತ್ತಿ. ಮನಕ್ಕೊ ತಿನೆ ಭಾರಾ ನಾಕಿನ ತಿನಾ ಉಪ್ಪರ ಚಾಲಸ.

14 ತುಮೆ ದುನಿಯಾನೆ ಉಜಾಲು ಥಯಾಸ. ಡೊಂಗರಪರ ಭಾಂದಲ ಗಾಮ ನೈರುಕಾತು.

15 ಮನಕ್ಕೊ ದಿವ್ವಾನೆ ಹಂಡಾಮಾ ರುಾಕಿನ ನೈಮ್ಲಿಲ್ಲಾ. ಮನಕ್ಕೊ ದಿವ್ವಾನೆ ದಿವ್ವಾನಾ ಖಂಬಾಪರ ಮ್ಹೆಲಸ. ತೆಳಾಮಾ ಘರಮಾ ರ್ಲಯಲ ಕ್ಕಾರಾವೊನೆ ಉಜಾಲು ಪಡಸ.

16 ತಿನಾ ಲಿಂಗತ ತುಮೆ ಮನಕ್ಕೊನೆ ಉಜಾಲು ಥೈನ ರ್ಲಾ ಇಮ್ಮ ತ್ತುನೆ ತುಮಾರಾ ಚೊಕಾ ಕಾಮೊ ದೆಕಿನ ಸ್ವರ್ಗಮಾ ರ್ಲಯಲ ತುಮಾರಾ ಬಾನೆ ಸ್ತುತಿ ಕರಾದೆ.

ನಿಯೊಮೊನು ಉಪದೇಶ

17 ಮಿ ಮೊಶೆನು ಧರಮಶಾಸ್ತ್ರ ರ್ಲವಾದೆ ಪ್ರವಾದಿಯೊನಾ ಉಪದೇಶೊ ರ್ಲವಾದೆಕಾಡಿಪಡಾನೆ ಆಯೊಸ ಕೈನ ತಿಳ್ತಲಿವೊ ನಕೊ. ಮಿ ತೆ ಕ್ಕಾರಾವೊನೆ ನಾಶ ಕರಾನೆ ನೈತೆ ಕ್ಕಾರು ಪುರಾ ಕರಾನೆ ಅಯೊಸ.

18 ಮಿ ತುಮೊನೆ ಕ್ಕರಿಜ ಕೌಸ. ಸ್ವರ್ಗ ವರಿ ಜಿಮಿನ ನಾಶ ಥಾಯೆಲಕ್ಕಾ ಧರಮಶಾಸ್ತ್ರಮಾತು ಸುಭ ನುಚ್ಚಾತು ನೈ ಕ್ಕಾರು ಪುರಾ ಥಯೆಲಕ್ಕಾ ಧರಮ ಶಾಸ್ತ್ರಮಾನು ಯಕ್ಕ ಅಕ್ಷರ ರ್ಲವಾದೆ ತೆನ್ನೆಸೊ ತಿಮಾನಿ ಯಕ್ಕ ಚಿಕ್ಕಿ ರ್ಲವಾದೆ ನುಚ್ಚಾತು ನೈ.

19 ಮನಕ್ಕ ಹರಿ ಯಕ್ಕ ಆಗನ್ಯಾನೆ, ಕದ್ಯಾಮ ನ್ವಾನಾ ನ್ವಾನಾ ಆಗನ್ಯಾನೆ ವಿಧೆಯ ಥೈನ ರ್ಲಾ ಯಕ್ಕೊ ಕಯಾಬಿ ಆಗನ್ಯಾನೆ ವಿಧೆಯ ನೈಥೈನ ಜಿವ್ವಾ ಕರ್ತೊ ತೆ ಆಗನ್ಯಾನೆ ಬಿಜಾಬಿ ವಿಧೆಯ ಥೈನ ರ್ಲಾ ನೈ ಕೈನ ಬೊದನೆ ಕರ್ರೊಮ ತೆ ಸ್ವರ್ಗಲೊಕಮಾ ಘನ್ನೊ ನ್ವಾನೊ ವ್ಹೈ ಕೈನ ಕವೈಲಿವಸ. ತೆನ್ನೆಸೊ ದರಮ ಶಾಸ್ತ್ರನೆ ವಿಧೆಯ ಥೈನ ಜಿವ್ವಾ ಕರ್ತೊ ದರಮ ಶಾಸ್ತ್ರನೆ ವಿಧೆಯ ಥಾ ಕೈನ ಬಿಜಾವೊನೆ ಬೊದನೆ ಕರಾಲೊ ಪರಲೊಕ ರಾಜ್ಯಮಾ ಕ್ವಾಸ ಥೈನ ರ್ಲವಸ.

20 ಧರಮ ಉಪದೇಶ ಕರಾಲಾವೊತಿ ಫರಿಸಾಯರೊತಿಬಿ ತುಮೆ ಚೊಕು ರ್ಹಯಲ ಕರು. ನೈತೊ ತುಮೆ ಪರಲೊಕನಾ ರಾಜ್ಯನೆ ನೈಞಾತಾ.

ಶಿಟ್ಟನಾ ಹುತಿ ಕದಲ

21 ಕಿನೆಜ ಖಲಾಸ ಕರು ನೈ ಖಲಾಸ ಕರಾಲೊ ನ್ಯಾಯನಾ ಪೈಸ್ಲಾನೆ ಮ್ಹೈ ಧಾವಸ ಕೈನ ಘನ್ನಾ ಕಾಲ ಪಾಚಾ ಅಪ್ಪ ಮನಕ್ಹೊನೆ ಕದಲ ತುಮೆ ಐಕ್ಯಾಸ.

22 ತೆನೈಸೊ ಮಿ ತುಮೊನೆ ಕವಾನು ಸುವೈ ಕದ್ಯಾಮ ಕಿನಾಜ ಉಪ್ಪರ ಶಿಟ್ಟ ಧಾವೊ ನಕೊ. ಹರಯಕ್ಲೊ ತುಮಾರೊ ಭೈ ವ್ಹೈ ತುಮೆ ಬಿಜಾವೊಪರ ಶಿಟ್ಟ ಥಯಾಮ ನ್ಯಾಯನಾ ಪೈಸ್ಲಾನೆ ಗುರಿ ಥವೊಶಿ. ತುಮೆ ಕಿನೆಬಿ ಕೆಟ್ಟ ವಾತೊ ಬೊಲ್ಯಾಮ, ಯೆಹುದಿಯೊನಾ ನ್ಯಾಯ ಸಭಿಮಾ ವಿಚಾರಣೆನೆ ಗುರಿ ಧಾವೊಶಿ. ತುಮೆ ಕಿನೆತುಬಿ ಪಿಸಾಳೊ ಕೈನ ಬಲಾಯಾಮ, ಆಗನಿ ನರಕಮಾ ಮಳಾನಾ ಖತ್ರಾಮಾ ಛಿ.

23 ತಿನಾಹುತಿ ತುಮೆ ತುಮಾರಿ ಕಾಣಿಕೆ ಬಲಿನಾ ಕಟ್ಟಾನಾ ಕ್ಹಾಮಾ ಕ್ಹುದಾನೆ ಛಡಾತಾಮಾ, ತುಮಾರಾ ಭೈನೆ ತುಮಾರಾ ಉಪ್ಪರ ಸುಬಿ ಬೆಜ್ಜಾರ ಛಿ ಕೈನ ತುಮೊನೆ ಶೆಂ ಐಮ,

24 ತೆಳಾಮಾ ತುಮಾರಿ ಕಾಣಿಕೆನೆ ಬಲಿನಾ ಕಟ್ಟಾಕನ ಛೊಡಿನ ಜಾವೊ, ಪೈಲಾ ತಿನಾ ಕ್ಹಾತೆ ಸಮಾಧಾನ ಕರಿಲಿವೊ. ಪಾಚ್ಲತಾ ಐನ ತುಮಾರಿ ಕಾಣಿಕೆ ಛಡಾವೊ.

25 ತುಮಾರೊ ವಿರೊದಿ ತುಮೊನೆ ನ್ಯಾಯಲಯಮಾ ಜಗ್ಗಿಲಿನ ಜಾತಾಮಾ ಜಲ್ದಿಜ ತಿನಾ ಕ್ಹಾತೆ ಯಕ್ಕ ಧಾವೊ. ತುಮೆ ನ್ಯಾಯಾಲಯನೆ ಜಾವಾತಿ ಪೈಲಾ ಎ ಕರು. ತುಮೆ ತಿನಾ ಕ್ಹಾತೆ ಯಕ್ಕ ನೈ ಥಯಾರೆ, ತೆ ತುಮೊನೆ ನ್ಯಾಯಾದಿಪತಿನೆ ವಪ್ಪಿಸಾವಸ. ನ್ಯಾಯಾದಿಪತಿ ತುಮೊನೆ ಜೈಲಮಾ ಘಾಲಾನೆ ಕೈದಾಲಾನೆ ವಪ್ಪಾವಸ.

26 ತೆಳಾಮಾ ತುಮೆತುಮಾರಿ ಕ್ಹಾರಿ ಸಾಲಾ ಚುಕಾಯೆಲಕ್ಕಾ ಜೈಲಮಾತಾ ಭಾರಾ ಆತಾ ನೈಕೈನ ಮಿ ತುಮೊನೆ ಕೌಸ.

ವ್ಯಭಿಚಾರನಾ ಹುತಿ ಕದಲ

27 ವ್ಯಭಿಚಾರ ಕರೊ ನಕೊ ಕವಾನು ತುಮೆ ಕ್ವಾಲಿ ಐಕ್ಯಾಸ.

28 ತೆನ್ನೆಸೊ ಯಕ್ಲೊ ಮನಕ್ವ ಬಿಜಿ ಬಾಕ್ವಿನೆ ದೆಕಿನ ತಿನಾ ಕ್ವಾತಿ ಶರೀರ ಸಂಬಂದ ಮ್ಹೆಲಾನೆ ವಿಚಾರಕರೊಮ್, ತೆ ತೆಳಾಮಾಜ್ಜ ತಿನಾ ಮನಸಮಾ ತಿನಾ ಕ್ವಾತಿ ವ್ಯಭಿಚಾರ ಕರೊಮ್ ಕೈನ ಮಿ ತುಮೊನೆ ಕೌಸ.

29 ತಾರೊ ಸಿದಾ ಬಗಲನೊ ಡೊಳೊ ತುನೆ ಪಾಪಮಾ ಮ್ಹೆ ಕರಾನೆ ಕೊಶಿಶ ಕರೊಮ್, ತಿನೆ ಕಿತ್ತಿನ ನಾಕ. ತಾರು ಪುರಾ ಅಂಗ ನರಕಮಾ ಪಡಾತಿ ತಾರಾ ಅಂಗನು ಯಕ್ವ ಭಾಗ ಜವೈಲಿವಾನು ಘೊಕು ವ್ಹೆ.

30 ತಾರೊ ಸಿದಾ ಬಗಲನೊ ಹತ್ತ ತುನೆ ಪಾಪಮಾ ಮ್ಹೆ ಕರಾನೆ ಕೊಶಿಶ ಕರೊಮ್, ತಿನೆ ಕಾಟಿನ ನಾಕಿಪಡ.ತಾರು ಪುರಾ ಅಂಗ ನರಕಮಾ ಪಡಾತಿ ತಾರಾ ಅಂಗನು ಯಕ್ವ ಭಾಗ ಜವೈಲಿವಾನು ಘೊಕು ವ್ಹೆ.

31 ತಿನಿ ಬೈಕೊನೆ ಛೊಡಿ ಪಾಡು ಕವಾಲೊ, ತಿನೆ ತಲಾಕನು ಪತ್ರ ದಿವಾದೆ' ಕೈನ ಕದಲ ಛೆ.

32 ತೆನ್ನೆಸೊ ಮಿ ಕವಾನು ಸುವೈ ಕದ್ಯಾಮ್, ತಿನಿ ಬೈಕೊನೆ ಛೊಡಾಲೊಜ್ಜ ತೆ ವ್ಯಭಿಚಾರ ಕರಾನೆ ಕಾರಣ ಧಾವಸ. ಬೈಕೊ ಬಿಜಾ ಯಕ್ವ ದಾಣಗಾನಾ ಕ್ವಾತಿ ಅಂಗನು ಸಂಬಂದ ಮ್ಹೆಲ್ಲಿದಿಮ ಯಕ್ವಜ್ಜ ತಿನೆ ಮಾಟಿ ಛೊಡಸಕಸ. ತಲಾಕ ಥಯಲವಾಲಿನೆ ಹಿವಾ ಕರಿಲಿದಲವಾಲೊಬಿ ವ್ಯಭಿಚಾರ ಕರಲವಾಲೊ ಧಾವಸ.

33 ತುಮೆ ಫಾಲಲ ಕ್ವಮ್ಮ ದಾಟಿನ ಭಾವೊನಕೊ. ಪ್ರಭುನೆ ತುಮೆ ಕರಲ ಕ್ವಮ್ಮ ಪುರಾ ಕರುಜ್ಜ' ಕೈನ ಅಪ್ಪಾ ಪುರ್ವಕರೊನೆ ಕದಲ ತುಮೆ ಐಕ್ಯಾಸ.

34 ತೆನ್ನೆಸೊ ಮಿ ಸು ಕೌಸ ಕದ್ಯಾಮ್, ಕ್ವಮ್ಮ ಫಾಲೊಜ್ಜ ನಕೊ. ಸ್ವರ್ಗಪರ ಕ್ವಮ್ಮ ಫಾಲೊ ನಕೊ, ಕಾಕದ್ಯಾಮ್ ಸ್ವರ್ಗ ಕ್ವುದಾನಿ ಸಿಂಹಾಸನ ವ್ಹೆ.

35 ಜಿಮಿನಪರ ಕ್ವಮ್ಮ ಫಾಲೊ ನಕೊ. ಕಾಕದ್ಯಾಮ್ ಜಿಮಿನ ಕ್ವುದಾನಿ ಪಗ್ಗ ಮ್ಹೆಲಾನಿ ಜಗಾ ವ್ಹೆ ಯೆರುಸಲೆಮಪರಬಿ ಕ್ವಮ್ಮ ಫಾಲೊ ನಕೊ. ಕಾಕದ್ಯಾಮ್ ತೆ ಗಾಮ ತೆ ಮ್ಹೊಟಾ ರಾಜಾನು ಗಾಮ ವ್ಹೆ.

36 ತುಮಾರಾ ಮಾತಾಪರ ಕ್ಷಮ್ತು ಫಾಲೊ ನಕೊ. ತುಮಾರಾ ಮಾತಾನಾ ಬಾಲೊನು ಯಕ್ಕ ಬಾಲನೆ ಧೊಳು ವರಿ ಕಾಳೊ ಕರಾನೆ ತುಮೊಕ್ಕು ನೈ ಧಾತು.

37 ಹುಂ ಕದ್ಯಾಮ 'ಹುಂ' ಕವೊ. ನೈ ಕದ್ಯಾಮ 'ನೈ' ಕವೊ. ತುಮೆ ಇತ್ತಿ ಉಪ್ಪರ ಕವಾನು ಸೈತಾನಕ್ಕು ಆಯಲ ವ್ಹೊ.

38 ಡೊಳಾನೆ ಡೊಳೊ, ದಾತನೆ ದಾತ' ಕೈನ ಕದಲ ತುಮೆ ಐಕ್ಯಾಸ.

39 ತೆನೈಸೊ ಮಿ ತುಮೊನೆ ಕವಾನು ಸುವೈ ಕದ್ಯಾಮ, ಕೆಟ್ಟಿ ರ್ಲಯಲವಾಲಾನಾ ವಿರುದ್ಧ ಹುಬ್ಬುವೊ ನಕೊ. ಕಯೊಬಿ ತುಮಾರಾ ಸಿದಾ ಬಗಲನಾ ಗಾಲೆ ಮಾರ್ಯಾಮ, ತಿವ ವರಿಯಕ್ಕ ಗಾಲ ದಿವೊ.

40 ಕಯೊಬಿ ತುಮಾರಾ ಉಪ್ಪರಲ್ಯಾ ಅಂಗಡಾನಾಹುತಿ ನ್ಯಾಯಾಲಯನೆ ಜಗ್ಗಿಲಿನ ಜಾತೊ ರ್ಲಯಲಾಮ, ತುಮಾರು ಮ್ಹೊನು ಅಂಗಡುಬಿ ತಿನೆ ದಿಪಾಡೊ.

41 ಕಯೊ ಸೈನಿಕಬಿ ತಿನಾ ಕ್ಹಾತೆ ಯಕ್ಕ ಮೈಲ ದುರ ಆ ಕೈನ ಜಬರದಸ್ತಿಕರೊಮ್ಮ, ತಿನಾ ಕ್ಹಾತೆ ಬೆ ಮೈಲ ದುರ ಜಾವೊ.

42 ಕಯೊಬಿ ತುಮೊಕನ ರ್ಲಯಲ ಸುಬಿ ಪುಚ್ಚೊಮ, ತಿನೆ ದಿವೊ. ತುಮೊಕ್ಕು ಸಾಲಾ ಮಾಂಗಿಲಿವಾನೆ ಆಯಲವಾಲಾನೆ ದಿದ್ಯಾವಾಚಿ ರ್ಲವೊ ನಕೊ.

43 ತಾರಾ ದೊಸ್ತೊನೆ ಮಯಾ ಕರ ವರಿ ತಾರಾ ದುಶ್ಮನೊನೆ ದ್ವಿಶ ಕರ' ಕೈನ ಕದಲ ತುಮೆ ಐಕ್ಯಾಸ.

44 ತೆನೈಸೊ ಮಿ ತುಮೊನೆ ಕವಾನು ಸುವೈ ಕದ್ಯಾಮ, ತುಮಾರಾ ದುಶ್ಮನೊನೆ ಮಯಾ ಕರೊ. ತುಮೊನೆ ಕಟ್ಟಿ ಕರಾಲಾ ಮನಕ್ಕೊನಾಹುತಿ ಪ್ರಾಥನಾ ಕರೊ.

45 ತೆಳಾಮಾ ತುಮೆ ಸ್ವರ್ಗಮಾ ರ್ಲಯಲ ತುಮಾರಾ ಬಾನಾ ಕ್ಹರಿನಾ ಬಚ್ಚಾ ಧಾವೊಶಿ. ತುಮಾರೊ ಬಾ ಫೊಕಾವೊನಾಹುತಿಬಿ ವರಿ ಕೆಟ್ಟಿ ರ್ಲಯಲವಾಲಾವೊನಾಹುತಿಬಿ ಸುರ್ರಾನು ಉಜಾಲು ದಿವಸ ವರಿ ಪಾನಿ ಆವಾ ಲಗಾಡಸ.

46 ತುಮೊನೆ ಮಯಾ ಕರಾನಾ ಮನಕ್ಕೊನೆ ತುಮೆ ಮಯಾ ಕರ್ರಾಮ, ತಿನಾಕ್ಕು ತುಮೊನೆ ಸು ಫಲ ಮಳಸ? ಬುಭಾಡೊಲಿವಾಲಾ

ತಿಮ್ಮಜ ಕರಸ.

⁴⁷ ತುಮೆ ತುಮಾರಾ ದೊಸ್ತೊನೆ ಯಕ್ಕಜ ಘೊಕಾ ರ್ವಯಾಮ, ತುಮೆ ಬಿಜಾವೊತಿ ಘೊಕಾ ಸು ನ್ವವೈ ಕ್ವದಾ ನೈ ವಳಕ ಮನಕ್ಕೊಬಿ ತ್ಯನಾ ದೊಸ್ತೊನೆ ಘೊಕಾ ಧೈನ ರ್ವವಸ.

⁴⁸ ತಿನಾಹುತಿ ಸ್ವರ್ಗಮಾ ರ್ವಯಲ ತುಮಾರೊ ಬಾ ಪರಿಪುರ್ಣ ಧೈನ ರ್ವಯಲ ಲಿಂಗತ ತುಮೆಬಿ ಪರಿಪುರ್ಣ ಧೈನ ರ್ವ

6

ದಾನ ಧರ್ಮನಾ ಹುತಿ ಯೆಸುನು ಉಪದೇಶ

¹ ಹುಶಾರ ರ್ವವೊ ತುಮೆ ಘೊಕಾ ಕಾಮೊ ಮನಕ್ಕೊನಾ ಕ್ವಾಮಾ ಕರೊ ನಕೊ. ಮನಕ್ಕೊ ದೆಕು ಕೈನ ತುಮೆ ತೆಕ್ವಾರು ಕರ್ಯಾಮ ಸ್ವರ್ಗಮಾ ರ್ವಯಲ ತುಮಾರಾ ಬಾಕ್ವ ತುಮೊನೆ ಪ್ರತಿಫಲ ನೈ ಮಳ್ಳು.

² ತುಮೆ ಗರಿಬ ಮನಕ್ಕೊನೆ ಕರಾನು ದಾನನಾಹುತಿ ದೆಕಾಡಿನ ದಿವೊ ನಕೊ. ತುಮೆ ಕಪಟಿಯೊ ಲಿಂಗತ ಕರು ನೈ ತ್ಯನೆ ಕರಾನಾ ದಾನನೆ ಮನಕ್ಕೊನೆ ದೆಕಾಡಿನ ದಿವಾನಾಹುತಿ ಕಪಟಿಯೊ ಸಭಾ ಮಂದಿರೊಮಾ ವರಿ ಒಣಿಯೊಮಾ ಪಾಂಯೊ ವಙ್ಗಾಡಸ. ಮನಕ್ಕೊಕ್ವ ಮರ್ಯಾದಿ ಲಿವಾನುಜ ತ್ಯನು ಉದ್ದೇಶ ವ್ವೈ

³ ತಿನಾಹುತಿ ತುಮೆ ಗರಿಬೊನೆ ದೆತಾಮಾ ಘನ್ನಾ ದಡೈನ ದಿವೊ. ತುಮೆ ಕರಾನು ಕಿನೆಜ ಗ್ವತ್ತ ಧೌ ನೈ

⁴ ತುಮೆ ದಾನ ದಡೈನ ದ್ಯು ದಡೈನ ಕರಾನಾ ಕಾಮೊ ದೆಕಾಲೊ ತುಮಾರೊ ಬಾ ತುಮೊನೆ ಪ್ರತಿಧಫಲ ದಿವಸ.

ಪ್ರಾಥನಾನಾ ಹುತಿ ಉಪದೇಶ

⁵ ತುಮೆ ಪ್ರಾಥನಾ ಕರತಾಮಾ ಕಪಟಿಯೊ ಲಿಂಗತ ಪ್ರಾಥನಾ ಕರೊ ನಕೊ. ಕಪಟಿಯೊ ಸಭಾಮಂದಿರಮಾ ವರಿ ಒಣಿಯೊನಾ ಮುಲಾವೊಮಾ ಹುಬ್ರೈನ ಜೊರ ಪ್ರಾಥನಾ ಕರಾನು ಪಸಂದ ಕರಸ. ತ್ಯನೆ ಪ್ರಾಥನಾ ಕರಾನು ಮನಕ್ಕೊ ದೆಕು ಕೈನಜ ತ್ಯನಿ ಆಸ ವ್ವೈ ತ್ಯನೆ ತೆಳಾಮ ತಿನು ಪುರಾ ಪ್ರತಿಫಲ ಹೊಂದಿಲಿದ್ಯಾಸ ಕೈನ ಕ್ವರಿಮಾಙ್ಗ ಕೌಸ.

6 ತುಮೆ ಪ್ರಾಥನಾ ಕರು ಕದ್ಯಾಮ, ತುಮಾರಿ ಖೊಲಿಮಾ ಗೈನ ಬಾಕಲ ಜಾಕಿನ ತುಮೊನೆ ನೈ ದಿಕ್ಖಾಲಾ ಬಾನೆ ಪ್ರಾಥನಾ ಕರೊ. ದಡೈನ ಕರಾನಾ ಕಾಮೊ ದೆಕಾಲೊ ತುಮಾರೊ ಬಾ ತುಮೊನೆ ಪ್ರತಿಫಲ ದಿವಸ.

7 ತುಮೆ ಪ್ರಾಥನಾ ಕರತಾಮಾ ಕ್ಹುದಾನೆ ನೈ ತಿಳಿದಿಲಿದಲ ಮನಕ್ಖೊಲಿಂಗತ ಪ್ರಾಥನಾ ಕರೊ ನಕೊ. ತ್ಯುನೆ ಮತಲಬ ನೈ ರ್ಹಯಲ ಸಂಗತಿಯೊ ಕತಾಜ ರ್ಹವಸ ಅಮ್ಮ ಪ್ರಾಥನಾ ನಕೊ. ತ್ಯುನೆ ಘನ್ನಾ ವಿಶಯ ಕವಾಕ್ಹು ಕ್ಹುದಾ ತ್ಯುನಿ ಪ್ರಾಥನಾ ಐಕಸ ಕವಾನು ತ್ಯುನಿ ವಿಚಾರ ವ್ಹೈ

8 ತುಮೆ ತ್ಯುನಾ ಲಿಂಗತ ನೈ ಥಾವೊ ನಕೊ. ತುಮೆ ಮಾಂಗಾತಿ ಪೈಲಾಜ ತುಮೊನೆ ಸು-ಸು ಘಾಯೆ ಕವಾನು ತುಮಾರಾ ಬಾನೆ ಗ್ವತ್ತ ಛೆ.

9 ತಿನಾ ಹುತಿ ತುಮೆ ಇಮ್ಮ ಪ್ರಾಥನಾ ಕರೊ.

10 ಸ್ವರ್ಗಮಾ ರ್ಹಯಲ ಹಮಾರಾ ಬಾ, ತಾರು ನಾಮ ಪರಿಶುದ್ಧ ವ್ಹೈ ಕೈನ ಕವೈಲಿವಾದೆ ತಾರಿ ರಾಜ್ಯ ಆವಾದೆ ತಾರಿ ಚಿತ್ತ ಸ್ವರ್ಗಮಾ ಥಾಯೆ ಲಿಂಗತ ಭುಲೊಕಮಾ ಥಾವಾದೆ.

11 ಹಮಾರು ಹರ ದಿನ್ನನು ಅನ್ನ ಹಮ್ಮಾಜ ದೆ.

12 ಹಮೊನೆ ತಪ್ಪ ಕರೆಲವಾಲಾವೊನೆ ಹಮೆ ಮಾಫ ಕರೆ ಲಿಂಗತ ಹಮಾರ ತಪ್ಪೊ ಮಾಫ ಕರ.

13 ಹಮೊನೆ ಶೊದನೆಮಾ ಪಡೆತೆ ಕೆಟ್ಟಕ್ಹು ಹಮೊನೆ ವಚಾಡ.

14 ತುಮೆ ಮನಕ್ಖೊನಾ ತಪ್ಪೊ ಮಾಫ ಕರ್ಯಾಮ ಸ್ವರ್ಗಮಾ ರ್ಹವಾಲೊ ಬಾ ತುಮಾರಾ ತಪ್ಪೊ ಮಾಫ ಕರಸ.

15 ತೆನ್ನೈಸೊ ತುಮೆ ಮನಕ್ಖೊನಾ ತಪ್ಪೊ ಮಾಫ ನೈ ಕರ್ಯಾಮ ತುಮಾರೊ ಬಾ ಬಿ ತುಮಾರಾ ತಪ್ಪೊ ಮಾಫನೈ ಕರತೊ.

ಉಪಾಸನಾ ಹುತಿ ಉಪದೇಶ

16 ತುಮೆ ಉಪಾಸ ಕರತಾಮಾ ತುಮಾರಾ ಮ್ಹೊಡು ಉತಾರಿಲಿವೊ ನಕೊ. ಕಪಟಿಯೊ ತಿಮ್ಮಜ ಕರಸ. ತೆನ್ನೈಸೊ ತುಮೆ ಕಪಟಿಯೊ ಲಿಂಗತ ರ್ಹವೊ ನಕೊ. ತ್ಯುನೆ ಉಪಾಸ ಕರಾಡಾಸ ಕವಾನು ಮನಕ್ಖೊನೆ ದೆಕಾಡಾನಾ ಹುತಿ ತ್ಯುನಾ ಮ್ಹೊಡಾ ಉತಾರಿ ಲಿವಸ. ತೆ ಕಪಟಿಯೊ

ತ್ಯುನೊನೆ ಆವಾನು ಪ್ರತಿಫಲ ಪುರಾ ಹೊಂದಿಲಿದ್ಯಾಸ ಕೈನ ಮಿ ತುಮೊನೆ ಕ್ಷರಿ ಕವುಸ.

17 ತಿನಾಹುತ ತುಮೆ ಉಪಾಸ ಕರತಾಮಾ, ಮೊಡು ದ್ವೈಲಿವೊ; ಮಾತಾನೆ ತೆಲ ಲಗಾಡಿಲಿವೊ.

18 ತೆಳಾಮಾ ತುಮೆ ಉಪಾಸ ಕರಾಡಾಸ ಕವಾನು ಮನಕ್ಕೊನೆ ಗ್ವತ್ತ ಥಾತು ನೈ ತೆನ್ನೆಸೊ ತುಮೊನೆ ನೈ ದಿಕ್ವಾಲೊ ತುಮಾರೊ ಬಾ ತುಮೊನೆ ದೆಕಸ. ದಡೈನ ಕರಾನಾ ಕಾಮೊ ದೆಕಾಲೊ ತುಮಾರೊ ಬಾ ತುಮೊನೆ ಪ್ರತಿಫಲ ದಿವಸ.

ಸ್ವರ್ಗಮಾ ಆಸ್ತಿ

(ಲುಕ 12:33-34; 11:34-36; 16:13)

19 ತುಮಾರಾ ಹುತಿ ಎ ಜಿಮಿನಪರ ಆಸ್ತಿ ಕರಿಲಿವೊ ನಕೊ.ತೆ ಕ್ವಾರು ನುಶಿ ಲಾಗಿನ ಹಾಳ ಥಾವಸ. ಚ್ಚಟ್ಟಾ ತುಮಾರಾ ಘರಪರ ಡೊಳೊ ಮ್ಹಿಲಿನ ತುಮೊಕನ ರ್ವವಾನು ಕಾಳ್ಳೆವಸ.

20 ತಿನಾಹುತಿ ತುಮಾರಿ ಆಸ್ತಿ ಪರಲೊಕಮಾ ಕರಿವೊ. ತ್ಯಾತೆ ಕ್ವಾರಾನೆ ನುಶಿಯೊಬಿ ನೈಲಾಗತಾ ಜಂಗಬಿ ನೈಲಾಗತು. ಚ್ಚಟ್ಟಾ ಡೊಳೊ ಮ್ಹಿಲಿನ ಕಾಳ್ಳೆತಾಬಿ ನೈ.

21 ತುಮಾರಿ ಆಸ್ತಿ ಕಜಾ ರ್ವವಸ ತ್ಯಾಜ ತುಮಾರು ಮನಸ ರ್ವವಸ.

22 ಡೊಳೊ ಅಂಗನೆ ಉಜಾಲು ಥಯೊಸ. ತಾರೊ ಡೊಳೊ ಕರೆಟ್ಟ ರ್ವಯೊಮ, ತಾರು ಪುರಾ ಅಂಗ ಉಜಾಲಾಕ್ವುರ್ವವಸ.

23 ತೆನ್ನೆಸೊ ತಾರೊ ಡೊಳೊ ಕೆಟ್ಟ ರ್ವಯಲೊಮ, ತಾರು ಪುರಾ ಅಂಗ ಅಂದಾರಾಮಾ (ಪಾಪಮಾ) ಭರಲ ರ್ವವಸ. ತಾರಾಮಾ ರ್ಹಹವಾನು ಯಕ್ಕಜ ಉಜಾಲು ಕ್ವರಿಮಾಜ ಅಂದಾರು ಥಯುಮ, ತೆಳಾಮಾ ಮರಣನಾ ಅಂದಾರಾಮಾ ರ್ಹಹಶಿ.

24 ಕಯೊಬಿ ಬೆ ಮಾಲಕೊನೆ ಯಕ್ಕಜ ಟೈಮಮಾ ಸೆವಾ ನೈಕರಸಕ್ಕೊ. ತೆ ಯಕ್ಕ ಮಾಲಕನೆ ದ್ವೈಶ ಕರಿನ ವರಿ ಯಕ್ಲಾನೆ ಮಯಾ ಕರಸ ತೆನ್ನೆಸೊ ಯಕ್ಕ ಮಾಲಕನಾ ಪಾಚೊ ಗೈನ ವರಿ ಯಕ್ಲಾನೆ ಇನ್ನಾರಸ. ತಿನಾಹುತಿ ತು ಕ್ವುದಾನೆ ವರಿ ದೊಕ್ವಾನೆ ಯಕ್ಕಜ ಟೈಮಮಾ ಸೆವಾ ನೈಕರಸಕ್ಕೊ.

ಕುದ್ದಾನಿ ರಾಜ್ಯಪೈಲಾ ಸ್ಥಾನ

25 ತಿನಾಹುತಿ ತುಮಾರಾ ಜಲಮನೆ ಚಾಯೆ ಥಯಲ ಅನ್ನನಾ ಹುತಿ ರ್ವಾವಾದೆ ಅಂಗನೆ ಚಾಯೆ ಥಯಲ ವಣ್ಣಾನಾ ಹುತಿ ರ್ವಾವಾದೆ ತುಮೆ ಚಿಂತಾ ಕರು ನೈ ಜಲಮ ಅನ್ನತಿಬಿ ಅಂಗ ವಣ್ಣತಿಬಿ ಘನ್ನು ಖಾಸ ವ್ಹೈ ಕೈನ ಮಿ ತುಮೊನೆ ಕೌಸ.

26 ಪಕ್ಷಿಯೊಕನ್ನ ದೆಕೊ ತ್ಯುನೆ ಬಿತ್ತತಾ ನೈ ಕಾಟತಾ ನೈತೆತಿ ಕಣಜಮಾ ಜಮಾ ಕರಲೆತಾ ನೈ ತೆತಿ ಪರಲೊಕಮಾ ರ್ವಾವಾಲೊ ತುಮಾರೊ ಬಾ ತ್ಯುನೊನೆ ಅನ್ನ ದಿವಸ ತುಮೆ ತೆ ಪಕ್ಷಿಯೊತಿಬಿ ಘನ್ನಾ ಅಮುಲ್ಯ ವ್ಹೈ ಕವಾನು ತುಮೊನೆ ಗ್ವತ್ತ ಛಿ.

27 ತುಮೆ ಚಿಂತಾ ಕರಾಕ್ತುತುಮಾರಿ ಆಯಸ ಜಾಸ್ತ ಸು ನೈಥಾತಿ ನೈ

28 ವಣ್ಣಾವೊನಾ ಹುತಿ ಚಿಂತಾ ಕರಾನು ಕಾ ಖಿತರಮಾ ರ್ವಾವಾನಾ ಫುಲ್ಲೊನೆ ದೆಜೊ. ತ್ಯುನೆ ಬೆಳದಾನು ದೆಕೊ. ತ್ಯುನೆ ರಾಬತಾ ನೈ ತೆತಿ ತ್ಯುನಾ ಹುತಿ ವಣ್ಣಾಶಿಲೆತಾ ನೈ.

29 ತೆನೈಸೊ ಮಿ ತುಮೊನೆ ಕವಾನು ಸು ವ್ಹೈಕದ್ಯಾಮ, ಸೊಲೊಮೊನ ತಿನಿ ವೈಭವಕ್ತು ರ್ವತಾಮಾಬಿ ಎ ಫುಲ್ಲೊಮಾ ಯಕ್ಕನೆ ರ್ವವಾನಿ ಕ್ವುಬಸುರತ ರ್ವಯಲ ವಣ್ಣಾಘಾಲಿದ್ಯೊನೈ.

30 ವಾಟ್ಕಾರ್ವಯಲ ಚಾರಾನೆ ಕ್ವುದಾ ತಿಮ್ಮ ವರಾಡಸ. ಚಾರೊತಬಿ ಹಮ್ಮಾ ರ್ವೈನ ವಂತಾ ಆಗನಾ ಪಾಲೆ ತಾವಸ. ತಿನಾಹುತಿ ಕ್ವುದಾ ತುಮೊನೆ ಕೈಕ್ಕೊಕಿ ಜಾಸ್ತ ಪೆರಾಡಸ ಕವಾನು ತುಮೊನೆ ಗ್ವತ್ತ ಛಿ. ಕಮ್ಮ ವಿಶವಾಸ ರ್ವಯಲವಾಲಾವೊ ಲಿಂಗತ ಥಾವೊ ನಕೊ.

31 ಹಮೆ ಸು ಖೌ? ಸು ಪಿವು? ಸು ಪೆರಲ್ಯಾ? ಕೈನ ಚಿಂತಾ ಕರೊ ನಕೊ.

32 ಕ್ವುದಾನೆ ನೈತಿಳದಿಲಿದಲ ಕ್ವಾರಾ ಮನಕ್ಕೊ ಎ ಕ್ವಾರು ಪಡ್ಡಿಲಿವಾನೆ ಕೊಶಿಶ ಕರಸ. ಚಿಂತಾ ಕರೊ ನಕೊ, ಕಾ ಕದ್ಯಾಮ ಎ ಕ್ವಾರು ತುಮೊನೆ ಜರುರತ್ತ ಛಿ ಕೈನ ಪರಲೊಕಮಾ ರ್ವಹಲವಾಲಾ ತುಮಾರಾ ಬಾನೆ ಗ್ವತ್ತ ಛಿ.

33 ತಿನಾಹುತಿ ತುಮೆ ಕ್ವುದಾನಾ ರಾಜ್ಯನಾ ಹುತಿ ವರಿ ತಿನಿ ಚಿತ್ತನಾ

ಲಿಂಗತ ಕಾಮೊ ಕರಾನೆ ಘನ್ನಾ ಹರಬಡು. ತೆಳಾಮಾ ತುಮೊನೆ ಜರುರತ್ತ ರ್ವಯಲ ಕ್ಕಾರುಬಿ ದಿವಸ.

³⁴ ತಿಕ್ಕುನೆ ವಂತ್ತಾನಾ ಹುತಿ ಚಿಂತ್ತಾ ಕರೊ ನಕೊ. ಹರ ದಿನ್ನ ತಿನ್ನುಜ ರ್ವಯಲ ಕ್ಕಕ್ಕಾಕಿ ತ್ರಾಸೊ ಹೊಂದಲ ರ್ವವಸ. ವಂತ್ತಾಬಿ ತಿನ್ನುಜ ರ್ವಯಲ ಚಿಂತ್ತಾ ಹೊಂದಲ ರ್ವವಸ.

7

ಬಿಜಾವೊನೆ ಪೈಸೊ ಕರಾನು

(ಲುಕ 6:37-38,41-42)

¹ ಬಿಜಾವೊನೆ ಪೈಸಲೊ ಕರೊ ನಕೊ. ತೆಳಾಮ ಕ್ಕುದಾ ತುಮೊನೆ ಪೈಸಲೊ ನೈಕರತೊ.

² ತುಮೆ ಬಿಜಾವೊನೆ ಪೈಸಲೊ ಕರ್ಯಾಮ, ತಿನಾ ಲಿಂಗತಜ ಪೈಸಲೊ ಥಾವಸ. ತುಮೆ ಬಿಜಾವೊನೆ ಮಾಫ ಕರ್ಯಾಮ ತುಮೊನೆಬಿ ಮಾಫಿ ಮಳಸ.

³ ತಾರಾ ಕ್ಕುದನಾ ಡೊಳಾಮಾ ರ್ವವಾನಿ ಛಕ್ಕಿ ತು ದೆಕ್ಕಾ ಬಗರ ತಾರಾ ಬೈನಾ ಡೊಳಾಮಾ ರ್ವಯಲ ಬಾರಿಕ ಕಸಾ ಕಾ ದೆಕಶಿ?

⁴ ತಾರಾ ಡೊಳಾಮಾ ರ್ವಯಲ ಬಾರಿಕ ಕಸಾ ಮಿ ಭಾರೊ ಕಾಡುಸ ಕೈನ ತಾರಾ ಬೈನೆ ಕಾ ಕಶಿ? ಪೈಲಾ ತಾರೊ ಡೊಳೊ ದೆಕಿಲೆ! ತಾರಾ ಡೊಳಾಮಾ ಛಕ್ಕಿ ಹಜುನ ಛಿ.

⁵ ತು ಕಪಟಿ ವ್ವೈ ತಾರಾ ಡೊಳಾಮಾ ರ್ವವಾನಿ ಛಕ್ಕಿ ಭಾರೊ ಕಾಡ. ತೆಳಾಮಾ ತಾರಾ ಬೈನಾ ಡೊಳಾಮಾ ರ್ವವಾನಿ ಬಾರಿಕ ಕಸಾ ಕಾಡಾನೆ ತುನೆ ಚೊಕಿತಾ ದಿಕ್ಕಸ.

⁶ ಪರಿಶುದ್ಧ ರ್ವಯಲ ಚಿಜೊ ಕುತ್ರಾವೊನೆ ಫಾಲೊ ನಕೊ. ತ್ಕುನೆ ಫರಿನ ತುಮೊನೆ ಕಡ್ಡಸ. ಡುಕ್ಕುರೊನಾ ಕ್ಕಾಮಾ ತುಮಾರಾ ಮುತ್ತೊ ನಾಕೊ ನಕೊ. ತ್ಕುನೆ ಮುತ್ತೊನೆ ಮುಂದಿಪಡಸ.

ಮಾಂಗೊ, ಹುಡ್ಕೊ, ವಜಾಡೊ

(ಲುಕ 11:9-13)

7 ಮಾಂಗಿಲಿವೊ, ತೆಳಾಮಾ ತುಮೊನೆ ದಿವಸ. ಹುಡ್ಕೊ, ತೆಳಾಮಾ ತುಮೊನೆ ಮಳಸ. ಬಾಕಲ ವಜಾಡೊ, ತೆಳಾಮಾ ತೆ ತುಮಾರಾ ಹುತಿ ಕ್ಕುಲಸ.

8 ಹೊ, ಪುಚ್ಚತೊಜ ರ್ವಾಲೊ ಪಡ್ಡಿಲಿವಸ, ಹುಡಕ್ಕೊ ರ್ವಾಲಾನೆಜ ಮಳಸ, ವಜಾಡತೊ ರ್ವಾಲಾನೆಜ ಬಾಕಲ ಕ್ಕುಲಸ.

9 ತುಮಾರೊ ದಿಕ್ಲೊ ರೊಟ್ಟೊ ಪುಚ್ಚೊಮ ದಗ್ಗೊ ದಿವೊಶಿ ಸು?

10 ಮಚ್ಚಿ ಪುಚ್ಚಾಮ, ಕ್ಲಾಪ ದಿವೊಶಿ ಸು?

11 ತುಮೆ ಕ್ಕುದಾ ಲಿಂಗತ ಚೊಕಾತೊ ನವ್ವೊ ಕೆಟ್ಟ ರ್ವಯಲಾತೊಬಿ ತುಮಾರಾ ಬಚ್ಚಾವೊನೆ ಚೊಕಾಜ ಚಿಜೊ ದ್ಯು ಕೈನ ತುಮೊನೆ ಗ್ವತ್ತ ಛಿ. ಇಮ್ಮ ರ್ವತಾಮಾ ಪರಲೊಕನೊ ತುಮಾರೊ ಬಾ ಬಿ ತಿನೆ ಪುಚ್ಚಾಲಾವೊನೆ ಛೊಕಾ ಚಿಜೊ ಕ್ಕರಿಮಾಜ ದಿವಸ.

ನ್ವಾನು ಬಾಕಲ

12 ತುಮೊನೆ ಬಿಜಾ ಸು ಕರು ಕೈನ ತುಮೆ ಆಶಾ ಕರೊಶಿತೊ ತಿಜ ತುಮೆ ತ್ಯನೊನೆ ಕರೊ. ಎ ಮೊಶೆನು ಧರ್ಮಶಾಸ್ತ್ರನು ವರಿ ಪ್ರವಾದಿವೊನಾ ಬೊದನೆನು ಸಾರಾಂಶ ವ್ಹೊ.

ಝಾಡ ವರಿ ತಿನು ಫಲ್ಲ

(ಲುಕ 13:24)

13 ತ್ರಾಸನಾ (ಇಕ್ಕಟ್ಟನಾ) ಬಾಕಲಕ್ಕು ಪರಲೊಕ ರಾಜ್ಯಮಾ ಪ್ರವೆಶ ಕರೊ. ನರಕನೆ ಜಾವಾನಿ ವಾಟೆ ಮೊಟ್ಟಿ ವ್ಹೊ ಬಾಕಲ ಘನ್ನು ಮೊಟ್ಟು ಶೆ. ಘನ್ನಾ ಜನಾ ತೆ ಬಾಕಲಮಾ ಜಾವಸ.

14 ತೆನೈಸೊ ನಿತ್ಯಜಿವನೆ ರ್ವಯಲ ಬಾಕಲ ಘನ್ನು ನ್ವಾನು ಛಿ, ವಾಟೆ ಕಷ್ಟನಿ ಛಿ. ದಕ್ಕಾಜ್ಜ ಜನಾ ತೆ ವಾಟೆನೆ ಇನಿಲಿವಸ.

15 ಸುಳ್ಳ ಪ್ರವಾದಿಯೊನಾ ಹುತಿ ಹುಶಾರ ರಹೊ. ತ್ಯನೆ ಬಕಾವೊ ಲಿಂಗತ ದಿಕ್ವಿನ ತುಮೊಕನ ಆವಸ. ತೆನೈಸೊ ತೊಳೊ ಲಿಂಗತ ಕ್ಕರಿಮಾಜ ಕೆಟ್ಟ ರ್ವಯಲ ಲಿಂಗತಜ ಛಿ.

16 ತ್ಯನಾ ಕರಾನಾ ಕಾಮೊಕ್ಕು ತುಮೆ ತ್ಯನೊನೆ ತಿಳ್ವಿಲಿವೊಶಿ. ಕಾಟಾವೊನಾ ಝಾಡಮಾ ಕಿಮ ದ್ರಾಕ್ಷಿಯೊ ಮಳತಾ ನೈತಿನಾ ಲಿಂಗತ

ಚೋಕಾ ಕಾಮೊ ಕೆಟ್ಟ ಮನಕ್ಕೊಕ್ಕು ನೈ ಆತಾ. ಅಂಜುರೊ ಕಾಟಾವೊನಾ ರ್ಝಾಡಮಾ ನೈ ಮಳ್ತಾ.

17 ತಿನಾ ಲಿಂಗತ ಹರಿ ಯಕ್ಕ ಚೋಕು ರ್ಝಾಡ ಚೋಕು ಫಲ ದಿವಸ. ಕೆಟ್ಟ ರ್ಝಾಡ ಕೆಟ್ಟ ಫಲ ದಿವಸ.

18 ಚೋಕು ರ್ಝಾಡ ಕೆಟ್ಟ ಫಲ ದೆತು ನೈ ವರಿ ಕೆಟ್ಟ ರ್ಝಾಡ ಚೋಕು ಫಲ ದೆತು ನೈ

19 ಚೋಕು ಫಲ ನೈ ದಿವಾನಾ ರ್ಝಾಡನೆ ಕತ್ತಿನ ಆಗಮಾ ನಾಕಸ.

20 ಎ ಸುಳ್ಳ ಬೊಧಕರೊನೆ ತ್ಯುನೆ ದಿವಾನಾ ಫಲಕ್ಕುಜ (ಕಾಮೊಕ್ಕುಜ) ತುಮೆ ತಿಳದಿಲಿವೊಶಿ.

21 ಮಿ ಪ್ರಭುನೊ ವ್ಹೈ ಕೈನ ಕ್ವಾಲಿ ಕದಲಕ್ಕು ಮನಕ್ಕ ಪರಲೊಕ ರಾಜ್ಯನೆ ಪ್ರವೆಶ ಕರಾನು ಸಾದ್ಯ ನತ್ತಿ. ಪರಲೊಕಮಾ ರ್ಝಾಯಲ ಮಾರಾ ಬಾನಾ ಮನಸನೆ ಚೋಕು ಲಾಗಲಿಂಗತ ಕರಾಲಾಜಾ ಪರಲೊಕ ರಾಜ್ಯನೆ ಪ್ರವೆಶ ಕರ ಸಕಸ.

22 ಲಾಸ್ವನಾ ದಿನೊಮಾ ಘನ್ನಾ ಜನಾ ಮನೆ, ತುಜ್ಜ ಮಾರೊ ಪ್ರಭು ವ್ಹೈ! ತಾರಾ ವಿಶಯಮಾ ಹಮೆ ಬೊಧನೆ ಕರ್ಯಾಸ. ತಾರಾ ನಾಮನಾ ಮಿಲ ಭುತ್ವಾವೊನೆ ಛೊಡಾಯಾಸ ವರಿ ಘನ್ನಾ ಅದ್ಭುತ ಕಾಮೊ ಕರ್ಯಾಸ ಕೈನ ಕವಸ.

23 ತೆನ್ನೆಸೊ ಮಿ ತ್ಯುನೊನೆ, ಅಧರ್ಮಿಯೊ, ಮಕಂತಾ ಜಾವೊ. ತುಮೆ ಕುನ್ನ ವ್ಹೈ ಮನೆ ಗ್ವತ್ತ ನತ್ತಿ ಕೈನ ಚೋಕಿತರಾ ಕೈಪಡುಸ.

ಗ್ಯಾನ ವರಿ ಮುರ್ಕ

(ಲುಕ 6:47-49)

24 ಮಾರಾ ವಾತೊ ಐಕಿನ ತೆ ವಾತೊನೆ ವಿಧೆಯ ಧೈನ ರ್ಝಾಯಲ ಹರಯಕ್ಕೊ ತಿನಾ ಘರನೆ ದಗ್ಡಾಪರ ಭಾಂದವಾಲಾ ಶಾಣಾನೆ ಮಳ್ಳೊಸ.

25 ಚೋರ ರ್ಝಾಯಲ ಪಾನಿ ಐನ ಉಪ್ಪರ ಚಡಸ. ವಾರೊ ಛುಟಿನ ತೆ ಘರನೆ ಲಾಗಸ. ತೆನ್ನೆಸೊ ತೆ ಘರ ದಗ್ಡಾಪರ ಭಾಂದಲಕ್ಕು ತೆ ಪಡ್ಕು ನೈ.

26 ತೆನ್ನೆಸೊ ಮಾರಾ ವಾತೊ ಐಕಿನಬಿ ತಿನೆ ವಿದೆಯ ನೈ ಥಯಲವಾಲೊ ಬುದ್ಧಿ ತೆವಾಲೊ ಥಯೊಸ. ತೆ ಬುದ್ಧಿ ತೆವಾಲೊ ಉಸುಕಪರ ತಿನು ಘರ ಭಾಂದ್ಯೊ.

27 ಜೊರ ಪಾನಿ ಐನ ಉಪ್ಪರ ಚಡಸ. ವಾರೊ ಛುಟಿನ ತೆ ಘರನೆ ಲಾಗಸ. ತೆಳಾಮಾ ತೆ ಘರ ಪಡಿಗಯು.

28 ಯೆಸು ಎ ವಾತೊ ಕದಲ್ಪರ ಎ ಸಂಗತಿಯೊನೆ ಐಕಿನ ಮನಕ್ಲೊ ಘನ್ನಾ ಘಾಬ್ರಾ ಥಯಾ.

29 ಕಾ ಕದ್ಯಾಮ, ತೆ ಧರ್ಮೊಪದೆಶಕರೊ ಲಿಂಗತ ಉಪದೆಶ ಕರ್ರ್ಯಾವಾಚಿ ಅಧಿಕಾರ ರ್ಹಯಲೆಲವಾಲಾ ಲಿಂಗತ ಉಪದೆಶ ಕರ್ರ್ಯೊ.

8

ಕುಷ್ಠ ರೊಗ ರ್ಹಯಲವಾಲೊ ಅರಾಮ ಥಯಲ

(ಮಾರ್ಕ 1:40-45; 5:12-16)

1 ಯೆಸು ಡೊಂಗರಪರತೊ ಉತ್ರನ ಹೆಟೊ ಆಯೊ. ಮನಕ್ಲೊ ಗುಂಪ-ಗುಂಪ ಥೈನ ಯೆಸುನಾ ಪಾಚಾ ಆಯಾ.

2 ತೆಳಾಮಾ ಯಕ್ಕ ಕುಷ್ಠ ರೊಗಿ ಯೆಸುಕನ ಆಯೊ. ತೆ ಯೆಸುನಾ ಅಗೊ ಅಡ್ಡ ಪಡಿನ, ಪ್ರಭು, ತು ಮನಸ ಕರ್ರ್ಯೊಮ ಮನೆ ಅರಾಮ ಕರಶಿ" ಕದ್ಯೊ.

3 ಯೆಸು ತಿನೆ ಮುಟ್ಟಿನ, ತುನೆ ಅರಾಮ ಕರಾನೆ ಮನೆ ಮನಸ ಛಿ, ಅರಾಮ ಥಾ" ಕದ್ಯೊ. ತೆಳಾಮಾಚಿ ತಿನೆ ರ್ಹಯಲ ಕುಷ್ಠ ರೊಗ ಗೈನ ಅರಾಮ ಥಯೊ.

4 ಯೆಸು ತಿನೆ, ಎ ಕಿಮ್ಮಥಯು ಕೈನ ಕಿನೆ ಕೌ ನಕೊ. ಹಮ್ಮಾ ತು ಗೈನ ಯಾಜಕನೆ ತಾರು ಅಂಗ ದೆಕಾಡ. ಅರಾಮ ಥಯಲವಾಲಾ ಮೊಶೆನಿ ಆಗನ್ಯಾ ಲಿಂಗತ ದಿವಾನಿ ಕಾಣಿಕ ದೆ. ತು ಅರಾಮ ಥಯಲನೆ ತೆ ಸಾಕ್ಷಿ ಥೈನ ರ್ಹವಾದೆ" ಕೈನ ಕದ್ಯೊ.

ಅಧಿಕಾರಿನಾ ಆಳನೆ ಅರಾಮ ಕರಲ
(ಲುಕ 7:1-10; ಯೊಹಾನ 4:43-54)

5 ಯೆಸು ಕಪೆನೌರ್ಮ ಕವಾನಾ ಗಾಮೆ ಗಯೊ. ತೆ ಗಾಮಮಾ ಗಯಲ ಬರೊಬ್ಬರ ಸೈನ್ಯನೊ ಅಧಿಕಾರಿ ಯಕ್ಲೊ ಐನ,

6 ಪ್ರಭು, ಮಾರಾ ಆಳನೆ ತೌ ಐನ ವಚ್ಚಾನಾಪರ ಪಡ್ಲೊಸ. ತೆ ಘನ್ನಾ ದುಖಕ್ಕು ನೆಳ್ಳಾಡೊಸ” ಕೈನ ಮದತ ಮಾಂಗಿಲಿದ್ಲೊ.

7 ಯೆಸು ತೆ ಅಧಿಕಾರಿನೆ, ಮಿ ಐನ ತಿನೆ ಅರಾಮ ಕರುಸ” ಕೈನ ಕದ್ಲೊ.

8 ತಿಕ್ಕುನೆ ತೆ ಅಧಿಕಾರಿ, ಪ್ರಭು, ತು ಮಾರ ಘರೆ ಆವಾ ಅಕ್ಲಿ ಬಿ ಯೊಗ್ಯತೆಬಿ ಮನೆ ನತ್ತಿ. ತಿನೆ ಅರಾಮ ಥಾವಾದೆ ಕೈನ ತು ಆಗನ್ಯಾಪಿಶ್ಚೊಮ ಬಸ, ತಿನೆ ಅರಾಮ ಥಾವಸ.

9 ಮಿ ಬಿ ಬಿಜಾ ಅಧಿಕಾರಿಯೊನಾ ಹತ್ಯಾವ್ಲತ್ತೊ. ಮಾರಾ ಅಧಿನಮಾ ಸಿಪಾಯಿಯೊ ಲೆ. ಮಿ ಯಕ್ಲ ಸಿಪಾಯಿನೆ ‘ಜಾ’ ಕದ್ಲೊ ಕದ್ಯಾಮ ತೆ ಜಾವಸ; ಬಿಜೆಕ್ಲಾನೆ ‘ಆ’ ಕದ್ಲೊ ಕದ್ಯಾಮ ತೆ ಆವಸ. ಮಿ ಮಾರಾ ಸೆವಕನೆ, ‘ಆಂ ಕರ’ ಕದ್ಲೊ ಕದ್ಯಾಮ ತೆ ವಿದೆಯತೆಕ್ಕು ಕರಸ. ತುನೆಬಿ ಎಜ ತರಾನು ಅಧಿಕಾರ ಶೆ ಕೈನ ಕವಾನು ಮನೆ ಗ್ವತ್ತ ಲೆ” ಕೈನ ಕದ್ಲೊ.

10 ಎ ಐಕಿನ ಯೆಸು ಘಾಬ್ರೊ ಥಯೊ. ಯೆಸು ತಿನಾ ಕ್ವಾತೆ ರ್ಡ್ಡಯಲವಾಲಾವೊನೆ, ಮಿ ಇಸ್ರಾಯೆಲಮಾ ಬಿ ಅಕ್ಲಾ ಬರ್‌xಹೊಕಾನಾ ಮನಕ್ವನೆ ದೆಕ್ಲೊ ನೈ ಕೈನ ತುಮೊನೆ ಕ್ವರಿಮಾಜು ಕೌಸ” ಕದ್ಲೊ.

11 ಘನ್ನಾ ಮನಕ್ಲೊ ಪುರ್ವ ವರಿ ಪಶ್ಚಿಮ ದಿಕ್ಲೊತಾ ಆವಸ. ತ್ಯುನೆ ಪರಲೊಕ ರಾಜ್ಯಮಾ ಅಬ್ರಹಾಮ, ಇಸಾಕ, ಯಾಕೊಬ ಇವ್ವಾ ಕ್ವಾತೆ ಬೈಟಿನ ಖಾವಸ.

12 ತೆನೈಸೊ ಪರಲೊಕ ರಾಜ್ಯ ನೈ ಹೊಂದಲವಾಲಾವೊನೆ ಭಾರಾ ಅಂದಾರಾಮಾ ಭಿರಕ್ಲೆ ಪಡಸ. ತ್ಯಾ ತ್ಯುನೆ ಗೊಳಾಡಸ ವರಿ ದುಖಕ್ಕು ದಾತೊ ಖಾವಸ” ಕದ್ಲೊ.

13 ಪಾಚಲ್ಲೊ ಯೆಸು ತೆ ಅಧಿಕಾರಿನೆ, ದಿಕ್ರಾ ಜಾ ತು ನಂಬಲಿಂಗತಜ್ಜ ತಾರಾ ಸೆವಕನೆ ಅರಾಮ ಥಾವಸ” ಕದ್ಲೊ. ತೆಜ ಟೈಮಮಾ ತಿನಾ ಸೆವಕನೆ ಅರಾಮ ಥಯು.

ಘನ್ನಾ ಮನಕ್ಲೊನೆ ಅರಾಮ ಕರಲ
(ಮಾರ್ಕ 1:29-34; ಲುಕ 4:38-41)

14 ಯೆಸು ಪೆತ್ರಾನಾ ಘರೆ ಗಯೊ. ತ್ಯಾ ಪೆತ್ರಾನಿ ಪ್ಲೆ ಘನ್ನಾ ತೌಕ್ತು ವಚ್ಚಾನಾಪರ ಕ್ಹರಯಲ ಯೆಸು ದೆಕ್ಕೊ.

15 ಯೆಸು ತಿನೊ ಹತ್ತ ಮುಟ್ಟೆಲ ಬರೊಬರ ತೌ ತಿನೆ ಛೊಡಿನ ಗೈ ಪಡ್ಲೊ ತೆಳಾಮಾ ತೆ ಉಟಿನ, ತಿನಿ ಸೆವಾ ಕರಿ.

16 ತೆ ದಿನ್ನೆ ಕ್ಹಾಂಜೆ ಮನಕ್ಲೊ ಕೆಟ್ಟ ಆತ್ಮಾ ಧರೆಲವಾಲಾ ಘನ್ನಾ ಜನಾ ಯೆಸುಕನ ಬಲೈಲಿನ ಆಯಾ. ಯೆಸು ಖಾಲಿ ವಾತೊಕ್ತು ಕೆಟ್ಟ ಆತ್ಮಾವೊನೆ ತ್ಯುನಾಮಾತೊ ನ್ಹಟಾಡ್ಲೊ; ರೊಗೊಮಾ ರ್ಹಯಲ ಕ್ಹಾರಾ ಮನಕೊನೆ ಅರಾಮ ಕರ್ರೊ.

17 ತೆ ಅಪ್ಪಾ ತ್ಯಾಸೊ ಕ್ಹಾದ್ಲೊ, ಅಪ್ಪಾ ರೊಗೊ ಉಚ್ಚೆಲಿದ್ಲೊ (ಯೆಶಾಯ 53:4) ಕೈನ ಯೆಶಾಯ ಕವಾಲಾ ಪ್ರವಾದಿಕ್ತು ಕದಲ ವಾತ ಪುರಾ ಧೈ.

ಯೆಸುನಾ ಪಾಚಾ ಆವಾಲಾ
(ಲುಕ 9:57-62)

18 ಯೆಸು ತಿನಾ ಸುತ್ತಿ ರ್ಹಯಲ ಕ್ಹಾರಾ ಮನಕ್ಲೊನೆ ದೆಕಿನ ತಿನಾ ಶಿಷ್ಯಾವೊನೆ ಸಮುಂದರನಾ ಬಿಜಿ ದಂಡಿ ಬಗಲ ಜಾವಾನೆ ಕದ್ಲೊ.

19 ತೆಳಾಮಾ ಧರ್ಮವುಪದೇಶ ಕರಾಲೊ ಯೆಸುಕನ ಐನ, ಗುರು, ತು ಕಯಾ ಜಗಾಬಿ ಗಯೊಮ ಮಿ ತಾರಾ ಪಾಚೊ ಔಸ" ಕದ್ಲೊ.

20 ಯೆಸು ತಿನೆ, ನರಿಯೊನೆ ಗುಹೆ ಛಿ, ಪಕ್ಷಿಯೊನೆ ಗುಡೊ ಛಿ. ತೆನ್ನೆಸೊ ಮನಕ್ಲನಾ ದಿಕ್ತಾನೆ ಮಾತು ಮ್ಹೆಲಾಯಕ್ಲಿ ಜಗಾ ನತ್ತಿ" ಕದ್ಲೊ.

21 ಶಿಷ್ಯಾವೊನಾ ಯಕ್ಲೊ ಯೆಸುನೆ, ಮಿ ಪೈಲಾ ಗೈನ ಮಾರಾ ಬಾನು ತನ್ನದಿನ್ನು ಕರಿನ ಆವಾನೆ ಮನೆ ಅಪ್ಪಣೆ ದೆ. ಪಾಚಲ್ಲೊ ಮಿ ತಾರಾ ಪಾಚೊ ಔಸ" ಕದ್ಲೊ.

22 ತೆನ್ನೆಸೊ ಯೆಸು ತಿನೆ, ಮರಲವಾಲಾಜ ತ್ಯುನಾ ತ್ಯುನಾಮಾ ಮರಲವಾಲಾವೊನು ತನ್ನದಿನ್ನು ಕರಿಲಿವಾದೆ. ಮಾರಾ ಪಾಚೊ ಆ" ಕೈನ ಕದ್ಲೊ.

ತುಫಾನನೆ ಶಾಂತ ಕರಲ
(ಮಾರ್ಕ 4:35-41; ಲುಕ 8:22-25)

23 ಯೆಸು ಹಡ್ಗಾಮಾ ಗಯೊ ತಿನಾ ಶಿಷ್ಯಾಬಿ ತಿನಾ ಕ್ವಾತೆ ಗಯಾ.

24 ಹಡ್ಗೊ ದಂಡಿ ಛೊಡಲ್ಪರ ಮ್ಹೊಟೊ ವಾರಾನು ತುಫಾನ ಸಮುದ್ರಪರ ಐಯು. ತೆನ್ನೆಸೊ ಯೆಸು ಹಡ್ಗಾಮಾ ಕ್ವರಾಯೊತೊ.

25 ಯೆಸುನಾ ಶಿಷ್ಯಾ ತಿಕನ ಗೈನ ತಿನೆ ಉಟಾಡಿನ, ಪ್ರಭು, ಹಮೊನೆ ವಚಾಡ! ಹಮೆ ಡುಬಾಡಸ!” ಕೈನ ಕದ್ಯಾ.

26 ಯೆಸು, ತುಮೆ ಭುಚಕಾನು ಶ್ಯಾನೆ? ತುಮೊಮಾ ನಕ್ಕರಬಿ ಬರೊಕ್ಕೊ ನತ್ತಿ” ಕೈನ ಉತ್ತರ ದಿನ ಉಟಿನ ಹುಬ್ರೈನ ತೆ ತುಫಾನನೆ ಅಗನ್ಯಾದಿದ್ಯೊ ತೆಳಾಮಾಜ ತೆ ತುಫಾನ ಹುಬ್ರೈಗಯು. ಸಮಂದರ ಶಾಂತ ಥಯು.

27 ತ್ಯುನೆ ಕ್ವಾರಾ ಘಾಬ್ರಾ ಥಯಾ. ಎ ಕ್ಯವೊ ಮನಕ್ವವ್ವೆ? ಬಿರುಗಾಳಿ ವರಿ ಪಾನಿ ಇನೆ ವಿಧೆಯ ಧಾವಸ್ತೊ” ಕೈನ ಬೊಲಿಲಿದ್ಯಾ.

ಬೆ ಜನಾವೊಮಾತಿ ಕೆಟ್ಟ ಆತ್ಮಾ ಛೊಡಾಯಲ

(ಮಾರ್ಕ 5:1-20; ಲುಕ 8:26-39)

28 ಯೆಸು ಸಮಂದರನಾ ಬಿಜೆಕ ದಂಡಿಕ ರ್ವಯಲ ಗದರೆನೆ ಕವಾನಾ ಗಾಮೆ ಆಯೊ.ತ್ಯಾ ಕೆಟ್ಟ ಆತ್ಮಾ ಧರಲ ಬೆಜನಾ ಯೆಸುಕನ ಆಯಾ. ತ್ಯುನೆ ಮಜಾರೊನಾ ಗವಿಯೊನಾ ವ್ಹತ್ತಾ ವರಿ ಘನ್ನಾ ಖತರನಾಕ ವ್ಹತ್ತಾ. ತಿನಾಹತಿ ಮನಕ್ವೊತ್ಯುನಿ ವಾಟಕನ ಜಾತಾ ನ್ಹೊತಾ.

29 ತ್ಯುನೆ ಭಂಬಿಜನಾ ಯೆಸುಕನ ಐನ. ತು ಹಮೊನೆ ಸು ಕರು ಕೈನ ವಿಚಾರ ಕರ್ರೊಸ? ಕ್ವದಾನಾ ದಿಕ್ರಾ, ಟೈಮ ಆವಾತಿ ಪೈಲಾ ಹಮೊನೆ ಶಿಕ್ಷಾ ದಿವಾನೆ ಆಯೊ ಸು?” ಕೈನ ಜೊರ ಅಡ್ಡಿನ ಕದ್ಯಾ.

30 ತೆ ಜಗಾಕನ ಡುಕ್ಕುರೊನು ಮ್ಹೊಟ್ಟು ಗುಂಪ ಚರಾಡುತು.

31 ತೆ ಕೆಟ್ಟ ಆತ್ಮಾವೊ, ಹಮೆ ಎ ಭಂಬಿಜನಾವೊನೆ ಛೊಡಿನ ಜಾವಾವಕ್ವು ತು ಕರಾನೊ ರ್ವಯೊಮ, ದಯಾ ಕರಿನ ಹಮೊನೆ ತೆ ಡುಕ್ಕುರೊಮಾ ವಳಾ” ಕೈನ ಮಾಂಗಿಲಿದ್ಯಾ.

32 ಯೆಸು ತ್ಯುನೊನೆ, ಜಾವೊ” ಕದ್ಯೊ ತೆಳಾಮಾ ತೆ ಕೆಟ್ಟ ಆತ್ಮಾವೊ ತೆ ಭಂಬಿ ಜನಾವೊನೆ ಛೊಡಿನ ಡುಕ್ಕುರೊಮಾ ಗಯಾ. ತೆಳಾಮಾಜ

ಕ್ಹಾರಾ ಡುಕ್ಕುರೊ ಡೊಂಗರನಾ ಹೆಟಾ ನ್ಹಾಟಿನ ಸಮುಂದರಮಾ ಪಡಿನ ಪಾನಿಮಾ ಡುಬಿ ಗಯಾ.

³³ ತೆಳಾಮ ಡುಕ್ಕುರೊ ಚರಾವಾಲಾ ಗಾಮಮಾ ನ್ಹಾಟಿನ ಗೈನ ಡುಕ್ಕುರೊನೆ ಬಿ ಕೆಟ್ಟ ಆತ್ಮಾವೊ ಧರಲವಾಲೊನೆಬಿ ಥಯಲ ಮನಕ್ಲೊನೆ ಕದ್ಯಾ

³⁴ ತೆಳಾಮ ತೆ ಗಾಮನಾ ಕ್ಹಾರಾ ಮನಕ್ಲೊ ಯೆಸುನೆ ದೆಕಾನೆ ಗೈನ, ತ್ಯುನಿ ಜಗಾ ಛೊಡಿನ ಜಾ ಕೈನ ತಿನೆ ಮಾಂಗಿಲಿದ್ಯಾ

9

ಲಕ್ಲೊ ಮಾರಲವಾಲಾನೆ ಅರಾಮ ಕರಲ

(ಮಾರ್ಕ 2:1-12; 5:17-26)

¹ ಯೆಸು ಹಡ್ಲೊ ಚಡಿನ ಸಮುಂದರ ದಾಟಿನ ತಿನಾ ಸ್ವಂತ ಗಾಮೆ ಗಯೊ.

² ತೆಳಾಮಾ ದಕ್ಹಾ ಜನಾ ಯಕ್ಕ ಲಕ್ಲೊ ಮಾರಲ ರೊಗಿನೆ ಯೆಸು ಕನ ಲಾಯಾ ತೆ ತಿನಾ ವಚ್ಚಾನಾಪರ ಕ್ಕುರಯೊತೊ. ಯೆಸು ಎ ಮನಕ್ಲೊಮಾ ರ್ಹಯಲ ಮೊಟ್ಟೊ ಭರೊಕ್ಲೊ ದೆಕಿನ ಲಕ್ಲೊ ಮಾರ ರೊಗಿನೆ, ಎ ಜಾಂಜಿಮಾನ ಪಟ್ಟಾ, ಕ್ಹುಶಿ ಥಾ. ತಾರಾ ಪಾಪೊ ಮಾಫ ಥಯಾಸ” ಕೈನ ಕದ್ಯೊ

³ ತ್ಯಾರ್ಹಯಲ ಧರಮ ಉಪದೇಶಕೊ ತೆ ಐಕಿನ, ಎ ಕ್ಹುದಾನಿ ದುಶಣೆ ವ್ಹೊ” ಐನ ತ್ಯುನೊಮಾಜ ಕೈಲಿದ್ಯಾ

⁴ ತ್ಯುನೆ ಇಮ್ಮ ವಿಚಾರ ಕರಾನು ಯೆಸುನೆ ಗ್ವತ್ತ ಥಯುತು. ತೆ ತ್ಯುನೊನೆ, ತುಮೆ ಕಾ ಕೆಟ್ಟ ವಿಚಾರ ಕರಾಡಾಸ?

⁵ ಕಯು ಆಸಾನ ವ್ಹೊ? ಎ ಲಕ್ಲೊ ಮಾರಲ ರೊಗಿನೆ, ‘ತಾರಾ ಪಾಪೊ ಮಾಫ ಥಯಾಸ’ ಕೈನ ಕವಾನು ಸು ತೆನ್ನೆಸೊ ‘ಉಪ್ಪರ ಉಟ್ಟ ಚಾಲ’ ಕೈನ ಕವಾನು ಸು?

⁶ ತೆನ್ನೆಸೊ ಮನಕ್ಲನಾ ದಿಕ್ತಾನೆ ಪಾಪ ಮಾಫ ಕರಾನೆ ಭುಲೊಕಮಾ ಅದಿಕಾರ ಛಿ ಕವಾನು ಮಿ ತುಮೊನೆ ಗ್ವತ್ತ ರ್ಹಾ” ಕದ್ಯೊ ಪಾಚಲ್ತೊ

ಯೆಸು ಲಕ್ಕೊ ಮಾರಲ ರೊಗಿನೆ, ಉಟ್ಟ, ತಾರು ವಚ್ಚಾನೊ ಲಿನ ಘರೆ ಜಾ” ಕದ್ಲೊ.

⁷ ತೆಳಾಮಾ ತೆ ಉಟಿನ ಘರೆ ಗಯೊ.

⁸ ಮನಕ್ಲೊ ಎ ದೆಕಿನ ಘಾಬ್ರಾ ತಿಬ್ರ ಥಯಾ. ಮನಕ್ಲೊನೆ ಹೈ ಅದಿಕಾರ ದಿದಲಕ್ಕು ಮನಕ್ಲೊ ಕ್ಕುದಾನೆ ಸ್ತುತಿ ಕರ್ಯಾ.

**ಭು ಭಾಡೊ ಲಿವಾಲಾನೆ ಬಲಾಯಲ
(ಮಾರ್ಕ 2:13-17; ಲುಕ 5:27-32)**

⁹ ಯೆಸು ಜಾತಾಮಾ, ಮತ್ತಾಯ ಕವಾಲಾ ಮನಕ್ಲೆನೆ ದೆಕ್ಕೊ, ಮತ್ತಾಯ ಭು ಭಾಡೊ ಲಿವಾನಾ ಕಟ್ಟಾಪರ ಬೆಟ್ಟೊತೊ. ಯೆಸು ತಿನೆ, ಮಾರಾ ಪಾಚೊ ಆ” ಕದ್ಲೊ ತೆಳಾಮಾ ಮತ್ತಾಯ ಉಟಿನ ಯೆಸುನಾ ಪಾಚೊ ಗಯೊ.

¹⁰ ಯೆಸು ಮತ್ತಾಯನಾ ಘರಮಾ ಗೈನ ಖಾವಾನೆ ಬೈಟ್ಲೊ ಘನ್ನಾ ಮನಕ್ಲೊ ಭು ಭಾಡೊ ಲಿವಾಲಾ ವರಿ ಕೆಟ್ಟ ಮನಕ್ಲೊಬಿ ಯೆಸುನಾ ಕ್ಹಾತೆ ವರಿ ತಿನಾ ಶಿಷ್ಯಾವೊನಾ ಕ್ಹಾತೆ ಖಾವಾನೆ ಬೈಟ್ಲಾ.

¹¹ ಎ ದೆಕಿನ ಪರಿಸಾಯರೊ ಯೆಸುನಾ ಶಿಷ್ಯಾವೊನೆ, ತುಮಾರೊ ಬೊದಕ ಭು ಭಾಡೊ ಲಿವಾಲಾವೊನಾ ಕ್ಹಾತೆ ವರಿ ಕೆಟ್ಟ ಮನಕ್ಲೊನಾ ಕ್ಹಾತೆ ಕಾ ಖಾವಸ?” ಕೈನ ಪುಚ್ಚಾ.

¹² ಪರಿಸಾಯರೊ ಕದಲ ಐಕಿನ ಯೆಸು ತ್ಯನೊನೆ, ಅರಾಮ ರ್ಡಯಲ ಮನಕ್ಲೊನೆ ಡಾಕ್ಟರನಿ ಜರುರತ ನತ್ತಿ. ರೊಗಮಾ ರ್ಡಯಲ ಮನಕ್ಲೊನೆ ಡಾಕ್ಟರನಿ ಜರುರತ ಛೆ.

¹³ ತುಮೆ ಭಾವೊ, ‘ಮನಿ ಬಲಿ ನಕೊ, ಮರ್ಗಾ ಚಾಯೆ’ ಕೈನ ಪವಿತ್ರ ಗ್ರಂಥಮಾ ಬರದಲ ವಾಕ್ಯಾನು ಮತಲಬ ಶಿಕ್ಕಿಲಿವೊ. ಮಿ ನಿತಿವಂತವಾಲಾವೊನೆ ಬಲಾವೊನೆ ನತ್ತಿ ಆಯೊ, ಪಾಪಿಯೊನೆ ಬಲಾವಾನೆ ಆಯೊಸ” ಕೈನ ಕದ್ಲೊ.

**ಉಪಾಸನಾ ಹುತಿ ಪ್ರಶ್ನೆ
(ಮಾರ್ಕ 2:18-22; ಲುಕ 5:33-39)**

14 ಪಾಚಲ್ತಾ ಯೊಹಾನನಾ ಶಿಷ್ಯಾ ಯೆಸುಕನ ಆಯಾ. ತ್ತುನೆ ಯೆಸುನೆ, ಹಮೆ ವರಿ ಪರಿಸಾಯರೊ ತೆಳಾಮ ತೆಳಾಮಾ ಉಪಾಸ ಕರಿಯೆಸ. ತೆನ್ನೆಸೊ ತಾರಾ ಶಿಷ್ಯಾಕಾ ಉಪಾಸ ನೈಕರ್ತಾ?" ಕೈನ ಪುಚ್ಚಾ.

15 ಯೆಸು, ಹಿವಾನಾ ಟೈಮಮಾ ನ್ಹಾರಾನಾ ಕ್ಹಾತೆ ರ್ಹವಾನಾ ದೊಸ್ತೊ ದುಖಿ ನೈ ಥಾತಾ. ತೆನ್ನೆಸೊ ನ್ಹಾರೊ ತ್ತುನೊನೆ ಛೊಡಿನ ಭಾವಾನೊ ಟೈಮ ಆವಸ. ತೆಳಾಮಾ ತ್ತುನೆ ದುಖಿ ಥಾವಸ ವರಿ ಉಪಾಸ ಕರಸ.

16 ಯಕ್ಲೊ ಪ್ಹಾಟೆಗಯಲ ಜುನ್ನಾ ಅಂಗ್ಡಾನೆ ನವಾ ಫಡ್ಕಾನು ಥಿಗ್ಗು ಫಾಲಿನ ಶಿತಾ ನೈ ಯಕ್ಲೆ ಶಿಯಾತೊಬಿ, ತೆ ತಿಗ್ಗು ಅಂಗ್ಡಾಪರತು ಕಿತ್ಯೆಭಾವಸ. ತೆಳಾಮಾ ತೆ ಅಂಗ್ಡು ಬಿದಕ್ಕು ಫಾಟಿ ಭಾವಸ.

17 ತೆನ್ನೆಸೊ ಮನಕ್ಲೊ ನವು ದ್ರಾಕ್ಷಿಯೊನು ರಕ್ತ ಜುನ್ನಿಯೊ ದ್ರಾಕ್ಷಿಯೊನಾ ರಕ್ತನಾ ಕೈಚಿಲಾಮಾ ನೈ ಫಾಲ್ತಾ; ಕಾ ಕದ್ಯಾಮ ಜುನ್ನಿಯೊ ಕೈಚಿಲಾ ಫಾಟಿ ಭಾವಸ; ವರಿ ದ್ರಾಕ್ಷಿಯೊನು ರಕ್ತ ನಕ್ಲೆ ಭಾವಸ. ತಿನಾ ಹುತಿ ಮನಕ್ಲೊ ಕೆಳಾಮಾಬಿ ನವು ದ್ರಾಕ್ಷಿಯೊನು ರಕ್ತ ನವಾ ಕೈಚಿಲಾವೊಮಾ ಫಾಲಸ. ತೆಳಾಮಾ ಭಂಬಿ ಉಗ್ರಸ" ಕದ್ಲೊ.

ಮರಲ ಛೊಕ್ರಿ ವಾಚಲ ವರಿ ರೊಗಮಾ ರ್ಹಯಲ ಬಾಕ್ಶಿನೆ ಅರಾಮ ಥಯಲ

(ಮಾರ್ಕ 5:21-43; ಲುಕ 8:40-56)

18 ಯೆಸು ಎ ಸಂಗತಿಯೊ ಕತಾಮಾ ಸಭಾಮಂದಿರನೊ ಅಧಿಕಾರಿ ಯಕ್ಲೊ ತಿಕನ ಐನ ತಿನೆ ಡೊಗ್ಗಿನ ನಮಸ್ಕಾರ ಕರಿನ, ಮಾರಿ ದಿಕ್ರಿ ಹಮನಾತೊಬಿ ಮರಿ ಗೈ. ತು ಐನ ತಿನೆ ಮುಟ್ಟೊಮ ತೆ ವರಿ ಜ್ಞುತಿ ಥಾವಸ" ಕೈನ ಕದ್ಲೊ.

19 ತಿನಾಹುತಿ ಯೆಸು ಉಟಿನ ಅಧಿಕಾರಿನಾ ಕ್ಹಾತೆ ಗಯೊ. ತಿನಾ ಕ್ಹಾತೆ ಶಿಷ್ಯಾಬಿ ಗಯಾ.

20 ಬಾರಾ ವರಕ್ತತಿ ರಕ್ತ ಕುಸಮ ರೊಗಮಾ ರ್ಹಯಲ ಯಕ್ಲ ಬಾಕ್ಶಿ ತ್ಯಾ ವ್ಹತ್ತಿ. ತೆ ಬಾಕ್ಶಿ ಯೆಸುನಾ ಪಾಚಿ ಐನ ತಿನಾ ಉಪ್ಪರಲ್ಯಾ ಅಂಗಡಾನಿ ತುದಿನೆ ಮುಟ್ಟಿ.

21 ತೆಳಾಮ ತೆ ಬಾಕ್ವಿ, ಮಿ ತಿನಾ ಅಂಗಡಾನೆ ಮುಟ್ಟಿಮ ಬಸ, ಮಿ ಅರಾಮ ಧೈಜಾಸ” ಕೈನ ವಿಚಾರ ಕರಿಲಿದಿತಿ.

22 ಯೆಸು ಪಾಚೊ ಫರಿನ ತೆ ಬಾಕ್ವಿನೆ ದೆಕಿನ, ದಿಕ್ರಿ, ಖುಶಿ ಥಾ! ತಾರಾ ಭರೊಕ್ಕಾಕ್ವುಜ ತುನೆ ಅರಾಮ ಥಯುಸ” ಕೈನ ಕದ್ಯೊ ತೆಳಾಮಾ ತೆ ಅರಮ ಧೈ.

23 ಪಾಚಲ್ಲೊ ಯೆಸು ಅಧಿಕಾರಿನಾ ಕ್ವಾತೆ ಅಗೊ ಗೈನ ತಿನಾ ಘರಮಾ ಗಯೊ. ಮಾತಿ ಕರಾನಾ ಹುತಿ ಆಯಲ ಭಜ್ವಿ ವಾಲಾವೊನೆ ಬಿ ವರಿ ರವಾಲಾವೊನೆ ಬಿ ಯೆಸು,

24 ದುರ ಜಾವೊ, ಚೊಕ್ರಿ ಮರಿ ನತ್ತಿ. ತೆ ನಿಂದರ ಕರಾಡಿಸ” ಕದ್ಯೊ ತೆನ್ನೆಸೊ ತ್ಯುನೆ ಯೆಸುನೆ ಕದರಾಯಾ.

25 ಮನಕ್ವೊನೆ ಘರಮಾತೊ ಭಾರೊ ವಳಾಯಲ್ವರ ಯೆಸು ಛೊಕ್ರಿನಾ ಖೊಲಿಮಾ ಗಯೊ. ಯೆಸು ಛೊಕ್ರಿನು ಹತ್ತ ದರಲ್ವರ ತೆ ಛೊಕ್ರಿ ಉಟಿನ ಹುಬ್ರ್ಯ.

26 ಎ ಸುದ್ದಿ ಸುತ್ತೆ ರ್ವಯಲ ಗಾಮೊಮಾ ಪೈಲಿ.

ಬೆ ಕುಡ್ಡಾವೊನೆ ಡೊಳಾ ದಿದಲ

27 ಯೆಸು ತ್ಯಾಂತೊ ಭಾತಾಮಾ ಬಿ ಕುಡ್ಡಾ ತಿನಾ ಪಾಚಾ ಲಾಗ್ಯಾ ತ್ಯುನೆ, ದಾವಿದನಾ ದಿಕ್ರಾ, ಹಮೊನೆ ದಯಾ ದೆಕಾಡ” ಕೈನ ಭೊರ ಅಡ್ಯಾ.

28 ಯೆಸು ಘರಮಾ ಗಯೊ. ಕುಡ್ಡಾ ಬಿ ತಿನಾ ಕ್ವಾತೆ ಗಯಾ. ಯೆಸು ತ್ಯುನೊನೆ, ಮಿ ತುಮೊನೆ ಅರಾಮ ಕರುಸ ಕೈನ ತುಮೆ ಭರೊಕ್ಕೊ ಕರೊಶಿ ಸು?” ಕೈನ ಪುಚ್ಯೊ ಕುಡ್ಡಾ ಹೊ ಪ್ರಭು, ಹಮೆ ಭರೊಕ್ಕೊ ಕರಿಯೆಸ” ಕೈನ ಉತ್ತರ ದಿದ್ಯಾ.

29 ತೆಳಾಮಾ ಯೆಸು ತ್ಯುನಾ ಡೊಳಾ ಮುಟ್ಟಿನ, ತುಮೆ ಭರೊಕ್ಕೊ ಕರಲ ಲಿಂಗತಜ ತುಮೊನೆ ಅರಾಮ ಥಾವಾದೆ” ಕದ್ಯೊ.

30 ತೆಳಾಮಾಜ ತ್ಯುನೊನೆ ಡೊಳಾ ಆಯಾ. ಎ ವಿಶಯ ಕಿಜೆಜ ಕೌ ನೈ” ಕೈನ ಯೆಸು ತ್ಯುನೆನೊ ಹುಶಾರಕಿ ದಿದ್ಯೊ.

31 ತೆನ್ನೆಸೊ ತೆ ಕುಡ್ಡಾ ತ್ಯಾಂತಾ ಗೈನ ಯೆಸುನಿ ಸುದ್ದಿ ತೆ ಗಾಮ್ನಾ ಸುತ್ತೆ ಪೈಲಾಯಾ.

ಮುಕೊ ಬೊಲಲ

32 ತ್ಯನೆ ಭಂಬಿಜನಾ ಭಾತಾಮಾ ದಕ್ಹಾ ಜನಾ ವರಿ ಯಕ್ಲಾನೆ ಯೆಸುಕನ ಲಾಯಾ. ತಿನಾಮಾ ಕೆಟ್ಟ ಆತ್ಮಾ ರ್ವಯಲಕ್ಕು ತೆ ಮುಕೊ ಥಯೊತೊ.

33 ಯೆಸು ತೆ ಕೆಟ್ಟ ಆತ್ಮಾನೆ ತಿನೆ ಛೊಡಿನ ಜಾ ಕೈನ ಆಗನ್ಯಾ ದಿದ್ಯೊ ತೆ ಬೊಲಾನು ಶುರು ಕರಯ್ತೊ. ಎ ದೆಕಲ ಮನಕ್ಲೊ ಫಾಬ್ರಾ ತಿಬ್ರಾ ಥೈನ, ಇಸ್ರಾಯೆಲಮಾ ಹೌ ಕಾಮ ದೆಕ್ಯಾಜ ನತ್ತಿ” ಕದ್ಯಾ.

34 ತೆನ್ನೈಸೊ ಪರಿಸಾಯರೊ, ಎ ಕೆಟ್ಟ ಆತ್ಮಾವೊನಿ ಮಾಲಕನಿ ತಾಕತಕ್ಕು ಕೆಟ್ಟ ಆತ್ಮಾವೊನೆ ಛೊಡಾವಸ” ಕದ್ಯಾ.

ಯೆಸುನಿ ಮರ್ಗಾ

35 ಯೆಸು ಕ್ಹಾರಾ ಗಾಮೊಮಾ ವರಿ ಕ್ಹಾರಾ ಖೆಡಾವೊಮಾ ಪ್ಲರಯ್ತೊ. ಯೆಸು ತ್ಯನಾ ಸಭಾಮಂದಿರೊಮಾ ಉಪದೆಶ ಕರಿನ ಪರಲೊಕ ರಾಜ್ಯನಿ ವಿಶಯನಾ ಹುತಿ ಛೊಕಿ ಸುವಾರ್ತೆ ಕದ್ಯೊ. ಕ್ಹಾರಾ ತರಾನಾ ರೊಗೊನೆ ದುಕ್ಕೊನೆ ಅರಾಮ ಕರಯ್ತೊ.

36 ದುಕ್ಕೊಕ್ಕು ವದ್ಯಾಡಾಲಾ ವರಿ ಸಹಾರೊ ನೈ ರ್ವಯಲವಾಲಾ ಘನ್ನಾ ಮನಕ್ಲೊನೆ ಯೆಸು ದೆಕಿನ ದುಖಿ ಥಯೊ. ಕುರಬುರಯ್ತೊ ನೈಸೊ ಬಿಚಡಿಗಯಲ ಬಕ್ರಾವೊಲಿಂಗತ ತ್ಯನೆ ಛೆ ಕೈನ ತ್ಯನೊನೆ ಮರಗ್ಯೊ.

37 ಯೆಸು ತಿನಾ ಶಿಷ್ಯಾವೊನೆ, ಬೆಳಿ ಘನ್ನಿಲೆ, ತೆನ್ನೈಸೊ ಕಾಮ ಕರಾಲಾ ದಕ್ಹಾ ಜನಾ ಛೆ.

38 ಬೆಳಿನೊ ಮಾಲಕ ಕ್ಹುದಾಜ ವ್ಹೈ ತಿನಾ ಹುತಿ ಘನ್ನಾ ಕಾಮವಾಲಾವೊನೆ ಸುಗ್ಗಿ ಕಾಲನಾ ಹುತಿ ವಳೊಕ್ಳೆನ ತಿನೆ ಪ್ರಾಥನಾ ಕರೊ” ಕೈನ ಕದ್ಯೊ.

10

ಬಾರಾ ಅಪೊಸ್ತಲೊ

(ಮಾರ್ಕ 3:13-19; 6:7-13; ಲುಕ 6:12-16; 9:1-6)

1 ಯೆಸು ತಿನಾ ಬಾರಾ ಶಿಷ್ಯಾವೊನೆ ಬಲೈನ, ತ್ಯುನೊನೆ ಕೆಟ್ಟ ಆತ್ಮಾವೊನೆ ಛೊಡಾವಾನೆಬಿ ವರಿ ಕ್ಹಾರಾ ತರಾನಾ ರೊಗೊ ವರಿ ದುಕ್ಕೊನೆ ಅರಾಮ ಕರಾನೆ ಅದಿಕಾರ ದಿದ್ಲೊ.

2 ಬಾರಾ ಜನಾ ಅಪೊಸ್ತಲೊನಾ ನಾಮೊ ಇಮ್ಮ ಛಿ: ಪೈಲಾರ ಪೆತ್ರಾ ಕವೈಲಿವಾಲೊ ಸಿಮೊನ, ತಿನೊ ಭೈ ಥಯಲ ಅಂದ್ರೆಯ, ಜೆಬೆದಾಯನೊ ದಿಕ್ರೊ ಥಯಲ ಯಾಕೊಬ, ತಿನೊ ನ್ಹಾನೊ ಭೈ ಥಯಲ ಯೊಹಾನ,

3 ಫಿಲಿಪ್ಪವರಿ ಬಾರ್ತೊಲೊಮಾಯ, ತೊಮ, ಭು ಭಾಡೊ ಲಿವಾಲೊ ಮತ್ತಾಯ, ಅಲ್ಫಾಯನೊ ದಿಕ್ರೊ ಥಯಲ ಯಾಕೊಬ, ತದ್ದಾಯ,

4 ಯಹುದಿಯೊನಾ ರಾಜಕಿಯ ಪಕ್ಷನೆ ಮಳಲ ಸಿಮೊನ, ಯೆಸುನೆ ಧರಿನ ದಿದಲ ಇಸ್ಕರಿಯೊತ ಯುದ, ಇವುನೆಜ.

ಬಾರಾ ಅಪೊಸ್ತಲೊನಿ ಗುರಿ

5 ಯೆಸು ಎ ಬಾರಾ ಅಪೊಸ್ತಲೊನೆ ದಕ್ಖಾ ಆಗನ್ಯಾ ದಿನ ಪರಲೊಕ ರಾಜ್ಯನಾ ಹುತಿ ತಿಳಸಾವಾನೆ ತ್ಯುನೊನೆ ವಳಾಯೊ. ಯೆಸು ತ್ಯುನೊನೆ ಕದಲ ಸು ವ್ಹೈ ಕದ್ಯಾಮ: ಯೆಹುದ್ಯೊ ನೈ ರ್ಹಯಲ ಮನಕ್ಹೊಕನ ರ್ಹವಾದೆ ಸಮಾರ್ಯವಾಲಾ ರ್ಹಯಲ ಕಯಾಬಿ ಗಾಮೊನೆ ಜಾವೊ ನಕೊ.

6 ತೆನೈಸೊ ತ್ಯುನೊಕ್ಹು ಚುಕ್ಕೈಲಿನ ಬಕ್ರಾವೊಲಿಂಗತ ರ್ಹಯಲ ಇಸ್ರಾಯೆಲರೊಕನ ಜಾವೊ,

7 ಪರಲೊಕ ರಾಜ್ಯ ಭೆಗಿನ ಅವಸ ಕೈನ ಭೊದನೆ ಕರೊ.

8 ರೊಗಿಯೊನೆ ಅರಾಮ ಕರೊ. ಮರಲವಾಲಾವೊನೆ ವಚ್ಚಾಡೊ. ಕುಷ್ಠರೊಗಿಯೊನೆ ಅರಾಮ ಕರೊ. ಮನಕ್ಹೊನೆ ಭುತ್ವಾವೊಕ್ಹು ಛೊಡಾವೊ. ಮಿ ತುಮೊನೆ ಎ ಅದಿಕಾರೊ ಫ್ರಿಮಾ ದ್ಯುಸ. ತಿನಾಹುತಿ ಬಿಜಾವೊನೆಬಿ ಫ್ರಿಮಾ ಮದತ ಕರೊ.

9 ತುಮಾರಾ ಕ್ಹಾತಿ ದೊಕ್ಹಾ ರ್ಹವಾದೆ ತಾಂಬು, ಕೊನ್ನು ರುಪ್ಪು ರ್ಹವಾದೆ ಲಿಂಜಾವೊ ನಕೊ.

10 ಕೊತಳಾ ರ್ವವಾದೆ ಹೆಚ್ಚಿ ವಣ್ಣಾ ರ್ವವಾದೆ ಚಪ್ಪೊ ರ್ವವಾದೆ ಉರುಗೊಲು ರ್ವವಾದೆ ಲಿಂಜಾವೊ ನಕೊ. ಕಾಮ ಕರಾಲಾನೆ ಭಾಯೆ ಥಯಲ ದಿವಸ.

11 ತುಮೆ ಕಯಾಬಿ ಗಾಮಮಾ ಗಯಲ ಟೈಮಮಾ ತ್ಯಾ ರ್ವವಾನಾ ಚೊಕಾ ಮನಕ್ವನೆ ವಳಕೊ, ತುಮೆ ತೆ ಗಾಮ ಫೊಡಿನ ಜಾಯೆಲಕ್ಕಾ ತಿನಾ ಘರಮಾ ರ್ವವೊ.

12 ತೆ ಘರಮಾ ತುಮೆ ಗಯಲ್ಪರ, 'ತುಮೊನೆ ಚೊಕು ಥಾವಾದೆ ಕೈನ ಕವೊ.

13 ತೆ ಘರಮಾ ರ್ವವಾಲಾ ಮನಕ್ವೊ ತುಮೊನೆ ಮಳೈಲಿದ್ಯಾಮ ತುಮಾರಾ ಆಶಿರ್ವಾದನೆ ತ್ಯನೆ ಯೊದ್ಯ ರ್ವಯಲಕ್ಕು ತೆ ಆಶಿರ್ವಾದ ತ್ಯನೊನೆ ಮಳಾದೆ. ತ್ಯನೆ ತುಮೊನೆ ನೈ ಮಳೈಲಿದ್ಯಾಮ, ತುಮಾರಿ ಆಶಿರ್ವಾದ ತುಮೊನೆ ವಾಪಸ ಆವಾದೆ.

14 ಯಕ್ಕ ಘರವಾಲಾ ನೈತೊ ಯಕ್ಕ ಗಾಮವಾಲಾ ತುಮೊನೆ ನೈ ಮಳೈಲಿದ್ಯಾಮ ತ್ಯನೆ ತುಮಾರಿ ವಾತ ನೈ ಐಕ್ಕಾಮ ತುಮೆ ತೆ ಜಗಾನೆ ಫೊಡಿನ ಜಾತಾಮಾ, ತುಮಾರಾ ಪಗೆ ಲಾಗಲ ಧುಳ ಝಾಡ್ತಿ ಪಾಡೊ.

15 ಫೈಸಲಾನಾ ದಿನ್ನಮಾ ಎ ಗಾಮನಿ ಗತಿ ಸೊದೊಮ ವರಿ ಗೊಮೊರತಿಬಿ ಘನ್ನಿ ಕೆಟ್ಟಿ ಥಾವಸ ಕೈನ ಮಿ ತುಮೊನೆ ಕ್ಕರಿಮಾಜಿ ಕೌಸ.

ಅಗು ಆವಾನು ತ್ರಾಸ

(ಮಾರ್ಕ 13:9-13; ಲುಕ 21:12-17)

16 ಐಕೊ! ನರಿಯೊನಾ ವಚ್ಚಾ ಬಕ್ರಾವೊನೆ ಫೊಡಲ ಲಿಂಗತ ಮಿ ತುಮೊನೆ ವಳಾವಾಡೊಸ. ತಿನಾಹುತಿ ತುಮೆ ಕ್ವಾಪೊ ಲಿಂಗತ ಹುಶಾರ ಕ್ವುತರ ಲಿಂಗತ ಕಪಟ ನೈಸೊವಾಲಾ ಥೈನ ರ್ವವೊ.

17 ಮನಕ್ವೊನಾ ಹುತಿ ಹುಶಾರ ರ್ವವೊ ತುಮೊನೆ ತ್ಯನೆ ಧರಿಲಿನ ನ್ಯಾಯಾಲಯನೆ ಬಲೈಲಿನ ಜಾವಸ. ತ್ಯನೆ ತ್ಯನಾ ಸಭಾಮಂದಿರೊಮಾ ಬಾರಕೊಲೊಕ್ಕು ಮಾರಸ.

18 ತುಮೊನೆ ಅದಿಕಾರಿಯೊನಾ ಕ್ವಾಮಾ ರಾಜಾವೊನಾ ಕ್ವಾಮಾ ಬಲೈಲಿನ ಜಾವಸ. ಮಾರಾ ಹುತಿ ಮನಕ್ವೊ ತುಮೊನೆ ಇಮ್ಮ ಕರಸ.

ತೆನ್ನಿಸೊ ತುಮೆ ತೆ ರಾಜ್ಜಾವೊನೆಬಿ ಅದಿಕಾರಿಯೊನೆಬಿ ಯಹುದಿಯೊ ತೆ ಮನಕ್ಲೊನೆ ಮಾರಾ ವಿಶಯಮಾ ಕವೊಶಿ.

19 ತುಮೊನೆ ಧರಿಲಿನ ಗಯಲ್ಪರ ತುಮೆ ಸು ಬೊಲು, ಕಿಮ್ಮ ಬೊಲು ಕವಾನು ಚಿಂತಾ ನಕೊ ಕರೊ. ತುಮೆ ಕವಾನು ತೆ ಟೈಮಮಾ ಕವಾಲಗಾಡಸ.

20 ಬೊಲಾಲಾ ಕ್ಹರಿಮಾಙ ತುಮೆ ನ್ಹವೈ ತುಮಾರಾ ಬಾನಿ ಆತ್ಮಾಙ ತುಮಾರಾ ಮುಲಕ ಬೊಲಸ.

21 ಭಾಯೊ ಸ್ವಂತ ಭಾಯೊನೆಙ ವಿರುದ ಥೈನ ತ್ಯುನೊನೆ ಮರಣನಿ ಸಜಾನೆ ವಪ್ಪಿಸಾವಸ. ಬಾವೊ ತ್ಯುನಾ ಸ್ವಂತ ಬಚ್ಚಾವೊನೆ ವಿರುದ್ಧ ಥೈನ ತ್ಯುನೊನೆ ಮರಾನಿ ಸಜಾನೆ ವಪ್ಪಿಸಸ.

22 ತುಮೆ ಮಾರಾ ಪಾಙಾ ಆವಾಕ್ತು ಕ್ಹಾರಾ ಮನಕ್ಲೊ ತುಮೊನೆ ದ್ವಿಶ ಕರಸ. ತೆನ್ನಿಸೊ ಲಾಸ್ವ ಲಕ್ತಾ ತಡ್ಡಿಲಿವಾಲೊ ರಕ್ಷಣೆ ವ್ಹಂದಿಲಿವಸ.

23 ಯಕ್ಕ್ ಗಾಮಮಾ ತುಮೊನೆ ತ್ರಾಸ ಕರ್ಮಮ ಬಿಜಾ ಗಾಮೆ ಜಾವೊ. ಮನಕ್ಲೊ ದಿಕ್ರೊಫರಿನ ಆವಾತಿ ಪೈಲಾ ತುಮೆ ಇಸ್ರಾಯೆಲನಾ ಕ್ಹಾರಾ ಗಾಮೆನೆ ಜಾವಾನು ಕ್ಹಾರಾಯೆಲಙ ನೈರ್ದ್ವಿತಾ ಕೈನ ಮಿ ತುಮೊನೆ ಕ್ಹರಿ ಕೌಸ.

24 ಶಿಷ್ಯೊ ಗುರುತಿ ಹೆಚ್ಚಿ ನ್ಹವೈ ಆಳ ತಿನಾ ಮಾಲಕತಿ ಕ್ಹಾಸ ನ್ಹವೈ.

25 ಶಿಷ್ಯೊ ತಿನಾ ಗುರು ಲಿಂಗತ ಥಯೊಮ ಬಸ್ಸ. ಆಳ ತಿನಾ ಮಾಲಕ ಲಿಂಗತ ಥಯೊಮ ಬಸ್ಸ. ಘರನಾ ಮೊಟ್ಟಾನೆ ಬೆಲೆಬುಲ (ಭುತಡು) ಕೈನ ಬಲಾಯಾಮ, ತೆ ಘರವಾಲಾವೊನಾ ಬಿಜಾವೊನೆ ವರಿ ದಕ್ತಾ ಕೆಟ್ಟಿ ನಾಮೊಕ್ತು ಬಲಾತಾ ನೈಸು?

ಕಿನೆ ಭುಚ್ಚು

(ಲುಕ 12:2-7)

26 ತಿನಾಹುತಿ ಮನಕ್ಲೊನೆ ಭುಚ್ಚಕೊ ನಕೊ. ಝಕಾಯಲ ಕ್ಹಾರು ಭಾರು ಆವಸ. ದಡಿ ರ್ದಯಲ ಹರಿಯಕ್ಕ್ ವಾತ ಭಾರು ಆವಸ.

27 ಮಿ ಅಂದಾರಾಮಾ ಎ ವಾತೊ ತುಮೊನೆ ಝಾಕಿನ ಕವಾಡೊಸ. ತೆನ್ನಿಸೊ ತುಮೆ ಎ ವಾತೊ ಉಜಾಲಾಮಾ ಕೌ ಕೈನ ಮಾರಿ ಆಸ ವ್ಹೈ ಮಿ

ತುಮೋನೆ ಎ ವಿಶಯೊ ತುಮೋನೆ ಹಲ್ಲು ಕವಾಡೊಸ. ತೆನ್ನೆಸೊ ತುಮೆ ಎ ವಿಶಯೊ ಕ್ಹಾರಾ ಮನಕ್ಕೊನೆ ಜೊರ ವದ್ದಿನ ಕವೊ.

28 ಮನಕ್ಕನೆ ಭುಚ್ಚಕೊ ನಕೊ. ತ್ಕನೆ ತುಮಾರು ಅಂಗ ಯಕ್ಕಜ ಖಲಾಸ ಕರಸ. ತೆ ಮನಕ್ಕೊ ಆತ್ಮಾನೆ ಖಲಾಸ ನೈಕರ್ತಾ. ಅಂಗನೆ ವರಿ ಆತ್ಮಾನೆ ನರಕಮಾ ಫಾಲಾಲಾ ಕ್ಹುದಾನೆ ಯಕ್ಕಜ ಭುಚ್ಚಕೊ.

29 ಬಾಙರೊಮಾ ಬೆ ಚಿವ್ವಿಯೊನೆ ಯಕ್ಕ ಬಿಲ್ಲಾನೆ ಇಕ್ಕಸ. ತೆನ್ನೆಸೊ ತುಮಾರೊ ಬಾ ಅಪ್ಪಣೆ ದಿದ್ಯಾ ಬಗರ ತ್ಕನೊಮಾ ಯಕ್ಕಬಿ ನೈಮರ್ತು.

30 ತುಮಾರಾ ಮಾತಾಮಾ ಕಕ್ಲಾ ಬಾಲೊ ಛಿ ಕವಾನುಬಿ ಕ್ಹುದಾನೆ ಗ್ವತ್ತ ಛಿ.

31 ತಿನಾಹುತಿ ಭುಚ್ಚಕೊ ನಕೊ. ತುಮೆ ಘನ್ನಾ ಚಿವ್ವಿಯೊತಿಬಿ ಘನ್ನಾ ಕಿಮ್ಮತನಾ ಥಯಾಸ.

ಯೆಸುಪರ ಬರೊಕ್ಕೊ

(ಲುಕ 12:8-9)

32 ಯಕ್ಕೊ ಬಿಜಾವೊನಾ ಕ್ಹಾಮೊ, ತೆ ಮಾರೊ ವ್ಹೈ ಕೈನ ಕದ್ಯೊಮ, ಮಿಬಿ ಪರಲೊಕಮಾ ರ್ಹಯಲ ಮಾರಾ ಬಾನಾ ಕ್ಹಾಮೊ ತೆ ಮಾರೊ ವ್ಹೈ ಕೈನ ಕೌಸ.

33 ತೆನ್ನೆಸೊ ಯಕ್ಕೊ ಮನಕ್ಕೊನಾ ಕ್ಹಾಮೊ, ತೆ ಮಾರೊ ನ್ಹವೈ ಕೈನ ಕದ್ಯೊಮ, ಮಿಬಿ ಪರಲೊಕಮಾ ಮಾರಾ ಬಾನಾ ಕ್ಹಾಮೊ ತೆ ಮಾರೊ ನ್ಹವೈ ಕೈನ ಕೌಸ.

ಯೆಸುನಾ ಪಾಙಾ ಆವಾಲಾವೊನೆ ತ್ಕಾಸ ಆವಸ

(ಲುಕ 12:51-53; 14:26-27)

34 "ಎ ದುನಿಯಾಮಾ ಮಿ ಶಾಂತ ಕರಾನೆ ಆಯೊಸ ಕೈನ ವಿಚಾರ ಕರೊ ನಕೊ. ಮಿ ಶಾಂತ ಕರಾನೆ ಆಯೊ ನತ್ತಿ, ತಲ್ವಾರ ಫಾಲಾನೆ ಆಯೊಸ.

35 ಕಿಮ್ಮ ಕದ್ಯಾಮ ದಿಕ್ರಾನೆಬಿ ಬಾನೆ, ದಿಕ್ರನೆಬಿ ಮಾನೆ, ಫೈನೆಬಿ ವ್ಹಾನೆಬಿ ಬೆದ-ಭಾವ ಹುಟ್ಟಾವಾನೆ ಆಯೊಸ.

36 ಇಮ್ಮ ಯಕ್ಕ ಮನಕ್ಕನೆ ತ್ಕನಾ ಘರವಾಲಾಙ ದುಶ್ಕನೊ ಥಾವಸ.

37 ಬಾಪನಾ ಉಪ್ಪರ ರ್ವಾವಾದೆ ಮಾನಾ ಉಪ್ಪರ ರ್ವಾವಾದೆ ಮಾರಾ ಉಪ್ಪರ ಮ್ವೆಲಾತಿ ಜಾಸ್ತ ಮಯಾ ಕರಾಲೊ ಮನೆ ಯೊಗ್ಯ ನತ್ತಿ; ದಿಕ್ರಾನಾ ಉಪ್ಪರ ರ್ವಾವಾದೆ ದಿಕ್ರಿನಾ ಉಪ್ಪರ ರ್ವಾವಾದೆ ಮಾರಾ ಉಪ್ಪರ ಮ್ವೆಲಾತಿ ಜಾಸ್ತ ಮಯಾ ಕರಾಲೊ ಮನೆ ಯೊಗ್ಯ ನತ್ತಿ.

38 ಕುನ್ನತಬಿ ಮಾರಾ ಪಾಚೊ ಆತಾಮಾ ತಿನೆ ದಿವಾನಿ ಶಿಲುವಿ (ತ್ರಾಸೊ) ಉಚ್ಚೆಲಿದ್ಯಾ ಬಗರ, ತೆ ಮಾರಾ ಪಾಚೊ ಆವಾಲೊ ನ್ಹವ್ಣೆ.

39 ಮನೆ ಮಯಾ ಕರಾತಿ ಜಾಸ್ತ ತಿನಾ ಜಲಮನೆ ಮಯಾ ಕರಾಲೊ ತಿನೆ ಜವ್ಣೆಲಿವಸ. ಮಾರಾಹುತಿ ತಿನು ಜಲಮ ಜವ್ಣೆಲಿವಾಲೊ ತಿನೆ ಪಡ್ಲಿವಸ.

ಪ್ರತಿಫಲ

(ಮಾರ್ಕ 9:41)

40 ತುಮೊನೆ ಮಳ್ಳೆ ಲಿವಾಲೊ ಮನೆಬಿ ಮಳ್ಳೆ ಲಿವಸ. ಮನೆ ಮಳ್ಳೆ ಲಿವಾಲೊ ಮನೆ ವಳಾಯಲವಾಲಾನೆ (ಕ್ವದಾನೆ) ಬಿ ಮಳ್ಳೆ ಲಿವಸ.

41 ಪ್ರವಾದಿನೆ ಪ್ರವಾದಿ ವ್ಹ್ಯೆ ಕೈನ ಮಳ್ಳೆಲಿವಾಲೊ ತೆ ಪ್ರವಾದಿನೆ ಆವಾನು ಪ್ರತಿಫಲ ಪಡ್ಲಿವಸ. ನಿತಿವಂತವಾಲಾನೆ ನಿತಿವಂತ ವ್ಹ್ಯೆ ಕೈನ ಮಳ್ಳೆಲಿವಾಲೊ ತೆ ನಿತಿವಂತನೆ ಆವಾನು ಪ್ರತಿಫಲ ಪಡ್ಲಿವಸ.

42 ವರಿ ಎ ನ್ಹಾನಾವೊಮಾ ಯಕ್ಲಾನೆ ಯೆಸುನೊ ಶಿಷ್ಯಾ ವ್ಹ್ಯೆ ಕೈನ ಕುನ್ನತಬಿ ಯಕ್ಲ ತಾಂಬಿಯೊ ಥಂಡು ಪಾನಿತುಬಿ ಪಿವಾನೆ ದಿದ್ಯೊಮ ತಿನೆ ಆವಾನು ಪ್ರತಿಫಲ ತಿನೆ ಚುಕ್ತೊಜ ನ್ಹೆ ಕೈನ ತುಮೊನೆ ಕ್ಹರಿಮಾಜ್ಜ ಕೌಸ” ಕದ್ಯೊ.

11

ಯೆಸು ವರಿ ಬಾಪ್ತಿಸ್ಮಾ ದಿಲಾವಾಲೊ ಯೊಹಾನ

(ಲುಕ 7:18-35)

1 ಯೆಸು ತಿನಾ ಬಾರಾ ಜನಾ ಶಿಷ್ಯಾವೊನೆ ಎ ಸಂಗತಿಯೊ ಕದಲ್ಪರ ಪಾಚಲ್ಲೊ ತ್ಯಾಂತೊ ಗೈನ ಕ್ವದಾನಿ ವಾತೊ ಕವಾನೆ ವರಿ ಉಪದೆಶ ಕರಾನೆ ಗಲಿಲಾಯ ಗಾಮೆ ಗಯೊ.

² ಬಾಪ್ತಿಸ್ಮಾ ದಿವಾಲೊ ಯೊಹಾನ ಜೆಲಮಾ ವ್ಹತ್ತೊ. ಯೆಸು ಕರಾನಾ ಕಾಮೊ ತಿನೆ ಗ್ವತ ಥಯಾ. ತಿನಾಹುತಿ ಯೊಹಾನ ತಿನಾ ದಕ್ಹಾ ಶಿಷ್ಯಾವೊನೆ ಯೆಸುಕನ ಮೊಕಲ್ಯೊ.

³ ಯೊಹಾನನಾ ಶಿಷ್ಯಾ ಯೆಸುನೆ, ಯೊಹಾನ ಕದಲತಿಮ್ಮ ಆವಾಲೊ ತುಜು ವೈಸು ನೈತೊ ಬಿಜಾ ಯಕ್ಲಾನಾ ಹುತಿ ಹಮೆ ಕೈದೆ ಸು?" ಕೈನ ಕದ್ಯಾ.

⁴ ತೆ ವಾತೆ ಯೆಸು, ತುಮೆ ನ್ಹ್ಯಾ ಐಕಲ ವರಿ ದೆಕಲ ಕ್ಹಾರು ಯೊಹಾನನೆ ಕವೊ.

⁵ ಕುಡ್ಡಾವೊನೆ ಡೊಳಾ ಆವಸ; ಲಂಗ್ಡಾ ರ್ವಯಲ ಫಾಲಸ; ಕುಷ್ಟ ರೊಗಿಯೊ ಅರಾಮ ಥಾವಸ; ಕಿವ್ವಾ ಐಕಸ; ಮರಲವಾಲಾ ಜಿವ್ವಾ ಥಾವಸ ವರಿ ಗರಿಬ ರ್ವಯಲವಾಲಾವೊನೆ ಕ್ಹುದಾನಿ ವಾತೊ ಕವಸ.

⁶ ಮನೆ (ಯೆಸುನೆ) ವಪ್ಪಿಲಿವಾಲೊ ಧನ್ಯವ್ಹೊ" ಕೈನ ಉತ್ತರ ದಿದ್ಲೊ.

⁷ ಯೊಹಾನನಾ ಶಿಷ್ಯಾತ್ಯಾಂತಾ ಜಾತಾಮಾ ಯೆಸು ಮನಕ್ಲೊನಾ ಕ್ಹಾತೆ ಯೊಹಾನನಾ ಹುತಿ ಕವಾನು ಶುರು ಕರಲ್ಯೊ. ಯೆಸು, ತುಮೆ ಸು ದೆಕು ಕೈನ ರಾನ್ಮಾಗಯಾತಾ? ವಾರಾಕ್ಹು ಹಲ್ಲಾನಾ ಧಾಂಡಾನೆ ಸು? ನೈ!

⁸ ಕ್ಹರಿಮಾಜು ತುಮೆ ಸು ದೆಕಾನೆ ಗಯಾತಾ? ಫೊಕಾ ವಣ್ಣಾ ಫಾಲ್ಲಿನ ರ್ವಯಲ ಮನಕ್ಲನೆ ಸು? ನೈ! ಫೊಕಾ ವಣ್ಣಾ ಫಾಲ್ಲಿದಲ ಮನಕ್ಲೊ ರಾಜಾವೊನಾ ಮಹೆಲೊಮಾ ರ್ವವಸ.

⁹ ತಿಮ್ಮ ರ್ವಯಾಮ, ಸು ದೆಕಾನೆ ಗಯಾತಾ? ಯಕ್ ಪ್ರವಾದಿನೆ ಸು? ಹೊ! ಯೊಹಾನ ಪ್ರವಾದಿತೊ ಮೊಟ್ಟೊ ವ್ಹೊ ಕೈನ ಮಿ ತುಮೊನೆ ಕೌಸ.

¹⁰ ಯೊಹಾನನಾ ಹುತಿ ಪವಿತ್ರ ಗ್ರಂಥಮಾ ಅಮ್ಮ ಬರ್ದಲ ಛೆ; ದೆಕ! ಮಿ (ಕ್ಹುದಾ) ಮಾರಾ ದುತನೆ ತಾರಾ ಅಗೊ ಮೊಕ್ಲಸ. ತೆ ತಾರಿ ವಾಟೆ ತಯ್ಯಾರ ಕರಸ. ಮಲಾಕಿ 3:1

¹¹ ಬಾಪ್ತಿಸ್ಮಾ ದಿಲಾವಾಲೊ ಯೊಹಾನ ಪೈಲಾ ಜಿವ್ವಾ ರ್ವಯಲ ಮನಕ್ಲೊತಿ ಮೊಟ್ಟೊ ವ್ಹೊ ತೆನೈಸೊ ಪರಲೊಕ ರಾಜ್ಯಮಾ ರ್ವವಾಲೊ ನ್ಹಾನೊಬಿ ಯೊಹಾನತಿಬಿ ಮೊಟ್ಟೊ ವ್ಹೊ ಕೈನ ಕ್ಹರಿಮಾಜು ಮಿ ತುಮೊನೆ ಕೌಸ.

¹² ಬಾಪ್ತಿಸ್ಮಾ ದಿವಾಲೊ ಯೊಹಾನ ಆಯಲ ಟೈಮತೊ ನ್ಹ್ಯಾ ಲಕ್ಹಾ ಪರಲೊಕ ರಾಜ್ಯ ಫಾನ್ನಾ ತಾಕತನಾ ಯುದ್ಧೊನೆ ಮ್ಹೊ ಥಯುಸ. ಹಿಂಸೆನೆ

ಉಪಯೋಗ ಕರಿಸಿ ಮನಕ್ಕೊರಾಜ್ಯ ಲಿವಾನೆ ಕೊಶಿಶ ಕರಸ.

13 ಕ್ಹಾರಾ ಪ್ರವಾದನೆ ವರಿ ಮೊಶೆನು ಧರಮ ಶಾಸ್ತ್ರ ಯೊಹಾನ ಆಯೆಲಕ್ಕಾ ಪರಲೊಕ ರಾಜ್ಯನಾ ಹುತಿ ಪೈಲಾಜ ಕದ್ಯಾಸ.

14 ಧರಮ ಶಾಸ್ತ್ರನೆ ವರಿ ಪ್ರವಾದಿಯೊ ಕದಲ ತುಮೆ ಬರೊಕ್ಕೊ ಕರಾನಾ ರ್ಹಯಮ ಎ ಯೊಹಾನಜ ಎಲಿಯ ವ್ಹೈ ತೆ ಆವಸ ಕೈನ ಧರಮ ಶಾಸ್ತ್ರ ಕದಲ ಛೆ.

15 ಮನಕ್ಕೊ ಮಿ ಕವಾನು ಐಕೊ. ವರಿ ತಿಳ್ತಲಿವೊ!

16 ಎ ಕಾಲನಾ ಮನಕ್ಕೊನಾ ಹುತಿ ಮಿ ಸು ಕೌ? ತ್ಯನೆ ಕೈತರಾನಾ ಛೆ? ಎ ಕಾಲನಾ ಮನಕ್ಕೊ ಬಾಜರೊಮಾ ಬೈಟಲ ಬಚ್ಚಾ ಲಿಂಗತ ಛೆ. ಯಕ್ಕ ಗುಂಪನಾ ಬಚ್ಚಾ ಬಿಜಾ ಗುಂಪನಾ ಬಚ್ಚಾವೊನೆ ಅಮ್ಮಕವಸ:

17 ಹಮೆ ತುಮಾರಾ ಹುತಿ ವಜಾಡ್ಯಾ ತುಮೆ ನ್ಹಾಚ್ಯಾ ನೈ ಹಮೆ ರವಾನಾ ರಿಕಾಡೊ ಕದ್ಯಾ ತುಮೆ ರೊಯಾ ನೈ.

18 ಆಜನಾ ಮನಕ್ಕೊ ಎ ಬಚ್ಚಾ ಲಿಂಗತ ಛೆ ಕೈನ ಮಿ ಕದ್ಯಲ ಶಾನೆ ವ್ಹೈ? ಕಾಕದ್ಯಾಮ ಯೊಹಾನ ಆಯೊ. ತೆನೈಸೊ ತೆ ಬಿಜಾ ಮನಕ್ಕೊ ಲಿಂಗತ ಖಾದ್ಯೊ ನೈ; ದ್ರಾಕ್ಷಿಯೊನು ರಕ್ತ ಪಿದ್ಯೊ ನೈ. ವರಿಬಿ ಮನಕ್ಕೊ 'ತಿನೆ ಕೆಟ್ಟಿ ಆತ್ಮಾ ಧರ್ಮ' ಕೈನ ಕವಸ.

19 ಮನಕ್ಕೊನೊ ದಿಕ್ಕೊ ಆಯೊ. ತೆ ಬಿಜಾ ಮನಕ್ಕೊ ಲಿಂಗತ ಅನ್ನ ಖಾವಸ; ವರಿ ದ್ರಾಕ್ಷಿಯೊನು ರಕ್ತ ಪಿವಸ. ತೆನೈಸೊ ಮನಕ್ಕೊ 'ತಿನೆ ದೆಕೊ! ತೆ ಮೊಟ್ಟಿ ಕುಡಿವಾಲೊ ವ್ಹೈ ತೆ ಪಿದೊಡೊ ವ್ಹೈ ಭು ಭಾಡೊ ಲಿವಾಲಾ ವರಿ ಪಾಪಿಯೊ ತಿನಾ ದೊಸ್ತೊ ವ್ಹೈ' ಕೈನ ಕವಸ. ತೆನೈಸೊ ತ್ಯನು ಗ್ಯಾನ ತ್ಯನೆ ಕರಾನಾ ಕಾಮೊಕ್ಕು ದೆಕಾಡಿನ ದಿವಸ.

ಬರೊಕ್ಕೊ ನೈಸೊ ಗಾಮೊ

(ಲುಕ 10:13-15)

20 ಪಾಚಲ್ತೊ ಯೆಸು, ತೆ ಕಯಾ ಗಾಮೊಮಾ ಘನ್ನಾ ಅದ್ಭುತ ಕಾಮೊ ಕರೈತೊತೊ ತೆ ಗಾಮೊನೆ ಇನ್ನಾರೈ. ಕಾಕದ್ಯಾಮ ತೆ ಗಾಮೊಮಾ

ರಠ್ವಯಲ ಮನಕ್ಕೊ ತ್ಯುನಿ ಜಿವನಾ ಬದಲಿ ಕರಿಲಿದ್ದಾ ನೈ ವರಿ ಪಾಪ ಕರಾನು ಛೊಡ್ತಾ ನೈ.

21 ಯೆಸು ಸು ಕದ್ಯೊ ಕದ್ಯಾಮ; "ಬೆತ್ಸಾಯಿವಾಲಾ, ತುಮಾರಿ ಗತಿ ಮಿ ಸು ಕೌ? ಬೆತ್ಸಾಯಿದ, ತಾರಿ ಗತಿ ಮಿ ಸು ಕೌ! ಮಿ ತುಮೊಮಾ ಘನ್ನಾ ಅದ್ಭುತ ಕಾಮೊ ಕರಯ್ತೊ ತೆಜ ಅದ್ಭುತ ಕಾಮೊ ತೊರ, ಸಿದೊನಮಾ ಕರಲ ರಠ್ವತ್ತೊ, ತ್ಯುನಾ ಮನಕ್ಕೊ ಘನ್ನಾ ಕಾಲ ಪೈಲಾಜ ತ್ಯುನಿ ಜಿವತ ಬದಲಿ ಕರಿಲೆತಾತಾ; ತ್ಯುನಾ ಪಾಪೊನಾ ಹುತಿ ಪಶ್ಚಾತ್ತಾಪ ಪಡಿನ ಕೊತ್ತ್ಯಾ ಭಾಂದಿಲೆತಾತಾ; ತ್ಯುನಾ ಅಂಗಪರ ರಾಕ ಘಾಲಿಲೆತಾತಾ.

22 ತೆನ್ನೈಸೊ ಪೈಸಲಾನಾ ದಿನ್ನಮಾ ತೊರ, ಸಿದೊನತಿಬಿ ತುಮಾರಿ ಸ್ಥಿತಿ ಘನ್ನಿ ಕಷ್ಟಮಾ ಮ್ಹೈ ಧಾವಸ ಕೈನ ಮಿ ತುಮೊನೆ ಕೌಸ.

23 ಕಪೆನೌರ್ಮಿ, ತು ಪರಲೊಕೆ ಜಾಶಿ ಕೈನ ವಿಚಾರ ಕರಶಿ ಸು? ನೈ! ತು ನರಕೆ ಜಾಶಿ. ಮಿ ತುಮೊಮಾ ಘನ್ನಾ ಅದ್ಭುತ ಕಾಮೊ ಕರಯ್ತೊ ಸೊದೊಮಮಾ ತೆ ಅದ್ಭುತ ಕಾಮೊ ಕರಲ ರಠ್ವತ್ತೊ ತೆ ಮನಕ್ಕೊ ಪಾಪ ಕರಾನು ಛೊಡಿಪಡತಾತಾ ವರಿ ಹಜ್ಜುನ ಲಕ್ಕಾ ತೆ ಗಾಮ ಉಗ್ರಲ ರಠ್ವತು.

24 ತೆನ್ನೈಸೊ ಪೈಸಲಾನಾ ದಿನ್ನಮಾ ತಾರಿ ಪರಿಸ್ಥಿತಿ ಸೊದೊಮತಿಬಿ ಕೆಟ್ಟ ಸ್ಥಿತಿನೆ ಮ್ಹೈ ಧಾವಸ ಕೈನ ಮಿ ತುಮೊನೆ ಕೌಸ."

ಐನ ಸಮಾಧಾನ ಹೊಂದಿಲಿವೊ

25 ಪಾಚಲ್ಲೊ ಯೆಸು, ಪರಲೊಕ ವರಿ ಜಿಮಿನನೊ ಪ್ರಭು ಥಯಲ ಬಾ, ಮಿ ತುನೆ ಸ್ತುತಿ ಕರುಸ. ಕಾಕದ್ಯಾಮ, ತು ಎ ಕ್ಹಾರಾ ವಾತೊ ಗ್ಯಾನಿಯೊನೆಬಿ ಮಾತು ಹುಶಾರ ರಠ್ವಯಲವಾಲಾವೊನೆಬಿ ಝಾಕಿನ ಮ್ಹೈಲ್ಯೊಸ. ತೆನ್ನೈಸೊ ನ್ಹಾನಾ ಬಚ್ಚಾ ಲಿಂಗತ ರಠ್ವಯಲ ಎ ಮನಕ್ಕೊನೆ ತು ದೆಕಾಡ್ತೊಸ.

26 ಹೊ ಬಾ, ಎ ಕ್ಹರಿಮಾಜ್ಜ ತಾರಿ ಚಿತ್ತ ವ್ಹೈ ಕೈನ ತು ಇಮ್ಮುಕರಯ್ತೊಸ.

27 ಮಾರೊ ಬಾ ಮನೆ ಕ್ಹಾರು ದಿದ್ಲೊಸ. ಕುನಜ ದಿಕ್ರಾನೆ ವಳಕ್ಕುನತ್ತಿ. ಬಾ ಯಕ್ಕಜ ದಿಕ್ರಾನೆ ವಳಕ್ಕೊಸ. ದಿಕ್ರೊ ಯಕ್ಕಜ ಬಾನೆ ವಳಕ್ಕೊಸ. ದಿಕ್ರೊ ಬಾನೆ ಕಿನೆ ದೆಕಾಡು ಕೈನ ಆಸ ಕರಸ ತ್ತುನೆ ಬಾನೆ ತಿಳ್ವಿಲಿವಸ.

28 ಕಷ್ಟಮಾ ರ್ಲಯಲವಾಲಾ, ವಜ್ಜು ಉಚ್ಚೆಲಿದಲವಾಲಾ, ತುಮೆ ಕ್ಹಾರಾ ಮಕನ ಆವೊ. ಮಿ ತುಮೊನೆ ಸಮಾಧಾನ ದ್ತುಸ.

29 ಮಾರಿ ನೊಗನೆ ಖಾಂದೊ ದಿನ ಮಾರಾಕ್ತುಶಿಕ್ಕೊ. ಮಿ ಸಾತ್ವಿಕ ದಿನ ರ್ಲಯಲಕ್ತುತುಮೆ ತುಮಾರಿ ಆತ್ಮಾವೊನೆ ಸಮಾಧಾನ ದೆಕೊಶಿ.

30 ಹೊ, ತುಮೊನೆ ಮಾರಿ ನೊಗ ನರಮ ಥೈಸ; ಮಾರು ವಜ್ಜು ತುಮೊನೆ ಹಲ್ಕು ಥಯುಸ.”

12

ಸಬ್ಬತ ದಿನ್ಸಾ ಹುತಿ ಪ್ರಶ್ನೆ

(ಮಾರ್ಕ 2:23; 3:6; ಲುಕ 6:1-11)

1 ತೆ ದಿನ್ಸ ಸಬ್ಬತ ದಿನ್ಸ ಯೆಸು ಫಸಲ ರ್ಲಯಲ ಖಿತರೊನಾ ವಾಟಕಂತೊ ಭಾಲ್ಯೊತೊ. ಯೆಸುನಾ ಶಿಷ್ಯಾ ತಿನಾ ಕ್ಹಾತೆ ವ್ಹತ್ತಾ ವರಿ ಭುಕ್ಕಾ ಥಯಾತಾ. ತಿನಾಹುತಿ ಶಿಷ್ಯಾ ಭುಟ್ಟಾ ಕಿತ್ತಿಲಿನ ಖಾವಾನು ಶುರು ಕರ್ಯ್ತಾ

2 ಎ ದೆಕಲ ಫರಿಸಾಯರೊ ಯೆಸುನೆ, ದೆಕ! ಸಬ್ಬತ ದಿನ್ನೆ ನೈ ಕರಾನಾ ಕಾಮೊನಾಹುತಿ ಯಹುದಿಯೊನಾ ಧರಮ ಶಾಸ್ತ್ರಮಾ ಕದಲ ನಿಯಮೊನಾ ವಿರುದ್ಧ ತಾರಾ ಶಿಷ್ಯಾ ಕರಾಡಾಸ” ಕೈನ ಕದ್ಯಾ

3 ತೆ ವಾತೆ ಯೆಸು, ತೆಬಿ ವರಿ ತಿನಾ ಕ್ಹಾತೆ ರ್ಲಯಲ ಮನಕ್ಲೊ ಭುಕ್ಕಾ ಥಯಲ ಟೈಮಮಾ ದಾವಿದ ಸು ಕರೈಕ್ಕವಾನು ತುಮೆ ಒದ್ಯಾನತ್ತಿಸು?

4 ದಾವಿದ ಕ್ಹುದಾನಾ ಘರಮಾ ಗಯೊ. ಕ್ಹುದಾನೆ ಚಡಾಯಲ ರೊಕ್ಲೊ ದಾವಿದ ವರಿ ತಿನಾ ಕ್ಹಾತೆ ರ್ಲಯಲ ಮನಕ್ಲೊಬಿ ಖಾದ್ಯಾ ತ್ತುನೆ ತೆ ರೊಕ್ಲೊ ಖಾವಾನು ಧರಮ ಶಾಸ್ತ್ರನೆ ವಿರೊದ ಥಯುತು. ತೆ ಖಾವಾನೆ ಕ್ಹಾಲಿ ಯಾಜಕೊನೆ ಅವಕಾಶ ವ್ಹತ್ತು.

5 ಹರಿಯಕ್ಕ ಸಬ್ಬತ ದಿನ್ನಮಾ ಯಾಜಕೊ ದೆವಾಲಯಮಾ ಸಬ್ಬತ ದಿನ್ನನಾ ನಿಯಮೊನೆ ದಾಟಿನ ಗಯಾತುಬಿ ತ್ತುನೆ ತಪ್ಪ ಕರಲವಾಲಾ ನೈ ಥಾತಾ ಕೈನ ತುಮೆ ಮೊಶೆನಾ ಧರಮ ಶಾಸ್ತ್ರಮಾ ಒದ್ವಾನತ್ತಿ ಸು?

6 ತೆನ್ನೆಸೊ ದೆವಾಲಯತಿಬಿ ಮೊಟ್ಟೊ ನ್ವಾ ಛಿ ಕೈನ ಮಿ ತುಮೊನೆ ಕೌಸ.

7 ಪಶು ಬಲಿಯೊನೆ ಮನೆ ನಕೊ, ಮರ್ಗಾಜ ಮನೆ ಚಾಯೆ” ಕೈನ ಪವಿತ್ರ ಗ್ರಂಥ ಕವಸ. ತಿನು ಮತ್ಲಬ ತುಮೆ ತಿಳ್ವಲಿದ್ವಾನತ್ತಿ. ತುಮೆ ತಿನು ಮತ್ಲಬ ತಿಳ್ವಲಿದ್ವಾಮ ತಪ್ಪ ನೈ ಕರಲ ಇವೊನೆ ತಪ್ಪ ಕರಲವಾಲಾ ವ್ವೆ ಕೈನ ಫೈಸಲೊ ನೈ ಕರತ್ತ.

8 ಮನಕ್ವನೊ ದಿಕ್ರೊ ಸಬ್ಬತ ದಿನ್ನನೆ ಮಾಲಕ ಥಯೊಸ” ಕೈನ ಕದ್ಯೊ

ಹತ್ತ ಕುಕ್ವೈಗೈಯಲ ಮನಕ್ವ ಅರಾಮ ಥಯಲ

(ಮಾರ್ಕ 3:1,6; ಲುಕ 6:6,11)

9 ಯೆಸು ತೆ ಜಗಾ ಛೊಡಿನ ತ್ತುನಿ ಸಭಾಮಂದಿರಮಾ ಗಯೊ.

10 ತೆ ಸಭಾಮಂದಿರಮಾ ಯಕ್ಕ ಮನಕ್ವನೊ ಹತ್ತ ಕುಕ್ವೈ ಗಯೊತೊ. ಯಹುದಿಯೊಮಾ ದಕ್ವಾ ಜನಾ ಯೆಸುನಾ ಉಪ್ಪರ ತಪ್ಪ ಫಾಲಾನೆ ಕಾರಣ ಹುಡ್ಕಾಡಾತಾ. ತಿನಾಹುತಿ ತ್ತುನೆ ಯೆಸುನೆ ಸಬ್ಬತ ದಿನ್ನಮಾ ರೊಗ ರ್ವಯಲವಾಲಾವೊನೆ ಅರಾಮ ಕರಾನು ಚೊಕು ವ್ವೆಸು?” ಕೈನ ಪುಚ್ಚಾ

11 ಯೆಸು, ತುಮೊಮಾ ಕಿಕನಬಿ ಯಕ್ಕ ಬಕ್ರು ರ್ವಯಮ ತೆ ಬಕ್ರು ಸಬ್ಬತ ದಿನ್ನಮಾ ಉಂಡಿ ಖಾಡಿಮಾ ಪಡ್ಯಾಮ, ತುಮೆ ತೆ ಬಕ್ರಾನೆ ಉಂಡಿ ಖಾಡಿಮಾತಾ ಭಾರಾ ಕಾಡೊಶಿ.

12 ಮನಕ್ವ ಬಕ್ರಾತಿ ಕೆಕ್ಲೊಕಿ ಮೊಟ್ಟೊ ವ್ವೆ ತಿನಾಹುತಿ ಸಬ್ಬತ ದಿನ್ನಮಾ ಚೊಕಾ ಕಾಮೊ ಕರಾನು ಮೊಶೆನಾ ಧರಮ ಶಾಸ್ತ್ರನಾ ನಿಯಮನೆ ಚೊಕು ವ್ವೆ” ಕೈನ ಉತ್ತರ ದಿದ್ಯೊ.

13 ತೆ ಥಯಲ್ಪರ ಯೆಸು ಹತ್ತ ಕುಕ್ವೈ ಗಯಲ ಮನಕ್ವನೆ, ತಾರೊ ಹತ್ತ ದೆಕಾಡ” ಕದ್ಯೊ ತೆ ತಿನೊ ಹತ್ತ ಯೆಸುಕನ ಅಗೊ ಕರ್ರೊ ತೆಳಾಮಾಜ, ತಿನೊ ಹತ್ತ ಬಿಜಿಕ್ಕ ಹತ್ತ ಲಿಂಗತ ಅರಾಮ ಥಯು.

14 ತಿನ್ನೈಸೊ ಪರಿಸಾಯರೊ ತ್ಯಾಂತಾ ಗೈನ ಯೆಸುನೆ ಖಲಾಸ ಕರಾನೆ ವಿಚಾರ ಕರ್ಯ್.

ಕ್ರುದಾ ಇನಿಲಿದಲ ಸೆವಕ

15 ಪರಿಸಾಯರೊ ಸು ಕರಾಡಾಸ ಕೈನೆ ಯೆಸುನೆ ಗ್ವತ ಥಯುತು. ತಿನಾಹುತಿ ಯೆಸು ತೆ ಜಗಾ ಛೊಡಿನ ಗಯೊ. ಘನ್ನಾ ಮನಕ್ಲೊತಿನಾ ಪಾಚಾ ಗಯಾ. ಯೆಸು ಘನ್ನಾ ಮನಕ್ಲೊನಾ ರೊಗೊ ಅರಾಮ ಕರ್ಯ್.

16 ತಿನ್ನೈಸೊ ತೆ ಕುನ್ನ ವ್ಹೈ ಕೈನ ಬಿಜಾ ಮನಕ್ಲೊನೆ ಕೌ ನೈ ಕೈನ ತೆ ಮನಕ್ಲೊನೆ ಕದ್ಯೊ.

17 ಪ್ರವಾದಿ ಥಯಲ ಯೆಶಾಯ ಕದಲ ಲಿಂಗತ ಥಾವಾನಾಹುತಿ ಯೆಸು ಎ ಕ್ಹಾರು ಕರ್ಯ್. ಯೆಶಾಯ ಸು ಕದ್ಯೊತೊ ಕದ್ಯಾಮ;

18 ದೆಕೊ, ಎ ಮಾರೊ ಸೆವಕ ವ್ಹೈ; ಇನೆ ಮಿ ಇನಿಲಿದ್ಯೊಸ; ಎ ಮನೆ ಪಸಂದ ಛೆ; ಮಾರೊ ಮಯಾನೊ ವ್ಹೈ ಇನಾಮಾ ಮಾರಿ ಆತ್ಮಾ ಭರುಸ; ಎ ಬಿಜಾ ಮನಕ್ಲೊನೆಬಿ ನ್ಯಾಯನೊ ಫೈಸಲೊ ಕವಸ.

19 ಎ ಲಡೈಕಾಡತೊ ನೈ ವದರತೊ ನೈ; ಒಣಿಯೊಮಾ ಇನಿ ಅವಾಜ್ ಕಿನೆಜ ಐಕು ಆತು ನೈ.

20 ಛೆಟಿಲ ಧಾಂಡಾನೆ ಭಾಗ್ಯವಾಚಿ ಇಜೈ ಜಾತು ರ್ಹಯಲ ದಿವ್ವಾನೆ ಲಗಾಡ್ಯಾವಾಚಿ ನ್ಯಾಯನೆ ಜಿತ್ತಾನಾಹುತಿ ವಳ್ಳೆನ ದಿವಸ.

ಯೆಸು ವರಿ ಬೆಲ್ಲೆಬುಲ

(ಮಾರ್ಕ 3:22-30; ಲುಕ 11:14-32; 12:10)

21 ಕ್ಹಾರಾ ಮನಕ್ಲೊತಿಪರ ಬರೊಕ್ಲೊಮ್ಹೊಲಸ.” ಯೆಶಾಯ 42:1-4.

22 ತೆಳಾಮ ದಕ್ಹಾಮನಕ್ಲೊಯಕ್ಲಾನೆ ಯೆಸುಕನ ಲಾಯಾ. ತಿನಾಮಾ ಭುತ್ಕಾ ರ್ಹಯಲಕ್ಲು ತೆ ಕುಡ್ಲೊ ಥೈನ ವ್ಹತ್ತೊ ವರಿ ಮುಕೊ ಥೈನ ವ್ಹತ್ತೊ. ಯೆಸು ತೆ ಮನಕ್ಲನೆ ಅರಾಮ ಕರಲಕ್ಲು ತೆ ಮನಕ್ಲ ಬೊಲಾನೆ ಬಿ ವರಿ ದೆಕಾನೆ ಬಿ ಸಾದ್ಯ ಥಯು.

23 ಮನಕ್ಲೊ ಕ್ಹಾರ ಘಾಬ್ರಾ ಥಯಾ. ಕ್ರುದಾ ಮೊಕ್ಲಿನ ದ್ಯುಸ ಕದಲ ದಾವಿದನೊ ದಿಕ್ರೊ ಎಜ (ಯೆಸು) ವಸ” ಕೈನ ಬೊಲಿದ್ಯಾ.

24 ಮನಕ್ಕೊ ಎ ಕ್ಹಾರು ಬೊಲ್ಲಿವಾನು ಐಕಲ ಪರಿಸಾಯರೊ, ಯೆಸು ಬೆಲ್ಜೆಬೊಲನಾ ತಾಕತಕ್ಕು ಮನಕ್ಕೊನೆ ಭುತ್ವಾವೊಕ್ಕು ಛೊಡಾವಸ. ಬೆಲ್ಜೆಬೊಲ ಭುತ್ವಾವೊನೊ ಅಧಿಪತಿ ವ್ಹೈ” ಕದ್ಯಾ.

25 ಪರಿಸಾಯರೊ ವಿಚಾರ ಕರಾನಾ ಸಂಗತಿಯೊ ಯೆಸುನೆ ಗ್ವತ್ತ ಥಯಾತಾ. ತಿನಾಹುತಿ ಯೆಸು ತ್ಯುನೊನೆ, ತಿನಾಕ್ಕು ತಿನೆಜಿ ವಿರೊದ ಥೈನ ತೆಜಿ ಹೊರಾಡಾನು ರಾಜ್ಯ ನಾಶ ಥಾವಸ. ತಿನಾ ಲಿಂಗತ ತುಟೆಗಿಯಲ ಹರಿಯಕ್ಕ ರಾಜ್ಯ ಸಿಠಿ ನೈ ರ್ವತ್ತು. ಭೆದಭಾವ ಹೊಂದಲ ಹರಿಯಕ್ಕ ಕುಟುಂಬ ಅಭಿವೃದ್ಧಿ ಥಾತು ನೈ.

26 ಇಮ ರ್ವತ್ತಾಮಾ ಸೈತಾನ ತಿನಾ ಸ್ವಂತ ಭುತ್ವಾವೊನೆ ಭಾರೊ ಫಾಲ್ಯೊಮ ತಿನಾಮಾಜ ತೆ ಬೆದ ಹುಟ್ಟಾಯೆಲಿಂಗತ ಥಾವಸ. ತೆಳಾಮಾ ತೆ ವರಿ ತಿನು ರಾಜ್ಯ ಯಕ್ಕ ಥೈನ ಹುಬ್ರಾವಾನೆ ಕಿಮ್ಮ ಸಾದ್ಯ ಲೆ?

27 ಮಿ ಬೆಲ್ಜೆಬೊಲನಾ ತಾಕತಕ್ಕು ಭುತ್ವಾವೊನೆ ಛೊಡೊಸ ಕೈನ ತುಮೆ ಕವೊಶಿ. ತೆ ಕ್ಹರಿ ರ್ವಯಮ, ತುಮಾರಾ ಮನಕ್ಕೊ ಕೈ ತಾಕತಕ್ಕು ಭುತ್ವಾವೊನೆ ಛೊಡಾವಸ? ತಿನಾಹುತಿ ತುಮಾರಾ ಸ್ವಂತ ಮನಕ್ಕೊಜಿ ತುಮೊನೆ ನ್ಯಾಯತಿರ್ಪ ಕರಾಲಾ ಥಾವಸ.

28 ತೆನೈಸೊ ಮಿ ಕ್ಹುದಾನಿ ತಾಕತಕ್ಕು ಭುತ್ವಾವೊನೆ ಛೊಡೊಸ. ಕ್ಹುದಾನಿ ರಾಜ್ಯ ತುಮಾರಾ ನಜಿಕ ಐಸ ಕವಾನು ಎ ದೆಕಾಡಿನ ದಿವಸ.

29 ಯಕ್ಕ ಮನಕ್ಕು ತಾಕತ ವರನಾ ಘರಮಾ ಹೊಕ್ಕಿನ ತಿನು ಸಂತ ರ್ವಯಲ ಕಾಳ್ಕು ಕೈನ ರ್ವಯಮ, ಪೈಲಾ ತೆ ತಾಕತವರವಾಲಾನೆ ಭಾಂದಿನ ಫಾಲು. ತೆಳಾಮಾ ತೆ ತಾಕತವರವಾಲಾನಾ ಘರ್ನಿ ಆಸ್ತಿ ತೆ ಕಾಳ್ಕಿವಾನೆ ಸಾದ್ಯ ಥಾವಸ.

30 ಮಾರಾ ಕ್ಹಾತೆ ನೈ ರ್ವಯಲವಾಲೊ ಮನೆ ವಿರೊದಿ ಥಯೊಸ. ಮಾರಾ ಕ್ಹಾತೆ ಮಳಲವಾಲೊ ಜಾಸ್ತಕರಾಲೊ ಥಾವಸ.

31 ತಿನಾಹುತಿ ಮಿ ತುಮೊನೆ ಕವಾನು ಸು ವೈ ಕದ್ಯಾಮ , ಮನಕ್ಕೊ ಕರಾನಾ ಹರಿಯಕ್ಕ ಪಾವೊನೆ ಕವಾನಾ ಹರಿಯಕ್ಕ ದೊಷನಾ ವಾತೊನೆ ಮಾಫಿ ಲೆ. ತೆನೈಸೊ ಪವಿತ್ರ ಆತ್ಮಾನಿ ದೊಷಣೆನೆ ಮಾಫಿ ನತ್ತಿಜಿ ನತ್ತಿ.

32 ಮನಕ್ಕನಾ ದಿಕ್ರಾನೆ ವಿರೊದ ಥೈನ ಬೊಲ್ಯಾಮ ತಿನೆ ಬಿ ಮಾಫಿ

ಛಿ. ತೆನ್ನೈಸೊ ಪವಿತ್ರಾತ್ಮಾನಾ ವಿರೊದ ಥೈನ ಬೊಲ್ಯಾಮ ತಿನೆ ಮಾಫಿ ಇಹಲೊಕಮಾ ರ್ವವಾದೆ ಪರಲೊಕಮಾ ರ್ವವಾದೆ ನತ್ತಿಜ ನತ್ತಿ.

ಝಾಡ ವರಿ ಪ್ಲಲ್ಲ

33 ತುಮೊನೆ ಚೊಕು ಫಲ ಚಾಯೆ ಥಯಲ ರ್ವಯಮ ತುಮೆ ಚೊಕು ಝಾಡ ಹೊಂದಿಲಿದಲ ರ್ವ ತುಮಾರು ಝಾಡ ಚೊಕು ನೈರ್ವಯಲ ರ್ವಯಮ ತೆ ಕೆಟ್ಟ ಫಲಜ ಛೊಡಸ. ಝಾಡನೆ ತಿಮಾ ಛೊಡಾನಾ ಫಲಕ್ಕುಜ ತಿಳದಿಲಿವಾನೆ ಥಾವಸ.

34 ತುಮೆ ಕ್ಕಾಪೊ ವ್ವೈ! ತುಮೆ ದುಷ್ಟೊ ವ್ವೈ! ಕಿಮ ತುಮೆ ಚೊಕು ಕವೊಶಿ? ತುಮಾರಾ ಮನಸ್ಸಾ ಭರಲಜ ತುಮಾರು ಮ್ಹೊಡು ಬೊಲಸ.

35 ಚೊಕೊ ರ್ವಯಲವಾಲೊ ತಿನಾ ಮನಸ್ಸಾ ಚೊಕಾನುಜ ಮ್ಹೊಲಿಲಿದಲ ರ್ವವಸ. ತಿನಾ ಹುತಿ ತೆ ತಿನಾ ಮನಸ್ಸಾ ಆವಾನು ಚೊಕುಜ ಬೊಲಸ. ತೆನ್ನೈಸೊ ದುಷ್ಟ ತಿನಾ ಮನಸ್ಸಾ ಕೆಟ್ಟ ರ್ವಯಲಜ ಭರಿಲಿದಲ ರ್ವವಸ. ತಿನಾಹುತಿ ತೆ ತಿನಾ ಮನಸ್ಸಾ ಆವಾನು ಕೆಟ್ಟಜ ಬೊಲಸ.

36 ಮನಕ್ಕೊ ಅರುವಾಚಿ ಬೊಲಲ ಹರಿಯಕ್ಕ ವಾತನೆ ನ್ಯಾಯನಾ ದಿನ್ಯಾ ಜವಾಬ ದ್ಯುಲಾಗಸ.

37 ತುಮಾರಾ ವಾತೊಕ್ಕುಜ ತುಮೊನೆ ನಿತಿವಂತರೊ ಕೈನ ರ್ವವಾದೆ ಅಪರಾದಿಯೊ ಕೈನ ರ್ವವಾದೆ ಫೈಸಲೊ ದಿವಸ” ಕದ್ಯೊ.

ಸುಚಕ ಕಾಮ ದೆಕಾಡ ಕೈನ ಪುಚಲ

38 ತೆಳಾಮಾ ದಕ್ಟಾ ಫರಿಸಾಯರೊ ವರಿ ಧರಮೊಪದೇಶಕರೊ ಯೆಸುನೆ, ಬೊದಕ, ತು ಕದಲ ಕ್ಕರಿ ವ್ವೈ ಕೈನ ದೆಕಾಡಾನಾ ಹುತಿ ಯಕ್ಕ ಅದ್ಭುತ ಕಾಮ ಕರ” ಕೈನ ಕದ್ಯಾ.

39 ಯೆಸು, ದುಷ್ಟರೊ ವರಿ ಪಾಪಿಯೊ ಅದ್ಭುತ ಕಾಮ ದೆಕಾನೆ ಮನಸ ಕರಸ. ತೆನ್ನೈಸೊ ತ್ಯುನೊನೆ ಯಕ್ಕ ಬಿ ಅದ್ಭುತ ಕಾಮ ದೆಕಾಡತಾ ನೈ.

40 ಪ್ರವಾದಿ ಥಯಲ ಯೊನ ತನ್ನ ದಿನ್ನಲಕ್ಕಾ ದಿನ್ನರಾತ ಯಕ್ಕ ಮ್ಹೊಟ್ಟಿ ಮಚ್ಚಿನಾ ಪೆಟಮಾ ಕಿಮ್ಮ ವ್ವತ್ತೊ ತಿನಾ ದಾಕ್ಟಲಜ ಮನಕ್ಕನೊ ದಿಕ್ರಬಿ

ಮಜಾರಮಾ ತನ್ನ ದಿನ್ನ-ದಿನ್ನ ರಾತ ಲಕ್ಕಾ ರ್ವವಸ. ಎನ್ನೆಸೊ ಬಿಜು ಕಯುಜ ಅದ್ಭುತ ಕಾಮ ತ್ಯುನೊನೆ ದೆಕಾಡತಾ ನೈ.

41 ಪೈಸಲಾನಾ ದಿನ್ನಮಾ ನಿನೆವ ಗಾಮನಾ ಮನಕ್ಕೊ ಆಜಬಿ ಜಿವತಾ ರ್ವಯಲ ತುಮಾರಾ ಕ್ವಾತೆ ಹುಬ್ಬೈನ ತುಮೊನೆ ಅಪರಾದಿಯೊ ಕೈನ ಪೈಸಲೊ ಕರಸ. ತುಮೆ ಅಪರಾದಿಯೊ ವ್ವೈ ಕೈನ ಕವಸ. ಕಾಕದ್ಯಾಮ ಯೊನ ಕತಾಮಾ ತ್ಯುನೆ ತ್ಯುನಿ ಜಿವನಾ ಬದಲಿ ಕರಿಲಿದ್ದಾ. ತೆನ್ನೆಸೊ ಮಿ ತುಮೊನೆ ಕವಾನು ಸುವೈ ಕದ್ಯಾಮ ಮಿ ಯೊನತಿಬಿ ಮೊಟ್ಟೊ ವ್ವೈ.

42 "ಪೈಸಲಾನಾ ದಿನ್ನ ದಕ್ಷಿಣ ದೆಶನಿ ರಾಣಿ ಆಜ ಜಿವ್ತಾ ರ್ವಯಲ ತುಮಾರಾ ಕ್ವಾತೆ ಉಟಿನ ಹುಬ್ಬೈನ ತುಮೊನೆ ತಪ್ಪ ಕರಾಲಾ (ಅಪರಾದಿಯೊ) ವ್ವೈ ಕೈನ ದೆಕಾಡಿನ ದಿವಸ. ಕಾಕದ್ಯಾಮ, ತೆ ರಾಣಿ ಸೊಲೊಮೊನನಿ ಗ್ಯಾನ ಐಕಾನೆ ಘನ್ನಿ ದುರತಿ ಐ. ಮಿ ತುಬಿ ಸೊಲೊಮೊನತಿ ಮೊಟ್ಟೊ ವ್ವೈ ಕೈನ ತುಮೊನೆ ಕೌಸ.

ಕೆಟ್ಟ ಆತ್ಮಾಪ್ಪರಿನ ಆಯಲ

43 ಕೆಟ್ಟ ಆತ್ಮಾ ಮನಕ್ಕಮಾತಿ ಭಾರಿ ಆಯಲ್ಪರ ಅರಾಮ ಕರಾನಾ ಹುತಿ ಭಗಾ ಹುಡಕತಿ ಪಾನಿ ನೈರ್ವಯಲ ಭಗಾವೊಕನ ಫರಸ. ತೆನ್ನೆಸೊ ತೆ ಕೆಟ್ಟ ಆತ್ಮಾನೆ ಚಾಯೆ ಥಯಲ ಅರಾಮ ಕರಾನಿ ಭಗಾ ನೈಮಳ್ಳಿ.

44 ತೆಳಾಮಾ ತೆ, ಮಿ ಛೊಡಿನ ಆಯಲ ಘರೆ ಫರಿನ ಜ್ಞೌಸ ಕೈನ ಕೈಲಿವಸ. ಪಾಚಲ್ಲಿ ತೆ ತಿಕನ ವರಿ ಆಯಲ್ಪರ ತೆ ಘರ ಕ್ವಾಲಿ ರ್ವಯಲ ರ್ವವಸ. ವ್ವಚಲ ನೈಸೊ ಚೊಕಿ ತರಾ ತಯ್ಯಾರ ಕರಲ ರ್ವವಸ.

45 ತೆಳಾಮಾ ತೆ ಕೆಟ್ಟ ಆತ್ಮಾಗೈನ ತಿನಾತಿಬಿ ಕೆಟ್ಟ ರ್ವಯಲ ಕ್ವಾತ ಕೆಟ್ಟ ಆತ್ಮಾವೊನೆ ಬಲೈ ಲಾವಸ. ತೆ ಕೆಟ್ಟ ಆತ್ಮಾವೊ ತೆ ಮನಕ್ಕನಾ ಅಂಗಮಾ ಗೈನ ತ್ಯಾ ರ್ವವಾನು ಶುರು ಕರಸ. ತೆಳಾಮಾ ತೆ ಮನಕ್ಕನೆ ಪೈಲಾತಿಬಿ ಜಾಸ್ತ ತ್ರಾಸ ಥಾವಸ. ಎ ದಿನ್ನೊಮಾ ರ್ವಯಲ ಕೆಟ್ಟ ಮನಕ್ಕೊನೆ ಇನಾಲಿಂಗತಜ್ಜ ಥಾವಸ ಕದ್ಯೊ.

ಯೆಸುನಿ ಮಾ ವರಿ ಭಾಯೊ

(ಮಾರ್ಕ 3:31-35; ಲುಕ 8:19-21)

46 ಯೆಸು ಮನಕ್ಕೊನಾ ಕ್ಹಾತೆ ಬೊಲ್ತೊ ರ್ಹತಾಮಾ, ತಿನಿ ಯಾ ವರಿ ತಿನಾ ಭಾಯೊ ಐನ ಭಾರಾ ಹುಬ್ರಯಾ. ತ್ಯಾನೆ ತಿನಾ ಕ್ಹಾತೆ ಬೊಲು ಕೈನ ವ್ಹತ್ತಾ.

47 ಯೆಸುನೆ, ತಾರಿ ಯಾ ವರಿ ಭಾಯೊ ತಾರಾ ಹುತಿ ಭಾರಾ ಕೈದಾಡಾಸ, ತ್ಯಾನೆ ತಾರಾ ಕ್ಹಾತೆ ಬೊಲು ಕೈನ ಕವಾಡಾಸ ಕದ್ಯೊ.

48 ಯೆಸು, "ಮಾರಿ ಯಾ ಕುನ ವ್ಹೈ? ಮಾರಾ ಭಾಯೊ ಕುನ ವ್ಹೈ?" ಕೈನ ಪುಚ್ಚಿನ,

49 ತಿನಾ ಶಿಷ್ಯಾವೊಕನ ಹತ್ತ ದೆಕಾಡಿನ, "ದೆಕೊ! ಇವ್ವೆಜ ಮಾರಿ ಯಾ ವರಿ ಭಾಯೊ ವ್ಹೈ.

50 ಪರಲೊಕಮಾ ರ್ಹಯಲ ಮಾರಾ ಬಾನಾ ಚಿತ್ತನಾ ಪ್ರಕಾರ ಚಾಲಾಲೊಜ ಮನೆ ಬೈವ್ವೊ ಭೆನ ವ್ಹೈವರಿ ಯಾ ವ್ಹೈ" ಕೈನ ಕದ್ಯೊ.

13

ಯೆಸು ಬಿತ್ತಾನಿ ಸಾಮ್ಯಕದಲ

(ಮಾರ್ಕ 4:1-9; ಲುಕ 8:4-8)

1 ತೆಜ ದಿನ್ನೆ ಯೆಸು ಘರಮಾತೊ ಗೈನ ಸಮುಂದರನಾ ದಂಡಿಕನ ಬೈಟ್ಲೊ.

2 ಘನ್ನಾ ಮನಕ್ಕೊ ಯೆಸುನಾ ಸುತ್ತೆ ಆಯಲಕ್ಕು ತೆಳಾಮಾ ಯೆಸು ಹಡಗಮಾ ಗೈನ ಬೆಟ್ಲೊ ಮನಕ್ಕೊ ಕ್ಹಾರಾ ದಂಡಿಕನ ಹುಬ್ರಯಾತಾ.

3 ತೆಳಾಮಾ ತೆ ಸಾಮ್ಯನಾ ಮುಲಕ ಘನ್ನಾ ವಿಶಯೊ ತ್ಯಾನೊನೆ ಬೊಧನೆ ಕರ್ರೊ ಯೆಸು ತ್ಯಾನೊನೆ ಆಂ ಸಾಮ್ಯ ಕದ್ಯೊ: ಯೆಸು ರೈತ ಬಿಯ್ಯಾ ಬಿತ್ತಾನಾ ಹುತಿ ಗಯೊ.

4 ತೆ ಬಿಯ್ಯಾ ಬಿತ್ತತಾಮಾ ದಕ್ಖಾ ಬಿಯ್ಯಾ ರೊಡನಾ ಬಾಜುಮಾ ಪಡ್ಯಾ ಪಕ್ಷಿಯೊ ಐನ ಕ್ಹಾರಾ ಬಿಯ್ಯಾ ಖೈಪಡ್ಯಾ.

5 ದಕ್ಖಾ ಬಿಯ್ಯಾ ದಗಡಾ ರ್ಹಯಲ ವಾಟಪರ ಪಡ್ಯಾ ತೆ ಜುಗಾ ಜಿಮಿನ್ನರ ಮಾತಿ ಕಮ್ಮ ರ್ಹಯಲ ಹುತಿ ಬಿಯ್ಯಾ ಭೆಗಿನ ಬೆಳದ್ಯಾ.

6 ತೆನ್ನೈಸೊ ತಡಕೊ ಪಡಿನ ತೆ ಝಾಡೊ ಕುಕ್ಕೈಗಯಾ. ಕಾಕದ್ಯಾಮ ತ್ಯನೊಮಾ ಬೆರ ಘಟ್ಟೆನ್ನೊತ್ತು.

7 ಬಿಜಾ ದಕ್ಕಾ ಬಿಯ್ಯಾ ಕಾಟಾವೊನಾ ಝಾಡೊಮಾ ಪಡ್ಯಾ ಕಾಟಾವೊನಾ ಝಾಡೊ ಬೆಳದಿನ ಚೊಕಾ ಝಾಡೊನೆ ಝಾಕಿಪಡ್ಯಾ.

8 ಬಿಜಾ ದಕ್ಕಾ ಬಿಯ್ಯಾ ಚೊಕಿ ಜಿಮಿನ್ನರ ಪಡ್ಯಾ ತೆ ಬೆಳ್ಳಿನ ಕಾಳೊ ದಿದ್ಯಾ ದಕ್ಕಾ ಝಾಡೊ ಕೊಯಕ್ಕಾ ದಕ್ಕಾ ಝಾಡೊ ಕ್ವಟ ಯಕ್ಕಾ ವರಿ ದಕ್ಕಾ ಝಾಡೊ ಮುವತ್ತ ಯಕ್ಕಾ ಕಾಳೊ ಲೊಡ್ಯಾ.

9 ಮಾರಾ ಆಗನ್ಯಾನೆ ಕಾನದಿನ ಐಕಾಲಾ ಮನಕ್ಕೊ ಐಕೊ!”

ಯೆಸು ಸಾಮ್ಯ ಉಪಯೊಗ ಕರಲ

(ಮಾರ್ಕ 4:10-12; ಲುಕ 8:9-10)

10 ತೆಳಾಮಾ ಶಿಷ್ಯಾ ಯೆಸುಕನ ಐನ, "ತು ಸಾಮ್ಯ ಮುಕಾಂತರ ಮನಕ್ಕೊನೆ ಉಪದೆಶ ಕವಾನು ಶಾನೆ?" ಕೈನ ಪುಚ್ಯಾ.

11 ತೆಳಾಮಾ ಯೆಸು, "ಪರಲೊಕ ರಾಜ್ಯ ದಡಿ ರ್ವಯಲ ಕ್ವರಿನೆ ಕ್ವಾಲಿ ತುಮೆಜ ತಿಳ್ವಿಲೆಸಕೊಶಿ. ಎ ದಡಿ ರ್ವಯಲ ಕ್ವರಿ ಬಿಜಾ ಮನಕ್ಕೊನೆ ಕಳ್ತು ನೈ.

12 ಕಮ್ಮ ಗ್ಯಾನ ರ್ವಯಲವಾಲೊ ಹಚ್ಚುನ ಹೆಚ್ಚಿ ಗ್ಯಾನ ಪಡ್ವಿಲಿನ ತೆ ಘನ್ನೊ ಗ್ಯಾನಿ ಥಾವಸ. ತೆನ್ನೈಸೊ ಗ್ಯಾನ ನೈ ರ್ವಯಲವಾಲೊ ತಿಕನ ರ್ವವಾನಿ ಗ್ಯಾನಬಿ ಜವೈಲಿವಸ.

13 ಎ ಕಾರಣಕ್ಕುಜ್ಜ ಮಿ ಎ ಸಾಮ್ಯ ಮುಕಾಂತರ ತ್ಯನೊನೆ ಕೌಸ. ಎ ಮನಕ್ಕೊ ದೆಕ್ಕಾತಬಿ ದಿಕ್ಕತ್ತು ನೈ ಐಕಿನಬಿ ತಿಳ್ವಿಲೆತಾನ್ಯೆ.

14 ಹೆವಾವೊನಾ ಹುತಿ ಯೆಶಾಯ ಸು ಕದ್ಯೊಸ ಕದ್ಯಾಮ, ತುಮೆ ಕಾನೊ ರ್ವ್ವಿನ ಐಕ್ಕಾತಬಿ ತಿಳ್ವಿಲೆತಾ ನೈ. ತುಮೆ ಡೊಳಾ ರ್ವ್ವಿನ ದೆಕ್ಕಾತಬಿ ದಿಕ್ಕತ್ತುಜ್ಜ ನೈ.

15 ಎ ಮನಕ್ಕೊನು ಮನಸ ಘಟ್ಟೆ ಥಯು; ಇವ್ವಾ ಕಾನೊ ಕಿವ್ವಾ ಥಯಾ; ಇವ್ವೆ ಡೊಳಾ ಝಾಕಿಲಿದ್ಯಾಸ. ತ್ಯನೆ ಡೊಳಾಕ್ವು ದೆಕಿನ ಕಾನೊಕ್ವು ಐಕಿನ ಮನಸಕ್ವು ತಿಳ್ವಿಲಿನ ಮಕನ ಫರಿನ ಮಾರಾಕ್ವು ಅರಾಮ ಥಾ ನೈ ಕೈನ ಕರಿಲಿದ್ಯಾಸ.

16 ತುಮೆ ಧನ್ಯೆ ವ್ಹೈ, ತುಮೊನೆ ದಿಕ್ಪಾನಾ ಸಂಗತಿಯೊ ತುಮೊನೆ ಕವಾನಾ ವಿಶಯೊ ತಿಳ್ವಲೆಸಕೊಶಿ.

17 ಮಿ ತುಮೊನೆ ಕ್ಹರಿಜ್ಜ ಕೌಸ, ತುಮೆ ಹಮ್ಮಾ ದೆಕಾನಾ ಸಂಗತಿಯೊ ದೆಕಾನೆ ವರಿ ಹಮ್ಮಾ ತುಮೆ ಐಕಾನಾ ಸಂಗತಿಯೊನೆ ಐಕಾನೆ ಘನ್ನಾ ಪ್ರವಾದಿಯೊ ವರಿ ಘೊಕಾ ಮನಕ್ಹೊ ಆಸ ಕರ್ತ್ಯಾ ತೆನ್ನೆಸೊ ತ್ಯುನೊನೆ ಥಯು ನೈ.

ಬಿತ್ತಾನಾ ಹುತಿ ಯೆಸು ಕದಲ

(ಮಾರ್ಕ 4:13-20; ಲುಕ 8:11-15)

18 ಇಮ್ಮರ್ದತಾಮಾ ಬಿತ್ತಾಲಾ ರೈತನಾ ಹುತಿ ಕದಲ ಸಾಮ್ಯನು ಅರ್ಥ ಐಕೊ.

19 ರಸ್ತಾನಾ ಬಾಜುಮಾ ಪಡಲ ಬಿಯ್ಯಾ ಕದ್ಯಾಮ ಸು ವ್ಹೈ? ಪರಲೊಕನಾ ಹುತಿ ಕದಲ ಐಕಿನ ತಿನೆ ತಿಳ್ವಲಿದ್ಯಾವಾಚಿ ರ್ಹಯಲ ಮನಕ್ಹ ಬಿಯ್ಯಾ ಪಡಲ ರಸ್ತಾನಾ ಬಾಜುನಿ ವಾಟ ವ್ಹೈ ಕೆಟ್ಟ ರ್ಹಯಲವಾಲೊ (ಸೈತಾನ) ಐನ ತೆ ಮನಕ್ಹನಾ ಮನಸಮಾ ಬಿತ್ತಲ ಬಿಯ್ಯಾ ಕಾಳಿನ ಜಾವಸ.

20 ದಗ್ಡಾವೊನಿ ಮಾತಿಪರ ಪಡಲ ಬಿಯ್ಯಾ ಕದ್ಯಾಮ ಸು ವ್ಹೈ? ಕ್ಹುದಾನಾ ವಾತೊ ಐಕಲ ಬರೊಬರ ತೆ ಮುಶಿಕ್ಹ ಸ್ವಿಕಾರ ಕರಾಲೊ ಮನಕ್ಹಜ ಬಿಯ್ಯಾ ಪಡಲ ದಗ್ಡಾವೊನಿ ಜಿಮಿನ ವ್ಹೈ.

21 ತೆನ್ನೆಸೊ ತೆ ಮನಕ್ಹ ಕ್ಹುದಾನಾ ವಾತೊ ತಿನಾ ಜಿವಿತಮಾ ಮ್ಹೆಲಿಲೆತೊ ನೈ. ತೆ ಮನಕ್ಹ ಕ್ಹುದಾನಾ ವಾತೊ ದಕ್ಲಿಯೆಳಜ ಚಾಲಿಲಿನ ಜಾವಸ. ತೆ ಕ್ಹುದಾನಾ ವಾತೊ ಸ್ವಿಕಾರ ಕರಿಲಿದಲಕ್ಹು ತಿನೆ ಕಷ್ಟ ರ್ಹವಾದೆ ತ್ರಾಸ ರ್ಹವಾದೆ ಆತಾಮಾ ತಿನೆ ಜಲ್ದಿನ ಛೊಡಿ ಪಡಸ.

22 "ಕಾಟಾನಾ ಝಾಡೊಮಾ ಪಡಲ ಬಿಯ್ಯಾ ಕದ್ಯಾಮ ಸು ವ್ಹೈ? ಕ್ಹುದಾನಾ ವಾತೊ ಐಕಿನಬಿ ಲೊಕನಿ ಚಿಂತಾಕ್ಹು ವರಿ ದೊಕ್ಪಾನಾ ಉಪ್ಪರ ರ್ಹಯಲ ಮಯಾಕ್ಹು ಕ್ಹುದಾನಿ ವಾತೊನೆ ತಿನಾಮಾ ಬೆಳ್ಳೆ ನೈಸೊ ಕರಾಲೊಜ ಬಿಯ್ಯಾ ಪಡಲ ಕಾಟಾವೊನಾ ಝಾಡೊನಿ ಜಿಮಿನ ವ್ಹೈ. ತಿನಾಹುತಿ ಕ್ಹುದಾನಾ ವಾತೊ ತೆ ಮನಕ್ಹನಾ ಜಿವಿತಮಾ ಫಲ ನೈ ದೆತಾ.

23 ಚೋಕಿ ಜಿಮಿನಪರ ಪಡಲ ಬಿಯ್ಯಾ ಕದ್ಯಾಮ ಸು ವ್ಹೈ? ಕ್ಹುದಾನಾ ವಾತೊ ಐಕಿನ ತಿನೆ ತಿಳ್ವಲಿದಲ ಮನಕ್ವಜ ಬಿಯ್ಯಾ ಪಡಲ ಚೋಕಿ ಜಿಮಿನ ವ್ಹೈ ತೆ ಮನಕ್ವ ಬೆಳ್ವಿನ ದಕ್ವಿಸಲಾ ಕ್ಹೊಯಕ್ಲ ದಕ್ವಿಸಲಾ ಕ್ಹಾಟೆ ಯಕ್ಲ ವರಿ ದಕ್ವಿಸಲಾ ಮುವ್ವತ್ತ ಯಕ್ಲ ಫಲ ದಿವಸ" ಕೈನ ಕದ್ಯೊ.

ಘೌ ವರಿ ಹಣಜಿನಿ ಸಾಮ್ಯ

24 ತೆ ಥಯಲ್ವರ ಯೆಸು ತ್ಯನೊನೆ ವರಿಯಕ್ ಸಾಮ್ಯನಾ ಮುಲಕ ಕ್ಹುದಾನಿಯೊ ವಾತೊ ಕದ್ಯೊ ತೆ ಸುವೈ ಕದ್ಯಾಮ: ಪರಲೊಕ ರಾಜ್ಯ ಚೋಕಾ ಬಿಯ್ಯಾ ತಿನಾ ಖೆತರಮಾ ಬಿತ್ತಲ ಯಕ್ ರೈತ ಲಿಂಗತ ಟೆ.

25 ತೆ ರಾತ ಮನಕ್ವೊ ಕ್ಹಾರಾ ಕ್ಹರಯಲ ರ್ವತಾಮಾ, ತೆ ಟೈಮಮಾ ತಿನೊ ದುಶ್ಮನ ಐನ ಘೌನಾ ವಚ್ಚಾ ಹಣಜಿ ಬಿತ್ತಿನ ಗೈಪಡ್ಯೊ.

26 ತೆ ಘೌಂ ಬೆಳ್ವಿನ ಬಿಯ್ಯಾ ದಿವಸ. ತಿನಾ ಕ್ಹಾತೆಜ ಹಣಜಿಬಿ ಬೆಳ್ವಿಸ.

27 ತೆಳಾಮ ತೆ ರೈತನಾ ಆಳೊ ತಿಕನ ಐನ, ತಾರಾ ಖೆತರಮಾ ತು ಚೋಕಾ ಬಿಯ್ಯಾ ಬಿತ್ಯೊತೊ. ಹಣಜಿ ಕಿಜಾಂತಿ ಐ?" ಕೈನ ಪುಚ್ಚಾ.

28 ತೆ ಮನಕ್ವ 'ಯಕ್ಲೊ ದುಶ್ಮನ ಹಣಜಿ ಬಿತ್ಯೊಸ" ಕೈನ ಉತ್ತರ ದಿದ್ಯೊ ತೆ ಆಳೊ, ಹಮೆ ಗೈನ ಹಣಜಿ ಕಿತ್ತೆ ಸು?" ಕೈನ ಪುಚ್ಚಾ.

29 ತೆ ಮನಕ್ವ 'ನಕೊ, ಕಾಕದ್ಯಾಮ ತುಮೆ ಹಣಜಿ ಕಿತ್ತತಾ ಟೈಮಮಾ ಘೌಂ ಬಿ ಕಿತ್ತಿಪಾಡೊಶಿ.

30 ಸುಗ್ಗಿಕಾಲ ಆಯೆಲಕ್ವಾ ಹಣಜಿ ಘೌಂ ಮಳಿನ ಬೆಳ್ವಾದೆ. ಸುಗ್ಗಿಕಾಲನಾ ಟೈಮಮಾ ಮಿ ಕಾಮ ಕರಾಲಾವೊನೆ, ಪೈಲಾ ಹಣಜಿ ಕಾಟಿನ ತಿನೆ ಬಾಳಾನಾಹುತಿ ಭಾರೊ ಭಂದಿನ, ಪಾಚಲ್ತಾ ಘೌಂನೆ ಮಳ್ಳಿನ ತಿನೆ ಮಾರಾ ಕಣಜಮಾ ಲಿನಾವೊ ಕೈನ ಕೌಸ" ಕೈನ ಉತ್ತರ ದಿದ್ಯೊ."

ಖಾಟಾ ಲೊಟಿನಿ ಹುತಿ ವರಿ ಸಾಸ್ವಿ ಕಾಳನಿ ಸಾಮ್ಯ
(ಮಾರ್ಕ 4:30-34; ಲುಕ 13:18-21)

31 ಪಾಚಲ್ಲೊ ಯೆಸು ಮನಕ್ಕೊನೆ ವರಿಯಕ್ಕ ಸಾಮ್ಯ ಕದ್ಯೊ; ಪರಲೊಕರಾಜ್ಯ ಸಾಸ್ತಿ ಕಾಳ ಲಿಂಗತ ಛಿ. ಯಕ್ಕೊ ತಿನೆ ಖಿತರಮಾ ಬಿತ್ಯೊ.

32 ತೆ ಕ್ಹಾರಾ ಬಿಯ್ಯಾವೊತಿ ನ್ಹಾನೊ ಬಿಯ್ಯೊ ವ್ಹ್ಯೆ ತೆನ್ನೆಸೊ ತೆ ಬೆಳ್ತಲಪರ ಖಿತರನಾ ರೂಡೊತಿಬಿ ಮ್ಹೊಟು ರ್ವವಸ. ತೆ ರೂಡ ಥಯಲ್ಪರ ಪಕ್ಷಿಯೊ ಐನ ತಿನಾ ಲೊಂಗಿಯೊಮಾ ಗುಡ ಕರಿಲಿಯೆ ಲಿಂಗತ ಮ್ಹೊಟಾ ರ್ವವಸ.”

33 ಪಾಚಲ್ಲೊ ಯೆಸು ಮನಕ್ಕೊನೆ ವರಿಯಕ್ಕ ಸಾಮ್ಯ ಕದ್ಯೊ; ಪರಲೊಕರಾಜ್ಯ ಯಕ್ಕ ಬಾಕಡಿ ರೊಟ್ಟಾ ಕರಾನೆ ಯಕ್ಕ ಮ್ಹೊಟಾ ಪರಾತಮಾ ಲೊಟಮಾ ಮಳಾಯಲ ಖಾಟಾ ಲಿಂಗತ ಛಿ. ತೆ ಖಾಟು ಮಕ್ಕಳಲ ಪುರಾ ಲೊಟನೆ ಫುಗ್ಗಾವಸ.”

34 ಯೆಸು ಎ ಕ್ಹಾರು ಸಾಮ್ಯನಾ ಮುಲಕ ಕದ್ಯೊ ತೆ ಉಪದೇಶ ಕರ್ತ್ತಾ ಟೈಮಮಾ ಸಾಮ್ಯ ಉಪಯೊಗ ಕರ್ತ್ತೊ.

35 ಪ್ರವಾದಿ ಕದ್ಯಲ ಎ ವಾತ ಇನಾಕ್ಹು ಪುರಾ ಥಯು: "ಮಿ ಸಾಮ್ಯನಾ ಮುಲಕ ಉಪದೇಶ ಕರುಸ; ದುನಿಯಾ ಸೃಷ್ಟಿ ಥಾವಾತಿ ಪೈಲಾ ದಡಿರ್ಲ್ದಯಲ ಕ್ಹಾರು ಭಾರೊ ಲೌಸ.”

ಯೆಸು ಬಿಯ್ಯಾ ಬಿತ್ತಾನಿ ಸಾಮ್ಯನಾ ಹುತಿ ಕದಲ

36 ಯೆಸು ಮನಕ್ಕೊನು ಗುಂಪನೆ ಛೊಡಿ ನಿ ಘರಮಾ ಗಯೊ. ತೆಳಾಮಾ ತಿನಾ ಶಿಷ್ಯಾ ತಿಕನ ಐನ ಸಾಮ್ಯನೊ ಮತ್ಲಬ ಹಮೊನೆ ಕೆ ಕದ್ಯಾ

37 ಯೆಸು ಅಮ ಜವಾಬ ದಿದ್ಯೊ ಖಿತರಮಾ ಚೊಕೊ ಬಿಯ್ಯೊ ಬಿತ್ತಾಲೊ ಮನಕ್ಕೊನೊ ದಿಕೊ ವ್ಹ್ಯೆ.

38 ತೆ ಖಿತರ ಎ ದುನಿಯಾ ವ್ಹ್ಯೆ ಚೊಕೊ ಬಿಯ್ಯೊ ಸ್ವರ್ಗನಾ ಕ್ಹುದಾನಾ ಬಚ್ಚಾ ವ್ಹ್ಯೆ.

39 ಹಣಜಿ ಕದ್ಯಾಮ ಕೆಟ್ಟ ಮನಕ್ಕೊನಾ ಬಚ್ಚಾ ವ್ಹ್ಯೆ ತಿನೆ ಬಿತ್ತಾಲೊ ದುಶ್ತನ ಸೈತಾನ ವ್ಹ್ಯೆ ಸುಗ್ಗಿನೊ ಟೈಮ ಕದ್ಯಾಮ ದುನಿಯಾ ಖಲಾಸ ಥಾವಾನಾ ಟೈಮ್ನಾ ಕಾಟಾಲಾ ಕದ್ಯಾಮ ದೆವದುತೊ ವ್ಹ್ಯೆ.

40 ಕಿಮ ಹಣಜಿ ಇನಿನ ಜಮಾ ಕರಿನ ಬಾಳಿಪಾಡಸ ತಿಮ್ಮಜ್ಜ ದುನಿಯಾ ಖಲಾಸ ಥಾವಾನಾ ಟೈಮ್ಮಾ ಇಮ್ಮಜ್ಜ ಥಾವಸ.

41 ಮನಕ್ವನೊ ದಿಕ್ರೊತಿನಾ ದುತೊನೆ ಮೊಕ್ಲಸ.ತ್ಯನೆ ತಿನಾ ರಾಜ್ಯಮಾ ಪಾಪನೆ ಕಾರಣಥಯಲವಾಲಾ ಕ್ಕಾರಾ ಅಧರ್ಮಿಯೊನೆ ಮಳ್ಳಿನ ಆಗನಿ ಇರಮಾ ಘಾಲಿಪಾಡಸ.

42 ತ್ಯಾರವಾನು ವರಿ ಕಟ್ಟ-ಕಟ್ಟ ದಾತೊ ಖಾವಾನು ರ್ವವಸ.

43 ತೆಳಾಮಾ ಕ್ಕರಿಕ್ಲು ರ್ವಯಲವಾಲಾ ತ್ಯನಾ ಬಾನಾ ರಾಜ್ಯಮಾ ಸುರ್ರಾನಾನಿಂಗತ ಉಜಾಲಾವಾಲಾ ಥೈನ ದಿಕ್ಲಸ. ಐಕಾಲಾ ಕಾನೊ ರ್ವಯಾಮ ಐಕಾದೆ ಕೈನ ಕದ್ಯೊ.

ದಡೈನ ಮೈಲಲ ನಿಧಿ, ಮುತ್ತೊನಾ ಹುತಿ ವರಿ ಬಲಿನಿ ಸಾಮ್ಯ

44 ಸ್ವರ್ಗ ರಾಜ್ಯನಾ ಖಿತರ ರ್ವಾಕಿನ ಮೈಲಲ ನಿಧಿನೆ ಹೊಲಿಕೆ ಥೈಸ. ಯಕ್ಲೊಇಕ್ಕಾತೊ ಲಿನ ರ್ವಾಕಿನ ಮೈಲಿನ ತಿನೆ ಥಯಲ ಕುಶಿಕ್ಲುಗೈನ ತಿನೆ ರ್ವಯಲ ಕ್ಕಾರು ಇಕ್ಕಿನ ತೆ ಖಿತರ ಲಿದ್ಯೊ.

45 ವರಿ ಸ್ವರ್ಗನೊ ರಾಜ್ಯ ಚೊಕಾ ರ್ವಯಲ ಮುತ್ತೊ ಹುಡಕಾಲೊ ವ್ಯಾಪಾರಿ ಥಯೊಸ.

46 ತೆ ಯಕ್ಕ ಘನ್ನು ಮೊಗು ರ್ವಯಲ ಮುತ್ತ ಇಕ್ಕಾತು ಲಿನ ಗೈನ ತಿಕನ ರ್ವಯಲ ಇಕ್ಕಿನ ತೆ ಲಿದ್ಯೊ.

47 "ಸ್ವರ್ಗನು ರಾಜ್ಯ ಸಮುದ್ರಮಾ ರ್ವಯಲ ಸಮುದ್ರಮಾ ರ್ವಯಲ ಕ್ಕಾರಿಯೊ ಮಚ್ಚಿಯೊ ಧರಾನಿ ಬಲಿ ನಿಂಗತ ಛಿ

48 ತೆ ಭರಲ್ವರ ಮಚ್ಚಿಯೊ ಧರಾಲಾ ತ್ಯನೆ ಧಂಡಿಯೆ ಲೈನ ಚೊಕಿಯೊ ಮಚ್ಚಿಯೊ ಇನಿಲಿನ ಕೆಟ್ಟ ಮಚ್ಚಿಯೊ ನಾಕಿಪಾಡಸ.

49 ಇನಾನಿಂಗತಜ್ಜ ದುನಿಯಾಬಿ ಖಲಾಸ ಥಾವಸ. ದೆವದುತೊ ಐನ ನಿತಿವಂತವಾಲಾವೊಮಾತಾ ಕೆಟ್ಟ ರ್ವಯಲವಾಲಾವೊನೆ ಜುದಾ ಕರಿನ ತ್ಯನೊನೆ ಆಗನಿ ಇರಮಾ ಘಾಲಿಪಾಡಸ.

50 ತ್ಯಾರವಾನು ವರಿ ಕಟ್ಟ-ಕಟ್ಟ ದಾತೊ ಖಾವಾನು ರ್ವವಸ.

ನವು ಕ್ಕರಿ ವರಿ ಜುನ್ನು

51 ಎ ಕ್ಹಾರಿಯೊ ಸಂಗತಿಯೊ ಕಳಿಯೊಸು ಕೈನ ಪುಚ್ಚಾಮಾ, ಕ್ಹಾರಾ ಶಿಷ್ಟಾ ಕಳ್ಳುಸ ಕದ್ಯಾ.

52 ತೆಳಾಮ ತೆ ತ್ಯುನೊನೆ ಇಮ್ಮ ರ್ಹತಾಮಾ ಸ್ವರ್ಗನಾ ಹುತಿ ಉಪದೆಶ ಹೊಂದಿನ ಶಿಕ್ಕಿಲ ಹರಿಯಕ್ಕೊ ಶಾಸ್ತ್ರೊ ಪದೆಶಕ, ಬೊಕ್ಕಸಮಾತೊ ನವಾ ಸಾಮನೊ, ಝುನ್ನಾ ಸಾಮನೊ ಭಾರಾ ಕಾಡಲ ಘರ್ನೊ ಮಾಲಕನಿ ಹೊಲಿಕೆ ಥಯೊಸ ಕೈನ ಕದ್ಯೊ.

ಯೆಸುನೆ ತಿನಾ ಸ್ವಂತ ಗಾಮ್ಮಾ ರುಕ್ತಾಯಲ

53 ಯೆಸು ಎ ಸಾಮ್ಯ ಕೈನ ಮುಗ್ಸಲ್ಪರ ತ್ಯಾಂತೊ ಗೈ ಪಡ್ಯೊ.

54 ತೆ ಥಯಲ್ಪರ ತೆ ತಿನಾ ಸ್ವಂತ ಗಾಮೆ ಐನ ತಿವ್ವಿ ಸಭಾಮಂದಿರಮಾ ಮನಕ್ಕೊನೆ ಉಪದೆಶ ಕರಾಡ್ಯೊತೊ. ತಿವ್ವೆ ತೆ ಐಕಿನ ಘಾಬ್ರಾ ಥೈನ, ಇನೆ ಎ ಗ್ಯಾನ ಮೊಟ್ಟಾ ಕಾಮೊ ಕರಾನು ಕಿಜ್ಗಂತು ಐಯು ವಸೆ?

55 ಎ ಐಲಾ ಬಡಗ್ಯಾನೊ ದಿಕ್ರೊ ನ್ಹವೈ ಸು? ಇನಿ ಯಾ ಮರಿಯಳ ನ್ಹವೈ ಸು? ಯಾಕೊಬ, ಯೊಸೆಫ, ಸಿಮೊನ, ಯುದ ಇವ್ವೆ ಇನಾ ಭಾಯೊ ನ್ಹವೈ ಸು?

56 ಇನಿಯೊ ಭೆನೊ ಅಪೊಮಾ ನತ್ತಿ ಸು? ವರಿ ಎ ಕ್ಹಾರು ತಿನೆ ಕಿಜ್ಗಂತೊ ಆಯುಸ? ತಿನಾ ಹುತಿ ತಿನೆ ರುಕ್ತಾಯಾ

57 ತೆನೈಸೊ ತ್ಯುನೊನೆ ತೆ ಪ್ರವಾದಿ ಬಿಜಿ ಜಗಾ ಕಿಜ್ಗಾ ರ್ಹಯೊತಬಿ ತಿನಿ ಮರ್ಯಾದಿ ಛೆ. ಸ್ವಂತ ದೆಶಮಾ ವರಿ ಸ್ವಂತ ಗಾಮ್ಮಾ ಮರ್ಯಾದಿ ಮಳತಿ ನೈ.

58 ತ್ಯುನೊಮಾ ಬರೊಕ್ಕೊನೈ ರ್ಹಯಲ ಹುತಿ ತಿನಾಹುತಿ ತ್ಯಾ ಮೊಟ್ಟಾ ಕಾಮೊ ಕರೈಯೈ.

14

ಸ್ನಾನಿಕ ಥಯಲ ಯೊಹಾನನು ಮರಣ

(ಮಾರ್ಕ 6:14-29; ಲುಕ 9:7-9)

1 ತೆ ಟೈಮಮಾ ಹೆರೊದ ಗಲಿಲಾಯ ಗಾಮ್ಮಾ ರಾಜ್ಜೊ ವ್ಹತೊ. ಯೆಸುನಿ ಸುದ್ದಿ ಕ್ಹಾರುಜ ತಿನೆ ಗ್ವತ್ತ ಥಯು.

2 ಹೆರೊದ ತಿನಾ ಆಳೊನೆ ಎ ಬಾಪ್ತಿಸ್ಮಾ ದಿಲಾವಾಲೊ ಯೊಹಾನ ವ್ಹೈಸು; ಮರಲವಾಲಾಮಾತೊ ಉಟೆನ ಆಯೊಸ. ತಿನಾಹುತಿ ಮ್ಹೊಟಾ-ಮ್ಹೊಟಾ ಕಾಮೊ ಕರಾನಿ ತಾಕತ ತಿನಾಮಾ ಛೆ ಕೈನ ಕದ್ಯೊ.

3 ಹೆರೊದ ತಿನಾ ಭೈನಿ ಬೈಕೊನಾ ಹುತಿ ಯೊಹಾನನೆ ಧರೈನ ಜೆಲ್ಮಾ ಘಾಲಾಲಗಾಡ್ಯೊತೊ.

4 ಯೊಹಾನ ಹೆರೊದನೆ ತು ತಿನೆ ತಾರಿ ಬೈಕೊ ಕರಿಲಿನ ಮುಕ್ಕಿಲಿವಾನು ನ್ಯಾಯ ನ್ಹವೈ.

5 ಹೆರೊದ ತಿನೆ ಖಲಾಸ ಕರೊ ಕೈನ ಕೈಲಿದ್ಯೊತುಬಿ ಮನ್ನೊಕ್ಕು ಭುಚ್ಯಾಡ್ಯೊತೊ, ಕಾ ಕದ್ಯಾಮ ತಿನೆ ತೆ ಪ್ರವಾದಿ ವ್ಹೈಕೈನ ಗ್ವತ್ತ ವ್ಹತು.

6 ತೆನ್ನೆಸೊ ಹೆರೊದ ಹುಟ್ಟಲ ದಿನ್ನಾ ದಿನ್ನೆ ಹೆರೊದ್ಯನಿ ದಿಕ್ರಿ ಆಯಲ ಮನಕ್ಹೊನಾ ಕ್ಹಾಮಿ ನ್ಹಾಚಲ ಹೆರೊದನೆ ಪಸಂದ ಆಯು.

7 "ತುನೆ ಸು ಘಾಯೆ ತೆ ಮಾಂಗ ತುನೆ ಮಿ ದ್ಯುಸ ಕೈನ. ಕೈನ ವಾತ ದಿದ್ಯೊ.

8 ತೆ ಛೊಕ್ರಿ ತಿನಿ ಮಾನಿ ವಾತ ಐಕಿನ ಬಾಪ್ತಿಸ್ಮಾ ದಿಲಾವಾಲೊ ಯೊಹಾನನಿ ಗರ್ದನ ಕತ್ರಿನ ಪರಾತಮಾ ಮ್ಹೆಲ್ಲಿನ ಮನೆ ಮಂಗೈನ ದ್ಯು ಕೈನ ಕೈಲಿದಿ.

9 ತೆ ಛೊಕ್ರಿ ಮಾಂಗಿಲಿದಲಾ ಹುತಿ ಐಕಿನ ಹೆರೊದ ಘನ್ನೊ ದುಖಿ ಥಯೊ ತೆ ದಿದಲ ವಾತನಾ ಹುತಿಬಿ ದುಖಿ ಥಯೊ.ಕಾ ಕದ್ಯಾಮ ತ್ಯಾ ಐಯಲ ಮನಕ್ಹೊನಾ ಕ್ಹಾಮೊ ವಾತ ದಿದ್ಯೊತೊ.

10 ತೆ ಯೊಹಾನನಿ ಗರ್ದನ ಕತ್ರಿಲಾವೊ ಕೈನ ಆಳೊನೆ ಮೊಕಲ್ಯೊ.

11 ತ್ಯುನೆ ಯೊಹಾನನು ಗರ್ದನ ಮಾತ ಕತ್ರಿನ ಪರಾತ್ಮಾ ಲೈನ ಹೆರೊದ್ಯಳನಿ ದಿಕ್ರಿನಾ ಹತ್ಮಾ ದಿದ್ಯೊ.ತೆ ಗೈನ ತಿನಿ ಯಾನಾ ಹತ್ಮಾ ದಿದಿ.

12 ಯೊಹಾನನಾ ಶಿಷ್ಯಾ ಐನ ತಿನು ಮರಲ ಅಂಗ ಲಿಂಗೈನ ಮಜಾರಮಾ ಮ್ಹೆಲ್ಯಾ ತೆಳಾಮ ತ್ಯುನೆ ಯೆಸುಕನ ಗೈನ ಕ್ಹಾರು ಕದ್ಯಾ.

ಪಾಂಚ ಹಜಾರ ಮನಕ್ಹೊನೆ ಅನ್ನ ಖಲಾಯಲ

(ಮಾರ್ಕ 6:30-44; ಲುಕ 9:10-17; ಯೊಹಾನ 6:1-14)

13 ಯೆಸು ಎ ಕ್ಹಾರು ಐಕಿನ ಹಡಗೊ ಚಡಿನ ತ್ಯಾಂತೊ ತೆ ಜಗಾ ಘೊಡಿನ ಕುನ್ನಜ ನೈಸೊ ಜಗಾ ಗಯೊ. ಎ ಸುದ್ದಿ ಐಕಲ ಕ್ಹಾರಾ ಮನಕ್ಹೊ ತ್ಯುನಾ ತ್ಯುನಾ ಗಾಮ್ತಾ ಚಾಲ್ತಾ ಯೆಸುನಾ ಪಾಚಾ-ಪಾಚಾ ಆಯಾ.

14 ಯೆಸು ಮನಕ್ಹೊತಿ ಪೈಲಾ ಐನ ತೆ ಗುಂಪನೆ ದೆಕಿನ ತ್ಯುನೊನೆ ಮರಗಿನ ತ್ಯುನಾ ರೊಗೊನೆ ಅರಾಮ ಕರೈಲ್ಯೊ.

15 ಕ್ಹಾಂಜ ಥಾತಾಮಾ ತಿನಾ ಶಿಷ್ಯಾ ತಿಕನ ಐನ ಎ ರಾನ ವ್ಹೆತ್ತ್ ಹಮ್ಮಾ ಕ್ಹಾಂಜಬಿ ಥೈಸ ತೆ ಮನಕ್ಹೊನೆ ತ್ಯುನಾ ತ್ಯುನಾ ಗಾಮೊನೆ ಮೊಕಲ ಕಾ ಕದ್ಯಾ ತ್ಯುನೊನೆ ಖಾವಾನೆ ಅನ್ನ ಕರಿಲಿವಾದೆ ಕದ್ಯಾ.

16 ತೆನೈಸೊ ಯೆಸು, ತ್ಯುನೊನೆ ತ್ಯುನೆ ಜಾವಾನಿ ಜರುರತ್ತ ನತ್ತಿ. ತುಮೆಜ ತ್ಯುನೊನೆ ಸುಬಿ ಅನ್ನ ಖಾವಾನೆ ದಿವೊ ಕದ್ಯೊ.

17 ತೆಳಾಮ ತಿನಾ ಶಿಷ್ಯಾ "ಅಪೊನೆ ಪಾಂಚ ರೊಕ್ಲ ವರಿ ಬೆ ಮಚ್ಚಿಯೊ ಲೈ ಕೈನ" ಕತಾಮಾ.

18 ಯೆಸು ತ್ಯುನೊನೆ, "ತೆ ರೊಕ್ಲ ವರಿ ಮಚ್ಚಿಯೊ ಮಕನ ಲೈನ ದಿವೊ ಕದ್ಯೊ."

19 ತೆಳಾಮಾ ತೆ ಮನಕ್ಹೊನಾ ಗುಂಪನೆ ಚಾರಾಪರ ಬೈಟೊ ಕೈನ ತೆ ಪಾಂಚ ರೊಕಲಾ ಬೆ ಮಚ್ಚಿಯೊ ಲಿನ ಹಬಾಳನೆ ದೆಕಿನ ಕ್ಹದಾನೆ ಸ್ತೊತ್ರಾ ಕೈನ ರೊಕಲಾ ಭಾಗಿನ ಶಿಷ್ಯಾವೊಕನ ದಿದ್ಯೊ ತ್ಯುನೆ ಮನಕ್ಹೊನೆ ವಾಟ್ಕಾ.

20 ಕ್ಹಾರ ಮನಕ್ಹೊ ಪೆಟ ಭರಿನ ಖಾದ್ಯಾ ವರಿ ಉಗ್ರಲ ರೊಕಲಾನಾ ತುಕಡಾ ಮಳಾತಾಮಾ ಬಾರಾ ಟೊಪ್ಪಿಯೊ ಭರಿಯೊ.

21 ಅನ್ನ ಖಾದಲವಾಲಾ ಮನಕ್ಹೊಮಾ ಹೆಣಮನಕ್ಹೊನೆ ವರಿ ಬಚ್ಚಾವೊನೆ ಘೊಡಿನ ದಾಣಾಂಜ ಪಾಂಚ ಹಜಾರ ವ್ಹತಾ.

ಸಮುದ್ರಪರ ಯೆಸು ಚಾಲಲ

(ಮಾರ್ಕ 6:45-52; ಯೊಹಾನ 6:15-21)

22 ಎ ಥಯಲ್ಪರ ತೆ ತಿನಾ ಶಿಷ್ಯಾವೊನೆ ಮಿ ಆ ಮನಕ್ಹೊನಾ ಗುಂಪನೆ ಮೊಕ್ಲೆಲಕ್ಕಾ ತುಮೆ ಹಡ್ಗೊ ಚಡಿನ ಮುತ್ತಿ ಪೈಲಾ ತುಮೆ ಬಿಜಿ ದಂಡಿಯೆ ಜಾವೊ ಕೈನ ಜಬರದಸ್ತಿಯೆ ಮೊಕಲ್ಯೊ.

23 ಮನಕ್ಕೊನಾ ಗುಂಪನೆ ಮೊಕಲಿನ ಯಕ್ಕೊಂಜ ಪ್ರಾಧನಾ ಕರಾನಾ ಹುತಿ ಡೊಂಗರ್ಪರ ಗಯೊ.ವರಿ ಕ್ವಾಂಜ ಥಯಲಹುತಿ ತ್ಯಾ ಯಕ್ಕೊಂಜ ವ್ಹತೊ.

24 ತೆ ಟೈಮ್ಮ ಶಿಷ್ಯಾ ಗಯಲ ಹಡಗೊ ಸಮುದ್ರನಾ ವಚ್ಚಾ ವ್ಹತೊ ಹಡ್ಗಾನಾ ವಿರುದ್ಧ ವಾರೊ ಛುಟಲಹುತಿಸುಮುದ್ರನಿಯೊ ಧಡ್ಡಿಯೊ ಲಾಗಾಕ್ಪು ಹಡ್ಗೊ ಪಾನಿಮಾ ಡುಬಾಡ್ಲೊತೊ.

25 ತೆ ಟೈಮ್ಮಾ ರಾತ್ನಾ ಚಾರ ವಾಸ್ತಾ ಯೆಸು ಸಮುದ್ರಪರ ಚಾಲ್ತೊ ತ್ಯುನೊಕನ ಆವಾಡ್ಲೊತೊ.

26 ತೆ ಸಮುದ್ರಪರ ಚಾಲ್ತೊ ಆವಾನು ತಿನಾ ಶಿಷ್ಯಾ ದೆಕಿನ ಭುತ್ತು ವ್ಹೊ ಕೈನ ಘನ್ನಾ ಭುಚ್ಚಿನ ಅಡ್ಡ್ಲಾ

27 ತೆಕ್ಲಾಮಾಜ ಯೆಸು ತ್ಯುನೆ ದೆಕಿನ ಭುಚ್ಚೊ ನಕೊ ಮಿ ವ್ಹೊ ಕೈನ ಕದ್ಲೊ

28 ತೆಳಾಮ ಪೆತ್ರಾ, "ಪ್ರಭು ಕ್ವರಿಮಾಜ ತು ರ್ವಯೊಮ, ಮನೆ ಪಾನಿಪರ ಚಾಲಿನ ಆವಾನೆ ಅಪ್ಪಣೆ ದೆ" ಕದ್ಲೊ

29 ಯೆಸು, ತೆಳಾಮ ಪೆತ್ರಾ "ಆ" ಕದ್ಲೊ ತೆಳಾಮ ತೆ ಹಡ್ಗಾಮಾತೊ ಉತ್ತಿನ ಪಾನಿಪರ ಚಾಲಾಡ್ಲೊ

30 ತೆಳಾಮಾ ಪೆತ್ರಾ ವಾರಾನೆ ದೆಕಿನ ಭುಚ್ಚಿನ ಪಾನಿಮಾ ಡುಬಾಡ್ಲೊ ಕರ್ತಾ ಮನೆ ವಚ್ಚಾಡ ಕೈನ ವದರ್ದೊ

31 ಯೆಸು ತಿನೆ ಹತ್ತ ಧರಿನ ಎ ಅಲ್ಪ ವಿಶ್ವಾಸಿ ಕಾ ಸಂಶೊ ಕರ್ದೊ ಕದ್ಲೊ

32 ಪೆತ್ರಾ ವರಿ ಯೆಸು ಹಡ್ಗೊ ಚಡಲ್ಪರ ಸಮುದ್ರಪರ ರ್ವಯಲ. ವಾರೊ ಶಾಂತ ಧಯೊ.

33 ತೆಳಾಮಾ ಹಡ್ಗಾಮಾ ರ್ವಯಲ ಶಿಷ್ಯಾ "ತು ಕ್ವರಿಮಾಜ ಕ್ವುದಾನೊ ದಿಕೊ" ವ್ಹೊ ಕೈನ ಆರಾಧನಾ ಕರ್ಲ್ಯಾ

ಘನ್ನಾ ರೊಗಿಯೊನೆ ಅರಾಮ ಕರಲ
(ಮಾರ್ಕ 6:53-56)

34 ತ್ಯುನೆ ಸಮುಂದರ ದಾಟಿನ ಗೆನೆಜರೆತ ಗಾಮನಿ ದಂಡಿ ಬಗಲ ಆಯಾ.

35 ತ್ಯಾ ರ್ವಯಲ ಮನಕ್ಕೊ ತಿನೆ ವಳಕಿನ ಸುತ್ತೆ ರ್ವಯಲ ಕ್ಹಾರಾ ಗಮೋನೆ ಮನಕ್ಕೊನೆ ಮೊಕಲಿನ ರೊಗ್ಮಾ ರ್ವಯಲವಾಲಾ ಕ್ಹಾರಾ ಮನಕ್ಕೊನೆ ತಿಕನ ಲಾಯಾ.

36 ತ್ಯುನೆ ತಿನೆ ತು ಘಾಲ್ದಲ ವಣ್ಣಾನಿಯೊ ತುದಿ ತುಬಿ ಮುಟ್ಜಾನೆ ದೆ ಕೈನ ತಿಕನ ಮಾಂಗಿಲಿದ್ಯಾ ವರಿ ತಿನೆ ಮುಟ್ಟಲ ಕ್ಹಾರಾ ಮನಕ್ಕೊಅರಾಮ ಥಯಾ.

15

ಅನ್ನ ಖಾದಲಕ್ಕುಜ ಮನಕ್ಕ ಕೆಟತು ನೈ ಕೈನ ಯೆಸು ಕದಲ

(ಮಾರ್ಕ 7:1-23)

1 ತೆಳಾಮ ಯೆರುಸಲೆಮತಾ ಪರಿಸಾಯರೊ, ವರಿ ಶಾಸ್ತ್ರಿಯೊ ಯೆಸು ಕನ ಐನ,

2 "ತಾರಾ ಶಿಷ್ಯಾ ಶಾನಾ ಮನಕ್ಕೊ ಕರಲ ಪದ್ಧತನೆ ಕಾ ದಾಟಿನ ಜಾವಸ? ತ್ಯುನೆ ಖಾತಾಮಾ ತ್ಯುನಾ ಹತೊ ಧ್ವಯಲೆತಾ ನೈ ಕಾ? ಕೈನ ಪುಚ್ಚಾ

3 ತಿನಾಹುತಿ ತೆ ತ್ಯುನೊನೆ ಸು ಕದ್ಯೊ ಕದ್ಯಾಮ ತುಮೆ ತುಮಾರಾ ಪದ್ಧತನಾ ಹುತಿ ಕ್ಹುದಾನಿ ಆಜ್ಞಾನೆ ಕಾ ದಾಟೊಶಿ?

4 "ತಾರಾ ಮಾ ಬಾಪನೆ ಮರ್ಯಾದಿ ದ್ಯುಕೈನ ಬಾನೆ ರ್ವವಾದೆ ಯಾನೆ ರ್ವವಾದೆ ದೊಷ ದಿದಲವಾಲೊ ಮರಸ ಕೈನ ಕ್ಹುದಾ ಕದ್ಯೊ.

5 ತೆನೈಸೊ ಯಕ್ಕ ಮನಕ್ಕ ತಿನಾ ಮಾ ಬಾಪ್ನೆ ತುಮೊನೆ ಮದತ ಕರಾನೆ ಮನೆ ಥಾತು ನೈ ಕಾಕದ್ಯಾಮ ಮಾರಾಮಾ ರ್ವವಾನು ಕ್ಹುದಾನೆ ಒಪ್ಪಿಸಾಯೊಸ ಕೈನ ಕದ್ಯೊಮ,

6 ತೆ 'ತಿನಾ ಮಾಪನೆ ಸನ್ಮಾನ ಕರು ನೈ' ಕವೊಶಿ. ಇಮ್ಮ ತುಮಾರಿ ಪದ್ಧತನಾ ಹುತಿ ಕ್ಹುದಾನಿ ವಾಕ್ಯನೆ ಇನ್ನಾರ ಕರ್ದಾಸ.

7 ತುಮೆ ಕಪಟಿಯೊ ವ್ಹೈ ತುಮಾರಾಹುತಿ ಯೆಶಾಯ ಕರೆಟ್ಟ ಪ್ರವಾದನೆ ಕರಿನ, ತೆ ಕವಾನು ಸು ವ್ಹೈ ಕದ್ಯಾಮ,

8 ಎ ಮನಕ್ಕೊತ್ಯನಾ ಮೊಡಾವೊಕ್ಕು ಮನೆ ಸನ್ನಾನ ಕರಸ ತೆನ್ನೆಸೊ
ತ್ಯನಾ ಮನಸೊ ಮಕ್ಕು ಘನ್ನಾ ದುರ ಛಿ.

9 ಮನಕ್ಕೊ ವಿಚಾರ ಕರಲ ಕಟ್ಟಳೆನೆ ತ್ಯನೆ ಉಪದೆಶ ಕರಿನ ಬೊದನೆ
ಕರಾಕ್ಕು ಮನೆ ವ್ಯರ್ಥ ಆರಾಧನಾ ಕರಸ ಕವಾನು ವ್ಹ್ವೆ.

10 ಪಾಚಲೊ ಯೆಸು ಮನಕ್ಕೊನಾ ಗುಂಪನೆ ಅಗೊ ಬಲೈನ
ತ್ಯನೊನೆ, ಐಕಿನ ತಿಳ್ವಿಲಿವೊ,

11 ಮೊಡಾಮಾ ಭಾವಾನು ಮನಕ್ಕನೆ ಅಶುದ್ಧ ನೈಕರ, ಮೊಡಾತು
ಭಾರಾ ಆವಾನಾ ವಾತೊಜ ಮನಕ್ಕನೆ ಅಶುದ್ಧ ಕರಸ ಕೈನ ಕದ್ಯೊ.

12 ತೆಳಾಮಾ ಶಿಶ್ಯಾ ಐನ ತಿನೆ, ಪರಿಸಾಯೊ ಎ ವಾತ ಐಕಿನ ಬೆಜ್ಜಾರ
ಥಯಾ ಕೈನ ತುನೆ ಗ್ವತ್ತ ಥಯು ಸು ಕೈನ ಪುಚ್ಚಾ.

13 ತಿನೆ ತೆ ಪರಲೊಕನೊ ಮಾರೊ ಬಾ ನೈ ಗಡಾಯಲ ಕ್ಕಾರಾ
ಝಾಡೊನೆ ಬೆರ ಕ್ವಮೆತ ಕಿತ್ತಿನ ನಾಕಿಪಡಸ.

14 ತ್ಯನೊನೆ ಛೊಡೊ, ತ್ಯನೆ ಕಡ್ಡಾವೊನೆ ವಾಟ ದೆಕಾಡಾಲಾ ಕುಡ್ಡಾ
ಲಿಂಗತ ಛಿ. ಕುಡ್ಡೊ ಕುಡ್ಡಾನೆ ವಾಟ ದೆಕಾಡ್ಯಮ ತ್ಯನೆ ಭಂಬಿ ಜನಾ
ಖಾಡಿಮಾ ಪಡಸ ಕದ್ಯೊ.

15 ತೆಳಾಮಾ ಪೆತ್ರಾ, ಎ ಸಾಮ್ಯ ಹಮೊನೆ ತಿಳಸೈನ ಕೆ ಕದ್ಯೊ.

16 ತಿನಾಹುತಿ ಯೆಸು, "ತುಮೆಬಿ ಹಜುನ ಗ್ಯಾನ ನೈಸೊವಾಲಾ
ಥಯಾಸ?

17 ಮೊಡಾಮಾ ಭಾವಾನು ಪೆಟಮಾ ಗೈನ ಜಿರ್ಣ ಥೈನ ಭಾವಾನು ವ್ಹ್ವೆ
ಕವಾನು ತುಮೊನೆ ಗ್ವತ್ತ ನತ್ತಿ ಸು?

18 ತೆನ್ನೆಸೊ ಮೊಡಾಮಾತಾ ಭಾರಾ ಸು ಆವಸ ಕ್ಕಾರು ಮನಸಮಾತು
ಆವಸ. ಎಜ ಮನಕ್ಕನೆ ಅಶುದ್ಧ ಕರಸ.

19 ಕಾಕದ್ಯಾಮ ಮನಸಮಾತು ಕೆಟ್ಟ ವಿಚಾರೊ, ಖಲಾಸ ಕರಾನು,
ವ್ಯಬಿಚಾರ, ಜಾರತ್ವ, ಛೊರಿ, ಸುಳ್ಳ ಸಾಕ್ಷಿ ವರಿ ದುಶಣೆ ಹೊರಾಟಿ ಆವಸ.

20 ಹೆವಾಜ ಮನಕ್ಕನೆ ಅಶುದ್ಧ ಕರಸ. ತೆನ್ನೆಸೊ ಹತ್ತ ದ್ವಯಾ ಬಗರ
ಅನ್ನ ಖಾವಾನು ಮನಕ್ಕನೆ ಅಶುದ್ಧ ನೈಕರ ಕದ್ಯೊ.

ಕಾನಾನ್ಯ ಬಾಕಡಿನೊ ಬರೊಕ್ಕೊ

(ಮಾರ್ಕ 7:24-30)

21 ಪಾಙ್ಲೊ ಯೆಸು ತ್ಯಾಂತೊ ಗೈನ ತುರ ಸಿದೊನ ಗಾಮನಾ ಪ್ರಾಂತೊನೆ ಗಯೊ.

22 ತೆ ಜಗಾತಿ ಕಾನಾನ್ಯನಿ ಥಯಲ ಯಕ್ಕ ಬಾಕಡಿ ಐ, ಕರ್ತ, ದಾವಿದನಾ ದಿಕ್ರಾ, ಮಾರಾ ಉಪ್ಪರ ಮರ್ಗಾ ಮ್ಹೆಲ, ಮಾರಿ ದಿಕ್ರಿನೆ ಭುತಡು ಧರಿನ ಘನ್ನಿ ತ್ರಾಸ ಕ್ವಾವಾಡಿಸ ಕೈನ ಅಡ್ಡಿ.

23 ತೆನೈಸೊ ತೆ ತಿನೈಸುಜ ಜವಾಬ ದಿದ್ಯೊ ನೈ ತೆಳಾಮಾ ತಿನಾ ಶಿಶ್ಯಾ ಐನ, ತೆ ಅಪ್ಪಾ ಪಾಚಿ ಅಡ್ಡಿ ಆವಾಡಿಸ. ತಿನೆ ವಳ್ಳೆಪಡ ಕೈನ ತಿನೆ ಮಾಂಗಿಲಿದ್ಯಾ.

24 ತೆ ವಾತೆ ಯೆಸು ಸು ಕದ್ಯೊ ಕದ್ಯಾಮ ಜವೈಗಯಲ ಬಕ್ರಾ ಲಿಂಗತ ರ್ವಾಲಾ ಇಸ್ರಾಯೆಲ ಘರ್ದಾನವಾಲಾವೊನಾ ಕನ ನೈಸೊ ಬಿಜಾ ಕಿಕನಜ ಮನೆ ವಳಾಯಲವಾಲೊ ನ್ಹವೈ ಕದ್ಯೊ.

25 ತೆಳಾಮಾ ತೆ ಹೆಣ ಮನಕ್ಲ ಯೆಸುನಾ ಕ್ವಾಮಿ ಅಡ್ಡಿ ಪಡಿನ, ಕರ್ತ ಮನೆ ಸಹಾಯ ಕರ ಕದಿ.

26 ತಿನಾಹುತಿ ಯೆಸು, "ಬಚ್ಚಾ ಖಾವಾನೊ ರೊಕ್ಕೊ ಲಿನ ಕುತ್ರಾನಾ ಬಚ್ಚಾವೊನೆ ಫಾಲಾನು ಕರೆಟ್ಟ ನ್ಹವೈ ಕೈನ ಜವಾಬ ದಿದ್ಯೊ.

27 ತೆ ಹೆಣ ಮನಕ್ಲ "ಹೊ ಪ್ರಭು, ತೆನೈಸೊ ಕುತ್ರಾನಾ ಬಚ್ಚಾತುಬಿ ತ್ಯುನಾ ಮಾಲಕನಾ ಟೆಬಲಪರತ್ತ ಪಡಲ ರೊಕ್ಕಾನಾ ತುಕ್ವಾ ಖಾವಸತೊ ಕದಿ.

28 ತೆಳಾಮಾ ಯೆಸು ತೆ ಬಾಕಡಿನೆ, "ಯಾ, ತಾರೊ ಬರೊಕ್ಕೊ ಮ್ಹೊಟೊ ವ್ಹೈ ತು ಸೊಚಲ ತಿಮ್ಮತುನೆ ಥಾವಾದೆ ಕೈನ ಜವಾಬ ದಿದ್ಯೊ. ತೆ ಟೈಮಮಾ ತಿನಿ ದಿಕ್ರಿನೆ ಅರಾಮ ಥಯು.

29 ಯೆಸು ತ್ಯಾಂತೊ ಗೈನ ಗಲಿಲಾಯ ಸಮಂದರ ಕನ ಗಯೊ. ತೆಳಾಮಾ ತೆ ಯಕ್ಕ ಡೊಂಗರ ಚಡಿನ ಬೈಟ್ರೊ.

30 ತೆಳಾಮಾ ಮನಕ್ಲೊನು ಮ್ಹೊಟು ಗುಂಪ ತಿಕನ ಆಯಾ ಲಂಗಡಾ, ಕುಡ್ಡಾ ಮುಕಾ, ಹತೊಪಗೊ ನೈರ್ವಯಲವಾಲಾ ಹೆವಾ ಹಙ್ಗುನ ಘನ್ನಾ ಜನಾವೊನೆ ತ್ಯುನಾ ಕ್ವಾತೆ ಬಲೈಲಿನ ತ್ಯುನೊನೆ ಯೆಸುನಾ ಪಗೊಕನ

ಛೊಡ್ಕಾ ತೆ ತ್ಯುನೊನೆ ಅರಾಮ ಕರೊಯ್ತೆ.

31 ಮುಕಾ ಬೊಲಾನು, ಲಂಗ್ಡಾ ಚಾಲಾನು, ಅರಾಮ ಕುನ ವ್ಹತಾ ಡೊಳಾ ನೈ ರ್ಡ್ಲ ಡೊಳಾ ಐನ ದೆಕಿನ ಕ್ಹಾರ ಮನಕ್ಲೊ ಘಾಬ್ರ ಕೈನ ಇಸ್ರಾಯಲ ಕ್ಹುದಾ ಸ್ತುತ ವಾಲಾವೊನೆ.

ಚಾರ ಹಜಾರತಿ ಹೆಚ್ಚಿ ಮನಕ್ಲೊನೆ ಅನ್ನ ಖಲಾಯಲ
(ಮಾರ್ಕ 8:1-10)

32 ಯೆಸು ತಿನಾ ಶಿಷ್ಯಾ ಬಲೈನ, "ಮಿ ಎ ಮನಕ್ಲೊನಾ ಹುತಿ ದುಖಿ ಥಯೊಸ. ತ್ಯುನೆ ತನ್ನ ದಿನ ಮಾರ ಕ್ಹಾತೆ ಛಿ. ಹಮ್ಮಾ ತ್ಯುನೊನೆ ಖಾವನೆ ಸುಜ ನತ್ತಿ. ತ್ಯುನೊನೆ ಭುಕ್ಕಾ ಮೊಕ್ಲಾನೆ ಮನೆ ಮನಸ ನತ್ತಿ. ತ್ಯುನೆ ಘರೆ ಜಾತಾಮಾ ಸುಸ್ತ ಥಾಸ" ಕೈನ ಕದ್ಯೊ.

33 ಶಿಷ್ಯಾವೊನೆ ಯೆಸು, 'ಎ ಮನಕ್ಲೊನೆ ಚಾಯಿ ಥಯಿ ಲಿಂಗತ ರೊಕ್ಲಾ ಎ ರಾನಮಾ ಅಪೊನೆ ಕಿಜಾಂತು ಮಳಸ?" ಕೈನ ಪುಚ್ಚಾ.

34 ಯೆಸು, ತುಮೊಕನ ಕಕ್ಲಾರೊಕ್ಲಾಛಿ? ಕೈನ ಪುಚ್ಚಲಕ್ಹುತ್ಯುನೆ, ಕ್ಹಾತ ರೊಕ್ಲಾ ಛಿ ವರಿ ದಕ್ಹಾನ್ವಾನಾ ಮಚ್ಲಿಯೊ ಛಿ ಕದ್ಯಾ.

35 ತೆಳಾಮಾ ತೆ ಮನಕ್ಲೊನಾ ಗುಂಪನೆ, ಜಿಮಿನಪರ ಬೈಟೊ ಕೈನ ಅಪ್ಪಣೆ ದಿದ್ಯೊ.

36 ತೆ ಕ್ಹಾತ ರೊಕ್ಲಾ ವರಿ ಮಚ್ಲಿಯೊ ಲಿನ ಕ್ಹುದಾನೆ ಸ್ತೊತ್ರ ಕರಿನ ತೆ ರೊಕ್ಲಾ ಭಾಗಿನ ಶಿಷ್ಯಾವೊನೆ ದಿದ್ಯೊ. ತೆ ಶಿಷ್ಯಾ ಮನಕ್ಲೊನೆ ವಾಟ್ಕಾ.

37 ಮನಕ್ಲೊ ಪೆಟ ಭರಿನ ಖಾದ್ಯಾ ವರಿ ಉಗ್ರಲ ಅನ್ನ ಶಿಷ್ಯಾ ಕ್ಹಾತ ಟೊಪ್ಲಿಯೊ ಭರಿ ಲಿದ್ಯಾ.

38 ತೆ ದಿನ್ನ ಅನ್ನ ಖಾದ್ಯಲವಾಲಾವೊಮಾ ಬಾಕ್ಡಿಯೊ ಬಚ್ಚಾವೊನೆ ಛೊಡಿನ ಚಾರ ಹಜಾರ ದಾಣ್ಣಾ ವ್ಹತ್ತಾ.

39 ತೆ ಥಯಲ್ವರ ಯೆಸು ತೆ ಮನಕ್ಲೊನಾ ಗುಂಪನೆ ಘರೊಯಿ ವಳೈನ ಹಡಗೊ ಛಡಿನ ಮಗದಾನ ಕವಾನಾ ಸಿಮೆನೆ ಗಯೊ.

16

ಪರಿಸಾಯರೊ ವರಿ ಸದ್ದುಕಾಯರೊ ಸುಚಕ ಕಾಮ ಪುಚ್ಚಲ
(ಮಾರ್ಕ 8:11-13; ಲುಕ 12:54-56)

¹ ಪಾಚ್ಲಾ ಪರಿಸಾಯರೊ ಸದ್ದುಕಾಯರೊ ಐನ ಪರಿಕ್ಷಾ ಕರಾನಾಹುತಿ, ತು ಪರಲೊಕತು ಯಕ್ ಸುಚಕ ಕಾಮ ಹಮೊನೆ ದೆಕಾಡು ಕೈನ ಪುಚ್ಚಾ.

² ಯೆಸು ತ್ಯನೊನೆ, 'ಖಾಂಜ ಥಯಲ್ಪರ ಹಬಾಳ ಲಾಲ ಥಯಮ ಚೊಕಿ ವಾತಾವರಣ ರ್ವವಸ' ಕವೊಶಿ.

³ ಪಾಟೆ, 'ಹಬಾಳ ಮ್ಹಾಡ ಫಾಲಿನ ಲಾಲ ಥಯಮ ಹಮ್ನಾ ವಾರೊ ಪಾನಿ ಆವಸ' ಕವೊಶಿ. ಹಬಾಳಮಾ ದಿಕ್ವಾನಾ ಸುಚನೆ ತಿಳ್ವಿಲಿವಾಲಾ ಥಯಾಸ, ತೆನ್ನೆಸೊ ಆಂ ಕಾಲಮಾನಾ ಸುಚನೆ ತಿಳ್ವಿಲಿವಾನೆ ತುಮೊನೆ ಧಾವಾಡು ನತ್ತಿಸು?

⁴ ವ್ಯಬಿಚಾರಿ ಲಿಂಗತ ರ್ವಯಲ ಎ ದುಶ್ಚಸಂತತಿ ಸುಚಕ ಕಾಮ ದೆಕು ಕೈನ ಹುಡಕಸ. ತೆನ್ನೆಸೊ ಯೊನನು ಸುಚಕ ಕಾಮ ಛೊಡಿನ ಬಿಜು ಕಯುಜ ನೈಮಳ್ಳು ಕೈನ ಜವಾಬ ದಿದ್ಲೊ ಪಾಚ್ಲೊ ಯೆಸು ತ್ಯನೊನೆ ಛೊಡಿನ ಗಯೊ.

ಯೆಸು ಪರಿಸಾಯರೊ ವರಿ ಸದ್ದುಕಾಯರೊನಾ ಹುತಿ ಹುಷಾರ್ಕಿ ದಿದಲ
(ಮಾರ್ಕ 8:14-21)

⁵ ಶಿಶ್ಯಾ ಅನ್ನನಿ ಭುತ್ತಿ ಲಿವಾನು ಇಕ್ವರಿನ ಬಿಜಿ ದಂಡಿಯೆ ಆಯಾತಾ.

⁶ ಯೆಸು ತ್ಯನೊನೆ ಹುಶಾರ ರ್ವವೊ! ಪರಿಸಾಯರೊ ವರಿ ಸದ್ದುಕಾಯರೊನಾ ಕ್ವಟಾ ಲೊಟನಾ ವಿಶಯಮಾ ಹುಶಾರ ರ್ವವೊ ಕೈನ ಕದ್ಲೊ.

⁷ ತಿನಾಹುತಿ ಶಿಷ್ಯಾ ಅಪೆ ಅನ್ನನಿ ಭುತ್ತಿ ಲಿದ್ಯಾ ಬಗರ ಆಯಲಕ್ಕು ಇಮ್ಮಕದ್ಯೊವಸ ಕೈನ ತ್ಯನಾ ತ್ಯನಾಮಾ ಬೊಲಿ ಲಿವಾಡಾತಾ.

⁸ ಯುಸು ತೆ ತಿಳ್ವಿಲಿನ, ಅಲ್ಪ ವಿಶ್ವಾಸಿಯೊ, ಅನ್ನನಿ ಭುತ್ತಿ ಲಾಯಾ ನತ್ತಿ ಕೈನ ತುಮೊಮಾ ಕಾ ಬೊಲಿ ಲಿವಾಡಾಸ?

9 ತೆ ಪಾಂಚ ರೊಕ್ಕಾ ಪಾಂಚ ಹಜಾರ ಮನಕ್ಕೊನೆ ವಾಟಲಪರ ಕಕ್ಕಾ ಟೊಪ್ಲಿಯೊ ಭರಲಿದ್ದಾತಾ?

10 ತೆನ್ನೆಸೊ ಕ್ಹಾತ ರೊಕ್ಕಾ ಚಾರ ಹಜಾರ ಮನಕ್ಕೊನೆ ವಾಟಲಪರ ಕಕ್ಕಾ ಟೊಪ್ಲಿಯೊ ಭರಲ್ತಾ? ತುಮೆ ಹಜುನ ತಿಳ್ವಲಿದ್ದಾ ನತ್ತಿ ಸು? ತುಮೊನೆ ಶೆಂ ನತ್ತಿ ಸು?

11 ಮಿ ರೊಕ್ಕಾನಾಹುತಿ ಬೊಲ್ಯೊ ನತ್ತಿ, ಕವಾನು ತುಮೊನೆ ಕಿಮ್ಮ ಗೊತ್ತ ಥಯು ನೈ? ತೆನ್ನೆಸೊ ಮಿ ತುಮೊನೆ ಕದಲ ಸುವೈ ಕದ್ಯಾಮ, ಪರಿಸಾಯರೊ ವರಿ ಸದ್ದುಕಾಯರೊನು ಕ್ಹಾಟಾ ಲೊಟನಾ ವಿಶಯಮಾ ಹುಶಾರ ರ್ಹೊ ಕವಾನುಜ ಕದ್ಯೊ.

12 ತೆಳಾಮಾ ಶಿಶ್ಯಾ ರೊಕ್ಕಾನು ಕ್ಹಾಟೊ ಲೊಟನಾ ಹುತಿ ಪರಿಸಾಯರೊ ವರಿ ಸದ್ದುಕಾಯರೊನಾ ಬೊದನೆನಾ ಹುತಿ ಹುಶಾರ ರ್ಹೊ ಕೈನ ಕದ್ಯೊ ಕವಾನು ತಿಳ್ವಲಿದ್ದಾ.

ಪೆತ್ರಾಯೆಸುನೆ ಕ್ರಿಸ್ತ ಕೈನ ಕದ್ಯಲ

(ಮಾರ್ಕ 8:27-30; ಲುಕ 9:18-21)

13 ಯೆಸು ಫಿಲಿಪ್ಪನಾ ಕೈಸರೈ ಕವಾನಾ ಗಾಮನಾ ಪ್ರಾಂತ್ಯನೆ ಆಯಲ್ಪರ, ಮನಕ್ಕೊ ಮನಕ್ಕನೊ ದಿಕೊ ಥಯಲ ಮನೆ ಕುನ್ನ ವ್ಹೊ ಕವಸ ಕೈನ ಶಿಶ್ಯಾವೊನೆ ಪುಚ್ಚೊ.

14 ತೆಳಾಮಾ ಶಿಷ್ಯಾ "ತುನೆ ದಕ್ಖಾಜನಾ ಸ್ನಾನಿಕ ಥಯಲ ಯೊಹಾನ ಕವಸ, ದಕ್ಖಾ ಜನಾ ಎಲಿಯಾ ಕವಸ ವರಿ ಬಿಜಾ ದಕ್ಖಾ ಜನಾ ಯೆರೆಮಿಯ ಕವಸ, ತೆನ್ನೆಸೊ ಪ್ರವಾದಿಯೊಮಾ ಯಕ್ಕೊ ಕವಸ ಕೈನ ಕದ್ಯಾ.

15 ಯೆಸು ಶಿಶ್ಯಾವೊನೆ, ತುಮೆ ಮನೆ ಕುನ್ನ ವ್ಹೊ ಕವೊಶಿ ಕೈನ ಪುಚ್ಚೊ?

16 ತೆಳಾಮಾ ಸಿಮೊನ ಪೆತ್ರಾ, ತು ಜಿವ್ವೊ ರ್ಹೊಯಲ ಕ್ಹುದಾನೊ ದಿಕೊ ಥಯಲ ಕ್ರಿಸ್ತ ವ್ಹೊ ಕೈನ ಜವಾಬ ದಿದ್ಯೊ.

17 ಯೆಸು, ಯೊನನೊ ದಿಕೊ ಥಯಲ ಸಿಮೊನ, ತು ಧನ್ಯ ವ್ಹೊ ಕಾಕದ್ಯಾಮ ಎ ಮನಕ್ಕಕಂತು ತುನೆ ಗೊತ್ತ ನತ್ತಿ ಥಯು, ಪರಲೊಕಮಾ ರ್ಹೊವಾಲೊ ಮಾರೊ ಬಾಜ ಎ ಕ್ಹಾರು ತಿಳ್ವಾಯೊಸ ಕೈನ ಕದ್ಯೊ.

18 ಮಿಬಿ ಎಫ್ ತುನೆ ಕೌಸ, ತು ಪೆತ್ರಾ ವ್ಹೈ ಎ ದಗಡಾನಾ ಉಪ್ಪರ ಮಿ ಮಾರಿ ಸಭೆ ಭಾಂದುಸ. ಪಾತಾಳನಿ ತಾಕತ ತಿನೆ ಹರಾನ್ಯೆ ಸಕ್ತಿ.

19 ಪರಲೋಕ ರಾಜ್ಯನಿ ಚಾವಿಯೊ ತುಮೆ ದ್ಯುಸ. ಭುಲೋಕಮಾ ತು ಕಯು ಭಾಂದಶಿ ತೆ ಪರಲೋಕ ರಾಜ್ಯಮಾಬಿ ಭಂದಾವಸ. ವರಿ ಭುಲೋಕಮಾ ತು ಕಯು ಖೊಲಶಿ ತೆ ಪರಲೋಕಮಾಬಿ ಖೊಲಲ ರ್ವವಸ ಕೈನ ಕದ್ಯೊ.

20 ತೆಳಾಮಾ ಯೆಸು, ಮಿ ಕ್ರಿಸ್ತ ಥಯೊಸ ಕವಾನು ಕಿನೆಞ್ಜ ಕವೊ ನಕೊ ಕೈನ ತಿನಾ ಶಿಶ್ಯಾವೊನೆ ಆಗನ್ಯಾ ದಿದ್ಯೊ.

21 ತೆ ದಿನತೊ ಯೆಸು ತೆ ಯೆರುಸಲೆಮೆ ಗೈನ ಶಾನಾವೊತಿಬಿ ಖಾಸ ಯಾಜಕೊಕ್ಕುಬಿ ಶಾಸ್ತಿಯೊಕ್ಕುಬಿ ಘನ್ನಾ ತ್ರಾಸೊ ಖೈನ ಮರಿನ ತನ್ನಾ ದಿನೆ ಉಟಿನ ಆವಾನು ಜರುರಿ ವ್ಹೈ ಕೈನ ತಿನಾ ಶಿಶ್ಯಾವೊನೆ ಕವಾನೆ ಶುರು ಕರೈಯೊ.

22 ತೆಳಾಮಾ ಪೆತ್ರಾ ತಿನೆ ಸೈಡಮಾ ಬಲೈಲಿನ ಗೈನ, ಕರ್ತಾ, ಕ್ಹುದಾ ತುನೆ ತೆ ತ್ರಾಸ ನಕೊ ದಿವಾದೆ. ತುನೆ ಇಮ್ಮ ಕೆಳಾಮಾಞ್ಜ ಥಾ ನೈ ಕೈನ ತೆ ಭುಚ್ಯಾಡಾನೆ ಶುರು ಕರೈಯೊ.

23 ಯೆಸು ತೆಳಾಮಾ ಪೆತ್ರಾನೆ, ಸೈತಾನ, ಮನೆ ಛೊಡಿನ ಜಾ. ಮನೆ ತು ಅಡ್ಡಿ ಥಯೊಸ, ಕಾಕದ್ಯಾಮ ತು ಕ್ಹುದಾನಾ ವಿಚಾರಕ್ಕು ಸೊಚಾನು ಛೊಡಿನ ಮನಕ್ಹನಾ ವಿಚಾರೊ ನಿಂಗತ ವಿಚಾರ ಕರಾಡೊಸ ಕೈನ ಕದ್ಯೊ.

24 ಪಾಚ್ಲೊ ಯೆಸು ತಿನಾ ಶಿಶ್ಯಾವೊನೆ ಸು ಕದ್ಯೊ ಕದ್ಯಾಮ ಕುನತುಬಿ ಮಾರಬ ಪಾಚ್ಲೊ ಆವಾನೆ ಮನಸ ಕರೈಯೊ ತೆ ತಿನೆಞ್ಜ ಇನ್ಕಾರಿನ ತಿನಿ ಶಿಲುಬಿ ಉಚೈಲಿನ ಮಾರಾ ಪಾಚ್ಲೊ ಆವಾದೆ.

25 ತಿನಾ ಜಲಮನೆ ವಚಾಡಿಲ್ಯುಕವಾಲೊ ತಿನೆ ಜವೈಲಿವಸ. ತೆನೈಸೊ ಮಾರಾಹುತಿ ತಿನೊ ಜಲಮ ಜವೈಲಿದ್ಯಲವಾಲೊ ತಿನೆ ಪಡ್ಡಿಲಿವಸ.

26 ಯಕ್ಕ ಮನಕ್ಹ ಭುಲೋಕ ಕ್ಹಾರು ಕಮೈಲಿದ್ಯೊತಬಿ ತಿನೊ ಜಲಮ ಜವೈಲಿದ್ಯೊಮ ತಿನೆ ಲಾಭ ಸು ವ್ಹೈ? ತೆನೈಸೊ ಯಕ್ಲೊ ತಿನಾ ಜಲಮನಾಹುತಿ ಸು ದೆಸಕಸ?

27 ಮನಕ್ಹನೊ ದಿಕೊ ತಿನಾ ಬಾನಿ ಮಹಿಮಾನಾ ಕ್ಹಾತೆ ತಿನಾ

ದುತೊನಾ ಕ್ವಾತೆ ಆವಸ. ತೆಳಾಮಾ ತೆ ಯಕೆಕ್ಲಾವೊನೆ ತೆ ಕರಲ ಕಾಮ ನಿಂಗತ ಪ್ರತಿ ಫಲ ದಿವಸ.

28 ತುಮೊನೆ ಕ್ವರಿಜ ಕೌಸ ನ್ವಾ ಹುಬ್ರಯಲವಾಲಾವೊಮಾ ದಕ್ವಾ ಜನಾ ಮನಕ್ವನೊ ದಿಕ್ರೊತಿನಾ ರಾಜ್ಯಮಾ ಆವಾನು ದೆಕೆ ಲಕ್ವಾ ಮರ್ತಾಜ ನೈಕದ್ಯೊ.

17

ಯೆಸು ರುಪಾಂತರ ಥಯಲ
(ಮಾರ್ಕ 9:2-13; ಲುಕ 9:28-36)

1 ಛಿ ದಿನ್ನ ಥಯಲ್ಪರ, ಯೆಸು ಪೆತ್ರಾನೆ ಯಾಕೊಬನೆ ತಿನೊ ನ್ವಾನೊ ಭೈ ಯೊಹಾನನೆ ಕುನ್ನಜ ನೈರ್ದಯಲ ಉಚ್ಚಾ ಡೊಂಗರಪರ ಬಲ್ಟೆಲಿನ ಗಯೊ.

2 ತ್ಯಾ ಯೆಸು ತ್ಯುನಾ ಕ್ವಾಮೊ ರುಪಾಂತರ ಥಯೊ. ತಿನು ಮೊಡು ಸುರ್ಯಾನಾ ನಿಂಗತ ಮಿಂಚ್ಚಾಡುತು. ತಿನಾ ವಣ್ಣಾ ಉಜಾಲಾ ನಿಂಗತ ಧೊಳಾ ಥಯಾ.

3 ತೆಳಾಮಾ ಮೊಶೆಬಿ ಎಲಿಯಾಬಿ ತಿನಾ ಕ್ವಾತೆ ಬೊಲ್ತಾ ರ್ದಯಲ ತ್ಯುನೊನೆ ದಿಕ್ವಾ.

4 ತೆಳಾಮಾ ಪೆತ್ರಾಯೆಸುನೆ, ಕರ್ತಾ, ಅಪೆ ನ್ವಾಜ ರ್ವವಾನು ಚೊಕು ವ್ವೊ. ತು ಮನಸ ಕರೈಮ, ನ್ವಾ ತನ್ನ ಝುಪ್ಪಾ ಭಾಂದುಸ. ತುನೆ ಯಕ್ವ, ಮೊಶೆನೆ ಯಕ್ವ, ಎಲಿಯಾನೆ ಯಕ್ವ ಕದ್ಯೊ.

5 ತೆ ಹಜುನ ಬೊಲ್ತೊ ರ್ವತಾಮಾಜ ಉಜಾಲಾನು ಮ್ಹಾಡ ಐನ ತ್ಯುನಾ ಉಪ್ಪರ ಐಯು. ತೆನೈಸೊ ತೆ ಮ್ಹಾಡಮಾತು ಎ ಮಾರೊ ಮಯಾನೊ ದಿಕ್ರೊ ವ್ವೊ ಇನೆ ಮಿ ಪಸಂದ ಕರೈಸ. ಎ ಕವಾನು ಐಕೊ ಕೈನ ಅವಾಜ ಅಯು.

6 ಶಿಶ್ಯಾ ಎ ಐಕಿನ ಘನ್ನಾ ಘಾಬ್ರಾ ಧೈನ ಉಂದಾ ಪಡ್ಯಾ.

7 ತೆಳಾಮಾ ಯೆಸು ತ್ಯುನೊಕನ ಐನ ತ್ಯುನೊನೆ ಮುಟ್ಟಿನ, ಉಟೊ ಭುಚ್ಚೊ ನಕೊ ಕದ್ಯೊ.

8 ತ್ಯುನೆ ಡೊಳಾ ಉಚ್ಚಿನ ಉಪ್ಪರ ದೆಕ್ತಾಮಾ ಯೆಸುನೆ ಛೊಡಿನ ವರಿ ಕುನ್ನಜ್ಜ ದಿಕ್ಪ್ಪು ನೈ

9 ತ್ಯುನೆ ತೆ ಡೊಂಗರ ಉತ್ತಿನ ಆತಾಮಾ ಯೆಸು ತ್ಯುನೊನೆ, ಆಂ ದರ್ಶನನಾಹುತಿ ಮನಕ್ಪನೊ ದಿಕ್ಪೊ ಮರಿನ ಜಿವೊ ಥಯೆ ಲಕ್ಕಾ ಕಿನೆಜ್ಜ ಕೌ ನೈ ಕೈನ ಆಗನ್ಯಾ ದಿದ್ಲೊ

10 ತೆಳಾಮಾ ತಿನಾ ಶಿಷ್ಯಾ ಕ್ರಿಸ್ತ ಆವಾತಿ ಪೈಲಾ ಯಲಿಯಾ ಅವಸ ಕೈನ ಧರ್ಮೊಪದಶಕರಾಲಾ ಕವಾನು ಕಾ? ಕೈನ ಪುಚ್ಚಾ

11 ತೆ ವಾತೆ ಯೆಸು, ಎಲಿಯ ಆವಾನೊ ಛೆ ಕೈನ ಕವಾನು ಕ್ಹರಿ ವ್ಹೊ ಕ್ಹರಿಮಾಜ್ಜ ಎಲಿಯ ಐನ ಕ್ಹಾರು ಕರೆಟ್ಟ ಕರಸ.

12 ವರಿಬಿ ಮಿ ತುಮೊನೆ ಸು ಕೌಸ, ಕದ್ಯಾಮ, ಎಲಿಯ ಹಮ್ಮಾ ಆಯೊಸ. ವರಿಬಿ ತೆ ಕನ್ನ ವ್ಹೊ ಕೈನ ಮನಕ್ಪೊನೆ ಗ್ವತ್ತ ಥಯು ನೈ ಮನಕ್ಪೊ ತ್ಯುನಾ ಮನಸೆ ಆಯಲತಿಮ್ಮ ತಿನೆ ತರಾಸ ಕರಾ ತಿನಾನಿಂಗತಜ್ಜ ತ್ಯುನೆ ಮನಕ್ಪನಾ ದಿಕ್ಪಾನೆ ತ್ರಾಸ ದಿವಸ ಕೈನ ಕೈನ ಕದ್ಲೊ

13 ಯೆಸು ಕವಾನು ಬಾಪ್ತಿಸ್ಮಾ ದಿಲಾವಾಲೊ ಯೊಹಾನನಾ ಹುತಿ ಕವಾಡ್ಲೊಸ ಕವಾನು ವ್ಹೊ ಕೈನ ಶಿಶ್ಯಾ ತಿಲದಿಲಿದ್ಲಾ

ಮಡ್ಡ ರೊಗಿನೆ ಅರಾಮ ಕರಲ

(ಮಾರ್ಕ 9:14-29; ಲುಕ 9:37-42)

14 ಯೆಸು ವರಿ ತಿನಾ ಶಿಷ್ಯಾ ವರಿಬಿ ಮನಕ್ಪೊಕನ ಗಯಾ.ಯಕ್ಲೊ ಯೆಸುಕನ ಐನ ತಿನಾ ಕ್ಹಾಮೊ ಉಂದೊ ಪಡಿನ,

15 "ಪ್ರಭು ಮಾರಾ ದಿಕ್ಪಾನೆ ಮರಗ, ತೆ ಮಡ್ಡ ರೊಗಕ್ಕು ಘನ್ನೊ ತ್ರಾಸ ಖಾವಾಡ್ಲೊಸ. ತೆ ಹಗಲೆಲ ಆಗಮಾ ನೈತೊ ಪಾನಿಮಾ ಪಡಸ.

16 ಮಿ ಮಾರಾ ದಿಕ್ಪಾನೆ ತಾರಾ ಶಿಷ್ಯಾವೊಕನ ಲಾಯೊ, ತೆನೈಸೊ ತ್ಯುನೆ ತಿನೆ ಅರಾಮ ಕರಾನೆ ಥಯು ನೈ ಕದ್ಲೊ

17 ಯೆಸು, "ಅಯ್ಯೊ ಬರೊಕ್ಕೊ ನೈಸೊ ಗ್ಯಾನ ನೈಸೊವಾಲಾವೊನಾ ಬಚ್ಚಾವೊ, ಹಜ್ಜುನ ಕೆಕ್ಲಾದಿನ್ನ ತುಮಾರಾ ಕ್ಹಾತೆ ರಾ? ವರಿ ಕೆಕ್ಲಾ ದಿನ್ನ ತುಮೊನೆ ತಡ್ಲಿಲ್ಯು? ತೆ ಪಟ್ಟಾನೆ ಮಕನ ಲಿನ ಆವೊ ಕೈನ ಕದ್ಲೊ

18 ತೆ ಪಟ್ಟಾಮಾ ರ್ಲಯಲ ಭುತ್ವಾನೆ ಯೆಸು ಭುಚ್ಚಾಡ್ತಾಮಾ ಭುತ್ವಾ ತಿಮಾತು ಗೈಪಡ್ಚು. ತಇಳಾ ಮಾಜು ತೆ ಪಟ್ಟಾನೆ ಅರಾಮ ಥಯು.

19 ತೆಳಾಮಾ ಶಿಷ್ಯಾ ಯೆಸು ಯಕ್ಲೊಜು ರ್ಲತಾಮಾ ತಿಕನ ಐನ, ತೆ ಪಟ್ಟಾಮಾ ರ್ಲಯಲ ಭುತ್ವಾನೆ ಲೊಡಾವಾನೆ ಹಮೆ ಕೊಶಿಶ ಕರ್ಯಾತಬಿ ಹಮಾರಾ ಹತೆ ಕಾ ಥಯು ನೈಕೈನ ಕದ್ಯಾ.

20 ತೆ ವಾತೆ ಯೆಸು ತುಮೊಮಾ ಬರೊಕ್ಲೊನೈ ರ್ಲಯಲ ಹುತಿ ತಿನೊ ಕಾರಣ ವ್ಲೈ.

21 ಮಿ ತುಮೊನೆ ಕ್ಲರಿಜು ಕೌಸ. ತುಮಾರೊ ಬರೊಕ್ಲೊ ಸಾಸವಿ ಕಾಳ ಯಕ್ಲಿ ರ್ಲೈತಬಿ, ಆ ಡೊಂಗರನೆ ನ್ಯಾಂತೊ ತ್ಯಾಜಾ ಕೈನ ತುಮೆ ಕದ್ಯಾತಬಿ ತೆ ಜಾವಸ. ತುಮಾರಾ ಹತೆ ನೈಥಾವಾನು ಕಾಮೊಜು ರ್ಲತು ನೈಕೈನ ಕದ್ಯೊ.

ಯೆಸು ತಿನಾ ಮರಣನಾಹುತಿ ಬೆವಾ ಸಲಾ ಕದ್ಯಲ

(ಮಾರ್ಕ 9:30-32; ಲುಕ 9:42-45)

22 ಯಕ್ಲಸಲಾ ಶಿಷ್ಯಾ ಗಲಿಲಾಯಾಮಾ ಮಳ್ಳಾ ಯೆಸು ತಿನಾ ಶಿಷ್ಯಾವೊನೆ, "ಮನಕ್ಲನಾ ದಿಕ್ರಾನೆ ಮನಕ್ಲೊನಾ ಹತ್ಯಾ ದಿವಸ.

23 ತ್ಯುನೆ ತಿನೆ ಖಲಾಸ ಕರಸ. ವರಿಬಿ ತನ್ನಾ ದಿನ್ಮಾ ತೆ ಮರಲವಾಲಾವೊಮಾತೊ ಜಿವ್ಲೊ ಥೈನ ಅವಸ" ಕೈನ ಕದ್ಯೊ.

ದೆವಾಲಯನಿ ತೆರಿಗೆ

24 ಯೆಸು ತಿನಾ ಶಿಷ್ಯಾ ಕಪೆನೌರ್ಮಿಯೆ ಗಯಾ. ದೆವಾಲಯನೆ ಯಹುದ್ದಿಯೊಕ್ಲೊ ಭು ಭಾಡೊ ವಸುಲಿ ಕರಾಲಾ ಪೆತ್ರಾಕನ ಐನ, ತುಮಾರಾ ಭೊದಕೊ ದೆವಾಲಯನಾ ಭು ಭಾಡೊ ದೆತಾ ನೈಸು ? ಕೈನ ಪುಚ್ಚಾ.

25 ತೆ ವಾತೆ ಪೆತ್ರಾಹೊ ದಿವಸ. ಕೈನ ಕದ್ಯೊ ಪಾಚಾತೊ ಪೆತ್ರಾಯೆಸು ರ್ಲಯಲ ಘರ್ಮಾ ಗಯೊ. ತೆ ಎ ವಿಚಾರ ಕಾವತಿ ಪೈಲಾಜು ಯೆಸು ತಿನೆ ಭುಲೊಕನಾ ರಾಜಾ ಮನಕ್ಲೊಕಂತು ಘನ್ನಾ ತರಾನಾ ಭು ಭಾಡಾ ಮಾಂಗಿಲಿವಸ. ತೆನ್ನೆಸೊ ಭು ಭಾಡೊ ದಿವಾಲಾ ಮನಕ್ಲೊ ಕುನ್ನ ವ್ಲೈ?

ರಾಜಾನಾ ದಿಕ್ರಾ ನೈತೊ ಬೆಜಾ ಮನಕ್ಕೊ? ತಾರು ವಿಚಾರ ಸು ವ್ಹೈ? ಕೈನ ಪುಚ್ಚೊ.

²⁶ ಪೆತ್ರಾ, "ಬೆಜಾ ಮನಕ್ಕೊ ಭು ಭಾಡೊ ದಿವಸ. ಕೈನ ಕದ್ಲೊ ಯೆಸು ಪೆತ್ರಾನೆ, ತಿಮ್ಮರ್ದಯುಮ ರಾಜಾನಾ ದಿಕ್ರಾ ಭು ಭಾಡೊ ದ್ಯುನೈ.

²⁷ ವರಿಬಿ ಭು ಭಾಡೊ ಲಿವಾಲಾವೊನೆ ಅಪೆ ಕಾ ಶಿಟ್ಟಿಲಾವಾ ವರಕ್ಕು ಕರಿಯೆ? ತೆ ಭು ಭಾಡೊ ದೆ. ಸಮುದ್ರಮಾ ಗೈನ ಮಚ್ಚಿಯೊ ಧರ್ರ ತುನೆ ಮಳಲ ಪೈಲಾನಿ ಮಚ್ಚಿನು ಮ್ಹೊಡು ಖುಲ್ಲಾ ಕರ, ತಿನಾ ಮ್ಹೊಡಾಮಾ ಭು ಭಾಡೊನೆ ದಿವಾನೆ ಚಾಯೆ ಥಯಲ ಯಕ್ಕ ಬಿಲ್ಲೊ ದೆಕಶಿ. ತೆ ಲಿನ ಐನ ಭು ಭಾಡೊ ಲಿವಾಲಾನೆ ದೆ. ತಿನಾಹುತಿ ಮಾರೊ ವರಿ ತಾರೊ ಭು ಭಾಡೊ ದಿದಲ ನಿಂಗತ ಥಾವಸ. ಕೈನ ಕದ್ಲೊ.

18

ಕುದಾನಿ ರಾಜ್ಯಮಾ ಮ್ಹೊಟ್ಟು ಕುನ್ನ ವ್ಹೈ?

(ಮಾರ್ಕ 9:33-37; ಲುಕ 9:46-48)

¹ ತೆ ಟೈಮ ಶಿಷ್ಯಾ ಯೆಸುಕನ ಐನ, ಪರಲೊಕ ರಾಜ್ಯಮಾ ಕುನ್ನ ಮ್ಹೊಟ್ಟು ವ್ಹೈ? ಕೈನ ಪುಚ್ಚಾ.

² ಯೆಸು ನ್ಹಾನಾ ಬಚ್ಚಾನೆ ಕ್ಹಾಮೊ ಬಲೈನ ತ್ಯುನಾ ವಚ್ಚಾಹುಬ್ರಾಡಿನ,

³ ತ್ಯುನೊನೆ ತುಮಾರು ಮನಸ್ಸ ಬದಲಾವಣೆ ಥೈನ ನ್ಹಾನಾ ಬಚ್ಚಾವಿ ನಿಂಗತ ನೈ ಥಯಾಮ ತುಮೆ ಪರಲೊಕ ರಾಜ್ಯಮಾ ಆವಾನು ನೈಕೈನ ತುಮೊನೆ ಕ್ಕರಿಜ ಕೌಸ.

⁴ ಅಮ್ಮ ರ್ದತಾಮಾ ಕುನ್ನ ಆ ನ್ಹಾನಾ ಬಚ್ಚಾನಿಂಗತ ತಿನೆ ತೆಜ ತಗ್ಗಿಸಿಲಿವಸ ತೆಜ ಪರಲೊಕ ರಾಜ್ಯಮಾ ಮ್ಹೊಟ್ಟೊ ವ್ಹೈ.

⁵ ತೆನೈಸೊ ಕುನಬಿ ಮಾರಾ ನಾಮಮಾ ಹವಾ ನ್ಹಾನಾ ಬಚ್ಚಾನೆ ಮಳೈಲಿವಸತೊ ಮನೆಜ ಮಳೈಲಿವಾಲೊ ಥಯೊಸ.

⁶ ತೆನೈಸೊ ಮಾರಾಮಾ ಭರೊಕ್ಕೊ ಮ್ಹೊಲ್ಲಾಲಾ ಆ ನ್ಹಾವೊಮಾ ಯಕ್ಕಾನೆ ಕುನಬಿ ಅಡ್ಡಿ ಕರ್ರಾಮ ಥ್ಯವಾನೆ ಗರ್ದನೆ ಮ್ಹೊಟ್ಟೊ ನಾಕಾನೊ

ದಗ್ಧಾನಿ ಭಾಂದಿನ ತಿನೆ ಸಮಂದರಮಾ ಡುಬಾಡಿ ಪಡಾನೂ ತಿನೆ ಚೊಕು ವ್ಹೊ

7 ಮನಕ್ಕೊನೆ ಪಾಪನೆ ಚಲಾವಾನೂ ಸಂಗತಿಯೊನಾ ಹುತಿ ಮಿ ಆ ಲೊಕನಾ ವಿಷಯಮಾ ದುಖ ಪಡ್ತುಸ. ತೆ ಕೆಳಾಮಾಬಿ ರ್ವವಸ.ತೆನ್ನೆಸೊ ತಿನೆ ಕಾರಣ ಥಾವಾನೂ ಮನಕ್ಕನೆ ಘನ್ನು ತ್ರಾಸ ಥಾವಸ.

8 ತಾರೊ ಹತ್ತ ರ್ವವಾದೆ ತಾರೊ ಪಗ್ಗ ರ್ವವಾದೆ ತುನೆ ಪಾಪಮಾ ಕ್ಷಾಪ್ತಾವರಕ್ಕು ರ್ವಯಾಮ ತಿನೆ ಕತ್ತಿನ ಭಿರಕ್ಕೆ ಪಡ. ಭಂಪೆ ಹತೊ, ಬೆ ಪಗೊವಾಲೊ ರ್ವಯಲವಾಲೊ ನಿತ್ಯ ಆಗಮಾ ಫಾಲಾತಿಜ ಅಂಗನು ಹಿನ ಥಯಲ ನೈತೊ ಲಂಗೊ ಥಯಲ ಜಿವನಾಮಾ ಸೆರಾನೂ ತುನೆ ಚೊಕುವ್ಹೊ

9 ತಾರ ಡೊಳಾ ತುನೆ ಪಾಪಮಾ ಕ್ಷಾಪ್ತಾಯಾರೆ ತಿನೆ ಕತ್ತಿನ ಭಿರಕ್ಕೆ ಪಡ, ಬೆ ಡೊಳಾ ರ್ವಯಲವಾಲೊ ಆಗನಾ ನರಕಮಾ ಫಾಲಾತಿಜ ಯಕ್ಕಜ ಡೊಳಾವಾಲೊ ಧೈನ ಜಿವನಮಾ ಸೆರಾನೂ ತುನೆ ಚೊಕು ವ್ಹೊ

10 ಆ ನ್ಹಾನಾವೊಮಾ ಯಕ್ಕೊಬಿ ರಹೈತಬಿ ತಪ್ಪ ಕರೆವಾಚಿ ದೆಕಿಲಿವೊ. ಕಾ ಕದ್ಯಮ ಪರೊಲೊಕಮಾ ರ್ವವಾನಾ ದುತೊ ಮಾರಾ ಸ್ವರ್ಗನೊ ಬಾನೂ ಮೊಡಾನೆ ದೆಕ್ತಾ ರ್ವವಸತೊ ಕೈನ ತುಮೊನೆ ಕೌಸ.

11 ಮನಕ್ಕೊನೊ ದಿಕ್ರೊ ಕೆಟ್ಟಿನ ಗಯಲ ಹುಡ್ಕಿನ ರಕ್ಷಾಕರಾನಾ ಹುತಿ ಆಯೊ.

ಜವೈಗಯಲ ಬಕ್ರಾನು ಸಾಮ್ಯ

12 ತುಮಾರಾಮಾ ಯಕ್ಕಾ ಮನಕ್ಕನೆ ಕ್ಕೊ ಬಕ್ರಾ ರ್ವಯಾಮ ತ್ಯುನಾಮಾ ಯಕ್ಕ ಬಕ್ರು ತಪ್ಪಿನ ಗಯಸ ಕೈನ ಮ್ಹೆಲ್ಲಿವೊ. ತೆಳಾಮಾ ತುಮೊನೆ ಸು ಅನಸಾವಸ? ತೆ ಉಗ್ಗಲ ನೌವದಪರನೌ ಬಕ್ರಾವೊನೆ ಡೊಂಗರಪರ ಛೊಡಿನ ತಪ್ಪಿನ ಗಯಲ ತೆ ಯಕ್ಕ ಬಕ್ರಾನೆ ಹುಡ್ಕಿನ ನೈಜಾತಾತೊ?

13 ತೆ ತಿನೆ ಮಳ್ಕಾರೆ, ನೈ ತಪ್ಪಿನ ರ್ವವಾನಾ ನೌವದಪರ ನೌ ಬಕ್ರಾತಿಬಿ ತೆ ಯಕ್ಕ ಬಕ್ರಾನಾಹುತಿ ಘನ್ನೊ ಮುಷಿ ಧೌಸ ಕೈನ ತುಮೊನೆ

ಕೃರಿಜ ಕೌಸ.

14 ತಿಮ್ಮಜ ಆ ನ್ವಾನಾವೊಮಾ ಯಕ್ಕೊಬಿ ನಾಶ ಧೈನ ಜಾವಸ ಪರಲೊಕಮಾ ರ್ವವಾನು ತುಮಾರಾ ಬಾನೂ ಚಿತ್ತ ನವೈ.

ತಪ್ಪ ಕರಲ ಭೈನೆ ಸಿದಾ ಕರಲ

15 ತಾರೊ ಭೈ ತಾರಾ ವಿರುದ್ಧ ತಪ್ಪ ಕರಲ್ಯಾರೆ, ಗೈನ ತು ತೆ ಯಕ್ಕೊಜ ರ್ವತಾಮಾ ತಿನೊ ತಿನೆ ಅರು ಥಯು ಕೈನ ತಿಳಸಾ. ತೆ ತಾರಾ ವಾತನೆ ಐಕ್ಕಾಮ ತಾರಾ ಭೈನೆ ತು ಕಮ್ಮೆಲೆಸಿ.

16 ಪಾಚಾತೊ ತೆ ತಾರಿ ವಾತ ನೈ ಐಕ್ಕಾಮ ಬೆ ತನ್ನ ಸಾಕ್ಷಿಯೊನೆ ಮೊಡಾಕ್ಕು ಹರಿಯಕ್ಕ ವಾತ ಸ್ಥಿರ ಪಡಸಾನಾಹುತಿ ಯಕ್ಕಾನೆ ನೈತೊ ಬೆಜನಾವೊನೆ ತಾರಾ ಕ್ಕಾತೆ ಬಲ್ಲೆಲಿನ ಜಾ.

17 ತೆ ತಿನಿ ವಾತ ನೈ ಐಕ್ಕಾಮ ತೆ ವಾತನೆ ಸಭೆಮಾ ಕೆ. ತೆ ಸಭೆನಾ ವಾತೊನೆ ನೈಐಕ್ಕಾಮ ತೆ ತುನೆ ಅನ್ಯ ನಿಂಗತಬಿ ಸುಂಕವಾಲಾ ನಿಂಗತಬಿ ರ್ವವಾದೆ.

18 ಭುಲೊಕಮಾ ತುಮೆ ಸುಸು ಭಾಂದ್ಯೊಸಿತೊ ತೆ ಪರಲೊಕಮಾಬಿ ಭಾಂದಲ ರ್ವವಸ. ವರಿ ಭುಲೊಕಮಾ ಸುಸು ಕೊಲೊಸಿತೊ ತೆ ಪರಲೊಕಮಾ ಕ್ಕುಲಾವಸ ಕೈನ ತುಮೊನೆ ಕೃರಿಜ ಕೌಸ.

19 ತೆನ್ನೆಸೊ ತುಮಾರಾಮಾ ಮಾಂಗಿಲಿವಾ ಅಕ್ಕು ಕಯುಬಿ ರ್ವ್ವಿತಬಿ ಯಕ್ಕ ವಿಷಯ ಧೈನ ಭುಲೊಕಮಾ ಯಕ್ಕಜ ಮನಸವಾಲಾ ಥಯಾತಬಿ ತೆ ಪರಲೊಕಮಾ ರ್ವವಾನು ಮಾರಾ ಬಾಕ್ಕು ತ್ತುನೊನೆ ಥಾವಸ ಕೈನ ತುಮೊನೆ ಕೌಸ.

20 ಕಾ ಕದ್ಯಾಮ ಬೆಜನಾ ರ್ವ್ವಿನೆಕಾ ತನ್ನಜನಾ ರ್ವ್ವಿನೆಕಾ ಮಾರಾ ನಾಮಂಪರ ಮಳಿನ ಆವಸ ತ್ತುನಾ ವಚ್ಚಾಮಿ ರ್ವ್ವಿನೆ. ಕೈನ ಕದ್ಯೊ.

ಕರಣಾ ನೈರ್ದಯಲ ಸೆವಕನಿ ಸಾಮ್ಯ

21 ತೆಳಾಮ ಪೆತ್ರಾ ತಿಕನ ಐನ, ಕರ್ತಾ ಮಾರೊ ಭೈ ಮರಾ ವಿರುದ್ಧ ಪಾಪ ಕರಲ್ಯೊಮ ಕೆಕ್ಕಿಸಲಾ ತಿನಿ ಮಾಫ ಕರು? ಖಾತಾ ಸಲಾ ವ್ವೊಸು? ಕೈನ ಕದ್ಯೊ.

22 ಯೆಸು ತಿನೆ, "ಕ್ವಾತ ಸಲಾ ಕೈನ ನೈಸತ್ತರಪರ ಕ್ವಾತ ಸಲಾ" ಕೈನ ಮಿ ತುನೆ ಕೌಸ.

23 ತಿನಾಹುತಿ ಪರಲೊಕ ರಾಜ್ಯ ತಿನಾ ಆಳೊಕ್ಕುಲೆಕ್ಕೊ ಲಿವಾನಾಹುತಿ ಯಕ್ಕ ರಾಜಾನೆ ಹೊಲಿಕೆ ಥೈಸ.

24 ತೆ ಲೆಕ್ಕೊ ಲಿವಾನೆ ಶುರು ಕರ್ತಮಾ ದಕ್ಷಹಜಾರ ಕೊನ್ನಾನಾ ಬಿಲ್ಲಾ ದಿವಾಲಾ ಆಳನೆ ತೆ ರಾಜಾಕನ ಲಾಯಾ.

25 ತೆ ಸಾಲಾ ತಿಸಾಫನೆ ತಿಕನ ಸುಭ ನೈರ್ದಯಲಕ್ಕು ತಿನೊ ಮಾಲಕ ತಿನೆ, ತಿನಿ ಬೈಕೊನೆ, ಬಚ್ಚಾವೊನೆ ತಿನೆ ರ್ದಯಲ ಕ್ವಾರು ಇಕ್ಕಿನ ತೆ ಸಾಲಾ ದ್ಯು ಕೈನ ಅಪ್ಪಣೆ ದಿದ್ಯೊ.

26 ತೆಳಾಮ ತೆ ಆಳ ಉಂದಾ ಗುಡಗಾ ಘಾಲಿನ ತಿನು ಮಾತು ರ್ಪುಕೈನ ಮಾಲಕನೆ, "ಮಾಲಕ, ಮಾರಾ ಉಪ್ಪರ ತಾಳ್ತೆ ರ್ದವಾದೆ, ತಾರು ಕ್ವಾರು ಮಿ ದ್ಯುಸ" ಕದ್ಯೊ.

27 ತೆ ಆಳ ರಾಜೊ ಕನಿಕರ ಪಡಿನ ತಿನೆ ಛೊಡೈನ ತೆ ಸಾಲಾ ಕ್ವಾರಿ ಮಾಫಕರಿ ಪಡ್ಯೊ.

28 "ಪಾಚಲೊ ತೆ ಸೆವಕ ಭಾರೊ ಐನ ತಿನೆ ಕೊರುಪ್ಪಾನಾ ಬಿಲ್ಲಾ ದಿವಾಲಾ ಯಕ್ಕ ಆಳನೆ ದೆಕಿನ ತಿನೆ ಧರಿನ ನಡ್ಡಿ ಚಿಕಲಿನ, ಮಾರಿ ಸಾಲಾ ಫೆಡ' ಕೈನ ಕದ್ಯೊ.

29 " ತೆನ್ನೈಸೊ ತಿನಾ ಕ್ವಾತೆ ಆಳಬಿ ಉಂದಾ ಗುಡ್ಗಾ ಘಾಲಿನ ಮಾರಾ ಉಪ್ಪರ ತಾಳ್ತೆ ರ್ದವಾದೆ ಮಿ ತಿರಸುಸ' ಕೈನ ಮಾಂಗಿಲಿದ್ಯೊ.

30 " ತೆನ್ನೈಸೊ ತೆ ಒಪ್ಪೆವಾಚಿ ಗೈನ ತೆ ಸಾಲಾ ತಿರಸಾಯೆ ಲಕ್ಕಾ ತಿನೆ ಜಿಲಮಾ ಘಲಾಯೊ.

31 ತಿನಾ ಕ್ವಾತೆ ಆಳೊ ಚಾಲಲ ಸಂಗತಿಯೊನೆ ದೆಕಿನ ಘನ್ನು ದುಕ್ಕ ಪಡ್ಡಿನ ತಿನಾ ರಾಜಾಕನ ಐನ ಚಾಲಲ ಕ್ವಾರು ತಿಕನ ಕದ್ಯಾ.

32 ತೆಳಾಮಾ ತೆ ರಾಜೊ ತಿನೆ ಬಲೈನ, 'ಓ, ದುಷ್ಟ ಆಳ, ತು ಮನೆ ಮಾಂಗಿ ಲಿದಲಕ್ಕು ತಾರಿ ಸಾಲಾ ಕ್ವಾರಿ ಮಾಫ ಕರುಸ.

33 ಮಿ ತುನೆ ಮರಗಲ ನಿಂಗತ ತುಬಿ ರ್ದತ್ತಬಿ ತಾರಾ ಕ್ವಾತೆ ಆಳನೆ ಮರಗಾನೂ ನ್ನೊತ್ತು? ತಿಮ್ಮ ಕೈನ.

34 ರಾಜೊ ಸಿಟ್ಟಿ ಥೈನ ತಿನೆ ದಿವಾನಿ ಸಾಲಾನೆ ತಿರಸೆಲಕ್ಕಾ ತಿನೆ

ಪಿಡಿಸೊನಾ ಹತೊಮಾ ದ್ವಸ.

35 " ತುಮಾರಾಮಾ ಹರಯಕ್ಕೊ ತಾರಾ ಬೈನೆ ಮನಸಕ್ಕುಜ ನೈಮಾಫ ಕರ್ರಾಮ ಮಾರೊ ಬಾಬಿ ತುಮೊನೆ ತಿಮ್ಮಜ ಕರಸ ಕೈನ ಕದ್ಯೊ

19

ತೊಡಮೊಡನಾಹುತಿ ಯೆಸು ಕದ್ಯಲ

(ಮಾರ್ಕ 10:1-12)

1 ಅಮ್ಮರ್ದತಾಮಾ ಯೆಸು ಆ ವಾತೊ ಮೂಗಸಲಪರ ಗಲಿಲಾಯ ಛೊಡಿನ ಯೊರ್ದಾನ್ ತಳಾನಾ ಹಿಂಗೆ ರ್ದಯಲ ಯುದಾಯ ಪ್ರಾಂತ್ಯನೆ ಗಯೊ.

2 ಮನಕ್ಕೊನು ಮೊಟ್ಟು ಗುಂಪ ತಿನಾ ಪಾಚಾ ಗಯಾ, ತೆ ತ್ಯನೊನೆ ತ್ಯಾಜ ಅರಾಮ ಕರ್ರೊ.

3 ಪರಿಸಾಯರೊ ಯೆಸುನೆ ಪರಿಕ್ಷಾ ಕರಾನೆ ತಿನಾ ಕ್ಲಾಮಾ ಐನ, ಯಕ್ಕೊ ಕಯಾಬಿ ಯಕ್ಕ ಕಾರಣಕ್ಕು ತಿನಿ ಬೈಕೊನೆ ಛೊಡಿ ಪಡಾನೂ ಶಾಸ್ತ್ರಮಾ ಛೆ ಸು? ಕೈನ ಪುಚ್ಚಾಮಾ,

4 ತೆ ಉತ್ತರ ದಿನ, ಮನಕ್ಕೊನೆ ಸೃಷ್ಟಿ ಕರಲವಾಲೊ ಅದಿತೊಜ್ಜ ತ್ಯನೊನೆ ಗಂಡ ವರಿ ಹೆಣ್ಣು ಕೈನ ಸೃಷ್ಟಿ ಕರ್ರೊ.

5 ಆ ಕಾರಣಕ್ಕುಜ ದಾಣ್ಕೊ ಯಾ ಬಾನೆ ಛೊಡಿನ ತಿನಿ ಬೈಕೊನೆ ಮಳ್ಳೆಲಿವಸ. ತ್ಯನೆ ಭಂಬಿ ಜನಾ ಯಕ್ಕಜ ಅಂಗ ಧೈನ ರ್ದವಸ ಕವಾನು ತುಮೆ ಓದ್ಯಾಸತೊ?

6 ಅಮ್ಮರ್ದತಾಮಾ ತ್ಯನೆ ಬೆಜನಾ ನ್ಹವೈ ಯಕ್ಕ ಅಂಗ ಥಯಾಸ. ತಿನಾಹುತಿ ಕ್ಕುದಾ ಮಳಾಯಲನೆ ಮನಕ್ಲಜುದು ಕರು ನೈ ಕದ್ಯೊ.

7 ತಿನಾಹುತಿ ತ್ಯನೆ ಯೆಸುನೆ, ಇಮ್ಮರ್ದಯಮ ತಾಲಾಕನು ಪತ್ರ ದಿನ ತಿನೆ ಛೊಡಿಪಡು ಕೈನ ಮೊಶೆ ಕಾ ಆಗನ್ಯಾದಿದ್ಯೊ? ಕೈನ ಪುಚ್ಚಾ.

8 ತೆಳಾಮಾ ಯೆಸು ತ್ಯನೊನೆ, ಮೊಶೆ ತುಮಾರಾ ಮಂಡತನಾಹೆಲು ತುಮಾರಿಯೊ ಬೈಕೊನೆ ಛೊಡಿಪಡಾನೆ ಅಪ್ಪಣೆ ದಿದ್ಯೊ. ತೆನ್ನೆಸೊ ಆದಿತು ಇಮ್ಮನ್ನೊತು ಕದ್ಯೊ.

9 ವರಿ ವ್ಯಬಿಚಾರನಾ ಕಾರಣಕ್ಕು ನೈಸೊ ತಿನಿ ಬೈಕೊನೆ ಛೊಡಿನ ವರಿಯಕ್ಕಿನೆ ಹಿವಾ ಕರಿಲಿವಾಲೊ ವ್ಯಬಿಚಾರ ಕರಲ ನಿಂಗತ ವ್ಹೈ; ವರಿ ಮಾಟಿ ಛೊಡಲವಾಲಿನೆ ಹಿವಾ ಕರಿಲಿವಾಲೊ ವ್ಯಬಿಚಾರ ಕರಲ ನಿಂಗತ ವ್ಹೈ ಕೈನ ತುಮೊನೆ ಕೌಸ ಕದ್ಯೊ.

10 ತಿನಾಹುತಿ ಶಿಶ್ಯಾ ಯೆಸುನೆ, ಬೈಕೊನಾ ಕ್ಹಾತೆ ಮಾಟಿನೊ ರಿಸ್ತೊ ಇಮ್ಮ ರ್ಹೆಯಮ ಹಿವಾ ಕರಿಲಿವಾನು ಛೊಕು ನ್ಹವೈ ಕದ್ಯಾ.

11 ತೆನೈಸೊ ಯೆಸು ತ್ಯನೊನೆ, ಎ ವಾತನೆ ಕ್ಹಾರಾ ಸ್ವಿಕಾರ ನೈ ಕರತ್ತಾ ತೆನೈಸೊ ಕಿನೆ ತೆ ವರಾ ದಿದಲ ಛೆ ತ್ಯನೆ ಯಕ್ಕಜ ತಿನೆ ಸ್ವಿಕಾರ ಕರಸ.

12 ಮಾನಾ ಪೆಟಮಾತಾಜ ನಪುಸಕ ಥೈನ ಹುಟ್ಟಲವಾಲಾ ದಕ್ಹಾಜನಾ ಛೆ ವರಿ ಮನಕ್ಕೊಕ್ಕು ನಪುಸಕ ಥೈಯಲವಾಲಾ ದಕ್ಹಾಜನಾ ಛೆ ವರಿ ಪರಲೊಕ ರಾಜ್ಯನಾಹುತಿ ತ್ಯನೊನೆ ತ್ಯನೆಜ ನಪುಸಕ ಕರಿಲಿದಲವಾಲಾ ದಕ್ಹಾಜನಾ ಛೆ. ಎ ಬೊದನೆನೆ ಸ್ವಿಕಾರ ಕರಾಲಾ ಸ್ವಿಕಾರ ಕರಾದೆ ಕೈನ ಕದ್ಯೊ.

ಯೆಸು ನ್ಹಾನಾ ಬಚ್ಚಾವೊನೆ ಆಶಿರ್ವಾದ ಕರಲ

(ಮಾರ್ಕ 10:13-16; ಲುಕ 18:15-17)

13 ದಕ್ಹಾಜನಾ ತ್ಯನಾ ನ್ಹಾನಾ ಬಚ್ಚಾವೊನೆ ಯೆಸುಕನ ಬಲೈಲಿನ ಐನ, ತ್ಯನಾ ಉಪ್ಪರ ತೆ ಹತೊ ಮ್ಹೆಲಿನ ಪ್ರಾರ್ಥನಾ ಕರು ಕೈನ ಮಾಂಗಿಲಿದ್ಯಾ ತೆನೈಸೊ ಶಿಶ್ಯಾ ತ್ಯನೊನೆ ಭುಚ್ಚಾಡ್ಯಾ.

14 ತೆನೈಸೊ ಯೆಸು, ನ್ಹಾನಾ ಬಚ್ಚಾವೊನೆ ಛೊಡೊ. ಮಕನ ಆವಾನೆ ತ್ಯನೊನೆ ಅಡ್ಡ ಕರೊ ನಕೊ. ಕಾಕದ್ಯಾಮ ಪರಲೊಕ ರಾಜ್ಯ ಹೆವಾವೊನುಜ ವ್ಹೈ ಕೈನ ಕದ್ಯೊ.

15 ವರಿ ತ್ಯನಾ ಉಪ್ಪರ ಹತ್ತ ಮ್ಹೆಲಿನ ಪಾಚಲೊ ತ್ಯಾಂತೊ ಗಯೊ.

ಸೌಕಾರ ಜಾಂಜಿಮಾನ

(ಮಾರ್ಕ 10:17-31; ಲುಕ 18:18-27)

16 ಯಕ್ಕ ಮನಕ್ಕಯೆಸುಕನ ಐನ, ಬೊದಕ ಮಿ ಹಮೆಶಾನು ಜಲಮ ವ್ಹಂದಿಲಿವಾನೆ ಕಯು ಛೊಕು ಕಾಮ ಕರು? ಕೈನ ಪುಚ್ಚೊ.

17 ಯೆಸು ತಿನೆ, ಛೋಕಾನಾಹುತಿ ಮನೆ ಶಾನೆ ಪುಚ್ಚಶಿ? ಛೋಕೊ ರ್ಹಯಲವಾಲೊ ಯಕ್ಕೊಜ್ಜ ವ್ಹೈ ತೆ ಜಲಮ ವ್ಹಂದಿಲಿವ ಕೈನ ಕದ್ಯಾಮ ಕ್ಹುದಾನಿ ಆಗನ್ಯಾವೊನೆ ವಿದೆಯ ಧೈನ ಚಾಲ ಕೈನ ಕದ್ಯೊ.

18 ತಿನಾಹುತಿ ತೆ, ತೆ ಕಯಾ ವ್ಹೈ? ಕೈನ ಪುಚ್ಚಾಮಾ ಯೆಸು, ನರಹತ್ಯ ಕರು ನೈ ವ್ಯಬಿಚಾರ ಕರು ನೈ, ಛೋರಿ ಕರು ನೈ, ಸುಳ್ಳ ಸಾಕ್ಷಿ ಕೌ ನೈ.

19 ತಾರ ಮಾ ಬಾಪನೆ ಮರ್ಯಾದಿ ದ್ಯುವರಿ ತಾರಾ ನಿಂಗತಜ್ಜ ತಾರಾ ಬಾಜು ರ್ಹಯಲವಾಲಾನೆ ಮಯಾ ಕರು. ಎಜ್ಜ ವ್ಹೈ ಕದ್ಯೊ.

20 ತೆ ಜಾಂಜಿಮಾನ ಮನಕ್ಹ ತಿನೆ, "ಎ ಕ್ಹಾರಾವೊನೆ ಮಿ ವಿದೆಯ ಧೈನ ಚಾಲಿಲಿನ ಗಯೊಸ" ಹಜುನ ಮಾರಾಮಾ ಸು ಕಮಿ ವಸ? ಕೈನ ಪುಚ್ಚೊ.

21 ಯೆಸು ತಿನೆ, ತು ಪರಿಪುರ್ಣ ಥಾವಾನೊ ರ್ಹಯೊಮ, ಗೈನ ತುನೆ ರ್ಹಯಲ ಕ್ಹಾರು ಇಕ್ಕಿನ, ಗರಿಬೊನೆ ದೆ, ತೆಳಾಮಾ ತುನೆ ಪರಲೊಕಮಾ ಆಸ್ತಿ ರ್ಹವಸ. ಪಾಚ್ಲೊ ತು ಮಾರಾ ಪಾಚೊ ಆ ಕೈನ ಕದ್ಯೊ.

22 ತೆನೈಸೊ ತೆ ಜಾಂಜಿಮಾನ ಮನಕ್ಹ ಘನ್ನೊ ಆಸ್ತಿವಾಲೊ ರ್ಹಯಲಕ್ಹು ಎ ವಾತ ಐಕಿನ ದುಖಕ್ಹು ಗೈಪಡೊ.

23 ತೆಳಾಮಾ ಯೆಸು ತಿನಾ ಶಿಶ್ಯಾವೊನೆ, ಆಸ್ತಿ ರ್ಹಯಲವಾಲೊ ಪರಲೊಕ ರಾಜ್ಯಮಾ ಜಾವಾನು ಘನ್ನು ಕಷ್ಟ ವ್ಹೈ ಕೈನ ತುಮೊನೆ ಕ್ಹರಿಜ್ಜ ಕೌಸ.

24 ಹಾಂ, ಮಿ ಫರಿನ ತುಮೊನೆ ಕೌಸ ಆಸ್ತಿ ರ್ಹಯಲವಾಲೊ ಕ್ಹುದಾನಿ ರಾಜ್ಯಮಾ ಜಾವಾತಿ ಹುಂಟೆ ಖ್ವಯಿನಾ ಡೊಳಾಮಾ ಜಾವಾನು ಆಸಾನ ವ್ಹೈ.

25 ಶಿಶ್ಯಾ ಎ ಐಕಿನ ಘನ್ನಾ ಫಾಬ್ರಾ ಧೈನ, ಇಮ್ಮ ರ್ಹಯಮ ರಕ್ಷಣೆ ವ್ಹಂದಾನೆ ಕಿಕ್ಹು ಥಾವಸ? ಕೈನ ಪುಚ್ಚಾ.

26 ಯೆಸು ತ್ಯುನೊನೆ ಯಕ್ಕ ಸಂವಾ ದೆಕಿನ ಎ ಮನಕ್ಹೊಕ್ಹು ಅಸಾದ್ಯ ವ್ಹೈ ತೆನೈಸೊ ಕ್ಹುದಾನೆ ಕ್ಹಾರುಜ್ಜ ಸಾದ್ಯ ವ್ಹೈ ಕದ್ಯೊ.

27 ತೆಳಾಮಾ ಪೆತ್ರಾ ಯೆಸುನೆ, "ಹಮೆ ಕ್ಹಾರು ಲೊಡಿನ ತಾರಾ ಪಾಚಾ ಆಯಾಸ; ಇಕ್ಹು ಹಮೊನೆ ಸು ಮಳಸ? ಕೈನ ಪುಚ್ಚಾ.

28 ಯೆಸು ತ್ಯುನೊನೆ, ತುಮೊನೆ ಕ್ಹರಿಜ್ಜ ಕೌಸ, ನಯಿ ಸೃಷ್ಟಿಮಾ

ಮನಕ್ಕೆನೊ ದಿಕ್ಕೊ ತಿನಿ ಮಹಿಮಾನಾ ಸಿಂಹಾಸನಪರ ಬೈಟತಾಮಾ, ಮಾರಾ ಪಾಚಾ ಆಯಲವಾಲಾ ತುಮೆಬಿ ಬಾರಾ ಸಿಂಹಾಸನೊನಾ ಉಪ್ಪರ ಬೈಟಿನ, ಇಸ್ರಾಯೆಲನಾ ಬಾರಾ ಘರ್ದಾನೊನೆ ನ್ಯಾಯ ತಿರಿಸೊಶಿ.

29 ವರಿ ಮಾರಾ ನಾಮನಾ ಹುತಿ ಘರೊನೆ ರ್ಹವಾದೆ, ಭಾಯೊನೆ ರ್ಹವಾದೆ, ಭೆನೊನೆ ರ್ಹವಾದೆ, ಬಾಪನೆ ರ್ಹವಾದೆ, ಮಾನೆ ರ್ಹವಾದೆ, ಬಿಟ್ಟಾವೊನೆ ರ್ಹವಾದೆ, ಜಿಮಿನನೆ ರ್ಹವಾದೆ, ಛೊಡಿಪಡಲ ಹರಯಕ್ಕೊ ಕ್ಹಾರು ಖೊ ಯಕ್ಕು ವ್ಹಂದಿಲಿವಸ. ತೆನೈಸೊ ಹಮೆಶಾನಾ ಜಲಮನೊ ಅದಿಕಾರಿ ಧಾವಸ.

30 ತೆನೈಸೊ ಪೈಲಾತಾ ರ್ಹಯಲವಾಲಾ ಘನ್ನಾ ಮನಕ್ಕೊ ಲಾಸ್ವನಾ ಧಾವಸ ವರಿ ಲಾಸ್ವನಾ ಘನ್ನಾ ಮನಕ್ಕೊ ಪೈಲಾನಾ ಧಾವಸ.

20

ದ್ರಾಕ್ಷಿಯೊನಾ ಮಳಾನೆ ಕುಲಿ ಆಳೊನಿ ಸಾಮ್ಯ

1 ಪರಲೊಕ ರಾಜ್ಯ ತಿನಾ ದ್ರಾಕ್ಷಿನಾ ಮಳಾನೆ ಕುಲಿನಾ ಆಳೊ ಲಾವಾನೆ ಪಾಟಿಜ್ಜ ಗಯಲ ಯಕ್ಕ ಮಳಾನಾ ಮಾಲಕ ನಿಂಗತ ಛೆ.

2 ತೆ ಯಕ್ಕ ದಿನ್ನನೆ ಯಕ್ಕ ರುಪ್ಪಾನೊ ಬಿಲ್ಲೊ ಕೈನ ಕುಲಿ ಆಳೊನಾ ಕ್ಹಾತೆ ಒಪ್ಪಂದ ಕರಿಲಿದಲಪರ ತ್ಯನೊನೆ ದ್ರಾಕ್ಷಿಯೊನಾ ಮಳಾನೆ ವಳಾಯೊ.

3 ತೆ ವರಿ ಕಮ್ಮಸಿಕಮ್ಮ ನೌ ವಸ್ತಾ ಬಾಜರನಾ ಜಗಾನೆ ಗೈನ ಕಾಮ ನೈಸೊ ಗಪ್ಪ ಹುಬ್ರಯಲ ಬಿಜಾ ದಕ್ಹಾ ಕುಲಿ ಆಳೊನೆ ದೆಕಿನ,

4 ತ್ಯನೊನೆ, 'ತುಮೆಬಿ ಮಾರಾ ದ್ರಾಕ್ಷಿಯೊನಾ ಮಳಾನೆ ಜಾವೊ; ತುಮೊನೆ ಕರೆಟ್ಟೆ ಪಗಾರ ದ್ಯುಸ' ಕದ್ಯೊ ತೆಳಾಮಾ ತ್ಯನೆ ಕಾಮೆ ಗಯಾ.

5 ತೆ ವರಿ ಕಮ್ಮಸಿಕಮ್ಮ ಬಾರಾ ವಸ್ತಾ ವರಿ ತನ್ನ ವಸ್ತಾ ಗೈನ ತಿನಾ ನಿಂಗತಜ್ಜ ಕರೈಯೊ.

6 ಹಜಿಯಕ್ಕ ಸಲಾ ಕ್ಹಾಂಜನಾ ಟೈಮ್ಮಾ ಪಾಂಚ ವಸ್ತಾ ತೆ ಗೈನ ಬಿಜಾ ದಕ್ಹಾ ಜನಾ ಗಪ್ಪ ಹುಬ್ರಯಲ ದೆಕಿನ ತ್ಯನೊನೆ, 'ದಿನ ಕ್ಹಾರಿ ಯ್ಹಾ ಗಪ್ಪ ಶ್ಯಾನೆ ಹುಬ್ರಾಯಾಸ?' ಕೈನ ಪುಚ್ಚೊ.

7 ತ್ಯುನೆ ತಿನೆ, 'ಕುನ್ನಜ ಹಮೋನೆ ಕುಲಿನೆ ಬಲಾಯಾ ನೈ' ಕದ್ಯಾ, ತೆಳಾಮಾ ತೆ ತ್ಯುನೋನೆ, 'ತುಮೆಬಿ ಮಾರಾ ದ್ರಾಕ್ಷಿಯೊನಾ ಮಳಾನೆ ಜಾವೊ' ಕದ್ಯೊ.

8 ಕ್ಹಾಂಜ ಥಯಲ್ಪರ ದ್ರಾಕ್ಷಿಯೊನಾ ಮಳಾನೊ ಮಾಲಕ ತಿನಾ ಮೆಲ್ವಚಾರಕನೆ, ತೆ ಕುಲಿ ಆಳೋನೆ ಬಲೈನ ಲಾಸ್ಸನೆ ಆಯಲವಾಲಾವೊತೊ ಪಸ್ಸ ಆಯಲವಾಲಾವೊ ಲಕ್ಕಾ ಪಗಾರ ದೆ' ಕೈನ ಕದ್ಯೊ.

9 ತೆಳಾಮಾ ಕ್ಹಾಂಜೆ ಪಾಂಚವಾಸ್ತಾ ಐನ ಕಾಮ ಕರಲವಾಲಾ ಆಯಲ್ಪರ, ಹರಯಕ್ಲಾನೆ ಯಕ್ಕಯಕ್ಕ ರುಪ್ಪಾನೊ ಬಿಲ್ಲೊದಿದ್ಯೊ.

10 ಪೈಲಾ ಆಯಲವಾಲಾ ತ್ಯುನೋನೆ, ಹೆಚ್ಚಿ ಮಳಸ ಕೈನ ತಿಳ್ವಲಿದ್ಯಾ, ತೆನ್ನೆಸೊ ತ್ಯುನೋನೆಬಿ ಯಕ್ಕಯಕ್ಕ ರುಪ್ಪಾನೊ ಬಿಲ್ಲೊಜ ಮಳ್ಳೊ.

11 ತ್ಯುನೆ ತೆ ಲಿನ ಮಳಾನಾ ಮಾಲಕನಾ ವಿರುದ್ಧ ಗುಣಗುಟ್ಟಿನ,

12 'ಲಾಸ್ವೆ ಆಯಲ ಇವ್ವೆ ಕ್ಹಾಲಿ ಯಕ್ಕಜ ತಾಸ ಕಾಮ ಕರ್ಯಾಸ. ಹಮೆ ಪುರಾದಿನ ತಡಕಾಮಾ ಕಷ್ಟ ಪಡಿನ ಕಾಮ ಕರ್ಯಾಸ. ತೆನ್ನೆಸೊ ತು ತ್ಯುನೋನೆ ಹಮೋನೆ ಯಕ್ಕಜ ಕರ್ರೊಸ ಸು' ಕದ್ಯಾ.

13 ತಿನಾಹುತಿ ಮಾಲಕ ತ್ಯುನೊಮಾ ಯಕ್ಲಾನೆ, 'ಐಕ ದೊಸ್ತ, ಮಿ ತುನೆ ಅನ್ಯಾಯ ಕರ್ರೊ ನತ್ತಿ. ತು ಮಾರಾ ಕ್ಹಾತೆ ಯಕ್ಕ ರುಪ್ಪಾನಾ ಬಿಲಾನೆ ಒಪ್ಪಂದ ಕರಿಲಿದ್ಯಾ ನ್ಹೊತಾ ಸು?

14 ತಾರು ಪಗಾರ ತು ಲಿನ ಜಾ ತುನೆ ದಿದಲ ತಿಮ್ಮ ಲಾಸ್ವೆ ಆಯಲವಾಲಾನೆಬಿ ದಿವಾನು ಮಾರಿ ಪಸಂದ ವ್ಹೊ.

15 ಮಾರಿ ಸ್ವಂತ ಆಸ್ತಿನೆ ಮಾರಿ ಆಸ ನಿಂಗತ ಕರಾನೆ ಮನೆ ಅಧಿಕಾರ ನತ್ತಿ ಸು? ಮಿ ಚೊಕೊ ಥಯಲಕ್ಕುತು ಕಾ ಹೊಚ್ಚಿಗಿಟ್ಟಿ ಫಾಲ್ಯಾಡೊಸ?' ಕದ್ಯೊ.

16 ಇಮ್ಮ ಲಾಸ್ಸನಾ ಪಸ್ಸ ಥಾವಸ ಪಸ್ಸನಾ ಲಾಸ್ಸ ಥಾವಸ ಕದ್ಯೊ.

ಯೆಸು ತಿನಾ ಮರಣನಾಹುತಿ ತನ್ನಾ ಸಲಾ ಕದ್ಯಲ
(ಮಾರ್ಕ 10:32-34; ಲುಕ 18:31-35)

17 ಯೆಸು ಯೆರುಸಲೆಮೆ ಜಾತಾಮಾ ವಾಟಮಾ ಬಾರಾ ಭನಾ ಶಿಶ್ಯಾವೊನೆ ಕುನ್ನಜ ನೈರ್ದಯಲ ಜಗಾ ಬಲೈಲಿನ ತ್ಯನೊನೆ,

18 ದೆಕೊ ಅಪೆ ಯೆರುಸಲೆಮೆ ಚಾಲ್ಯಾಸ ವರಿ ಮನಕ್ಕನೊ ದಿಕ್ರಾನೆ ಕ್ಹಾಸ ಯಾಜಕೊನಾ ವರಿ ಶಾಸ್ತ್ರಿಯೊನಾ ಹತೊಮಾ ಒಪ್ಪಿನ ದಿವಸ. ತ್ಯನೆ ತಿನೆ ಮರಣದಂಡನೆ ದಿವಸ.

19 ತಿನೆ ಅಪಹಾಸ್ಯ ಕರಾನಾಹುತಿಬಿ ಬಾರಕೊಲಕ್ಹು ಮಾರಾನಾಹುತಿಬಿ ಶಿಲುವಿಪರ ಫಾಲಾನಾಹುತಿಬಿ ಬಿಜಾ ಮನಕ್ಕೊನಾ ಹತೊಮಾ ಒಪ್ಪಿಪಡಸ. ತೆನೈಸೊ ತೆ ತನ್ನ ದಿನ್ನಮಾ ಜಿವೊ ಧೈನ ಉಟಸ ಕೈನ ಕದ್ಯೊ

ಯಾಕೊಬ, ಯೊಹಾನನಿ ಮಾವೊನಿ ಬೆಡಿಕೆ

20 ತೆಳಾಮಾ ಜೆಬೆದಾಯನಾ ಬಚ್ಚಾವೊನಿ ಮಾ ಥಯಲ ಬಚ್ಚಾವೊನಾ ಕ್ಹಾತೆ ಯೆಸುಕನ ಐನ; ತಿನೆ ಅಡ್ಡಪಡಿನ ಯಕ್ಕ ಉಪಕಾರ ಕರ ಕೈನ ಮಾಂಗಿಲಿದಿ.

21 ಯೆಸು ತಿನೆ, ತುನೆ ಸು ಚಾಯೆ? ಕೈನ ಪುಚ್ಚಾಮಾ ತೆ ಯೆಸುನೆ, ತಾರಿ ರಾಜ್ಯಮಾ ಮಾರಾ ಎ ಬೆ ಬಚ್ಚಾವೊಮಾ ಯಕ್ಕೊ ತಾರಾ ಸಿದಾ ಬಗಲಕನ ವರಿ ಯಕ್ಕೊ ರೊಡ್ಡಾ ಬಗಲ ಬೈಟೆ ನಿಂಗತ ಅನುಗ್ರಹ ಕರ ಕದಿ.

22 ತಿನಾಹುತಿ ಯೆಸು ಉತ್ತರ ದಿನ, ತುಮೆ ಮಾಂಗಿಲಿವಾನು ಸು ವ್ಹೈ ಕವಾನು ತುಮೊನೆ ಗ್ವತ್ತ ನತ್ತಿ. ಮಿ ಖಾವಾನು ಕಸ್ತ ತುಮೊನೆ ಖಾವಾನೆ ಥಾವಸ ಸು? ಕೈನ ಪುಚ್ಚೊ ತ್ಯನೆ ಯೆಸುನೆ, ಹಮೊಕ್ಹು ಥಾವಸ ಕದ್ಯಾ.

23 ತೆಳಾಮಾ ಯೆಸು ತ್ಯನೊನೆ, ಮಿ ಖಾವಾನು ತ್ರಾಸ ತುಮೆಬಿ ಖಾವೊಶಿ. ತೆನೈಸೊ ಮಾರಾ ಆಜುಬಾಜುಮಾ ಬೈಟಾನೆ ಅನುಗ್ರಹ ಕರಾಲೊ ಮಿ ನ್ಹವೈ ತೆನೈಸೊ ಮಾರಾ ಬಾಕ್ಹು ತೆ ಕಿನಾಹುತಿ ತಯ್ಯಾರ ಕರಾಯಲ ಛಿ ತ್ಯನೊನೆಜ ಮಳಸ ಕದ್ಯೊ.

24 ಉಗ್ರಲ ದಕ್ಕಶಿಷ್ಯಾತೆ ಐಕಿನ ತೆ ಭಂಬಿ ಜನಾವೊಪರ ಶಿಟ್ಟಥಯಾ.

25 ತೆನೈಸೊ ಯೆಸು ತ್ಯನೊನೆ ತಿಕನ ಬಲೈಲಿನ ತ್ಯನೊನೆ, ಬಿಜಾ ಮನಕ್ಕೊನಾ ಅದಿಪತಿಯೊ ತ್ಯನಾ ಉಪ್ಪರ ಅದಿಕಾರ ಚಲಾವಸ ವರಿ

ತ್ಯುನಾ ಕ್ಹಾಸ ಅದಿಕಾರಿಯೊ ತ್ಯುನಾ ಉಪ್ಪರ ಜಬರದಸ್ತಿಕ್ಹು ಅದಿಕಾರ ಚಲಾವಸ ಕವಾನು ತುಮೊನೆ ಗ್ವತ್ತ ಛೆ.

26 ತೆನ್ನೆಸೊ ತುಮೊಮಾ ತಿಮ್ಮ ರ್ಲೊನ್ನೆ, ತುಮೊಮಾ ಮೊಟ್ಟೊ ಥೈನ ರ್ಲೊಸ ಕವಾಲೊ ತುಮಾರೊ ಸೆವಕ ಥೈನ ರ್ಲೊವಾದೆ.

27 ತುಮೊಮಾ ಕ್ಹಾಸ ಥೈ ರ್ಲೊಸ ಕವಾಲೊ ತುಮಾರೊ ದಾಸ ಥೈನ ರ್ಲೊವಾದೆ.

28 ತೆನ್ನೆಸೊ ಮನಕ್ಹಮೊ ದಿಕ್ಲೊ ಸೆವೆ ಕರೈಲಿವಾನಾಹುತಿ ಆಯೊ ನತ್ತಿ, ಸೆವೆ ಕರಾನಾಹುತಿಬಿ, ಘನಾಙ್ನನಾವೊನೆ ಬಿಡುಗಡೆನಾಹುತಿ ತಿನೊ ಜಲಮ ದಿವಾನೆ ಆಯೊ ಕೈನ ಕದ್ಯೊ.

ಯೆಸು ಬೆ ಕುಡ್ತಾವೊನೆ ಡೊಳಾ ದಿದಲ

(ಮಾರ್ಕ 10:46-52; ಲುಕ 18:35-43)

29 ತ್ಯುನೆ ಯೆರಿಕೊತಾ, ಜಾತಾಟೆಮಾ ಮನಕ್ಹೊನು ಮೊಟ್ಟು ಗುಂಪ ತಿನಾ ಪಾಚು ಅಯು.

30 ತೆಳಾಮಾ ವಾಟೆನಾ ಬಾಙ್ಕುಮ ಬೈಟಲ ಬೆ ಕುಡ್ತಾ ಯೆಸು ತೆ ವಾಟೆಮಾತೊ ಫಾಲ್ಯೊಸ ಕೈನ ಏಕಿನ, ಪ್ರಬು, ದಾವಿದನಾ ದಿಕ್ರಾ ಹಮೊನೆ ಮರಗ ಕೈನ ವದ್ರ್ಯಾ.

31 ತೆನ್ನೆಸೊ ತೆ ಗುಂಪಮಾ ರ್ಲೊಯಲವಾಲಾ, ಗಪ್ಪ ರ್ಲೊವೊ ಕೈನ ತ್ಯುನೊನೆ ಭುಚ್ಚಾಡ್ಯಾ. ತ್ಯುನೆತಬಿ, ಪ್ರಭು, ದಾವಿದನಾ ದಿಕ್ರಾ, ಹಮೊನೆ ಮರಗ ಕೈನ ಜೊರ ವದ್ರ್ಯಾ.

32 ತೆಳಾಮಾ ಯೆಸು ಹುಬ್ರೈನ ತ್ಯುನೊನೆ ಬಲೈನ, ಮಿ ತುಮೊನೆ ಸು ಕರೊ ಕವೊಶಿ? ಕೈನ ಪುಚ್ಚೊ.

33 ತ್ಯುನೆ, ಪ್ರಭು, ಹಮಾರಾ ಡೊಳಾ ದಿಕ್ಹಾ ವರಕ್ಹು ಕರ ಕದ್ಯೊ.

34 ತೆಳಾಮಾ ಯೆಸು ಮರ್ಗಿನ, ತ್ಯುನಾ ಡೊಳಾ ಮುಟ್ಟೊ ತೆಳಾಮಾಙ್ಗ ತ್ಯುನೊನೆ ಡೊಳಾ ದಿಕ್ಹ್ಯಾ ತೆಳಾಮಾತಾಙ್ಗ ತ್ಯುನೆ ತಿನಾ ಪಾಙ್ಕಾ ಗಯಾ.

21

ಯೆಸು ರಾಜಾ ಲಿಂಗತ ಯೆರುಸಲೇಮಮಾ ಪ್ರವೇಶ ಕರಲ
(ಮಾರ್ಕ 11:1-11; ಲುಕ 19:28-40; ಯೋಹಾನ 12:12-19)

¹ ಯೆಸು ವರಿ ತಿನಾ ಶಿಷ್ಯಾ ಯೆರುಸಲೇಮನಾ ನಜಿಕ ಗೈನ ಒಲಿವ ತೆಲನಾ ಝಾಡೊನಾ ಡೊಂಗರನಾ ಬಾಜುಮಾ ರ್ಡಯಲ ಬೆತ್ಸೆನೆ ಆಯಲ್ಪರ

² ಯೆಸು ಬೆ ಶಿಷ್ಯಾವೊನೆ ಬಲ್ಲೆನ, ತುಮಾರಾ ಕ್ಷಾಮಾರ್ಡಯಲ ಖೆಡಾ ಗಾಮೊನೆ ಜಾವೊ; ಗಯಲ ಬಬ್ಬರ ತ್ಯಾ ಭಾಂದಲ ಗದ್ದಾನೆ ತಿನಾ ಕ್ಷಾತೆ ರ್ಡಯಲ ಗದ್ದಾನು ಬಚ್ಚು ದೆಕ್ಕೊಶಿ; ತ್ಯುನೊನೆ ಛೊಡೈನ ಮಕನ ಲಿನ ಆವೊ.

³ ಕುನ್ನತಬಿ ತುಮೊನೆ ಸುತಬಿ ಕದ್ಯಾಮ, 'ಎ ಹಮಾರಾ ಪ್ರಭುನೆ ಚಾಯೆ ಥಯಾಸ' ಕೈನ ತುಮೆ ಕವೊ; ತೆ ತೆಳಾಮಾಜ್ಜ ತ್ಯುನೊನೆ ಛೊಡಿನ ದಿವಸ ಕೈನ ವಳಾಯೊ.

⁴ ಪ್ರವಾದಿ ಕದಲ ವಾತ ಪುರಾ ಥಾವಾನಾಹುತಿ ಇಮ್ಮ ಥಯು; ತೆ ಸುವೈಕದ್ಯಾಮ,

⁵ ಚಿಯೊನ ದಿಕ್ರಿ, ದೆಕ, ತಾರೊ ರಾಜ್ಜೊ ತುಕನ ಆವಾಡ್ಕೊಸ; ತೆ ಚೊಕಿ ಗುಣಾ ರ್ಡಯಲವಾಲೊ ಥೈನ ಗದ್ದಾನೆ, ಹೊ ಗದ್ದಾನಾ ಬಚ್ಚಾಪರ ಚಡಿನ ಆವಾಡ್ಕೊಸ ಕೈನ ಕವೊ ಕವಾನುಜ ವ್ಹೊ

⁶ ತೆಳಾಮಾ ಶಿಶ್ಯಾ ಗೈನ ಯೆಸು ತ್ಯುನೊನೆ ಅಪ್ಪಣೆ ದಿದಲ ತಿಮ್ಮ ಕರರ್ತ್ಯಾ

⁷ ಗದ್ದಾನೆ ವರಿ ತಿನಾ ಬಚ್ಚಾನೆ ಲಿನ ಐನ ತ್ಯುನಾ ಉಪ್ಪರ ತ್ಯುನಾ ವಣ್ಣಾ ಫಾಲಲ್ಪರ ಯೆಸು ಚಡಿನ ಬೈಟ್ಕೊ

⁸ ತೆಳಾಮಾ ಮನ್ನೊನಾ ಗುಂಪಮಾ ಘನಾ ಜನಾ ತ್ಯುನಾ ವಣ್ಣಾ ವಾಟಮಾ ವಚ್ಚಾಯಾ ಬಿಜಾ ದಕ್ವಾಜನಾ ಝಾಡೊಕ್ಕು ಟೊಂಗಿಯೊ ವಾಟಮಾ ವಚ್ಚಾಯಾ.

9 ತಿನಾ ಅಗಾ ಪಾಚ್ಚಾ ಜಾವಾಲಾ ಮನಕ್ಕೊ ದಾವಿದನಾ ದಿಕ್ರಾ ಹೊಸನ್ನಾ! ಕರ್ತಾನಾ ನಾಮಪರ ಆವಾಲೊ ಧನ್ಯ ವ್ಹೊ! ಉಪ್ಪರಲ್ಯಾ ಲೊಕಮಾ ಹೊಸನ್ನಾ ಕೈನ ವದ್ರ್ಯಾ

10 ಯೆಸು ಯೆರುಸಲೆಮನಾ ಮ್ಹೈಜಾತಾಮಾ ಗಾಮಾ ಕ್ಹಾರಾ ಗದ್ದಲ ದೈನ, ಆ ಕುನ್ನ ವ್ಹೊ? ಪುಚ್ಚಾ

11 ತೆನ್ನೆಸೊ ತೆ ಗುಂಪನಾ ಮನಕ್ಕೊ ಎ ಗಲಿಲಾಯನೊ ನಜರೆತನೊ ಯೆಸು ವ್ಹೊ ಕೈನ ಕದ್ರ್ಯಾ

ಯೆಸು ದೆವಾಲಯಮಾ ಗಯಲ

(ಮಾರ್ಕ 8:11-13; ಲುಕ 12:54-56)

12 ಪಾಚ್ಚಾತೊ ಯೆಸು ದೆವಾಲಯಮಾ ಗೈನ ತಿಮಾ ಇಕ್ಕಾನು ಲಿವಾಲಾನೆಬಿ ಕ್ಹಾರಾವೊನೆ ಭಾರೊ ಘಾಲಿನ ದೊಕ್ಹಾ ಬದ್ಲಿ ಕರಾನು ಟಿಬಲ ಕ್ಹಬುತರನಾ ಪೆಟಗಿಯೊನೆ ಡಕ್ಕಿ ಪಾಡ್ಲೊ

13 ತೆ ತ್ಯುನೊನೆ, 'ಮಾರು ಘರ ಪ್ರಾರ್ಥಾನು ಘರ ಥಯುಸ. ಕೈನ ಬರದಲ ಛಿ; ತೆನ್ನೆಸೊ ತುಮೆ ತಿನೆ ಚೊಟ್ಟಾವೊನು ಘರ ಕರಾಡ್ಯಾಸ ಕೈನ ಕದ್ರ್ಯಾ

14 ತೆಳಾಮಾ ತ್ಯಾ ರ್ಹಯಲ ಕುಡ್ಡಾ ಲಂಗ್ಡಾ ದೆವಾಲಯಮಾ ತೆ ಆತಾಮಾ ತ್ಯುನೊನೆ ಅರಾಮ ಕರೊ

15 ತೆನ್ನೆಸೊ ಕ್ಹಾಸ ಯಾಜಕೊ ಶಾಸ್ತ್ರಿಯೊ ತೆ ಕರಲ ಆಶ್ಚರ್ಯ ಕರಲ ಕಾಮೊ ದೆಕಿನ ವರಿ ದಾವಿದನಾ ದಿಕ್ರಾ ಹೊಸನ್ನ ಕೈನ ಪಟ್ಟಾ ವದ್ರಾನು ದೆಕಿನ ಸಿಟ್ಟಿ ಥಯಾ.

16 ತಿನೆ, ಅವ್ವೆ ಕವಾನು ಐಕಾಡ್ಲೊಸು ಕೈನ ಕತಾಮಾ ಯೆಸು, ಹಾ, ಐಕಾಡ್ಲೊಸ, ತೆನ್ನೆಸೊ ' ನ್ಹಾನಾ ಬಚ್ಚಾನಾ ಮೊಡಾಕ್ಪು ದುದ್ದ ಪಿವಾನಾ ಬಚ್ಚಾನಾ ಮೊಡಾಕ್ಪು ತು ಸೊತ್ರಾನೆ ತಯ್ಯಾರ ಕರಸಿ' ಕವಾನು ತುಮೆ ಕೆಳಾಮಾಬಿ ಓದ್ಯಾವಸೆತೊ? ಕೈನ ಪುಚ್ಚೊ

17 ತೆಳಾಮಾ ತ್ಯುನೊನೆ ಛೊಡಿನ ಗಾಮತೊ ಗೈನ ಬೆಥನ್ಯಾನೆ ಐನ ತ್ಯಾ ರಾತೆ ಕ್ಹರಯೊ.

ಯೆಸು ಉಂಬೊನಾ ಝಾಡನೆ ಕ್ಹಾಪಲ
(ಮಾರ್ಕ 11:12-14)

18 ಪಾಟೆ ಯೆಸು ಗಾಮೆ ಗೈನ ಆತಾಮಾ ಭುಕ್ಕ ಲಾಗಿತಿ.

19 ವಾಟಮಾ ಯಕ್ಕ ಅಂಜುರನಾ ಝಾಡನೆ ದೆಕಿನ ತಿನಾ ಕ್ಹಾಮೊ ಗೈನ ತಿಮಾ ಕ್ಹಾಲಿ ಪಾಲೊ ರ್ವಾನ್ತು ದೆಕಿನ ತಿನೆ, ಅನಾಪರ ತಾರಾಮಾ ಕೆಳಾಮಾಜ ಫಲ ದಿಯುಜ ನೈಕೈನ ಕದ್ಯೊ ತೆ ಟೆಮಾ ತೆ ಅಂಜುರನು ಝಾಡ ಕ್ಹುಕ್ಹೈಗಯು.

20 ಶಿಷ್ಯಾ ತೆ ದೆಕಿನ ಫಾಬ್ರಾ ಥೈನ, ಆ ಅಂಜುರನು ಝಾಡ ಯಕ್ಕಜ ಟೆಮಾ ಕ್ಹುಕ್ಹೈಗಯುತೊ ಕೈನ ಫಾಬ್ರಾ ಥಯಾ.

21 ತೆನೈಸೊ ಯೆಸು, ತುಮೊನೆ ಕ್ಹರಿಜ ಕೌಸ ತುಮೆ ಸಂಶಿಕರೆವಾಚಿ ನಂಬ್ಯಾಮ ಆ ಅಂಜುರನು ಝಾಡನೆ ಕರಲ ನಿಂಗತ ತುಮೆಬಿ ಕರೊಶಿ ತೆನೈಸೊ ಎ ಡೊಂಗರನೆ 'ತು ಕಿತ್ತಿಲಿನ ಗೈನ ಸಮಂದರಮಾ ಪಡ' ಕೈನ ಕದ್ಯಾಮ ತೆಬಿ ಥಾವಸ.

22 ತುಮೆ ಭರೊಕ್ಹೊ ಕರಿನ ಪ್ರಥಾನಾಮಾ ಸುಸು ಮಾಂಗಿಲಿವೊಸಿ ತೆ ಕ್ಹಾರು ಹೊಂದಸ ಕೈನ ಕದ್ಯೊ.

ಯೆಸುನಿ ಅಧಿಕಾರನಾಹುತಿ ಸವಾಲ ಕರಲ
(ಮಾರ್ಕ 11:27-33; ಲುಕ 20:1-8)

23 ತೆ ಥಯಲ್ಪರ ಯೆಸು ಯೆಸು ದೆವಾಲಯಮಾ ಐನ ಭೊದನೆ ಕರ್ತಾಮಾ ಖಾಸ ಯಾಜಕೊ ಮನಕ್ಹೊನಾ ಮೊಟ್ಟಾ ತಿಕನ ಐನ, ತುಮೆ ಕಯಾ ಅಧಿಕಾರಕ್ಹು ಎ ಕ್ಹಾರು ಕರಾಡ್ಯೊಸ? ಆ ಅಧಿಕಾರ ತುನೆ ದಿದಲವಾಲೊ ಕುನ್ನ ವ್ಹೈ? ಕೈನ ಪುಚ್ಚಾ.

24 ಯೆಸು ತ್ಯುನೊನೆ ಕದಲ ಸುವೈ ಕದ್ಯಾಮ, ಮಿಬಿ ತುಮೊನೆ ಯಕ್ಕ ಪ್ರಶ್ನೆಪುಚ್ಚುಸ; ತಿನೆ ತುಮೆ ಮನೆ ಉತ್ತರ ದಿದ್ಯಾಮ ತೆಳಾಮಾ ಮಿ ಕಯು ಅಧಿಕಾರಕ್ಹು ಎ ಕರುಸ ಕೈನ ತುಮೊನೆ ಕೌಸ.

25 ಬಾಪ್ತಿಸ್ಮಾ ದಿವಾನು ಅಧಿಕಾರ ಯೊಹಾನನೆ ಕಿಜಾತು ಐಯುತು ಪರಲೊಕತು ನೈತೊ ಮನಕ್ಹೊಕ್ಹು? ಕದ್ಯೊ ತೆಳಾಮಾ ತ್ಯುನೆ,

ಪರಲೋಕತು ಐಯುಸ ಕೈನ ಹಮೆ ಕದ್ಯಾಮ, 'ತಿಮ್ಮರ್ದಯಾಮ ತುಮೆ ತಿನೆ ಕಾ ನಂಬ್ಯಾ ನತ್ತಿ' ಕೈನ ಅಪೊನೆ ಪುಚ್ಚಸ;

26 "ಮನಕ್ಕೊಕ್ಕಂತು ಐಯುಸ ಕೈನ ಕದ್ಯಾಮ, ಅಪೊನೆ ಮನಕ್ಕೊನೊ ಭಿ ಛಿ. ಯೊಹಾನ ಪ್ರವಾದಿ ವ್ಹೈ ಕೈನ ಮನಕ್ಕೊ ವಪ್ಪಿಲಿದ್ಯಾಸ್ತೊ ಕೈನ ತ್ಯುನೊ ತ್ಯುನೊಮಾಜು ಬೊಲ್ಲಿವಾಡ್ಯಾತಾ.

27 ತೆ ಥಯಲ್ಪರ ತ್ಯುನೆ, ಹಮೆನೆ ಗ್ವತ್ತ ನತ್ತಿ ಕೈನ ಯೆಸುನೆ ಕದ್ಯಾ ತೆಳಾಮಾ ಯೆಸು ತ್ಯುನೊನೆ ಕೈ ಅದಿಕಾರಕ್ಕು ಮಿ ಎ ಕ್ಹಾರು ಕರಾಡ್ಯೊಸ ಕೈನ ಮಿಬಿ ತುಮೊನೆ ನೈಕತೊ.

ಬೆ ದಿಕ್ರಾವೊನಿ ಸಾಮ್ಯ

28 ತೆನೈಸೊ ತುಮೊನೆ ಕಿಮ ದಿಕ್ಹಸ? ಯಕ್ಕ ಮನಕ್ಹನೆ ಬೆ ಬಚ್ಚಾವ್ತಾ. ತೆ ಪಸ್ವಲ್ಯಾ ಬಚ್ಚಾ ಕೈನ ಐನ, ದಿಕ್ರಾ ತು ಅಜನಾ ದಿನ್ನೆ ಗೈನ ದ್ರಾಕ್ಷಿಯೊನಾ ಮಳಾಮಾ ಕಾಮ ಕರ, ಕೈನ ಕತಾಮಾ

29 ತೆಳಾಮಾ ತೆ ಪಟ್ಟೊ, , ಮಿನ್ನೆ ಜಾತೊ ಕೈನ ಕದ್ಯೊತುಬಿ ವರಿ ತಿನು ಮನಸ ಬದಲಿ ಕರ್ಲಿನ ಮಳಾಮಾ ಗಯೊ.

30 ತೆಳಾಮಾ ತಿನಾ ಬಿಜೆಕ್ಲಾ ದಿಕ್ರಾಕನ ಐನ ತೆಜ ವಾತ ಕತಾಮಾ, ಬಾ ಮಿ ಜೊಸ, ಕೈನ ಕದ್ಯೊತುಬಿ ಗಯೊಜು ನೈ.

31 ಎ ಭಂಬಿ ಜನಾವೊಮಾ ಬಾಪನಿ ವಾತನೆ ಕುನ್ನ ವಿಧೆಯ ಥಯು? ಕೈನ ಪುಚ್ಚಾಮಾ ತ್ಯುನೆ ಪಸ್ವಲ್ಯೊ ಕೈನ ಕದ್ಯಾ ತೆಳಾಮಾ ಯೆಸು ತ್ಯುನೊನೆ ಸುಂಕವಾಲಾ, ವೈಭಿಚಾರ ಕರಾಲಿಯೊ ತುಮೊತಿ ಪೈಲಾ ಕ್ಹುದಾನಿ ರಾಜ್ಯಮಾ ಜಾವಸ ಕೈನ ತುಮೊನೆ ಕ್ಹರಿಮಾಜು ಕೌಸ.

32 ಕಾ ಕದ್ಯಾಮ ಯೊಹಾನ ಕ್ಹರಿನಿ ವಾಟ ದೆಕಾಡಾಲೊ ಥೈನ ತುಮೊಕನ ಆಯೊ. ತುಮೆ ತಿನೆ ನಂಬ್ಯಾ ನೈ ಸುಂಕವಾಲಾ ವರಿ ವೈಭಿಚಾರ ಕರಾಲಿಯೊ ತಿನೆ ನಂಬಿಯೊ; ತುಮೆ ಎ ಕ್ಹಾರು ದೆಕ್ಯಾತಬಿ ಪಶ್ಚಾತಾಪ ಪಡ್ಯಾ ನೈ ತಿಪರ ಬರೊಕ್ಕೊ ಕರ್ಯಾ ನೈ.

ದ್ರಾಕ್ಷಿಯೊನಾ ಮಳಾನೆ ವತ್ತಿ ಲಿದಲವಾಲಾವೊನಿ ಸಾಮ್ಯ

(ಮಾರ್ಕ 12:1-12; ಲುಕ 20:9-19)

33 ಬಿಜಿ ಸಾಮ್ಯ ಏಕೋ, ಯಕ್ಕ ಘರ್ನೋ ಮಾಲಕ ವ್ಹತ್ತೊ. ತಿನೊ ಯಕ್ಕ ದ್ರಾಕ್ಷಿಯೊನೊ ಮಳೊ ವ್ಹತ್ತೊ. ತಿನಾ ಸುತ್ತೆ ಬೆಲಿ ಭಾಂದಿನ, ತಿಮಾ ದ್ರಾಕ್ಷಿಯೊನೊ ಘಾಣೊ ಘಾಲಿನ, ಕೈದಾನು ರೊಪ್ಪು ಭಾಂದಿನ, ತೆ ದ್ರಾಕ್ಷಿಯೊನೊ ಮಳೊ ಬಿಜಾವೊನೆ ವತ್ತಿ ಘಾಲಿನ ತೆ ಬಿಜಾ ದೆಶೆ ಗಯೊ.

34 ಫಲ್ಲ ದಿವಾನೊ ಟೈಮ ನಜಿಕ ಆತಾಮಾ ತೆ ಮಳಾನೊ ಮಾಲಕ ತಿನೊ ವಾಟೊ ಲಿವಾನಾ ಹುತಿ ತೆ ವತ್ತಿ ಫಲ್ಲಿದಲವಾಲಾವೊಕನ ತಿನಾ ಆಳೊನೆ ಮೊಕಲ್ತಾಮಾ,

35 ತೆ ವತ್ತಿ ಫಲ್ಲಿದಲವಾಲಾ ತೆ ಮೊಕ್ಲಲ ಆಳೊಮಾನಾ ಯಕ್ಲಾನೆ ಮಾರ್ಯಾ ಯಕ್ಲಾನೆ ಕತ್ರಿಪಾಡ್ಯಾ, ಯಕ್ಲಾನೆ ದಗ್ಡಾ ಮಾರಿನ ಖಲಾಸ ಕರಿಪಾಡ್ಯಾ

36 ತೆ ಮಾಲಕ ವರಿಯಕ್ಕೆಬ ಹಜುನ ಘನ್ನಾ ಜನಾವೊನೆ ಮೊಕಲ್ತಾಮಾ ತ್ಯಾನೆ ತ್ಯಾನೊನೆಬಿ ತಿಮ್ಮಜ ಕರಿಪಾಡ್ಯಾ.

37 ಲಾಸ್ವಮಾ ತಿನಾ ದಿಕ್ರಾನೆತಬಿ ಮೊಕಲ್ಯೊಮ ತಿನೆತಬಿ ಮರಯಾದಿ ದಿವಸ ಕೈನ ತಿನಾ ದಿಕ್ರಾನೆ ಮೊಕಲ್ಯೊ.

38 ತೆನ್ನೊಸೊ ತೆ ಮಳೊ ವತ್ತಿ ಫಲ್ಲಿದವಾಲಾ ತಿನಾ ದಿಕ್ರಾನೆ ದೆಕಿನ, ಎಫ ಉತ್ತರಾಧಿಕಾರಿ ವ್ಹೈ ಕೈನ, ಆವೊ ಇನೆಫ ಖಲಾಸ ಕರಿಪಾಡಿಯೆ, ಇನೊ ರ್ಡಯಲ ಕ್ಕಾರುಫ ಅಪೆ ಲಿಪಾಡಿಯೆ. ಕೈನ ತ್ಯಾನೊ ತ್ಯಾನೊಮಾಫ ಬೊಲ್ಲಿದ್ದಾ.

39 ತಿನೆ ದ್ರಾಕ್ಷಿಯೊನಾ ಮಳಾಮಾತಾ ಡಕ್ಕಿನ ಕಲಾಸ ಕರಿಪಾಡ್ಯಾ.

40 ತಿಮ ರ್ಡಯುಮ ದ್ರಾಕ್ಷಿಯೊನೊ ಮಳಾನಾ ಮಾಲಕ ಆತಾಮಾ ತೆ ವತ್ತಿ ಫಲ್ಲಿದಲವಾಲಾವೊನೆ ಸು? ಕರಸ. ಕದ್ಯೊ.

41 ತ್ಯಾನೆ ತಿನೆ, ತೆ ಕೆಟ್ಟವಾಲಾವೊನೆ ವರಿ ಕುರ ತನಾಕ್ಪು ಖಲಾಸ ಕರಿನ ಕರೆಟ್ಟ ಟೈಮ್ ಫಲ್ಲಮಾ ವಾಟೊ ದಿವಾಲಾನೆ ಬಿಜಾ ವತ್ತಿವಾಲಾವೊನೆ ತೆ ಮಳೊ ವತ್ತಿ ಫಾಲಸ ಕೈನ ಕದ್ಯಾ.

42 ಯೆಸು ತ್ಯಾನೊನೆ, ಘರ ಭಾಂದಾಲಾ ನಕೊ ಕೈನ ಉಕ್ರಾಯಲ ದಗೊಜ್ ಖಾಸ ಮುಲಾನೊ ದಗೊ ಥಯೊ; ಎ ಕರ್ತಾಕ್ಪುಫ ಥಯು.

ವರಿ ತೆ ಕ್ವಾರು ಅಪ್ಪಾಡೊಳಾನೆ ಆಶ್ಚರ್ಯನಿಂಗತ ದಿಕ್ವಸ ಕವಾನು ತುಮೆ ಧರ್ಮಶಾಸ್ತ್ರಮಾ ಕೆಳಾಮಾಬಿ ಒದ್ಯಾ ನತ್ತಿ ಸು?

43 ತಿನಾ ಹುತಿ ಕ್ವದಾನು ರಾಜ್ಯ ತುಮೊಮಾತು ಕಾಡಿನ ತಿನೆ ಫಲ್ಲ ದಿವಾಲಾ ಮನಕ್ವೊನೆ ದಿವಸ.

44 ಎದಗ್ವಾಪರ ಪಡಾಲೊ ತುಕ್ವಾ ತುಕ್ವಾ ಧಾವಸ; ಎ ದಗ್ವೊ ಕಿಪರ ಪಡಸ ತೆ ತ್ಯನೊನೆ ಪುಡಿ ಪುಡಿ ಕರಸ. ಕೈನೆ ಕದ್ಯೊ

45 ಖಾಸ ಯಾಜಕೊ ಫರಿಸಾಯರೊ ತೆ ಕದಲ ಸಾಮ್ಯ ಐಕಿನ ತ್ಯನಾಹುತಿಜ ಕವಾಡ್ಯೊಸ ಕೈನ ತಿಳದಿಲಿನ ಯೆಸುನೆ ಬಂದಿ ಕರಾನಾ ಹುತಿ ಟೈಮ ದೆಕಾಡ್ಯಾತಾ.

46 ತೆನ್ನೆಸೊ ತ್ಯನೆ ತಿನೆ ಬಂದಿ ಕರಾನಾಹುತಿ ಕೊಶಿಶ ಕರ್ಮಾತುಬಿ ಮನಕ್ವೊತಿನೆ ಪ್ರವಾದಿ ವ್ಹೈ ಕೈನ ತಿಳದಿಲಿದಲ ಹುತಿ ಮನಕ್ವೊನಾಹುತಿ ಭುಚಕ್ಯಾ

22

ಹಿವಾನು ಔತಣನು ಸಾಮ್ಯ

(ಲುಕ 14:15-24)

1 ಯೆಸು ವರಿ ತ್ಯನಾ ಕ್ವಾತೆ ಬೊಲ್ವೊ ಸಾಮ್ಯಲಿನ ತ್ಯನೊನೆ ಸು ಕದ್ಯೊ ಕದ್ಯಾಮ,

2 ಸ್ವರ್ಗನೊ ರಾಜ್ಯ ತಿನಾ ದಿಕ್ವಾನಾ ಹಿವಾನು ಖಾವಾನು ಅನ್ನ ತಯ್ಯಾರ ಕರಲ ಯಕ್ಕ ರಾಜಾನೆ ಹೊಲಿಕೆ ಥೈಸ.

3 ತೆ ಹಿವಾಮಾ ಆಯಲವಾಲಾವೊನೆ ಬಲಾವಾನಾಹುತಿ ತಿನಾ ಆಳೊನೆ ಮೊಕಲ್ಯೊ ತೆಕ್ಕ ರ್ವೈತಬಿ ತ್ಯನೊನೆ ಆವಾನೆ ಮನಸ ನೊಡ್ತು.

4 ತೆ ರಾಜೊ ಬಿಜಾ ಆಳೊನೆ ಬಲ್ತೆನ, ತುಮೆ ಹಿವಾನು ಅನ್ನ ಖಾವಾನೆ ಆಯಲ ಮನಕ್ವೊಕನ ಗೈನ ದೆಕೊ, ಖಾವಾನು ಅನ್ನ ತಯ್ಯಾರ ಥಯುಸ; ಮಾರಿಯೊ ಬೈಲೊ, ಚರಬಿಯೊ ರ್ವಯಲ ಹೊರಿಯೊನೆ ಕತರ್ಮ್ಯೊಸ; ಕ್ವಾರುಜ ತಯ್ಯಾರ ಫೆ; ಹಿವಾನು ಅನ್ನ ಖಾವಾನೆ ಆವೊ ಕೈನ ತ್ಯನೊನೆ ಕವೊ ಕೈನ ಮೊಕಲ್ಯೊ

5 ವರಿಬಿ ತ್ತುನೆ ಮಿ ಬಲಾಯಲನೆ ಠುಕರೈನ ಯಕ್ಕೊ ತಿನಾ ಖಿತ್ರೆಯಕ್ಕೊ ವ್ಯಾಪಾರ ಕರಾನಾ ಹುತಿ ಗೈಪಡ್ತೊ.

6 ಉಗ್ರಲವಾಲಾ ತಿನಾ ಆಳೊನೆ ಧರಿನ ಮರಿಯಾದಿ ಕಾಡಿನ ಖಲಾಸ ಕರಿಪಾಡ್ಯಾ.

7 ರಾಜ್ಲೊ ಎ ಕ್ಕಾರು ಐಕಿನ, ತಿನಾ ಸೈನಿಕೊನೆ ಮೊಕ್ಕಿನ ಖಲಾಸ ಕರಲವಾಲಾವೊನೆ ತ್ತುನೆ ಖಲಾಸ ಕರಿನ ತ್ತುನು ಗಾಮ ಬಾಳಿಪಾಡ್ಯಾ.

8 ತೆಳಾಮಾ ತಿನಾ ಆಳೊನೆ, ಹಿವಾನು ಅನ್ನ ತಯ್ಯಾರ ಛಿ ತೆನ್ನೆಸೊ ತೆ ಅನ್ನ ಖಾವಾನೆ ತೆ ಮನಕ್ಕೊಯಗ್ಗ ನತ್ತಿ.

9 ತಿನಾಹುತಿ ತುಮೆ ಹಮ್ಮಾ ಖಾಸ ರ್ವಯಲ ರಸ್ತೆ ಗೈನ ದಿಕ್ಕಲ ದಿಕ್ಕಲ ಕ್ಕಾರಾ ಮನಕ್ಕೊನೆ ಹಿವಾನು ರ್ವಯಲ ಅನ್ನ ಖಾವಾನೆ ಬಲಾವೊ.

10 ತಿನಾನಿಂಗತಱ ಆಳೊ ಗೈನ ಕೆಟ್ಟ ರ್ವೈನೆಕಾ ಚೊಕಾ ರ್ವೈನೆಕಾ ಕಿನೆಱ ದೆಕ್ಕಾವಾಚಿ. ಕ್ಕಾರಾವೊನೆ ಮಳ್ಳಿನ ಕ್ಕಾರಾವೊನೆ ಬಲ್ಲೆಲಾಯಾ. ಇನಾನಿಂಗ ಹಿವಾನು ಘರ ಮನಕ್ಕೊಕ್ಕು ಭರಿಗಯು.

11 ತೆಳಾಮಾ ರಾಜ್ಲೊ ಹಿವಾಮಾ ಆಯಲ ಮನಕ್ಕೊನೆ ದೆಕಾನಾಹುತಿ ಮ್ಹೈ ಆಯೊ, ಹಿವಾಮಾ ತಿನಾ ತಕ್ಕ ವಣ್ಣಾ ನೈಘಲ್ಲಿದಲ ಯಕ್ಕ ಮನಕ್ಕನೆ ರಾಜ್ಲೊ ದೆಕ್ಕೊ.

12 ತಿನೆ ದೊಸ್ತ' ಹಿವಾನಾ ಚೊಕಾ ವಣ್ಣಾ ನೈಸೊ ತು ಕಿಮ್ಮ ಮ್ಹೈ ಆಯೊ?, ಕೈ ಪುಚ್ಚಾಮಾ ತೆ ಗಪ್ಪಜ ವ್ವತೊ.

13 ತೆಳಾಮಾ ರಾಜ್ಲೊ ಆಳೊನೆ ಬಲ್ಲೆನ, ತಿನಾ ಹತೊ ಪಗೊ ಭಾಂದಿನ ಭಾರಾ ಅಂದಾರಮಾ ನಾಕೊ ಕೈನ ಕದ್ಯೊ ತ್ಯಾ ರವಾನು ಕಟ್ಟ ಕಟ್ಟ ದಾತೊ ಖಾವಾನು ರ್ವಪಸ.

14 ಇಮ್ಮ ಬಲಾಯವಾಲಾವೊಮಾ ಘನ್ನ ಜನಾ, ಇನಿಲಿದಲವಾಲಾ ದಕ್ಕಾಜ ಜನಾ ವ್ಹೈ.

ಭು ಭಾಡಾನಾಹುತಿ ಸವಾಲ ಕರಲ

(ಮಾರ್ಕ 12:13-37; ಲುಕ 20:20-44)

15 ತೆ ಧಯಲ್ವರ ಫರಿಸಾಯರೊ ಗೈನ ಯೆಸುನೆ ವಾತೊಮಾ ಕಿಮ್ಮ ಧರಿಯೆ ಕೈನ ವಿಚಾರ ಕರ್ತಾ

16 ತಿಕನ ತ್ಯನಾ ಶಿಷ್ಯಾವೊವ ಯಹುದ್ದಿಯೊನಾ ಕ್ಹಾತೆ ಮಳೈನ ಮೊಕಲ್ಯಾ ತ್ಯನೆ ಯೆಸುನೆ, ಗುರು, ತು ಕ್ಹರಿನೊ ವ್ಹೈ ಕ್ಹುದಾನಿ ವಾಟ ದೆಕಾಡಾಲೊ ವ್ಹೈ ಕಿನೆಚ್ಚ ಭುಚಕ್ಕೊನ್ನೆ; ತು ಮನಕ್ಕೊನಾ ಮೊಡಾ ದೆಕಿನ ಬೊಲಾಲೊ ನ್ಹವೈಕೈ ಹಮೊನೆ ಗ್ವತ್ತ ಛಿ.

17 ಇಮ್ಮ ರ್ಡ್ಡಯುಮ ಕೈಸರನೆ ಭು ಭಾಡೊ ದಿವಾನು ಪದ್ಧತ ವ್ಹೈ ಸು?ತುನೆ ಕಿಮ್ಮ ದಿಕ್ಹಸ? ಹಮೊನೆ ಕೆ ಕೈನ ಕದ್ಯೊ.

18 ಯೆಸು ತ್ಯನೆ ಕವಾನು ಕ್ಹಾರು ಕೆಟ್ಟ ತಿಳದಿಲಿನ ಕಪಟಿಯೊ, ಮನೆ ಕಾ ಪರಿಕ್ಷ್ಯಾ ಕರಾಡ್ಯಾಸ?

19 ಟ್ಯಾಕ್ಸನೆ ದಿವಾನೊ ಬಿಲ್ಲೊ ಮನೆ ದೆಕಾಡೊ ಕತಾಮಾ ತ್ಯನೆ ತಿನೆ ಯಕ್ಕ ಬಿಲ್ಲೊ ಲೈನ ದಿದ್ಯಾ.

20 ತೆಳಾಮಾ ತೆ, ಬಿಲ್ಲಾನೊ ಶಿಕ್ಕೊ ಕಿನೊ ವ್ಹೈ? ಕೈನ ಪುಚಲ ಹುತಿ

21 ತ್ಯನೆ, ಕೈಸರನೊ ವ್ಹೈ ಖಯನ ಕದ್ಯಾ ತೆಳಾಮಾ ತೆ ತ್ಯನೊನೆ, ಕೈಸರನೆ ರ್ಡ್ಡಯಲ ಕೈಸರನೆ ದಿವೊ; ಕ್ಹುದಾನು ರ್ಡ್ಡಯಲ ಕ್ಹುದಾನೆ ದಿವೊ.ಕೈನ ಕದ್ಯೊ.

22 ತ್ಯನೆ ಎ ವಾತೊ ಐಕಿನ ಘಾಬ್ರಾ ಥೈನ ತಿಕಂತಾ ಗೈಪಡ್ಯಾ.

ಪುನರುತ್ಥಾನನಾಹುತಿ ಸವಾಲ ಕರಲ

23 ತೆಚ್ಚ ದಿನ್ಮಾ ಪುನರುತ್ಥಾನ ನತ್ತಿ ಕೈಕವಾಲಾ ದಕ್ಹಾಸದ್ದು ಕಾಯರೊ ತಿಕನ ಐಯಾ.

24 ಇವ್ವೆ ತಿನೆ, ಗುರು, ಯಕ್ಕೊ ಬಚ್ಚಾ ನೈಸೊ ಮರೈಯೊಮ ತಿನಿ ಬೈಕೊನೆ ತಿನೊ ನ್ಹಾನೊ ಬೈ ಹಿನಾ ಕರಿಲಿದ್ಯೊಮ ತಿನಾ ಮೊಡತಾ ಬೈನಾ ಬಚ್ಚಾ ಪಡ್ಡಿಲ್ಯು ಕೈನ ಮೊಶೆ ಕದ್ಯೊಸ.

25 ತೆನೈಸೊ ಹಮೊಮಾ ಕ್ಹಾತ ಭಾಯೊ ವ್ಹತಾ. ಪೈಲಾನೊ ಹಿವಾಕರಿಲಿನ ಮರಿಗಯೊ. ತಿನೆ ಬಚ್ಚಾ ನೈಸೊಕ್ಕು ಬೈಕೊನೆ ತಿನಾ ಬೈನೆ ಛೊಡನೆ ದದ್ಯೊ;

26 ತಿನಾನಿಂಗತಚ್ಚ ಬೆವಾವಾಲೊ ತನ್ವಾವಾಲೊ ತಿನಾನಿಂಗತಚ್ಚ ಕ್ಹಾತ್ವಾಲಕ್ಹಾ ಕರ್ಯಾ.

27 ತ್ಯನೆಕ್ಹಾರಾ ಮರಲ್ಪರ ತೆ ಬಾಕ್ಡಿಬಿ ಮರಿಗೈ.

28 ತಿಮ ರ್ಹಯುಮ ಪುನರುತ್ಥಾನಮಾ ತೆ ಕ್ವಾತ ಜನಾವೊಮಾ ಕಿನಿ ಬೈಕೊ ಧೈನ ರ್ಹವಸ? ತೆ ಕ್ವಾತೆ ಜನಾವೊನೆ ಹಿವಾಕರಿಲಿದಿಸ ಕೈನ ಪುಚ್ಯಾ

29 ತೆ ವಾತೆ ಯೆಸು ತ್ಯುನೊನೆ, ತುಮೆ ಕ್ವದಾನಿ ವಾಕ್ಯಾ ವರಿ ಕ್ವದಾನಿ ತಾಕತನೆ ಕ್ವರಿಮಾಜಿ ನೈತಿಳದಿಲಿದ್ಯಾವಾಚಿ ತಪ್ಪ ಅಬಿಪ್ರಾಯಮಾ ಛಿ.

30 ಪುನರುತ್ಥಾನ ಥಯಲ್ಪರ ಹಿವಾ ಕರಿಲೆತಾ ನೈ ಹಿವಾ ಕರಿನ ದೆತಾಬಿ ನೈ; ಪರಲೊಕಮಾ ದೆವದುತೊ ನಿಂಗತ ರ್ಹವಸ.

31 ಮರಲವಾಲಾವೊನಾ ಹುತಿ ಪುನರುತ್ಥಾನಾ ಹುತಿ ಕೌ ಕದ್ಯಾಮ,

32 ಮಿ ಅಬ್ರಹಾಮನೊ ಕ್ವದಾ, ಇಸಾಕನು ಕ್ವದಾ, ಯಾಕೊಬನೊ ಕ್ವದಾ, ಕೈನ ಕ್ವದಾ ತುಮೊನೆ ಕದ್ಯೊಸ ಕೈನ ತುಮೆ ಒದ್ಯಾ ನತ್ತಿಸು, ತೆ ಮರಲವಾಲಾವೊನೆ ಕ್ವದಾ ನ್ಹವೈ ತೆನ್ನೆಸೊ ಜಿವ್ತಾರ್ಹಯಲವಾಲಾವೊನೆ ಕ್ವದಾ ವ್ಹೈ ಕೈನ ಕದ್ಯೊ

33 ಮನಕ್ಲೊನು ಗುಂಪ ತೆ ಕ್ವಾರು ಐಕಿನ ಘಾಬ್ರಾಥಯಾ.

ಕ್ವಾಸ ರ್ಹಯಲ ಆಗನ್ಯಾ

34 ಯೆಸು ಸದ್ವಕಾಯರೊನೆ ಮ್ಹೊಡುಜಿ ಬಂದ ಕರಾಯೊಸ ಕೈನ ಫರಿಸಾಯರೊ ಐಕಿನ ತ್ಯಾಮಳಿನ ಆಯಾ.

35 ತ್ಯುನೊಮಾನೊ ಯಕ್ಲೊ ಧರ್ಮಪದೆಶಕ ತಿನೆ ಪರಿಕ್ಷಾ ಲ್ಯುಕೈನ,

36 ಗುರು, ಧರ್ಮನಾ ನಿಯಮ್ತಾ ಕಯು ಆಗನ್ಯಾ ಖಾಸ ವ್ಹೈ ತಿನೆ ಪುಚ್ಚಲಹುತಿ

37 ಯೆಸು ತಿನೆ, ತಾರೊ ಕ್ವದಾ ಥಯಲ ಕರ್ತಾನೆ ತಾರಾ ಪುರಾ ಮನಸಕ್ವತಾರು ಪುರಾ ಜಲಮಕ್ವಮಯಾ ಕರು,

38 ಕವಾನಿ ಆಗನ್ಯಾ ಖಾಸ ವ್ಹೈ ವರಿ ಪೈಲಾ ವ್ಹೈ

39 ಇನೆ ಸರಿ ಸಮಾನ ಬೆವಾ ಆಗನ್ಯಾ ಕೈವ್ಹೈ ಕದ್ಯಾಮ, ತಾರಾ ಆಜ್ಞು ಬಾಜ್ಞುವಾಲಾನೆ ಖುದ್ದನಾನಿಂಗತ ಮಯಾಕರು ಕವಾನುಜಿ ವ್ಹೈ

40 ಎ ಬೆ ಅಗನ್ಯಾ ಕ್ವಾರಾ ಧರ್ಮ ನಿಯೊಮೊನಾ ಪ್ರವಾದಿಯೊನಾ ಗ್ರಂಥೊನೆ ಆಧಾರ ಧೈನ ಛಿ.

ಮೆಸ್ಸಿಯಾನಾ ಹುತಿ ಸವಾಲ

41 ಫರಿಸಾಯರೊ ಮಳಿನ ಆಯಲ ಹುತಿ ಯೆಸು ತ್ಯನೊನೆ,

42 ಆವಾನೊ ರ್ಹಯಲ ಕ್ರಿಸ್ತಾನಾ ಹುತಿ ತುಮೊನೆ ಕಿಮ ದಿಕ್ಹಸ? ತೆ ಕಿನೊ ದಿಕ್ಹೊ ವ್ಹೈ? ಕೈನ ಪುಚಲ ಹುತಿ

43 ತ್ಯನೆ ತಿನೆ, ದಾವಿದನೊ ದಿಕ್ಹೊ ವ್ಹೈ ಕೈನ ಕದ್ಯಾ ತೆ ವಾತೆ ತೆ, ತಿಮ್ಮ ರ್ಹಯುಮ ದಾವಿದಜ, ಪವಿತ್ರ ಆತ್ಮಾನಿ ಪ್ರೆಣಾಕ್ಹು ತಿನೆ ಕರ್ತಾ ಕೈನ ಕದ್ಯೊಸ್ತೊ ಎ ಕಿಮ ವ್ಹೈ?

44 ಮಿ ತಾರಾ ವಿರೊದಿಯೊನೆ ತಾರಾ ಪಗ್ಮಾ ಘಾಲೆಲಕ್ಹಾ ತು ಮಾರಾ ಶಿದಾ ಹತ ಬಗಲ ಬೈಟಿ, ಕೈನ ಕರ್ತಾನೆ ಮಾರೊ ಮಾಲಕನೆ ಕದ್ಯೊ

45 ಎ ವಾತಮಾ ದಾವಿದಜ ತಿನೆ ಕರ್ತಾ ವ್ಹೈ ಕೈನ, ಕದಲ್ಪರ ತೆ ತಿನೊ ದಿಕ್ಹೊ ಕಿಮ್ಮ ವ್ಹೈ? ಕದ್ಯೊ

46 ತೆ ವಾತೆ ಯಕ್ಲೊಬಿ ತಿನೆ ಯಕ್ಲ ವಾತಬಿ ಪುಚ್ಯಾವಾಚಿ ಗಯಾ. ತೆಳಾಮಾತಾ ತಿನೆ ಕುನ್ನಸ ಸುಜ ಪುಚಾನೆ ಧೈರ್ಯ ಧೈನ್ಯೆ

23

ಯೆಸು ಶಾಸ್ತ್ರಿಯೊನೆ ಪರಿಸಾಯರೊನೆ ಭುಚ್ಯಾಡಲ

(ಮಾರ್ಕ 12:38-39; ಲುಕ 20:45-47)

1 ತೆ ಥಯಲ್ಪರ ಯೆಸು ಮನಕ್ಹೊನಾ ಗುಂಪನೆ ವರಿ ತಿನಾ ಶಿಷ್ಯಾವೊನೆ ಸು ಕದ್ಯೊ ಕದ್ಯಾಮ,

2 ಶಾಸ್ತ್ರಿಯೊ ವರಿ ಫರಿಸಾಯರೊ ಮೊಶೆನಾ ಜಗಾಪರ ಬೈಟ್ಕಾಸ;

3 ತಿನಾಹುತಿ ತ್ಯನೆ ಸು ಆಗನ್ಯಾ ಕವಸ ತುಮೆ ಕ್ಹಾರಾ ಚಲೈಲಿನ ಜಾವೊ;

4 ತ್ಯನೆ ಕ್ಹಾರು ವಜ್ಜು ಭಾಂದಿನ ಮನಕ್ಹೊನಾ ಖಾಂದಾವೊಪರ ಉಚಾವಾ ಲಗಾಡಸ; ತ್ಯನೆತೊ ಯಕ್ಲ ಬೊಟಬಿ ಲಗಾಡತಾ ನೈ.

5 ತ್ಯನೆ ಕರಾನು ಕಾಮ ಕ್ಹಾರು ಮನಕ್ಹೊ ದೆಕು ಕೈನ ಕರಸ. ತ್ಯನೆ ಭಾಂದಿಲಿವಾನಿ ಷೆ ಮ್ಹೆಲ್ಲಿವಾನಿ ಪಟ್ಟಿಯೊ ತ್ಯನೆ ಮ್ಹೆಟ್ಟಿ ಕರಸ. ತ್ಯನೆ ಘಲ್ಲಿದಲ ವಣ್ಣಾವೊನಾ ಗೊಂಡಾ ಮ್ಹೆಟ್ಟಾ ಕರಲಿವಸ.

6 ತೆಕ್ಕುಜ ನೈಸೊ ಉತ್ಸವ ರ್ಹಯಲ ಜಗಾ ಖಾಸ ಮರ್ಯಾದಿ ದ್ಯವರಿ ಸಭಾಮಂದಿರ್ಮಾ ಖಾಸ ಖುರ್ಚಿಯೊ ಬೈಟಾನೆ ದ್ಯ;

7 ವಾನಿವಾಯೊಮಾ ರಸ್ತಾವೊಪರ ಪಗೆ ಪಡೈಲಿವಾನು ಮನಕ್ಕೊನಾ ಹತಿ ಗುರುವೊ ಕೈನ ಕವೈಲಿವಾನು; ಹೌ ಕ್ಹಾರುಜ ತ್ಯುನೊನೆ ಪಸಂದ ವ್ಹೈ

8 ವರಿಬಿ ತುಮೆ ಭೊದಕೊ ಕೈನ ಕವೈಲಿವೊ ನಕೊ; ಕಾ ಕದ್ಯಾಮ ಕ್ರಿಸ್ತ ಯಕ್ಕಲೊಜ ತುಮಾರೊ ಭೊದಕ ವ್ಹೈ ವರಿ ತುಮೆ ಕ್ಹಾರಾ ಭಾಯೊಜ ವ್ಹೈ

9 ಯಕ್ಕುಜ ಭೊಲೊಕಪರ ಕಿನೆಜ ತುಮಾರೊ ಬಾಪ ವ್ಹೈ ಕೈನ ಕವೊ ನಕೊ; ಕಾ ಕದ್ಯಾಮ ಪರಲೊಕ್ಹಾರ್ಹಯಲವಾಲೊ ಯಕ್ಕಜ ತುಮಾರೊ ಬಾ ವ್ಹೈ

10 ವರಿ ಗುರು, ಕೈನ ಕವೈಲಯವೊನಕೊ; ಕಾ ಕದ್ಯಾ ತುಮಾರೊ ಗುರು ಕ್ರಿಸ್ತ ಯಕ್ಕೊಜ ವ್ಹೈ

11 ತೆನೈಸೊ ತುಮೊಮಾ ಮೊಟ್ಟೊ ಕೈನ ಕವೈಲಿವಾಲೊ ತುಮಾರೊ ಸೆವಕ ಧೈನ ರ್ಹೈ

12 ತಿನಾಕ್ಹು ತಿನೆ ಮೊಟ್ಟೊ ಕೈನ ಕವೈಲಿವಾಲೊ ತೆ ನ್ಹಾನೊ ಧೈನ ತಗ್ಗಿನ ರ್ಹೈ ತಿನಾಕ್ಹುತೆ ತಗ್ಗಿನ ರ್ಹವಾಲೊ ತೆ ಮೊಟ್ಟೊ ಧೈನ ರ್ಹವಸ.

13 ಅಯ್ಯೊ ಕಪಟಿಯೊ ಶಾಸ್ತ್ರಿಯೊ, ಫರಿಸಾಯರೊ, ಪರಲೊಕ ರಾಜ್ಯ ನು ಬಾಕಲ ಮನಕ್ಕೊನಾ ಕ್ಹಾಮಾ ಝಾಕಿಪಾಡೊಸಿತುಮೆತೊ ಮ್ಹೈ ನೈ ಜಾತಾ. ಮ್ಹೈ ಜಾವಾಲಾವೊನೆಬಿ ಜಾವಾನೆ ದೆತಾ ನೈ.

14 ಅಯ್ಯೊ ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊ ಮನಕ್ಕೊದೆಕು ಕೈನ ಮೊಟ್ಟಿಯೊ ಪ್ರಾಥನಾ ಕರೊಸಿ. ತುಮೆ ಮಾಟಿಯೊ ಮರಲ ಬಾಕ್ಟಿಯೊನಾ ಘರೊಮಾ ಹೊಕ್ಕಿನ ನಾಟಕ ಕರಿಸಿ. ತಿನಾಹುತಿ ತುಮೊನೆ ಮೊಟ್ಟಿ ಶಿಕ್ಷಾ ಮಳಸ.

15 ಅಯ್ಯೊ ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊತುಮೆ ಯಕ್ಕ ಮನಕ್ಹನೆ ಮತಾಂತರ ಕರಾನಾಹುತಿ ಜಿಮಿನ ವರಿ ಸಮುದ್ರನೆ ಸುತ್ತ ಮಾರಿನ ಆವೊಶಿ; ತೆ ತುಮೊಮಾ ಮಳಿನ ತೆ ತುಮೊತಿಬಿ ಜಾಸ್ತಿ

ಬೆ ಯಕ್ಕಿ ನರಕ್ಕಾ ಶಿಕ್ಷಾ ಮಳಸ.

16 ಅಯ್ಯೊ, ವಾಟಾದೆಕಾಡಾಲಾ ಕುಡ್ಡಾವೊಯಕ್ಕೊ ದೆವಾಲಯಪರ ಕ್ಹಮ್ಮ ಫಾಲ್ಯೊಮ ತೆಜ್ಜ ಘಮ್ಮ ವ್ಹೈ ಕವೊಶಿ.ಯಕ್ಕೊ ದೆವಾಲಯಮಾ ರ್ಡ್ಡಯಲ ಕೊನ್ನಾಪರ ಕ್ಹಮ್ಮ ತೆ ಪುರಾ ಕರುಜ್ಜ ಕೈನ ಕವೊಶಿ.

17 ಕುಡ್ಡಾವೊ, ಪಿಸಾಳಾವೊ, ಕಯೊ ಖಾಸ ವ್ಹೈ? ಕೊನ್ನಸು, ಕೊನ್ನಾಕ್ಕು ಕರಲ ದೆವಾಲಯ ವ್ಹೈಸು?

18 ವರಿ ಯಕ್ಕೊ ಬಲಿ ದಿವಾನಾ ಕಟ್ಟಪರ ಕ್ಹಮ್ಮ ಫಾಲ್ಯೊಮ ತೆ ಕ್ಹಮ್ಮ ನ್ಹವೈ ಕವೊಶಿ, ತೆನ್ನೈಸೊ ತಿಮಾ ರ್ಡ್ಡಯಲ ಕಾಣಿಕೆಪರ ಕ್ಹಮ್ಮ ಫಾಲ್ಯಾಮ ತೆ ಪುರಾ ಕರುಜ್ಜ ಕೈನ ಕವೊಶಿ.

19 ಕುಡ್ಡಾವೊ, ಪಿಸಾಳಾವೊ, ಕಯು ಜಾಸ್ತಿ ವ್ಹೈ? ಕಾಣಿಕೆ ವ್ಹೈಸುನೈತೊ ತೆ ಕಾಣಿಕೆನೆ ಪ್ರತ್ಯಾಕರಾನಿ ಬಲಿನೊ ಕಟ್ಟೊಸು?

20 ಇಮ ರ್ಡ್ಡಯುಮ ಕಯೊಬಿ ಬಲಿನಾ ಕಟ್ಟಪರ ಕ್ಹಮ್ಮ ಫಾಲ್ಯೊ ತಿಪರ ತಿಮಾ ರ್ಡ್ಡಯಲ ಕ್ಹಾವೊಪರ ಕ್ಹಮ್ಮ ಫಾಲಲನಿಂಗ ಥಯೊ.

21 ವರಿ ಕಯೊಬಿ ದೆವಾಲಯಪರ ಕ್ಹಮ್ಮ ಗಾಲ್ಯೊಮ ತಿನಾ ಉಪ್ಪರ, ತಿಮಾ ರ್ಡ್ಡಯಲವಾಲಾಪರ ಕ್ಹಮ್ಮ ಫಾಲಲನಿಂಗತ ಥಯು.

22 ವರಿ ಪರಲೊಕಪರ ಕ್ಹಮ್ಮ ಫಾಲ್ಯಾಮ ಕ್ಹುದಾನಿ ಸಂಹಾಸನಪರ ತಿಪರ ಬೈಟಲವಾಲಾಪರ ಕ್ಹಮ್ಮ ಫಾಲಲನಿಂಗತ ಥಯು.

23 ಅಯ್ಯೊ, ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊ ತುಮೆ ಪುದಿನ, ಮರುಗ ಪತ್ರಿ, ಸಬಸಗಿ ಸೊಪ್ಪ, ಜಿರಾಮಾ ದಕ್ಷಿಣಾ ಭಾಗ ದಿವೊಸಿ ಕ್ಹರಿ, ತೆನ್ನೈಸೊ ಧರ್ಮನಾ ನಿಯಮ್ ಖಾಸ ರ್ಡ್ಡಯಲ ಕದ್ಯಾಮ ನ್ಯಾಯ ಮರಗಾ ಬರೊಕ್ಕೊ ಛೊಡಿಪಾಡ್ಯಾಸ. ಇ ಕ್ಹಾರು ಕರು; ಎ ಕ್ಹಾರು ಛೊಡು ನೈ.

24 ವಾಟ ದೆಕಾಡಾಲಾ ಕುಡ್ಡಾವೊ, ತುಮೆ ಭಕ್ತಾರಾ ಸೊಸಾಲಾ ವ್ಹೈ ತೆನ್ನೈಸೊ ಹುಂಟ ಗಳಾಲಾ ವ್ಹೈ.

25 ಅಯ್ಯೊ, ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊತುಮೆ ತಾಂಬಿಯಾ ವಾಟಕಾ ತುಮೆ ಭಾರಾ ಎಕ್ಹಾರು ಧವೊಸಿ ತೆನ್ನೈಸೊ ತ್ಯುನಾ ಮ್ಹೈದರಾವ ಛೊರಿ ಕರಾನು ಕ್ಹು ಭರಲ ರ್ಡ್ಡವಸ.

26 ಕುಡ್ಡೊ ರ್ವಯಲ ಫರಿಸಾಯರ, ಪೈಲಾ ತೆ ಸಾಮನೊ ಕ್ಹಾರಾ ಮ್ಹೈತಾ ವಾಗಾತಿ ಕರ, ತೆಳಾಮಾ ತೆ ಭಾರಾತಾಬಿ ವಾಗಾತಿ ಧಾವಸ.

27 ಅಯ್ತೊ ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊ ತುಮೆ ಘುನ್ನೊಮಾರಲ ಮಘಾರೊ ನಿಂಗತ ಲೆ. ಎ ಭಾರಾತು ವಾಗಾತಿ ದಿಕ್ಹಸ. ಮ್ಹೈತು ದೆಕ್ಕಾಮ ಮರಲವಾಲಾವೊನಾ ಹಡಕಾ ವರಿ ಗಲಿಜಿ ಭರಲ ರ್ವಸ.

28 ಇನಾನಿಂಗತಱ ತುಮೆಬಿ ಭಾರಾತಾ ಮನಕ್ಹೊನೆ ಕ್ಹರಿನಾ ವ್ಹೈ ಕೈನ ದಿಕ್ಹೊಶಿ. ತೆನ್ನೆಸೊ ಮ್ಹೈ ಕಪಟಿ ವರಿ ಜಬರದಸ್ತವಾಲಾ ರ್ವವೊಶಿ.

29 ಅಯ್ತೊ ಕಪಟಿಯೊ ಥಯಲ ಶಾಸ್ತ್ರಿಯೊ, ಫರಿಸಾಯರೊ, ತುಮೆ ಪ್ರವಾದಿಯೊನಿಯೊ ಮಾಘಾರೊ ಭಾಂದಿನ, ಕ್ಹರಿಕ್ಹು ರ್ವಯಲವಾಲಾವೊನಿಯೊ ಮಾಘಾರೊ ಶ್ರಿಂಗಾರ ಕರೊಸಿ.

30 ಹಮೆ ಹಮಾರಾ ಶಾನಾವೊನಾ ಕಾಲಮಾ ರ್ವಪತ್ತೊ ಪ್ರಾವಾದಿಯೊನೆ ಖಲಾಸ ಕರಲ ಪಾಪಮಾ ವಾಟೊಲಿವಾಲಾ ಧಾತಾ ನ್ಹೊತಾ, ಕವೊಶಿ.

31 ತಿಮ ರ್ವಯುಮ ಪ್ರಾದಿಯೊನೆ ಖಲಾಸ ಕರಲ ವಾಲಾವೊನಾ ಬಘ್ನಾ ವ್ಹೈ ಕೈನ ಕವಾನಿಕ್ಹುಸಾಕ್ಷಿಯೊ ಥಯಾಸ.

32 ಘೊಕು ವ್ಹೈ ತುಮೆ ತುಮಾರಾ ಶಾನಾವೊನು ಪಾಪನಿ ಅಳತಿ ಪುರಾ ಕರೊಸಿ.

33 ಕ್ಹಾವೊ, ಕ್ಹಾಪನಿ ಜಾತನಾವೊ, ನರಕನಿ ಶಿಕ್ಷಾಕ್ಹುನ ತುಮೆ ಕಿಮ್ಮ ವಾಚ್ಚೊಸಿ.

34 ತಿನಾಹುತಿ ದೆಕೊ, ಮಿ ತುಮೊಕನ ಪ್ರವಾದಿಯೊನೆ, ಗ್ಯಾನಿಯೊನೆ ಶಾಸ್ತ್ರಿಯೊನೆ ಮೊಕ್ಲಸ; ತುಮೆ ತಿಮಾನಾ ದಕ್ಹಾಜನಾವೊನೆ ಖಲಾಸ ಕರೊಸಿ, ಶಿಲುಬಿಪರ ಗಾಲೊಶಿ; ದಕ್ಹಾಜನಾವೊನೆ ತುಮಾರಿ ಸಭಾಮಂದಿರೊಮಾ ಬಾರಕೊಲೊಕ್ಹು ಮಾರಿನ ಗಮ್ತಾ ಭಾರಾ ಘಾಲೊಸಿ.

35 ಇಮ್ಮಜ್ಜ ನಿತಿವಂತವಾಲೊ ಹೆಬಲನು ರಗತ ಪೈಲಾ ತುಮೆ ದೆವಾಲಯನೆ ಬಲಿನಾ ಕಟ್ಟಲಕ್ಕಾ ವಘ್ನಾ ಖಲಾಸ ಕರಲ ಬರಕಿನೊ ದಿಕ್ಹಾ ತಯಲ ಜರಕಿನಾ ರಗತಲಕ್ಕಾ ಜಿಮಿನಪರ ಘುವಾಯಲ ಕ್ಹಾರಾ

ನಿತಿವಂತ ವಾಲಾವೊನು ರಗತ ಚುವಾಯಲ ಅಪರಾಧ ತುಮಾರಾ ಮಾತಾವೊಪರ ಆವಸ.

³⁶ ಎ ಕ್ಹಾರಾ ಅ ಸಂತತಿವಾವಾಲಾವೊಪರ ಅವಸ ಕೈನ ಮಿ ತುಮೊನೆ ಕ್ಹರಿಮಾಜ ಕೌಸ.

³⁷ ಯೆರುಸಲೆಮ, ಯೆರುಸಲೆಮ! ಪ್ರವಾದಿ ಜಲಮ ಕಾಡಾಲಿ, ಕ್ಹುದಾ ತುಕನ ಮೊಕ್ಕವಾಲಾವೊನೆ ದಗ್ಡಾ ಮಾರಿನ ಖಲಾಸ ಕರಾಲಿ! ಕುಕಡಿಯೊ ತಿನಾ ಬಚ್ಚಾವೊನೆ ರೆಕ್ಕಾಮಾ ಝಾಕಿಲದಲನಿಂಗತ ತಿನಾನಿಂಗತ ತಾರಾ ಬಚ್ಚಾವೊನೆ ಮಿ ಝಾಕಿಲವಾನೆ ಮನೆ ಘನ್ನು ಮನಸ ವ್ಹತು.

³⁸ ದೆಕೊ, ತುಮಾರು ಘರ ಖಾಲಿ ಖಾಲಿ ಲಾಗಸ.

³⁹ ಹಮ್ಮತಾಜ, ಕರ್ತಾನಾ ನಾಮಪರ ಆವಾಲಾ ಧನ್ಯ ವ್ಹೈ ತುಮಾರಾಕ್ಹು ತುಮೆಜ ಕಯೆಲಕ್ಕಾ ತುಮೆ ಮನೆ ದೆಕ್ತಾಜ ನೈ ಕೈನ ಮಿ ತುಮೊನೆ ಕೌಸ.

24

ಯೆರುಸಲೆಮ ಹಾಳ ಥಾವಾನು ಯೆಸು ಪೈಲಾಜ ಕದಲ

(ಮಾರ್ಕ 13:1-31; ಲುಕ 21:5-6)

¹ ತೆ ಥಯಲ್ಪರ ಯೆಸು ದೆವಾಲಯಮಾತೊ ಜಾತಾಮಾ ತಿನಾ ಶಿಷ್ಯಾ ದೆವಾಲಯನಾ ಕಟ್ಟಡೊ ದೆಕಾಡಾನಾ ಹುತಿ ತಿನಾ ನಜಿಕ ಆಯಾ.

² ತೆಳಾಮ ಯೆಸು ತ್ಯನೊನೆ ಎ ಮೊಟ್ಟ ಗೊಡಿಯೊ ದೆಕಾಡ್ಯಾಸು? ಮಿ ತುಮೊನೆ ಕ್ಹರಿಮಾಜ ಕೌಸ ನ್ಹ್ಯಾ ದಗ್ಡಾಪರ ದಗ್ಡೊ ಹುಬ್ರೆತು ನೈ ಕ್ಹಾರುಜ ಪಾಡಾಲಗಾಡಸ.

³ ಪಾಚಾತೊ ತೆ ತೆಲನಾ ಝಾಡೊನಾ ಡೊಂಗರಪರ ಬೈಟಲ ರ್ಹತಾಮಾ ತಿನಾ ಶಿಷ್ಯಾ ತಿಕನ ಐನ, ಎ ಕ್ಹಾರು ಕೆಳಾಮಾ ಥಾವಸ? ತು ಪ್ಹರಿನ ಆವಾನು ದುನಿಯಾ ಖಲಾಸ ಥಾವಾನು ವಳಕ ಸು ವ್ಹೈ?

⁴ ಯೆಸು ತ್ಯನೊನೆ ಸು ಕದ್ಯೊ ಕದ್ಯಾಮ, ಕುನಬಿ ತುಮೊನೆ ಮೊಸ ಕರ್ಯಾವಾಚಿ ದೆಕಿಲಿವೊ. ಹುಶಾರ ರ್ಹವೊ.

⁵ ಕಾ ಕದ್ಯಾಮ ಮಾರಾ ನಾಮಪರ ಘನ್ನಾಜನಾ ಐನ ಮಿಜ ಕ್ರಿಸ್ತ ವ್ಹೈ ಮಿಜ ಕ್ರಿಸ್ತ ವ್ಹೈ ಕೈನ ಘನ್ನಾಜನಾವೊನೆ ಮೊಸ ಕರಸ.

6 ಯಕ್ಕೊಜ್ಜ ನೈಸೊ ಯುದ್ದೊ ಧಾವಾನಿಯೊ ವಳಕ ಸುದ್ದಿಯೊ ತುಮೆ ಐಕೊಶಿ. ಕಳವಳಧಯಾವಾಚಿ ದೆಕಿಲಿವೊ, ಇಮ್ಮ ಧಾವಾನು ಜರುರತ್ತ ಲೆ. ವರಿಬಿ ತೆ ಅಂತ್ಯಕಾಲ ನ್ಹವೈ.

7 ಇಮ್ಮ ಧಾತಾಮಾ ಮನಕ್ಹೊನಾ ವಿರುದ್ಧ ಮನಕ್ಹೊ ರಾಜ್ಯನಾ ವಿರುದ್ಧ ರಾಜ್ಯ ಉಟಸ; ವರಿ ತ್ಯಾ ತ್ಯಾ ಬರಗಾಲ, ತ್ಯಾ ತ್ಯಾ ಭುಕಂಪೊ ಧಾವಸ.

8 ಎ ಕ್ಹಾರು ತ್ರಾಸ ಧಾವಾನು ಚಾಲು ವ್ಹೈ.

9 ತೆಳಾಮಾ ತುಮೊನೆ ತ್ರಾಸ ಕರಿನ ಖಲಾಸ ಕರಸ; ಮಾರಾ ಹುತಿ ತುಮೊನೆ ಕ್ಹಾರಾ ಮನಕ್ಹೊ ದ್ವೈಶಕರಸ.

10 ತೆಳಾಮಾ ಘನ್ನಾ ಜನಾ ಭುಚ್ಚಿನ ಪಾಚಾಸರ್ಕಿನ ಯಕ್ಲಾನೆ ಯಕ್ಲೊ ಧರಿನ ದಿವಸ; ಯಕ್ಲಾಪರ ಯಕ್ಲೊ ದ್ವೈಶ ಕರಸ.

11 ಘನ್ನಾ ಸುಳ್ಳ ಪ್ರವಾದಿಯೊ ಉಟಿನ ಘನ್ನಾ ಮನಕ್ಹೊನೆ ಮೊಸ ಕರಸ.

12 ಯಕ್ಕೊಜ್ಜ ನೈಸೊ ಅಧರ್ಮ ಜಾಸ್ತಿ ಧಯಲಹುತಿ ಘನ್ನಾ ಮನಕ್ಹೊನಿ ಮಯಾಜ ಥಂಡಿ ಧೈಜಾವಸ.

13 ವರಿಬಿ ಲಾಸ್ವಲಕ್ಕಾ ತಡ್ಡಿಲಿವಾಲೊ ರಕ್ಷಣೆ ಹೊಂದಿಲಿವಸ.

14 ಯಕ್ಕೊಜ್ಜ ನೈಸೊ ರಾಜ್ಯನಿ ಎ ಸುವಾರ್ತೆ ಕ್ಹಾರಿಜ್ಜ ದುನಿಯಾಮಾ ಕ್ಹಾರಾ ಮನ್ಹೊನೆ ಸಾಕ್ಷಿನಾಹುತಿ ಪೈಲಾವಸ; ತೆಳಾಮಾ ಅಂತ್ಯಕಾಲ ಅವಸ.

15 ಪ್ರಾವಾದಿ ದಾನಿಯಲ ಕದಲ ತಿಮ್ಮಜ್ಜ ಹಾಳ ಕರಾನು ಕೆಟ್ಟ ವಸ್ತು ಪವಿತ್ರ ಜಗಾಪರ ಹುಬ್ರಯಲ ತುಮೆ ದೆಕ್ತಾಮಾ

16 ಯುದಾಯಮಾ ರ್ವಯಲವಾಲಾ ಕ್ಹಾರಾಜ್ಜ ದೊಂಗರ್ಪರ ನ್ಹಾಟಿ ಜಾವಾದೆ;

17 ಮ್ಹಾಡಿಪರ ರ್ವಯಲವಾಲೊ ತಿನಾ ಘರ್ಮಾ ರ್ವಯಲ ಸುಜ್ಜ ಸಾಮನ ಲಿವಾನೆ ಜೊ ನೈ.

18 ಖಿತರ್ಮಾ ರ್ವಯಲವಾಲೊ ತಿನಾ ವಙ್ಣಾನಾ ಲಿವಾನಾ ಹುತಿ ಜೊ ನೈ.

19 ತೆ ದಿನೊಮಾ ಪೆಟಿ ರ್ವಯಲವಾಲಿಯೊನೆ, ಬಾಣತಿಯೊ ರ್ವಯಲ ಹೆಣ್ಣ ಮನಕ್ಹೊ ಆಯ್ಕೊ.

20 ತುಮೋನೆ ಎಕ್ಹಾರು ಥಂಡನಾ ದಿನೊಮಾ ಸಬ್ಬತದಿನೊಮಾ ರ್ವವಾ]ಎ ಥೌ ನೈ ಕೈನ ಪ್ರಾಥನಾ ಕರೊ.

21 ಕಾ ಕದ್ಯಾಮ ದುನಿಯಾ ಶುರುತಿಬಿ ಆಙಲಕ್ಕಾ ನೈ ಥಯಲ, ಇತ್ತಿ ಉಪ್ಪರ ನೈಸೊ ಥಾವಾನು ಮ್ಹೊಟೊ ತರಾಸ ತೆಳಾಮಾ ಥಾವಸ.

22 ಕರ್ತಾ ದಿನೊ ಕಮ್ಮ ನೈ ಕರೊಮ ಯಕ್ಕೊಬಿ ಉಗರ್ತೊ ನೈ; ವರಿಬಿ ತೆ ಇನಿಲಿದಲವಾಲಾವೊನಾ ಹುತಿ ತೆ ದಿನೊ ಕಮ್ಮ ಕರಸ.

23 ತೆಳಾಮಾ ತೊಮೊನೆ ಕುನಬಿ ಕ್ರಿಸ್ತ ನ್ಹ್ಯಾ ಛಿ ಕ್ರಿಸ್ತ ನ್ಹ್ಯಾ ಛಿ ಕೈನ ಕದ್ಯಾಮ ತುಮೆ ನಂಬೊ ನಕೊ.

24 ಸುಳ್ಳ ಕ್ರಿಸ್ತೊ, ಸುಳ್ಳ ಪ್ರವಾದಿಯೊ ಉಟಿನ ಸಾಧ್ಯ ಥಯುಮ ಕ್ಹುದಾ ಇನಿಲಿದಲ ಮನಕ್ಕೊನೆ ಬಿ ಮೊಸ ಕರಾನಾ ಹುತಿ ಮ್ಹೊಟಾ ಸುಚಕ ಕಾಮೊ ಘಾಬ್ರಾ ಥಾವಾನಾ ಕಾಮೊ ಕರಿನೆ ದೆಕಾಡಸ.

25 ದೆಕೊ, ಮಿ ಪೈಲಾಙ ಮಿ ಕವಾಡ್ಯೊಸ.

26 ತಿನಾಹುತಿ ಕುನಬಿ ತುಮೊನೆ ಕುನಬಿ, ದೆಕೊ, ಕ್ರಿಸ್ತ ರಾನಮಾ ಛಿ. ಕೈನ ಕದ್ಯಾಮ ತುಮೆ ರಾನ್ಮಾಗೈ ಪಡೊನಕೊ; ದೆಕೊ ಮ್ಹ್ಯೊನಾ ಘರ್ಮಾ ಛಿ ಕೈನ ಕದ್ಯಾಮ ಬರೊಕ್ಕೊ ಕರೊ ನಕೊ.

27 ಕಿಮ್ಮ ಬಿಜಲಿ ಪುರ್ವಮಾ ಹುಟ್ಟಿನ ಪಶ್ಚಿಮ ಲಕ್ಕಾ ಉಜಾಲು ದಿಕ್ಹಸ ತಿನಾ ನಿಂಗತಙ ಮನಕ್ಕೊನೊ ದಿಕ್ಹೊ ಆವಾನು ಥಾವಸ.

28 ಮುದೊ ಪಡಲ ಭಗಾ ಹದ್ದೊ ಮಳಸ.

29 ತೆ ತ್ರಾಸನಾ ದಿನೊ ಮುಗ್ಗಲ್ವರ ಸುರ್ಯೊ ಅಂದಾರು ಥಾವಸ, ಚಂದಪ್ಪಾ ಉಜಾಲು ದಿದ್ಯಾವಾಚಿ ರ್ವವಸ, ಚಿಕ್ಕಯೊ ಹಬಾಳಮಾತಿಯೊ ಪಡಸ, ಹಬಾಳಮಾ ರ್ವಯಲ ತಾಕತೊ ಹಲ್ಸಸ.

30 ತೆಳಾಮಾ ಮನಕ್ಕೊನೊ ದಿಕ್ಹೊ ಕದಲ ವಳಕ ಹಬಾಳಮಾ ದಿಕ್ಹಿನ ಆವಸ. ತೆಳಾಮಾ ಭುಲೊಕ್ಕರ ರ್ವಯಲ ಕ್ಹಾರಾ ಮನಕ್ಕೊ ಛಾತಿ ಬಡೈಲಿವಸ, ವರಿ ಮನಕ್ಕೊನೊ ದಿಕ್ಹಾನಿ ತಾಕತಕ್ಕು ಘನ್ನಿ ಮಹಿಮಾಕ್ಕು ಹಬಾಳನಾ ಮ್ಹಾಡಪರ ಆವಾನು ದಿಕ್ಹಸ.

31 ತೆ ತಿನಾ ದುತೊನೆ ಪೊಂಗಾವೊನಿ ಮ್ಹೊಟಿ ಅವಾಙನಾ ಕ್ಹಾತೆ ಮೊಕ್ಲಸ. ತ್ಯುನೆ ತೆ ಇನಿಲಿದಲವಾಲಾವೊನೆ ಹಬಾಳನಾ ಯಕ್ಕ ಬಗಲ್ತೊ

ಚಾರೆ ದಿಕ್ಕ ಬಗಲೊ ಮಳಾವಸ.

32 ಅಂಜುರ್ನಾ ಝಾಡನಿ ದೃಷ್ಟಾಕ್ಹು ಗ್ಯಾನ ಶಿಕ್ಕೊ. ತಿನಿಯೊ ಲೊಂಗಿಯೊ ಹಜುನ ಕುಳಿಯೊ ರ್ಹತಾಮಾಝ ಪಾಲೊ ಛೊಡ್ತಾಮ ತಡಕಾನೊ ದಿನ್ನ ನಜಿಕ ಐಯೊಸ ಕೈನ ತಿಳದಿಲಿವೊಸಿತೊ.

33 ತಿಮ್ಮಝ ತುಮೆ ಎ ಕ್ಹಾರು ದೆಕ್ತಾಮಾ ತೆ ದಿನ್ನ ನಿಜಕ ಆಯೊಸ ಕೈನ ತಿಲದಿಲಿವೊ.

34 ಎ ಕ್ಹಾರು ಥಾಯೆಲಕ್ಕಾ ಎ ಸಂತತಿ ಮಿಟ್ಟೆಞಾತಿ ನೈ ಕೈನ ತುಮೊನೆ ಕ್ಹರಿಮಾಝ ಕೌಸ.

35 ಜಿಮಿನ ಹಬಾಲ ಮಿಟ್ಟೆಞಾತು ನೈ ತೆನೈಸೊ ಮಾರಿ ವಾಕ್ಯ ಹಮೆಶಾಬಿ ರ್ಹವಸ.

36 ತೆನೈಸೊ ತೆ ದಿನೊ ವರಿ ತೆ ಟೈಮನಾ ಹಹುತಿ, ಮಾರಾ ಬಾನೆ ಯಕ್ಕಜ ಗ್ವತ್ತ ಛೆ ಬಿಞಾ ಕಿನೆಞ ಗ್ವತ್ತ ನತ್ತಿ. ಪರಲೊಕಮಾ ರ್ಹಯಲ ದುತೊನೆಬಿ ಗ್ವತ್ತ ನತ್ತಿ, ದಿಕ್ರಾನೆಬಿ ಗ್ವತ್ತ ನತ್ತಿ..

37 ನೊಹಾನಾ ದಿನೊ ಕಿಮ್ಮ ವ್ಹತಾ ತಿನಾನಿಂಗತಞ ಮನಕ್ಹನೊ ದಿಕ್ರೊ ಆವಾನಾ ಟೈಮ್ಮಾ ರ್ಹವಸ.

38 ಕಿಮ್ಮ ಕದ್ಯಾಮ ಜಲಪ್ರಳಯ ತಿ ಪೈಲಾನಾ ದಿನೊಮಾ ನೊಹಾ ಹಡಗಾಮ ಗಯಲ ದಿನ್ನ ಲಕ್ಕಾ ಮನಕ್ಹೊಪಿತಾ ಖಾತಾ, ಹಿವಾ ಕರಿಲೆತಾ, ಹಿವಾ ಕರ್ತಾ ವ್ಹತಾ.

39 ಪ್ರಳಯನು ಪಾನಿ ಐನ ಕ್ಹಾರಾವೊನೆ ಕಿತ್ತ್ಯೆ ಲಿನ ಜಾಯೆ ಲಕ್ಕಾ ತ್ಯುನೊನೆ ಸುಞ ಗ್ವತ್ತ ನೈಸೊ ವ್ಹತಾತೊ. ತಿನಾನಿಂಗತಞ ಮನಕ್ಹನೊ ದಿಕ್ರೊ ಆವಾನ ದಿನೊಮಾ ರ್ಹವಸ.

40 ತೆಳಾಮಾ ಬೆ ಞನಾ ಖೆತರ್ಮಾ ರ್ಹವಸ; ತ್ಯುನೊಮಾಮಾನಾ ಯಕ್ಲಾನೆ ಲಿವಸ, ಯಕ್ಲಾನೆ ಛೊಡಸ.

41 ಬೆ ಬಾಕ್ಡಿಯೊ ದಳಾನಾ ಡಗ್ಡಾಕನ ಬೈಟಿನ ದಳತಿಯೊ ರ್ಹವಸ; ಯಕ್ಲಿನೆ ಲಿವಸ, ಯಕ್ಲಿನೆ ಛೊಡಿಪಾಡಸ.

42 ಇಮ್ಮ ರ್ಹತಾಮಾ ಕರ್ತಾ ಆವಾನೊ ದಿನ್ನ ನೈ ಗ್ವತ್ತ ರ್ಹಯಲ ಹುತಿ ಹುಶಾರಮಾ ರ್ಹವೊ.

43 ಚ್ಚಟ್ಟೊ ಕೆಳಾಮಾ ಆವಸ ಕವಾನು ಗ್ವತ್ತ ರ್ವತ್ತೊ ತೆ ತಿನಾ ಗರ್ಮಾ
ಚೊರಿ ಕರಾನೆ ಆವಾಲಾನೆ ಕೈತ್ತೊ ರ್ವತ್ತೊತೊ ಕೈ ತಿಳ್ವೊಲಿವೊ.

44 ತಿನಾ ಹುತಿ ತುಮೆಬಿ ತಯ್ಯಾರ ರ್ವತ್ತೊ; ತುಮೆ ವಿಚಾರಬಿ ಕರಲ
ರ್ವತ್ತಾ ನೈ ತೆವಾ ಟೈಮ್ಮಾ ಮನಕ್ಕೊನೊ ದಿಕ್ಕೊ ಆವಸ.

45 ಕದ್ಯಾಮ ಮಾಲಕ ತಿನಾ ಘರವಾಲಾವೊನೆ ಟೈಮೆ ಟೈಮೆ ಅನ್ನ
ದಿವಾನಾ ಹುತಿ ತೆ ಬರೊಕ್ಕಾವಾಲಾ ನಿಂಗತ, ಗ್ಯಾನಿ ಥಯಲ ಆಳ ಕುನ್ನ
ವ್ವೊ?

46 ಮಾಲಕ ಆವಾನಾ ವಕ್ಕತಮಾ ಕಯೊ ಆಳ ಇಮ್ಮ ಕರಾನು
ದೆಕ್ಕೊಮ ತೆ ಆಳ ಧನ್ಯ ವ್ವೊ.

47 ತೆವಾನೆ ತೆ ತಿನಿ ಕ್ವಾರಿ ಆಸ್ತಿನೆ ಮ್ಯಾನೆಜರ ಕರಿನ ಮ್ವೆಲಸ ಕೈನ
ತುಮೊನೆ ಕ್ವರಿಮಾಙ್ ಕೌಸ.

48 ತೆನೈಸೊ ತೆ ಕೆಟ್ಟ ಆಳ, ಮಾರೊ ಮಾಲಕ ಆವಾನೆ ತಡಾ ಕರಸ,
ಕೈನ ತಿನಾ ಮನಸ್ಸಾ ಕೈಲಿನ

49 ತಿನಾ ಆಳೊನೆ ಮಾರ್ತೊ, ವರಿ ಪಿದೊಡಾವೊನಾ ಕ್ವಾತೆ ಮಳಿನ
ಪಿವಾನು ಸುರು ಕರಕ್ಕೊಮ,

50 ತೆ ವಿಚಾರ ನೈ ಕರಲ ದಿನೊಮಾ, ವಕ್ಕತ ನೈ ರ್ವತ್ತಯಲ ಗ್ವತ್ತ ಟೈಮ್ಮಾ
ತೆ ಆಳನೊ ಮಾಲಕ ಐನ ತಿನೆ ಘನ್ನಿ ಮ್ವೊಟಿ ಶಿಷಾ ದಿನ

51 ಕಪಟ್ಟಾವೊ ನೈಸೊ ಥಾವಾನಿ ಗತಿ ತಿನೆ ತೆ ಕರಸ. ತ್ಯಾರವಾನು ಕಟ್ಟ
ಕಟ್ಟ ದಾತೊ ಖಾವಾನು ರ್ವತ್ತವಸ.

25

ದಕ್ಕ ಜಾಂಜಿಮಾನ ಛೊಕ್ರಿಯೊನಿ ಸಾಮ್ಯ

1 ಪರಲೊಕ ರಾಜ್ಯ ತಿವ್ವಿಯೊ ಆರ್ತಿಯೊಲಿನ ನೌರಾನಿ ಮಳಾನಾಹುತಿ
ಜಾವಾಲಿಯೊ ದಕ್ಕ ಜನಿಯೊ ಜಾಂಜಿಮಾ ಛೊಕ್ರಿಯೊ ನೆ ಹೊಲಿಕೆ ಧೈಸ.

2 ತ್ಯನೊಮಾ ಪಾಂಚ್ ಜನಿಯೊ ಗ್ಯಾನಿ ಪಾಂಚ್ ಜನಿಯೊ ಗ್ಯಾನ
ನೈಸೊ ವಾಲಿಯೊ.

3 ಗ್ಯಾನ ನೈಸೊವಾಲಿಯೊ ಆರ್ತಿಯೊಲಿನ, ತಿನಾ ಕ್ವಾತೆ ತೆಲ ಲಿದಿಯೊ ನೈ

4 ತೆನೈಸೊ ಶಾಣಿಯೊ ರ್ವಯಲವಾಲಿಯೊ ಆರ್ತಿಯೊಲಿನ ವರಿ ತಿನಾ ಕ್ವಾತೆ ಜಾಸ್ತಿ ತೆಲ ಲಿದಿಯೊ.

5 ನೌರೊ ಆವಾನು ತಡಾ ಕರಲಹುತಿ ತ್ಯುನಿ ಕ್ವಾರಿಯೊ ಝುಕ್ಕಾತಿಯೊ ಕ್ವುರೈಯ್ಯೊ.

6 ವರಿ ಅರ್ದಿ ರಾತಮಾ, ದೆಕೊ, ನೌರೊ ಆವಾಡ್ಕೊಸ ತಿನೆ ಮಳಾನಾ ಹುತಿ ಚಾಲೊ, ಕವಾನು ಅವಾಜ ಐಕು ಆಯು.

7 ತೆಳಾಮಾ ತೆ ಛೊಕ್ರಿಯಯೊ ಹುಶಾರ ಧೈನ ತಿವ್ವಿಯೊ ಆರ್ತಿಯೊ ಲಿನ ವಾಗಾತಿ ಕರಿಲಿದಿಯೊ.

8 ತೆಳಾಮಾ ಗ್ಯಾನ ನೈಸೊವಾಲಿಯೊ ಶಾಣಿಯೊ ರ್ವಯಲ ಛೊಕ್ರಿಯೊನೆ, ತುಮೊಕನ ರ್ವಯಲ ತೆಲಮಾ ಹಮೊನೆ ದಕ್ಕು ದಿವೊ.

9 ಕಾಕದ್ಯಾಮ ಹಮಾರಾ ದಿವ್ವಾ ಇಜ್ಜೆ ಜಾವಸ ಕೈನ ಕದಿಯೊ ತೆ ವಾತೆ ತೆ ಶಾಣಿಯೊ ಛೊಕ್ರಿಯೊ, ನೈ ಥಾತು ತುಮೊನೆ ದಿದಿಯೊಮ ಹಮೊನೆಬಿ ಥಾತು ನೈ ತುಮೊನೆಬಿ ಥಾತು ನೈ ತುಮೆ ಇಕ್ಕಾಲಾವೊಕನ ಗೈನ ಲಿದಿಯೊಮ ಚೊಕು ವ್ವೈಕದಿಯೊ.

10 ತ್ಯುನೆ ಇಕ್ಕಾತು ಲಾವಾನೆ ಜಾತಾಮಾ ನೌರೊ ಆಯೊ. ತಯ್ಯಾರ ರ್ವಯಲವಾಲಿಯೊ ತಿನಾ ಕ್ವಾತೆ ಹಿವಾನಾ ಘರ್ಮಾ ಗೈಪಡಿಯೊ, ಬಾಲಕ ಘಾಲಿಪಾಡ್ಯಾ.

11 ಪಾಚಾತಿಯೊ ಉಗ್ರಲ ಛೊಕ್ರಿಯೊ ಐನ, ಕರ್ತಾ, ಕರ್ತಾ, ಹಮಾರಾ ಹುತಿ ಬಾಕಲ ಕಾಡ ಕದಿಯೊ.

12 ತೆವಾತೆ ತೆ ತ್ಯುನೊನೆ ಅಮ್ಮ ಕದ್ಯೊ ತುಮೆ ಕುನ್ನವ್ವೈಕವಾನು ಮನೆ ಕ್ವರಿಮಾಜ ಗ್ವತ್ತ ನತ್ತಿ.

13 ಕಾ ಕದ್ಯಾಮ ತೆ ದಿನ್ನ ತೆ ವಕ್ವತ್ತ ತುಮೊನೆಬಿ ಗ್ವತ್ತ ನತ್ತಿ ತಿನಾಹುತಿ ತುಮೆ ಹುಶಾರಮಾ ರ್ವವೊ.

14 ಕ್ವುದಾನೊ ರಾಜ್ಯ ಕಿಮ ಛೆ ಕದ್ಯಾಮ ಯಕ್ಕ ಮನಕ್ಕ ಬಾರಲ್ಯಾ ದೆಶೆ ಜಾವಾಲೊ ಮನಕ್ಕ ತಿನಿ ಪುರಾ ಆಸ್ತಿಪರ ತಿನಾ ಆಳನೆ ಬಲೈನ ತಿನೆ ಆಸ್ತಿ ಆಳನೆ ಒಪ್ಪಿನೆ ದಿದ್ಯೊ.

15 ತೆ ಯಕ್ಲಾನೆ ಪಾಂಚ್ ತಲಾಂತೊ, ಯಕ್ಲಾನೆ ಬೆ ತಲಾಂತೊ ಯಕ್ಲಾನೆ ಯಕ್ ತಲಾಂತೊ ಇಮ್ಮ ತ್ಯುನಾ ತ್ಯುನಾ ಸಾಮರ್ಥನಿಂಗತ ತಲಾಂತೊ ವಪ್ಪಿನೆ ದಿನ ತೆ ಮಾಲಕ ಭಾರಲ್ಯಾದೆಶೆ ಗಯೊ.

16 ತೆಳಾಮಾಚ್ ಪಾಂಚ್ ತಲಾಂತೊ ಲಿದಲವಾಲೊ ಗೈನ ತಿಮಾ ವ್ಯಾಪಾರ ಕರಿನ ವರಿ ತಿಮಾ ಪಾಂಚ್ ತಲಾಂತೊ ಕಮಾಯೊ.

17 ತಿನಾ ನಿಂಗತಚ್ ಬೆ ತಲಾಂತೊ ಲಿದಲವಾಲೊ ತಿಮಾ ಬೆ ತಲಾಂತೊ ಕಮಾಯೊ.

18 ತೆನ್ನೆಸೊ ಯಕ್ ತಲಾಂತ ಲಿದಲವಾಲೊ ಗೈನ ಜಿಮಿನ ಖಂದಿನ ತಿನೊ ಮಾಲಕ ದಿದಲ ತಲಾಂತ ರ್ಝಾಕಿನ ಮ್ಹೆಲ್ಯೊ.

19 ಘನ್ನಾ ದಿನ್ವರ ಮಾಲಕ ಐನ ತಿನಾ ಆಳೊನೆ ಬಲ್ಚೆನ ತ್ಯುನೊಕ್ಕು ಲೆಕ್ಕೊ ಪುಞ್ತಾಮಾ

20 ಪಾಂಚ್ ತಲಾಂತೊ ಲಿದವಾಲೊ ತಿನಾ ಕ್ಹಾತೆ ವರಿ ಪಾಂಚ್ ತಲಾಂತೊ ಕಮಾಯಲ ಲೈನ, ಮಾಲಕ, ತು ಮನೆ ಪಾಂಚ್ ತಲಾಂತೊ ದಿದ್ಲೊತೊತೊ ಲೆ, ವರಿ ಪಾಂಚ್ ತಲಾಂತೊ ಕಮಾಯೊಸ ಕದ್ಲೊ.

21 ತಿನೊ ಮಾಲಕ ತಿನೆ, ಹೊ ಬೊರೊಕ್ಕೊ ರ್ಝಯಲ ಚೊಕಾ ಸೆವಕ; ತು ನಕ್ಕರ ಕಾಮ್ತಾ ಕ್ಹರಿನೊ ವ್ಹೆ; ಮ್ಹೊಟಾ ಕಾಂಪರ ತುನೆ ಮ್ಹೆಲುಸ; ತಾರಾ ಮಾಲಕನಾ ಖುಶಿಮಾ ತು ಮಳ ಕದ್ಲೊ.

22 ತೆಳಾಮಾ ಬೆ ತಲಾಂತೊ ವ್ಹಂದಲ ಆಳ ಐನ, ಮಾಲಕ, ತು ಮನೆ ಬೆ ತಲಾಂತೊ ದಿದ್ಲೊತೊತ; ದೆಕ, ತಿಮಾ ವರಿ ಬೆ ತಲಾಂತೊ ಕಮಾಯೊಸ, ಕದ್ಲೊ.

23 ತಿನೊ ಮಾಲಕ ತಿನೆ ಹೊ, ಬೊರೊಕ್ಕೊ ರ್ಝಯಲ ಚೊಕಾ ಸೆವಕ ತುಬಿ ದಕ್ವಾಚ್ ರ್ಝಯಲ ಕಾಮ್ತಾ ಕ್ಹರಿಕ್ಕು ರ್ಝಯೊಸ, ಮ್ಹೊಟಾ ಕಾಂಪರ ತುನೆ ಮ್ಹೆಲುಸ; ತಾರಾ ಮಾಲಕನಾ ಖುಶಿಮಾ ತು ಮಳ. ಕದ್ಲೊ.

24 ತೆಳಾಮಾ ಯಕ್ ತಲಾಂತ ಲಿದಲವಾಲೊ ಐನ ಮಾಲಕ, ತು ಬಿತ್ತಲಚ್ ಕಾಟಾಲಾ ವ್ಹೆ, ತು ತುರ್ಯಾವಾಚಿ ರಾಶಿ ಕರಾಲೊ ವ್ಹೆ ಹರ್ಯಲ ಘಟ್ಟ ಮನಸ್ಸೊ ಮಿ ತಿಳದ್ಲೊ.

25 ಮಿ ಭಹಚ್ಚಿನ ತು ದಿದಲ ತಲಾಂತ ಜಿಮಿನ್ಮಾ ರ್ಝಾಕಿನ ಮ್ಹೆಲ್ಯೊತೊ; ಅಲೆ, ತಾರು ರ್ಝಯಲ ತುನೆಚ್ ದ್ಯುಸ, ಕೈನ ಕದ್ಲೊ.

26 ತೆಳಾಮಾ ತೆ ಮಾಲಕ ತಿನೆ ಮೈಗಳ ಥಯಲ ಕೆಟ್ಟ ಆಳ, ತು ಮನೆ ಬಿತ್ತಲಮಾಜು ಕಾಟಾಲೊ ವ್ಹೈ ವರಿ ತುರ್ರ್ಯಾವಾಚಿ ರಾಶಿ ಕರಾಲೊ ವ್ಹೈ ಕೈನ ತಿಳದ್ಯೊಸು?

27 ತಿಮ್ಮ ರ್ಲ್ಯಯುಮ, ಮಿ ದಿದಲ ದೊಕ್ಡಾ ಸವಕಾರೊಮಾ ಬಡ್ಡಿಂಗಿತ ದಿವಾನಹೊತು ಮಿ ಆತಾಮಾ ಬಡ್ಡಿನಾ ಕ್ಹಾತೆ ವಾಪಸ ಮಾಂಗಿಲೆತೊತೊ. ಕೈನ ಕದ್ಯೊ

28 ತಿಕನ ರ್ಲ್ಯಯಲ ತಲಾಂತ ಕಾಡಿಲಿನ ದಕ್ಹ ತಲಾಂತೊ ರ್ಲ್ಯಯಲ ಆಳಕನ ದಿದ್ಯೊ

29 ಹ್ಕಯಲವಾಲಾವೊ ಹಜುನ ದವಸ, ತ್ಯುನೊನೆ ಹುಜುನ ಜಾಸ್ತಿ ಥಾವಸ; ನೈರ್ಲ್ಯಯಲವಾಲಾವೊಕಂತು ರ್ಲ್ಯಯಲಬಿ ಕಾಳ್ಳಿವಸ.

30 ವರಿ ಉಪಯೊಗ ನೈಸೊ ಆ ಆಳನೆ ಭಾರು ರ್ಲ್ಯಯಲ ಅಂದಾರಾಮಾ ಫಾಲಿಪಾಡೊ ಕೈನ ಅಪ್ಪಣೆ ದಿದ್ಯೊ ತ್ಯಾ ರವಾನು ಕಟ್ಟ ಕಟ್ಟ ದಾತೊ ಖಾವಾನು ರ್ಲ್ವವಸ.

31 " ಎ ನಯಸೊ ಮನಕ್ಹನೊ ದಿಕೊ ತಿನಿ ಮಹಿಮಾನಿ ಕ್ಹಾರಾ ದುತೊನಾ ಕ್ಹಾತೆ ಆತಾಮಾ ತಿನಿ ಮಹಿಮಾನಿ ಸಿಂಹಿಸನ್ನರ ಬೈಟಿಸ,

32 ತೆಳಾಮಾ ಕ್ಹಾರಾ ದಶನಾ ಮನಕ್ಹೊತಿನಾ ಕ್ಹಾಮಾ ಮಳಸ. ಬಕ್ರಾ ಬಕ್ರಿಯೊ ಜುದಾ ಕರಲನಿಂಗತ ತೆ ತ್ಯುನೊನೆ ಜುದಾ ಕರಸ.

33 ಬಕ್ರಾವೊನೆ ತಿನಾ ಶಿದಾ ಬಗಲ ಬಕ್ರಿಯೊನೆ ಡಾವಾ ಬಗಲ ಹುಬ್ರಾಡಸ.

34 ತೆಳಾಮಾ ರಾಜೊ ತಿನಾ ಶಿದಾ ಬಗಲ ರ್ಲ್ಯಯಲವಾಲಾವೊನೆ, ಮಾರಾ ಬಾನೊ ಆಶಿರ್ವಾದ ಹೊಂದಲವಾಲಾ ಆವೊ, ಲೊಕಾಧಿತೊ ತುಮಾರಾ ಹುತಿ ತಯ್ಯಾರ ಕರಲ ರಾಜ್ಯ ತುಮಾರಾ ಹತ್ಯಾಪಡ್ಡಿಲಿವೊ.

35 ಮಿ ಭುಕ್ಕೊ ವ್ಹತೊ ಮನೆ ತುಮೆ ಅನ್ನ ದಿದ್ಯಾ; ಮಿ ತರಕ್ಹೊ ವ್ಹತೊ, ಮನೆ ಪಿವಾನೆ ಪಾನಿ ದಿದ್ಯಾ ಮಿ ಪರದೆಶಿ ವ್ಹತೊ ಮನೆ ತುಮೆ ರ್ಲ್ವಾನೆ ಜಗಾ ದಿದ್ಯಾ

36 ವಣ್ಣಾ ನೈಸೊವಾಲೊ ವ್ಹತೊ ತುಮೆ ಮನೆ ವಣ್ಣಾ ಫಾಲ್ವಿವಾನೆ ದಿದ್ಯಾ ಮಿ ಅರಾಮ ನೈಸೊ ವ್ಹತೊ ಮನೆ ತುಮೆ ಜತ್ತನ ಕರ್ರ್ಯಾ ಮಿ

ಜೆಲ್ಮಾವ್ತೊ, ತುಮೆ ಮನೆ ದೆಕಾನೆ ಆಯಾ, ಕೈನ ಕವಸ.

37 ತೆ ವಾತೆ ಕ್ಹರಿಕ್ಕು ರ್ಹಯಲವಾಲಾ, ಕರ್ತಾ, ಕೆಳಾಮ ಹಮೆ ತು ಭುಕ್ಕೊ ರ್ಹತಾಮಾ ಅನ್ನ ದಿದ್ಯಾ? ತು ದರಕ್ಕೊ ರ್ಹತಾಮಾ ಹಮೆ ಪಾನಿ ಪಿವಾನೆ ದಿದ್ಯಾ?

38 ಕೆಳಾಮಾ ತು ಪರದೆಶಿ ವ್ಹತೊ ಕೈನ ಹಮೆ ತುನೆ ದೆಕಿನ ಆಸ್ತೊ ದಿದ್ಯಾ? ತಾರಾ ವಣ್ಣಾ ದೆಕಿನ ಹಮೆ ಕೆಳಾಮಾ ತುನೆ ವಣ್ಣಾ ಘಾಲ್ಲಿವಾನೆ ದಿದ್ಯಾ?

39 ಕೆಳಾಮಾ ತು ಅರಾಮನೈಸೊ ದಡ್ಡೊತೊ ವರಿ ಕೆಳಾಮಾ ತು ಜೆಲ್ಮಾವ್ತೊ ಹಮೆ ಕೆಳಾಮಾ ತುನೆ ದೆಕಾನೆ ಆಯಾತಾ, ಕೈನ ಪುಚ್ಚಸ.

40 ತೆ ವಾತೆ ರಾಜೊ ಆ ಮಾರಾ ಭಾಯೊಮಾ ಇಮಾನಾ ಯಕ್ಕಾನೆಬಿ ಸುಸು ಕರ್ರ್ಯಾ ತೆ ಕ್ಹಾರು ಮಾರಾ ಕ್ಹಾತೆ ಕರಲನಿಂಗತ ವ್ಹೆ ಕ್ಹರಿಮಾಜು ಕೌಸ, ಕವಸ

41 ಪಾಚಾತೊ ಡಾವಾಬಗಲ ರ್ಹಯಲವಾಲಾವೊನೆ, ಶ್ರಾಪ ಹೊಂದಲವಾಲಾ ಮನೆ ಛೊಡಿನ ಪಿಶಾಚಿನೆ ತಿನಾ ದುತೊನೆ ತಯ್ಯಾರ ಕರಲ ಹಮೆಶಾನಿ ಆಗ್ಮಾ ಭಾವೊ.

42 ಮಿ ಭುಕ್ಕೊ ವ್ಹತೊ ತುಮೆ ಮನೆ ಖಾವಾನೆ ಅನ್ನ ದಿದ್ಯಾ ನೈ. ಮಿ ತರಕ್ಕೊ ವ್ಹತೊ ತುಮೆ ಮನೆ ಪಿವಾನೆ ಪಾನಿ ದಿದ್ಯಾ ನೈ.

43 ಪರದೆಶಿ ವ್ಹತೊ ಮನೆ ತುನೆ ಆಸ್ತೊ ಕರ್ರ್ಯಾ ನೈ; ವಣ್ಣಾ ನೈಸೊವಾಲೊ ವ್ಹತೊ ಮನೆ ಘಾಲ್ಲಿವಾನೆ ವಣ್ಣಾ ದಿದ್ಯಾ ನೈ. ಅರಾಮ ನೈಸೊ ವ್ಹತೊ, ವರಿ ಜೆಲ್ಮಾವ್ತೊ, ಮನೆ ತುಮೆ ಜತ್ತನ ಕರಾನೆ ಆಯಾ ನೈ ಕೈನ ಕವಸ.

44 ತೆ ವಾತೆ ತ್ಹುನೆ ಬಿ, ಕೆಳಾಮಾ ತು ಭುಕ್ಕೊ ವ್ಹತೊ, ತು ತರಕ್ಕೊ ವ್ಹತೊ, ತು ವಣ್ಣಾ ನೈಸೊವಾಲೊ ವ್ಹತೊ, ಕೆಳಾಮಾ ತು ಜೆಲ್ಮಾವ್ತೊ, ಕೆಳಾಮಾ ತು ಪರದೆಸಿ ವ್ಹತೊ, ಕೆಳಾಮಾ ಅರಾಮ ನೈಸೊ ವ್ಹತೊ ತುನೆ ಉಪಚಾರ ಕರ್ರ್ಯಾವಾಚಿ ಗಯಾ? ಕವಸ.

45 ತೆಳಾಮಾ ತೆ ತ್ಹುನೊನೆ ಎ ಕ್ಹಾರು ನೈಸೊ ವಾಲಾವೊನೆ ಕರ್ರ್ಯಾ ನತ್ತಿ ತೊ ಮನೆ ಬಿ ಕರಲನಿಂಗತ ನ್ಹವೈ ಕೈನ ಕ್ಹರಿಮಾಜು ಕೌಸ. ಕವಸ.

46 ವರಿ ಅನಿತಿವಂತವಾಲಾ ರ್ವಯಲ ಇವ್ವೆಹಮೆಶಾನಿ ದಂಡನೆಮಾ
ಜಾವಸ ತೆನ್ನೆಸೊ ನಿತಿವಂತವಾಲಾ ಹಮೆಶಾನೊ ಜಲಮಾ ರ್ವಯಲ
ಜಗಾ ಜಾವಸ ಕೈನ ಕದ್ಯೊ

26

ಯೆಸುನೆ ಖಲಾಸ ಕರಾನೆ ದೆಕಲ
(ಮಾರ್ಕ 14:1-11; ಲುಕ 22:1-6)

1 ಯೆಸು ತೆ ಕ್ಕಾರಿಯೊ ವಾತೊ ಕೈನ ಮುಗ್ಸಲ್ವರ ತಿನಾ ಶಿಶ್ಯಾವೊನೆ ಬೆ
ದಿನ್ನ ಧಯಲ್ವರ ಫಸ್ಕ ಸನ್ನ ಆವಾನೊ ಛಿ ಕೈನ ತುಮೊನೆ ಗ್ವತ್ತ ಛಿ;

2 ತೆಳಾಮಾ ಮನಕ್ಲೊನೊ ದಿಕ್ರಾನೆ ಶಿಲುಬಿಪರ ಫಾಲಾನಾ ಹುತಿ
ವಪ್ಪಿನ ದಿವಸ ಕೈನ ಕದ್ಯೊ

3 ತೆ ಕಾಲಮಾ ಖಾಸ ಯಾಜಕೊ, ಶಾನಾ ಮನಕ್ಲೊ ಕಾಯಫ
ಕವಾಲೊ ಮೊಟ್ಟೊ ಯಾಜಕನಾ ಭವನಮಾ ಮಳಿನ ಐನ

4 ಯೆಸುನೆ ಗಪ್ಪಜ ಧರಿನ ಖಲಾಸ ಕರು ಕೈನ ಮ್ಹೊನಾ ಮ್ಹೊ ವಿಚಾರ
ಕರ್ರ್ಯೊ

ಬಾಕ್ಡಿ ಮೊಗಾನು ತೆಲ ತಿನಾ ಮಾತಾಪರ ರಿಚಾಯಲ

5 ವರಿಬಿ ಸನ್ನಮಾ ಧರುನ್ನೆ ಕೈನ, ಅಪ್ಪಾ ಮನಕ್ಲೊಮಾ ಗದ್ದಲ ಧಾವಸ
ಕೈನ ಬೊಲ್ಲಿದ್ದ್ಯಾ

6 ಯೆಸು ಬೆಥಾನ್ಯಮಾ ಸಿಮೊನ ಕೈನ ಕವಾಲಾ ಕುಷ್ಕರೊಗಿನಾ
ಘರ್ಮಾ ಖಾವಾಹುತಿ ಬೈಟಲ ಟೈಮ್ಮಾಯಕ್ಲಿ ಬಾಕ್ಡಿ

7 ಘನ್ನು ಮೊಗು ಬಾಸನು ತೆಲನಿ ಭರ್ಣಿ ಲೈನ ತಿಕನಾ ನಜಿಕ ಐನ ತೆ
ತೆ ತಿನಾ ಮಾತಾಪರ ರಿಚೈ

8 ಶಿಶ್ಯಾ ಎ ಕ್ಕಾರು ದೆಇಮ್ಮ ಸುಕ್ವಿಜಿ ಖರ್ಚ ಕರಾನು ಕಾ?

9 ಎ ತೆಲ ಮೊಗು ಇಕ್ಕಿನ ಗರಿಬೊನೆ ದಿವಾನೆ ಧಾತುತೊ ಕದ್ಯಾ

10 ಯೆಸುನೆ ಎ ಗ್ವತ್ತ ಧಾತಾಮಾ ತ್ಯುನೊನೆ , ಎ ಬಾಕ್ಡಿನೆ ಕಾ ತ್ರಾಸ
ಕರಾಡ್ಯಾಸ? ಎ ಮನೆ ಚೊಕು ಕಾಮ ಕರಿಸ.

11 ಗರಿಬೊ ಹಮೆಶಾಬಿ ತುಮಾಕ್ವಾತೆ ರ್ವಪಸ್ತೊ, ಮಿ ತುಮಾರಾ ಕ್ವಾತೆ ಹಮೆಶಾಬಿ ರ್ವತೊ ನೈ.

12 ಎ ಬಾಕ್ಸಿ ಎ ತೆಲ ಮಾರಾ ಅಂಗ್ವರ ರಿಚಾಯಲ ಮಾರಾ ಉತ್ತರ ಕ್ರೆಯೆನೆ ವ್ಹೈ.

13 ಮಿ ತುಮೊನೆ ಕ್ವರಿಮಾಜ ಕೌಸ, ಎ ಸುವಾರ್ತೆ ಕ್ವಾರಿ ದುನಿಯಾಮಾ ಕವಸ ತ್ಯಾತ್ಯಾ ಎ ಬಾಕ್ಸಿನಾ ಹುತಿ ಶೆ ಕರಸ.

14 ತೆಳಾಮ ಬಾರಾ ಶಿಶ್ಯಾವೊಮಾನೊ ಯಕ್ಲೊ ರ್ವಯಲ ಇಸ್ಕರಿಯುತ ಯುದ ಕವಾಲೊ ಖಾಸ ಯಾಜಕೊಕನ ಗೈನ,

15 ಮಿ ತಿನೆ ಧರಿನೆ ದಿವಾನೆ ತುಮೊನೆ ಮದತ ಕರ್ರೊಮ ಮನೆ ತುಮೆ ಸು ದಿವೊಶಿ? ಕದ್ಯೊ ತಿವ್ವೆ ತಿನೆ ಮುವತ್ತ ರುಪ್ಪಾನಾ ಬಿಲ್ಲಾ ದಿದ್ಯಾ.

16 ತೆಳಾಮಾತಾ ತಿವ್ವೆ ತಿನೆ ಧರಾನಾ ಹುತಿ ಮೌಕೊ ದೆಕಾಡ್ಯಾ.

ಯೆಸು ತಿನಾ ಶಿಷ್ಯಾವೊನಾ ಕ್ವಾತೆ ಲಾಸ್ವಸಲಾ ಖಾದಲ

(ಮಾರ್ಕ 14:12-31; ಲುಕ 22:21-26; ಯೊಹಾನ 13:21-26)

17 ಖಾಟೊ ನೈಸೊ ರೊಕ್ಲಾನೊ ಸನ್ನಾ ಪೈಲಾನಾ ದಿನ್ಮಾ ಶಿಶ್ಯಾ ಯೆಸುಕನ ಐನ, ಪಸ್ಕನು ಅನ್ನ ಖಾವಾನಾ ಹುತಿ ಹಮೆ ತುನೆ ಕಿಚಾ ತಯ್ಯಾರ ಕರುಕ್ಯೆನ ಛೆ ಕೈನ ಪುಚ್ಚ್ಚಾ.

18 ತೆ ತ್ಯುನೊನೆ ಗಾಮ್ತಾ ಗ ಮಿ ಕವದಲವಾಲಾಕನ ಗೈನ ತಿನೆ, ಮಾರೊ ಟೈಮ ನಜಿಕ ಆಯೊಸ , ಮಿ ಮಾರಾ ಶಿಶ್ಯಾವೊನಾ ಕ್ವಾತೆ ಪಸ್ಕ ಸನ್ನ ಕರುಸ ಕೈನ ಗುರು ಕವಾಡ್ಯೊಸ ಕೈನ ಕವೊ ಕದ್ಯೊ.

19 ಶಿಶ್ಯಾ ಯೆಸು ಕದಲ ತಿಮ್ಮಜ ಪಸ್ಕಾನು ಅನ್ನ ತಯ್ಯಾರ ಕರ್ರಾ.

20 ಕ್ವಾಂಜ ಧಾತಾಮಾ ತಿನಾ ಬಾರಾ ಶಿಶ್ಯಾವೊನಾ ಕ್ವಾತೆ ಖಾವಾನು ಹುತಿ ಬೈಟ್ಯೊ.

21 ತ್ಯುನೆ ಅನ್ನ ಖಾತಾಮಾ ತೆ , ತುಮೊನೆ ಕ್ವರಿಮಾಜ ಕೌಸ ತುಮಾಮಾ ಯಕ್ಲೊ ಮನೆ ಧರೈನ ದಿವಸ ಕೈನ ಕದ್ಯೊ.

22 ತೆಳಾಮಾ ತ್ಯುನೆ ಘನ್ನಾ ದುಖಿ ಧೈನ ಕರ್ತಾ, ಮಿ ವ್ಹೈ ಸು? ಕೈನ ಹರಿಯಕ್ಲೊ ಪುಚ್ಚಾನು ಶುರುಕರ್ರಾ.

23 ತೆನ್ನೈಸೊ ಯೆಸು, "ಕುಂಡಾಮಾ ಮಾರಾ ಕ್ವಾತೆ ಹತ್ತ ಡುಬಾಲಯವಾಲೊ ಮನೆ ಧರಿನ ದಿವಾಲೊ.

24 ಮನಕ್ವನೊ ದಿಕ್ರೊ ತಿನಾ ವಿಷಯಮಾ ಬರದಲ ನಿಂಗತ ಗೈಪಡಸ; ತೆನ್ನೈಸೊ ಕುನಬಿ ಮನಕ್ವನಾ ದಿಕ್ರಾನೆ ಧರಿನ ದಿವಸ್ತೊ ತಿನೆ ಆಯೊ. ತೆ ಮನಕ್ವನೈ ಹುಟ್ಟಾರೆ ಕೆಕ್ಕಕಿ ಚೊಕೊ ರ್ಡ್ವತುತು ಕದ್ಯೊ.

25 ತೆಳಾಮಾ ತಿನೆ ಧರಿನ ದ್ಯುಸ ಕೈನ ಕವಾಲೊ ಯುದಾ, ಪ್ರಭು ಮಿಜ ವ್ಹೈ? ಕೈನ ಪುಚ್ಚಾಮಾ ಯೆಸು ತಿನೆ, ತು ತಿಮ್ಮ ಕದ್ಯೊತೊ ಕೈನ ಕದ್ಯೊ.

26 ತ್ಯುನೆ ಅನ್ನ ಕ್ವಾತಾ ಟೈಮ್ಮಾಯೆಸು ರೊಕ್ಕೊಲಿನ ಕ್ವದಾನೆ ಸ್ತೊತ್ರಾ ಕರಿನ ತೆ ತೊಡಿನ ಶಿಶ್ಯಾವೊನೆ ದಿನ, ಕಾಡಿಲಿವೊ, ಕ್ವಾವೊ, ಎ ಮಾರು ಅಂಗ ವ್ಹೈ ಕದ್ಯೊ.

27 ಪಾಚಲ್ತೊ ಪಾನಿನೊ ತಾಂಬ್ಯೊಲಿನ ಸ್ತೊತ್ರಾ ಕರಿನ ತ್ಯುನೊನೆ ದಿನ ಅಮಾ ರ್ಡ್ವಾನೊ ಕ್ವಾರಾಜನಾ ಪಿವೊ; ಎ ಮಾರು ರಗತ ವ್ಹೈ.

28 ಎ ಮಾರು ರಗತ ವ್ಹೈ ಪಾಪ ಮಾಫನಾಹುತಿ ಘನ್ನಾ ಮನಕ್ವೊನಾ ಹುತಿ ಚುವಾಯಲ ರಗತ.

29 ಮಿ ಮಾರಾ ಬಾನಾ ರಾಜ್ಯಮಾ ತಾರಾ ಕ್ವಾತೆ ನವು ದ್ರಾಕ್ಷರಕ್ವ ಪಿವಾನಾ ದಿನ್ನ ಲಕ್ವಾ ಹಜುನ ಎ ಪಿತೊಜ ನೈ ಕೈನ ಮಿ ತುಮೊನೆ ಕೌಸ ಕದ್ಯೊ.

30 ತೆ ಥಯಲ್ಪರ ತ್ಯುನೆ ಕಿರ್ತನೆನು ಗಿದ್ದ ಕದಲ್ಪರ ತೆಲನಾ ಝಾಡೊನಾ ಡೊಂಗರ್ಪರ ಗೈಪಡ್ವಾ.

31 ತೆಳಾಮಾ ಯೆಸು, ತ್ಯುನೊನೆ, ಕುರಬುರ್ರಾನೆ ಮಾರುಸ; ಹಿಂಡನಾ ಬಕ್ರಾ ಭಿಕ್ವರೈ ಜಾವಸ ಕೈನ ಬರದಲ ನಿಂಗತ ತುಮೆ ಕ್ವಾರಾ ಆ ರಾತೆ ಮಾರಾ ವಿಷಯಮಾ ಪಾಚಾ ಸರಕಸ.

32 ತೆನ್ನೈಸೊ ಮಿ ಜ್ಯುತ್ಯೊ ಥೈನ ಉಟಲ್ಪರ ತುಮಾರಾತಿ ಪೈಲಾಜ ಗಲಿಲಾಯನೆ ಜಾವಸ ಕೈನ ಕದ್ಯೊ.

33 ತೆನ್ನೈಸೊ ಪೆತ್ರಾ ತಿನೆ, ಕ್ವಾರಾಜನಾ ಮಾರಾ ವಿಷಯಮಾ ಘಾಬ್ರಾಥೈನ ಪಾಚಾ ಸರಕ್ವಾ ಮಿತೊ ಕೆಳಾಮಾಜ ಪಾಚೊ ಸರಕ್ವೊ ನೈ ಕೈನ ಉತ್ತರ ದಿದ್ಯೊ.

34 ಯೆಸು ಪೆತ್ರಾನೆ, ತುನೆ ಕ್ಹರಿಜ ಕೌಸ, ಎಜ ರಾತಮಾ ಕುಕ್ಕೊ ಬಾಂಗದಿವಾತಿ ಪೈಲಾಜ ತು ಮನೆ ತನ್ನ ಸಲಾ ಒಪ್ಪಿಲೆತೊ ನೈಕೈನ ಕದ್ಯೊ.
 35 ಪೆತ್ರಾ ತಿನೆ ಮಿ ತಾರಾ ಕ್ಹಾತೆ ಮರಣ ಆಯುತಬಿ ಮಿ ತುನೆ ಇನ್ನಾರ್ತೊ ನೈಕೈನ ಕದ್ಯೊ.

ಯೆಸು ಗೆತ್ತೆಮನೆ ಮಳಾಮಾ ಪ್ರಾಥನಾ ಕರಲ

(ಮಾರ್ಕ 14:32-50; ಲುಕ 22:39-46; ಯೊಹಾನ 18:1-12)

36 ತೆ ಥಯಲ್ಪರ ಯೆಸು ತಿನಾ ಶಿಶ್ಯಾವೊನಾ ಕ್ಹಾತೆ ಗೆತ್ತಮನೆ ಮಳಾಮಾ ಐನ ತ್ಯುನೊನೆ, ನ್ಹಾಜ್ಜ ಬೈಟೊ, ಮಿ ಬಿಜಿಬಗಲ ಗೈನ ಪ್ರಾಥನಾ ಕರುಸ ಕೈನ,

37 ಪೆತ್ರಾನೆ ಜೆಬೆದಾಯನಾ ಭಂಬಿ ದಿಕ್ರಾವೊನೆ ಅಗೊ ಬಲೈಲಿನ ಗೈನ ದುಖಿ ಥೈನ ಮನಸ ದುಖಕರ್ಲಿದ್ಯೊ.

38 ವರಿ ತ್ಯುನೊನೆ ಮಾರಾ ಜಲಮ ಮರಾನಾ ಯಕ್ಲ ದುಖಮಾ ಪಡ್ಯುಸ; ತುಮೆ ನ್ಹಾಜ್ಜ ರ್ಹೈನ ಮಾರಾ ಕ್ಹಾತೆ ಹುಶಾರ ರ್ಹವೊ ಕೈನ ಕದ್ಯೊ.

39 ತೆ ದಕ್ಕೊ ಅಗೊ ಗೈನ ಉಂದೊ ಪಡಿನ, ಮಾರಾ ಬಾ, ತುಕನ ಸಾದ್ಯಥಯುರೆ ಎ ತ್ರಾಸನೊ ಘಡೊ ಮನೆ ಛೊಡಿನ ಜಾವಾದೆ; ತೆನ್ನೆಸೊ ಮಾರಿ ಚಿತ್ತನಾ ಪ್ರಕಾರ ಥಯಾವಾಚಿ ತಾರಿ ಚಿತ್ತ ಲಿಂಗತಜ್ಜ ಥಾವಾದೆ ಕೈನ ಕ್ಹುದಾನೆ ಪ್ರಾರ್ಥನಾ ಕರೊ.

40 ಪಾಚ್ಲೊ ತೆ ಶಿಶ್ಯಾವೊಕನ ಜಾತಾಮಾ ತ್ಯುನೆ ನಿಂದರ ಕರಾನು ದೆಕಿನ ಪೆತ್ರನೆ, ಯಕ್ಲ ಟೈಮತುಬಿ ಮಾರಾ ಕ್ಹಾತೆ ಹುಶಾರ ರ್ಹತಾ ನೈಸು?

41 ಶೊದನೆಮಾ ಮ್ಹೈ ಥಯಾ ಬಗರ ಹುಶಾರ ರ್ಹೈನ ಪ್ರಾರ್ಥನಾ ಕರೊ; ಆತ್ಮಾಸಿದ್ಧ ಥೈಸ ತೆನ್ನೆಸೊ ಅಂಗ ಬಲಹಿನ ಥಯುಸ ಕೈನ ಕದ್ಯೊ.

42 ಫರಿನ ಬೆವಾಸಲಾ ಗೈನ, ಮಾರಾ ಬಾ, ಮಿ ತ್ರಾಸ ಖಾದ್ಯಾ ಬಗರ ಎ ತ್ರಾಸ ಮನೆ ಛೊಡಿನ ಜಾತು ನೈಕವಾನು ರ್ಹಯಮ ತಾರಿ ಚಿತ್ತ ಲಿಂಗತ ಥಾವಾದೆ ಕೈನ ಕ್ಹುದಾನೆ ಪ್ರಾರ್ಥನಾ ಕರೊ.

43 ತೆ ಫರಿನ ಆಯಲ್ಪರ ತ್ಯುನೆ ನಿಂದರ ಕರಾನು ದೆಕ್ಕೊ; ತ್ಯುನಾ ಡೊಳಾ ವಜ್ಜಾಥಯಾತಾ.

44 ತೆ ಧಯಲ್ಪರ ವರಿ ತ್ಯನೊನೆ ಛೊಡಿನ ಗೈನ ಫರಿನ ತೆಜ್ಜ ವಾತೊ ಕತೊ ತನ್ವಾ ಸಲಾಬಿ ಪ್ರಾರ್ಥನಾ ಕರ್ಯ್.

45 ಪಾಚಲ್ಲೊ ತೆ ಶಿಶ್ಯಾವೊಕನ ಐನ ತ್ಯನೊನೆ, ತುಮೆ ಹಜ್ಜುನ ನಿಂದರ ಕರಿನ ಆರಾಮ ಕರಾಡಾಸ ಸು; ದೆಕೊ, ತೆ ಟೈಮ ನಜಿಕ ಆಯುಸ, ಹಮ್ಮಾ ಮನಕ್ವನೊ ದಿಕ್ರೊ ಪಾಪಿಸ್ತೊನಾ ಹತೆ ಒಪ್ಪಾಲಗಾಡಸ.

46 ಉಟೊ, ಗಯ್ಜೆ; ಮನೆ ಧರೈನ ದಿವಾಲೊ ನಜಿಕ ಆಯೊಸ ದೆಕೊ ಕೈನ ಕದ್ಯೊ.

ದುಶ್ಮನೊ ಯೆಸುನೆ ಧರಲ

47 ಯೆಸು ಹಜ್ಜುನ ಬೊಲ್ಲೊ ರ್ಹತಾಮಾಜ, ಬಾರಾ ಶಿಶ್ಯಾವೊಮಾ ಯಕ್ಲೊ ಧಯಲ ಯುದ ಆಯೊ. ಕ್ವಾಸ ಯಾಜಕೊನಾ ವರಿ ಮನಕ್ವೊನಾ ಶಾನಾವೊಕಂತಾ ಘನ್ನಾ ಜನಾವೊನು ಗುಂಪ ಚಾಕಾ, ಗುಂಡಕಾ ಲಿನ ತಿನಾ ಕ್ವಾತೆ ಆಯಾ.

48 ತೆಜ್ಜ ನೈಸೊ ತಿನೆ ಧರಿನ ದಿವಾಲೊ ತ್ಯನೊನೆ, ಮಿ ಕಿನೆ ಮಟ್ಟಿದ್ಯುಸ ತೆಜ್ಜ ತೆ ವ್ಹೈ; ತಿನೆ ಧರೊ ಕೈನ ಪೈಲಾಜ ಕದ್ಯೊತೊ.

49 ತೆಳಾಮಾಜ ತೆ ಯೆಸುಕನ ಐನ, ಗುರು ನಮಸ್ಕಾರ ಕೈನ ತಿನೆ ಮಟ್ಟಿ ದಿದ್ಯೊ.

50 ತೆಳಾಮಾ ಯೆಸು ತಿನೆ, ದೊಸ್ತ, ತು ಶಾನೆ ಆಯೊಸ ಕೈನ ಕದ್ಯೊ ತ್ಯನೆ ನಜಿಕ ಐನ ಯೆಸುನಾ ಉಪ್ಪರ ಹತ್ತ ಫಾಲಿನ ತಿನೆ ಧರ್ಯ್.

51 ಯೆಸುನಾ ಕ್ವಾತೆ ರ್ಹಯಲಮಾ ಯಕ್ಲೊ ಹತ್ತ ಚಾಚಿನ ತಿನು ಚಾಕು ಕಾಡಿನ ಮಹಾಯಾಜಕನಾ ಆಳನೆ ಮಾರಿನ ತಿನು ಕಾನ ಕತ್ರಿಪಡ್ಲೊ.

52 ತೆಳಾಮಾ ಯೆಸು ತಿನೆ, ತಾರು ಚಾಕು ಫರಿನ ಮ್ಯಾನಮಾ ಫಾಲ; ಚಾಕು ಧರ್ಯಲವಾಲಾ ಕ್ವಾರಾ ಚಾಕಾಕ್ವುನಾಶ ಥಾವಸ.

53 ಮಿ ಮಾರಾ ಬಾನೆ ಮಾಂಗಿ ನೈಲೆಸಕ್ಲೊ ಸು, ಮಾಂಗಿಲಿದ್ಯೊಮ ತೆ ಮನೆ ಹಮ್ಮಾಜ್ಜ ಬಾರಾ ಗುಂಪತೊಬಿ ಜಾಸ್ತ ಜನಾ ದೆವದುತೊ ನೈ ವಳಾತೊ ನೈ ಕೈನ ವಿಚಾರ ಕರ್ತಿಸು?

54 ವಳಾಯೊಮ ಮನೆ ಅಮ್ಮ ತಿಮ್ಮ ಥೌ ಕವಾನಾ ಶಾಸ್ತ್ರನಾ ವಾತೊ ಪುರಾ ಥಾವಾನುತಬಿ ಕಿಮ್ಮವ್ವೆ? ಕೈನ ಕದ್ಯೊ.

55 ತೆಜ್ಜ ಟೈಮಮಾ ಯೆಸು ಗುಂಪ ಥೈನ ಆಯಲ ಮನಕ್ಕೊನೆ, ಚ್ಚಟ್ಟಾನೆ ಧರಾನೆ ಆಯೆ ಲಿಂಗತ ಚಾಕಾ ಗುಂಡಕಾ ಲಿನ ಮನೆ ಧರಾನಾಹುತಿ ಆಯಾಸ ಸು? ಮಿ ಹರ ದಿನ್ನ ದೆವಾಲಯಮಾ ಬೈಟಿನ ಬೊದನೆ ಕರತ್ತಮಾ ತುಮೆ ಮನೆ ಧರತ್ತಾ ನೈತೊ.

56 ತೆನ್ನೈಸೊ ಪ್ರವಾದಿಯೊ ಬರ್ದಲ ವಚನಾ ಪುರಾ ಥಯೆ ಲಿಂಗತ ಎ ಕ್ಹಾರು ಥಯು ಕೈನ ಕದ್ಯೊ. ತೆಳಾಮಾ ಕ್ಹಾರಾ ಶಿಶ್ಯಾ ತಿನೆ ಛೊಡಿನ ನ್ಹಾಟಿ ಗಯಾ.

ಯೆಸು ತ್ರಾಸ ಖಾದಲ

57 ಯೆಸುನೆ ಧರಲವಾಲಾ ತಿನೆ ಮಹಾಯಾಜಕ ಥಯಲ ಕಾಯಫಕನ ಬಲೈಲಿನ ಗಯಾ, ತ್ಯಾ ಶಾಸ್ತ್ರಿಯೊ ಶಾನಾ ಮಳಿನ ಆಯಾತಾ.

58 ತೆನ್ನೈಸೊ ಪೆತ್ರಾದುರತೊ ತಿನೆ ಪಾಚೊಲಾಗಿನ, ಮಹಾಯಾಜಕನಾ ಭವನನಾ ಅಂಗಳಾಮಾ ಮ್ಹೈ ಐನ ತಿನೆ ಸು ಥಾವಸ ದೆಕು ಕೈನ ಸೈನಿಕೊನಾ ಕ್ಹಾತೆ ಬೈಟ್ಕೊ.

59 ತೆಳಾಮಾ ಕ್ಹಾಸ ಯಾಜಕೊ ಮ್ಹೊಟಿ ಸಬೆವಾಲಾ ಕ್ಹಾರಾ ಯೆಸುನೆ ಖಲಾಸ ಕರೌ ಕೈನ ತಿನಾ ಉಪ್ಪರ ಸುಳ್ಳ ಸಾಕ್ಷಿಯೊ ಹುಡಕ್ಯಾ; ತೆನ್ನೈಸೊ ಘನ್ನಾ ಜನಾ ಸುಳ್ಳ ಸಾಕ್ಷಿಯೊ ಅಗಾ ಆಯಾತಬಿ ಸುಜ್ಜ ಮಳ್ಳು ನೈ.

60 ಪಾಚಲ್ತಾ ಬೆ ಜನಾ ಕ್ಹಾಮಾ ಐನ,

61 ಮಿ ಕ್ಹುದಾನಿ ಆಲಯ ಕೆಡಶಿನ ತನ್ನ ದಿನ್ನಮಾ ಫರಿನ ಭಾಂದಸಕುಸ ಕೈನ 'ಎ ಮನಕ್ಹ ಕದ್ಯೊ' ಕದ್ಯಾ;

62 ತೆಳಾಮಾ ಮಹಾಯಾಜಕ ಉಟಿನ ಹುಬ್ಬೈನ, ತು ಸು ನೈ ಕತೊ ಸು? ಇವ್ವೆ ತಾರಾ ಉಪ್ಪರ ಫಾಲಾನಾ ಆರೊಪ ಕ್ಹರಿಜ್ಜ ವ್ಹೈಸು? ಕೈನ ತಿನೆ ಪುಚ್ಚೊ. ತೆನ್ನೈಸೊ ಯೆಸು ಗಪ್ಪ ಚುಪ್ಪ ವ್ಹತ್ತೊ.

63 ಮಹಾಯಾಜಕ ಯೆಸುನೆ, ತುನೆ ಜಿವ್ವೊ ರ್ಹಯಲ ಕ್ಕುದಾನಾ ಉಪ್ಪರ ಖಮ್ಮ ಫಾಲಿನ ಪುಚ್ಚಾಡೊಸ; ತು ಕ್ಕುದಾನೊ ದಿಕೊ ಥಯಲ ಕ್ರಿಸ್ತ ರ್ಹಯೊಮ, ಹಮೊನೆ ಕೌ ಕೈನ ಕದ್ಯೊ.

64 ಯೆಸು ತಿನು ಜವಾಬ ದಿನ, ತು ಕವಾಡೊಸ; ತೆನ್ನೆಸೊ ಮಿ ತುಮೊನೆ ಕವಾನು ಸುವೈ ಕದ್ಯಾಮ, ಇನಾ ಉಪ್ಪರ ಮನಕ್ಟನೊ ದಿಕೊ ಸರ್ವಶಕ್ತನಾ ಸಿದಾ ಬಗಲ ಬೈಟಲ ರ್ಹವಾನು, ಹಬಾಳನಾ ಉಪ್ಪರ ಬೈಟಿನ ಆವಾನು ದೆಕೊಶಿ ಕೈನ ಕದ್ಯೊ.

65 ತೆಳಾಮಾ ಮಹಾಯಾಜಕ ತಿನಾ ವಣ್ಣಾ ಫಾಡಿಲಿನ, ಎ ಕ್ಕುದಾನಿ ದುಷಣೆನಾಹುತಿ ಬೊಲ್ಯೊಸ; ಹಮೊನೆ ಸಾಕ್ಷಿಯೊ ವರಿ ಶಾನೆ ಫಾಯೆ? ದೆಕೊ ಎ ಹಮ್ಮಾ ಕದಲ ದುಷಣೆನಿ ವಾತ ಐಕ್ಯಾಸತೊ;

66 ತುಮೊನೆ ಕಿಮ್ಮ ಲಾಗಸ? ಕತಾಮಾ, ಇ ಮರಣನಿ ಶಿಕ್ಷಾನೆ ಲಾಯಕ ವ್ವೈ ಕೈನ ತ್ತುನೆ ಉತ್ತರ ದಿದ್ಯಾ.

67 ತೆಳಾಮಾ ತ್ತುನೆ ತಿನಾ ಮ್ಹೊಡಾನಾ ಉಪ್ಪರ ಗುದ್ಯಾ; ದಕ್ಖಾ ಜನಾ ತಿನಾ ಗಾಲೆ ಮಾರಿನ,

68 ಕ್ರಿಸ್ತ, ತುನೆ ಮಾರ್ಶಲವಾಲಾ ಕುನ್ನ ವ್ವೈ? ಹಮೊನೆ ಪ್ರವಾದನೆ ಕೆ ಕದ್ಯಾ.

ಪೆತ್ರಾ ಯೆಸು ಮನೆ ಗ್ವತ್ತ ನತ್ತಿ ಕೈನ ಕದ್ಯಲ

69 ತೆಳಾಮಾ ಪೆತ್ರಾ ಭಾರೊ ಅಂಗ್ಯಾಮಾ ಬೈಟ್ಯೊತೊ. ತ್ಯಾ ಯಕ್ಕ ದಾಸಿ ತಿಕನ ಐನ, ತುಬಿ ಗಲಿಲಾಯಮಾ ಯೆಸುನಾ ಕ್ಹಾತೆ ರ್ಹಯಲವಾಲೊ ವ್ವೈ ನೈ ಕತಾಮಾ.

70 ತೆ ಇನ್ನಾರ ಕರಿನ, ತು ಕವಾಡೊಸ ಮನೆ ಗೊತ್ತ ನತ್ತಿ ಕೈನ ಕ್ಹಾರಾ ಜನಾವೊಕನ ಕದ್ಯೊ.

71 ತೆ ತ್ಯಾಂತ್ಯೊ ಬಾಕಲನ ಭಾತಾಮಾ ಹಜಿಯಕ್ಕಿ ದಾಸಿ ತಿನೆ ದೆಕಿನ ತ್ಯಾ ರ್ಹಯಲವಾಲಾವೊನೆ, ಆ ನಜರೆತನೊ ಯೆಸುನಾ ಕ್ಹಾತೆ ರ್ಹಯಲವಾಲೊ ವ್ವೈ ಕೈನ ಕದಿ.

72 ತೆ ಫರಿನ ಇನ್ನಾರ ಕರಿನ ಕ್ಹಮ್ಮ ಫಾಲಿನ, ತೆ ಮನಕ್ಟನೆ ಕುನ್ನ ವ್ವೈ ಕವಾನು ಕೈನ ಕದ್ಯೊ.

73 ದಕ್ಕೊ ಟೈಮ ಧಾತಾಮಾ ತ್ಯಾ ಹುಬ್ರೆಲವಾಲಾ ಕ್ಹಾಮಾ ಐನ ಪೆತ್ರಾನೆ, ನಿಶ್ಚಯಥೈನ ತುಬಿ ತ್ಯುನಾಮಾ ಯಕ್ಲೊವೈ ತಾರಿ ಜಾತ ತುನೆ ಗಲಿಲಾಯಲವಾಲೊ ವೈ ಕೈನ ದೆಕ್ಲಾಡಿನ ದಿವಸ ಕೈನ ಕತಾಮಾ

74 ತೆ, ಶಾಪ ಫಾಲ್ಲಿಲಿವಾನಾಹುತಿ ಶುರು ಕರಿನ ಕ್ಹಮ್ಮಫಾಲಿನ, ತೆ ಮನಕ್ಹಕುನ್ನವೈ ಕವಾನು ಮೆ ಗ್ವತ್ತ ನತ್ತಿ. ಕೈನ ಕದ್ಯೊ ತೆಳಾಮಾ ಕುಕ್ಲೊ ಬಾಂಗ ದಿದ್ಯೊ

75 ಪೆತ್ರಾನೆ ಯೆಸು, ಕುಕ್ಲೊ ಬಾಂಗ ಲಿವಾತಿ ಪೈಲಾಙ್ ತನ್ನ ಸಲಾ ಮನೆ ಇನ್ನಾರ ಕರಿನ ಕಸಿ ಕೈನ ಕದಲ ವಾತನೆ ಸ್ತೊ ಕರಲಿನ ಭಾರಾ ಗೈನ ಘನ್ನೊ ದುಖ ಪಡ್ತಿನ ರೊಯೊ.

27

ಯುದ ಪಶ್ಚಾತಾಪ ಪಡಿನ ಪಾಕ್ಲೊಫಾಲ್ದಿಲ

1 ಪಾಟಿ ಧಾತಾಮಾ ಕ್ಹಾರಾ ಕ್ಹಾಸ ಯಾಜಕೊ, ಶಾನಾ ರ್ಹಯಲ ಮನಕ್ಹೊಯೆಸುನೆ ಕಲಾಸ ಕರು ಕೈನ ಪ್ಲ್ಯಾನ ಕರಾ

2 ತಿನೆ ಭಾಂದಿನ ಬಲೈಲಿನ ಗೈನ ದೆಶಾದಿಪತಿ ಥಯಲ ಪೋನಡ್ಯ ಪಿಲಾತಕನ ಒಪ್ಪಿನ ದಿದ್ಯಾ

3 ತೆಳಾಮಾ ತಿನೆ ಮೊಸಕ್ಹು ಧರೈನ ದಿದಲ ಯುದ ಯೆಸುನೆ ಮರವಾನಿ ಶಿಕ್ಷಾ ಥಯಲ ದೆಕಿನ , ಪಶ್ಚಾತಾಪ ಪಡಿನ ತೆ ಮುವತ್ತ ರುಪ್ಪಾನಾ ಬಿಲ್ಲಾ ಖಾಸ ಯಾಜಕೊನೆ ಷಾನಾವೊನೆ ವಾಪಾಸ ದಿಪಾಡ್ಯೊ

4 "ನಿರಪರಾಧಿನಿ ಮನಣಿನಿ ಶಿಕ್ಷಾನೆ ವಪ್ಪಿನ ದಿದಲ ಮಿ ಪಾಪ ಕರಾನ್ಯೊ ಕದ್ಯೊ ತೆಳಾಮಾ ತ್ಯುನೆ ಹಮೊನ ಸು ವೈ? ತುಙ್ಗ ದೆಕಿಲೆ ಕೈನ ಕದ್ಯಾ

5 ತೆಳಾಮಾ ತೆ ದೆವಾಲಯಮಾ ತೆ ರುಪ್ಪಾನಾ ಬಿಲ್ಲಾ ನಾಕಿನ ಗೈನ ಪಾಕ್ಲೊಫಾಲ್ದಿನ ಮರಿಗಯೊ.

6 ಖಾಸ ಯಾಜಕೊ ತೆ ರುಪ್ಪಾನಾ ಬಿಲ್ಲಾ ಲಿನ ಎ ಜಿವ ಹತ್ಯೆನೆ ದಿದಲ ಕಿಮ್ಮತ ರ್ಹಯಲಹುತಿ ಎ ಕಾಣಿಕೆನಿ ಪೆಟಗಿಮಾ ಫಾಲು ನೈ ಕದ್ಯಾ

7 ಪಾಚಾತಾ ವಿಚಾಲ ಕರಿನ ಬಿಜಾ ದೆಶವಾಲಾವೊನೆ ಮರಲವಾಲಾವೊನೆ ಮಜಾರ ಕರಾನಾ ಹುತಿ ತೆಜ ದೊಕ್ಕಾವೊಮಾ ತೆ ಜಗಾ ಲಿದ್ಯಾ

8 ಎನಾಹುತಿ ಹಜುನಲಕ್ಕಾಬಿ ತೆ ಖೆತರ್ನೆ ಜಲಮ ಕಾಡಲ ಖೆತರ ಕೈನ ನಾಮ ಟಿ.

9 ತೆ ಸುವೈಕ್ಕಾಮ ಇಸ್ರಾಯಲನಾ ಮನಕ್ಕೊಕ್ಕು ತಿನೆ ಫಯಸಲೊ ಕರಿನ ಕಿಮ್ಮತ ರ್ಲಯಲ ತೆ ರುಪ್ಪಾನಾ ಮುವತ್ತ ಬಿಲ್ಲಾ ಲಿನ, ಕರ್ತಾ ಮನೆ ಅಪ್ಪಣೆ ದಿದಲ ನಿಂಗತ

10 ತೆ ತ್ಯುನೆ ಕುಂಬಾರನಾ ಖೆತರ್ನೆ ದಿದ್ಯಾ ಇಮ್ಮ ಪ್ರವಾದಿ ಥಯಲ ಯೆರೆಮಿಯಾ ಕದಲ ವಾತ ಪುರಾ ಥೈ

ಪಿಲಾತನ ಯೆಸುನೆ ಮರ್ವಾನಿ ಶಿಫಾನೆ ವಪ್ಪಲ

(ಮಾರ್ಕ 15:2-5; ಲುಕ 23:3-5; ಯೊಹಾನ 18:33-38)

11 ಯೆಸು ದೆಶಾದಿಪತಿನಾ ಕ್ಲಾಮೊ ಹುಬೈತಾಮಾ ದೆಶಾದಿಪತಿ ತಿನೆ ತು ಯಹುದ್ದಿಯೊನೊ ರಾಜೊ ವ್ಹೈ ಸು?ಕೈನ ಪುಚ್ಚೊ ಯೆಸು ತಿನೆ ತುಜ ಕದ್ಯೊತೊ ಕೈನ ಕದ್ಯೊ

12 ವರಿ ಖಾಸ ಯಾಜಕೊ ಶಾನಾ ಮನಕ್ಕೊ ತಿಪರ ತಪ್ಪ ಗಾಲ್ತಾ ರ್ಲತಾಮ ತೆ ಸುಜ ಕದ್ಯೊನೈ

13 ತೆಳಾಮಾ ಪಿಲಾತನ, ತಾರಾ ವಿರುದ್ಧ ಯಕಲಿಯೊ ಸಾಕ್ಷಿ ಕವಾಡ್ಯಾಸ, ತುನೆ ಐಕು ನತ್ತಿ ಆವಾಡ್ಯಾಸು?ಕೈನ ಪುಚ್ಚೊ

14 ತೆನೈಸೊ ಪಿಲಾತನೆ ಸುಜ ಉತ್ತರ ದಿದ್ಯೊನೈ ತೆಳಾಮಾ ಪಿಲಾತನ ಘನ್ನೊ ಘಾಬ್ರೊ ಥಯೊ.

15 ತೆನೈಸೊ ತೆ ಸನ್ನಮಾ ಮನಕ್ಕೊ ಆಸ ಕರಾನಾ ಜೈಲಮಾ ರ್ಲಯಲವಾಲಾನೆ ತ್ಯುನೆ ಛೊಡಾನು ದೆಶನಾ ಅದಿಪತಿನಿ ಪದ್ಧತ ವ್ಹತ್ತಿ.

16 ತೆ ಟೈಮಮಾ ಬರಬ್ಬ ಕವಾನೊ ಪ್ರಸಿದ್ಧ ರ್ಲಯಲ ಯಕ್ಕ ಕೈದಿ ವ್ಹತ್ತೊ.

17 ಇಮ್ಮರ್ದತಾಮಾ ತ್ಯನೆ ಮಳಿನ ಆಯಲ ಟೈಮಮಾ ಪಿಲಾತನ, ತುಮಾರಾಹುತಿ ಕಿನೆ ಛೊಡು ಕೈನ ಆಸ ಛೆ? ಬರಬ್ಬನೆ ಸು ತೆನ್ನೆಸೊ ಕ್ರಿಸ್ತ ಕೈನ ಕವೈಲಿವಾಲಾ ಯೆಸುನೆ ಸು? ಕೈನ ತ್ಯನೊನೆ ಪುಚ್ಚೊ.

18 ಕಾಕದ್ಯಾಮ ತ್ಯನೆ ತಿಪರ ವಿರುದ್ಧ ರ್ಡಯಲಕ್ಕು ಇಮ್ಮಕರ್ರಾಸ ಕೈನಪಿಲಾತನನೆ ಗ್ವತ್ತ ವ್ವತ್ತು.

19 ತೆನ್ನೆಸೊ ತೆ ಪೈಸೊ ಕರಾನಾ ಕಟ್ಟಾಪರ ಬೈಟಲ ಟೈಮಮಾ ತಿನಿ ಬೈಕೊಬಿ, ತು ತೆ ನಿತಿವಂತನಾ ಮನಕ್ಕನಾ ಉಸಾಬರಿನೆ ಜೌ ನಕೊ; ತಿನಾಹುತಿ ತೆ ಟೈಮಮಾ ಕ್ವಪನಮಾ ಘನ್ನಿತ್ರಾಸ ಖಾದಿಸ ಕೈನ ತಿಕನ ಗೈನ ಸುದ್ದಿ ಕೈನ ಮೊಕ್ಕಿ.

20 ತೆನ್ನೆಸೊ ಕ್ವಾಸ ಯಾಜಕೊ ಶಾನಾ ಬರಬ್ಬನೆ ಛೊಡು ಕೈನ ಮಾಂಗಿಲಿವಾನೆಬಿ ಯೆಸುನೆ ಖಲಾಸ ಕರು ಕೈನ ಐಕು ಆಯೆಲಿಂಗತ ಮನಕ್ಕೊನೆ ಕೈನ ದಿದ್ಯಾ.

21 ತಿನಾಹುತಿ ದೆಶನೊ ಅದಿಪತಿ ತ್ಯನೊನೆ, ಎ ಬೆ ಭನಾವೊಮಾ ಕಿನೆ ತುಮಾರಾಹುತಿ ಛೊಡು ಕೈನ ಕವೊಶಿ? ಕೈನ ಪುಚ್ಚಾಮಾ ತ್ಯನೆ ಬರಬ್ಬನೆ ಕದ್ಯಾ.

22 ಪಿಲಾತನ ತ್ಯನೊನೆ, ತಿಮ್ಮರ್ದಯಾಮ ಕ್ರಿಸ್ತ ಕೈನ ಕವೈಲಿವಾನಾ ಯೆಸುನೆ ಮಿ ಸು ಕರು? ಕೈನ ಪುಚ್ಚಾಮಾ ಕ್ವಾರಾ ಭನಾ, ತಿನೆ ಶಿಲುವಿಪರ ಫಾಲಾಲಗಾಡ ಕದ್ಯಾ.

23 ತಿನಾಹುತಿ ತೆ ಕಾ ಆಂ ಕರಲ ಅಪರಾದತಬಿ ಸು ವ್ವೈ? ಕದ್ಯೊ ತೆನ್ನೆಸೊ ತ್ಯನೆ, ತಿನೆ ಶಿಲುವಿಪರ ಫಾಲಾಲಗಾಡ ಕೈನ ಘನ್ನಾ ಅಡ್ಯಾ.

24 ಮನಕ್ಕೊನು ಮನಸ ಬದ್ಲಿ ಕರಾನೆ ತಿನೆ ನೈ ಧಾತು ಕೈನ ಮನಕ್ಕೊ ವದ್ರಾನು ಚಾಲು ಕರಸ ಕವಾನು ತಿಳ್ವಿಲಿದಲ ಪಿಲಾತನ ದಕ್ಕುಪಾನಿ ಲಿನ ಕ್ವಾರಾ ಮನಕ್ಕೊನಾ ಕ್ವಾಮೊ ತಿನಾ ಹತೊ ಧ್ವೈಲಿತೊ, "ಎ ಮನಕ್ಕನಾ ಮರಣನೆ ಮಿ ಜವಾಬ್ದಾರ ನ್ವವೈ ತಿನೆ ಶಿಲುವಿಪರ ಫಾಲಾಲಾ ತುಮೆಜ್ಜ ವ್ವೈ!" ಕೈನ ಕದ್ಯೊ.

25 ಕ್ವಾರಾ ಮನಕ್ಕೊ "ತಿನಾ ಮರಣನೆ ಹಮೆಜ್ಜ ಜವಾಬ್ದಾರ ವ್ವೈ ತಿನಾ ಮರಣನೆ ಕಯುತಬಿ ಶಿಕ್ಷಾ ರ್ಡಯಾಮ ತಿನೆ ಹಮೆ ವರಿ ಹಮಾರಾ

ಬಚ್ಚಾ ಅನುಬೋಸೆಸ” ಕೈನ ಉತ್ತರ ದಿದ್ಯೊ.

26 ತೆಳಾಮಾ ಪಿಲಾತನ ಬರಬ್ಬನೆ ಬಿಡುಗಡೆ ಕರಿನ, ಯೆಸುನೆ ಬಾರಕೊಲೆ ಮಾರಾಲಗಾಡಿನ ಶಿಲುವಿಪರ ಛಡಾವಾನೆ ಸೈನಿಕೊನೆ ಒಪ್ಪಿನ ದಿದ್ಯೊ.

27 ಪಿಲಾತನಾ ಸೈನಿಕೊ ಯೆಸುನೆ ರಾಜ್ಯಭವನಮಾ ಬಲೈಲಿನಗಯಾ. ಕ್ಹಾರಾ ಸೈನಿಕೊ ಯೆಸುನಾ ಸುತ್ತಿ ಹುಬ್ಬಯಾತಾ.

28 ಸೈನಿಕೊ ತಿನಾ ವಣ್ಣಾ ಕಾಡಿನ ತಿನೆ ಯಕ್ಕ ಲಾಲ ಅಂಗಡು ಫಾಲ್ಯಾ.

29 ಕಾಟಾವೊನಿ ಬಳ್ಳಿಕ್ಕು ಯಕ್ಕ ಕಿರಿಟ ಕರಿನ ತಿನಾ ಮಾತಾಪರ ಮ್ಹೆಲ್ಯಾ ತಿನಾ ಸಿದಾ ಹತೆ ಯಕ್ಕ ಲಾಕ್ಡಿ ದಿದ್ಯಾ ಪಾಚಲ್ತಾ ಸೈನಿಕೊ ಯೆಸುನಾ ಕ್ಹಾಮಾ ಡೊಗ್ಗಿನ, "ಯಹುದ್ಯನಾ ರಾಘಾ, ನಮಸ್ಕಾರ” ಕೈನ ಕದ್ರಾಯಾ.

30 ತಿನಾ ಉಪ್ಪರ ಥುಕ್ಕಾ ತಿನಾ ಹತ್ಮಾನಿ ಲಾಕ್ಡಿ ಲಿನ ಮಾತಾಪರ ಮಾರ್ಲ್ಯಾ.

31 ಇಮ್ಮಕ್ಕದ್ರಾಯಲಪರ, ತಿನು ಅಂಗ್ಡು ಕಾಡಿನ ತಿನಾ ವಣ್ಣಾವರಿ ತಿನೆ ಫಾಲಿನ ಶಿಲುವಿಪರ ಫಾಲಾನೆ ಬಲೈಲಿನ ಗಯಾ.

ಗೊಲ್ಗೊಥಾನೆ ಜಾವಾನು

32 ಸೈನಿಕೊ ಯೆಸುನಾ ಕ್ಹಾತೆ ಗಾಮತಾ ಭಾರಾ ಜಾತಾಮಾ ಸಿರೆನ ಗಾಮನಾ "ಸಿಮೊನ” ಕವಾಲಾ ಮನಕ್ಹನೆ ದೆಕ್ಕಾ ತಿನಿ ಶಿಲುವಿ ಉಚ್ಚೆಲಿವಾನಾಹುತಿ ತ್ಯುನೆ ತಿನೆ ಜಬರದಸ್ತಿ ಕರಲ್ಯಾ.

33 ತ್ಯುನೆ ಗೊಲ್ಗೊಥಾ ಕವಾನಾ ಜಗಾಯೆ ಆಯಾ. (ಗೊಲ್ಗೊಥಾ ಕದ್ರಾಮ "ಕಪಾಲ ಜಗಾ” ಕೈನ ಮಕ್ಲಬ ವ್ಹೆಡ್ಲೆ)

34 ಗೊಲ್ಗೊಥಾಮಾ ಸೈನಿಕೊ ತಿನೆ ಪಿವಾನೆ ದ್ರಾಕ್ಷಿಯೊನು ರಕ್ತ ದಿದ್ಯಾ ತೆ ದ್ರಾಕ್ಷಿಯೊನು ರಕ್ತನೆ ದುಕ ಕಮ್ಮಕರಾನು ವಕ್ಹಡ ಮಳಾಯಾತಾ. ತೆ ದ್ರಾಕ್ಷಿಯೊನು ರಕ್ತನು ಸ್ವಾದ ದೆಕಿನ ತಿನೆ ಪಿದ್ಯೊನೈ.

35 ಸೈನಿಕೊ ತಿನೆ ಶಿಲುವಿಪರ ಮೊಳಾವೊಕ್ಕು ಮಾರಲ್ಯಾ ಪಾಚಲ್ತಾ ವಣ್ಣಾವೊನಾಹುತಿ ತ್ಯುನಾಮಾಜ್ ಚಿಟಿ ಫಾಲಿನ ಲಿದ್ಯಾ.

36 ಸೈನಿಕೊ ಯೆಸುನೆ ಕೈದತಾ ತ್ಯಾಜ ಬೆಟ್ಟಾತಾ.

37 ತೆನ್ನೈಸೊ ತಿನಾ ಉಪ್ಪರ ಫಾಲಲ ಅಪರಾದನೆ ಲಿಕ್ಕಿನ ತಿನಾ ಮಾತಾನಾ ಉಪ್ಪರ ಲಗಾಡ್ಯಾ. "ಎಜ್ಜ ಯೆಸು ವ್ಹೈ ಯಹುದ್ಯೊನೊ ರಾಜೊ ವ್ಹೈ" ಕವಾನುಜ ತೆ ಅಪರಾದ ವ್ಹೈ.

38 ಯೆಸುನಾ ಬಾಜುಮಾಜ ಬೆ ಚ್ಚಟ್ಟಾವೊನೆ ಶಿಲುವಿಪರ ಫಾಲ್ಯಾತಾ. ಯಕ್ಕ ಚ್ಚಟ್ಟಾನೆ ಯೆಸುನಾ ಸಿದಾ ಬಗಲಬಿ ವರಿಯಕ್ಕ ಚ್ಚಟ್ಟಾನೆ ಡಾವಾ ಬಗಲ ಫಾಲ್ಯಾತಾ.

39 ವಾಟಮಾ ಜಾವಾನಾ ಮನಕ್ಕೊ ಗರ್ದನ ಹಲ್ಲಾತಾ,

40 "ತು ದೆವಾಲಯನೆ ಪಾಡಿನ, ತಿನೆ ವರಿ ತನ್ನ ದಿನ್ನಮಾ ಭಾಂದುಸ ಕೈನ ಕವಾಡೊತೊ. ತೆನ್ನೈಸೊ ಹಮ್ಮಾ ತುನೆ ತುಜ ವಚ್ಚಾಡಿಲೆ! ತು ಕ್ಕರಿಮಾಜ ಕ್ಕುದಾನೊ ದಿಕ್ಕೊ ಥಯಲ ರ್ಲಯೊಮ, ಶಿಲಿವಿಪರತೊ ಹೆಟೊ ಉತ್ತಿನ ಆ!" ಕೈನ ಕದ್ರಾಯಾ.

41 ಮಹಾಯಾಜಕೊ ಧರ್ಮ ಉಪದೆಶಕೊ ವರಿ ಯಹುದ್ಯನಾ ಶಾನಾ ತ್ಯಾ ವ್ಹತ್ತಾ. ತ್ಯುನೆಬಿ ಬಿಜಾ ಮನಕ್ಕೊ ಲಿಂಗತ ಯೆಸುನೆ ಕದ್ರಾಯಾ.

42 "ಎ ಬಿಜಾವೊನೆ ವಚ್ಚಾಡ್ಯೊ ತೆನ್ನೈಸೊ ತಿನೆ ತೆಜ್ಜ ನೈ ವಚ್ಚಾಡಿಲೆಸಕ್ಕೊ! ಇಸ್ರಾಯೆಲನೊ ರಾಜೊ ವ್ಹೈ ಕೈನ ಮನಕ್ಕೊ ಕವಸ. ಎ ರಾಜೊ ರ್ಲಯೊಮ ಶಿಲುವಿಪರತೊ ಹೆಟೊ ಉತ್ತಿನ ಆವಾದೆ. ತೆಳಾಮಾ ಹಮೆ ಇನೆ ಬರೊಕ್ಕೊ ಕರಿಯೆಸ.

43 ಎ ಕ್ಕುದಾನೆ ಬರೊಕ್ಕೊ ಕರಿಯೊತೊ. ಹಮ್ಮಾ ಕ್ಕುದಾನೆ ಕ್ಕರಿಬಿ ಎ ಛಾಯೆ ಥಯಲ ರ್ಲಯೊಮ, ಕ್ಕುದಾಜ್ ಆನೆ ವಚ್ಚಾಡಾದೆ. 'ಮಿ ಕ್ಕುದಾನೊ ದಿಕ್ಕೊ ವ್ಹೈ' ಕೈನ ಎಜ್ಜ ಕೈಲಿದ್ಯೊಸತೊ" ಕೈನ ತ್ಯುನೆ ಕದ್ರಾ.

44 ತಿನಾಲಿಂಗತಜ್ಜ ಯೆಸುನಾ ಆಜ್ಜು ಬಾಜುಮಾ ಶಿಲುವಿಪರ ಫಾಲಲ ಚ್ಚಟ್ಟಾಬಿ ತಿನೆ ಕದ್ರಾಯಾ.

ಯೆಸು ಮರಾನು

45 ತೆ ದಿನ್ನೆ ದುಪ್ಪಾರೆ ಬಾರಾ ವಾಸ್ತಾತಾ ತನ್ನ ವಾಜೆ ಲಕ್ಕಾ ಪುರಾ ದೆಶಮಾ ಅಂದಾರು ಭರೈತು.

46 ಕಮಿನ್ಸಕಮ್ಮ ತನ್ನ ವಾಸ್ತಾ ಯೆಸು, "ಎಲಿ, ಎಲಿ, ಲಮಾ ಸಬಕ್ತಾನಿ? ಕೈನ ಮೊಟ್ಟೆ ಅವಾಙ್ಕು ವದ್ಲೊ, ಅಮ್ಮ ಕದ್ಯಾಮ, "ಮಾರಾ ಕ್ವದಾ, ಮಾರಾ ಕ್ವದಾ, ಕಾ ಮನೆ ಹತ್ತ ಲೊಡ್ಲೊ?" ಕೈನ ಮತ್ತಬ ವ್ವೊ

47 ತ್ಯಾ ಹುಬ್ರಯಲ ದಕ್ವಾ ಮನಕ್ಲೊ ಎ ಐಕಿನ, "ಆಂ ಎಲಿಯಾನೆ ಬಲಾವಾಡೊಸ" ಕೈನ ಕದ್ಯಾ

48 ತೆ ಮನಕ್ಲೊಮಾ ಯಕ್ಲೊ ನ್ವಾಟಿನ ಗೈನ ಸ್ವಂಜ ಲಿನ ಐನ, ತಿಮಾ ಕ್ವಾಟು ರಕ್ವ ಭರಿನ, ತಿನೆ ಯಕ್ಕ ಲಾಕ್ವಾನೆ ಭಾಂದಿನ ತೆ ಲಾಕ್ವಾಕ್ವ ಸ್ವಂಜ ಯೆಸುನೆ ಪಿವಾನೆ ದಿದ್ಲೊ

49 ತೆನ್ನೆಸೊ ಬಿಜಾ ಮನಕ್ಲೊ "ತಿನಾಹುತಿ ಚಿಂತಾ ಕರು ನಕೊ, ತಿನೆ ವಚ್ಚಾಡಾನೆ ಎಲಿಯಾ ಆಸ ಸು ದೆಕೆ" ಕೈನ ಕದ್ಯಾ

50 ಪಾಚ್ಲೊ ಯೆಸು ವರಿ ಮೊಟ್ಟೆ ಅವಾಙ್ಕು ವದ್ರಿನ ಙಲಮ ಲೊಡ್ಲೊ

51 ತೆಳಾಮಾ ದೆವಾಲಯನೊ ಪಡದೊ ಉಪ್ಪರತೊ ಹೆಟಾ ಲಕ್ವಾ ಫಾಟಿನ ಬೆ ಭಾಗ ಥಯು. ಜಿಮಿನ ಕಾಪಿ. ದಗ್ವಾ ಫುಟಿಗಯಾ.

52 ಮಜಾರೊ ಮಿಲ್ಯಾ ಮರಲವಾಲಾ ಘನ್ನಾ ಕ್ವದಾನಾ ಮನಕ್ಲೊ ಮಜಾರೊಮಾತಾ ಜಿವ್ತಾ ಥೈನ ಉಟ್ಕಾ

53 ಯೆಸು ಪುನರುತ್ಥಾನ ಥಯಲ್ಪರ, ತ್ಯನೆ ಪವಿತ್ರ ಗಾಮ ಥಯಲ ಯೆರುಸಲೆಮೆ ಗಯಾ. ಮನಕ್ಲೊ ತ್ಯನೊನೆ ಡೊಳೆ ನಙರೆ ದೆಕ್ವಾ

54 ಯೆಸುನೆ ಕೈದಾಲೊ ಸೆನಾದಿಪತಿ ವರಿ ಸೈನಿಕೊ ಬುಕಂಪನೆ ವರಿ ಥಯಲ ಕ್ವಾರು ದೆಕಿನ ಘನ್ನಾ ಭುಚ್ಚಿನ, "ಎ ಕ್ವರಿಬಿ ಕ್ವದಾನೊ ದಿಕ್ಲೊ ವ್ವತ್ತೊ!" ಕೈನ ಕದ್ಯಾ

55 ಯೆಸುನಿ ಸೆವಾ ಕರತ್ತಾ ಗಲಿಲಾಯತಾ ತಿನೆ ಪಾಚ್ಚಾ ಲಾಗಿನ ಆಯಲ ಘನ್ನಾ ಬಾಕ್ಡಿಯೊ ದುರತಾ ದೆಕ್ವಾ ಹುಬ್ರಯಾತಾ.

56 ತ್ಯನೆ ಮಗ್ಗಲನಿ ಮರಿಯಳ, ಯಾಕೊಬ ವರಿ ಯೊಸೆಫನಿ ಯಾ ಥಯಲ ಮರಿಯಳ, ವರಿ ಯೊಹಾನ ವರಿ ಯಾಕೊಬನಿ ಯಾ ತ್ಯಾ ವ್ವತ್ತಿ.

ಶಿಷ್ಯಾ ಯೆಸುನು ಅಂಗ ಮರ್ಯಾರಮಾ ಮುಕ್ಕಲ

(ಮಾರ್ಕ 15:42-47; ಲುಕ 23:50-56; ಯೊಹಾನ 19:38-42)

57 ತೆ ಕ್ಹಾಂಜೆ ಅರಿಮಥಾಯಮಾ ರ್ಹಾಯಲ ಯೊಸೆಫ ಕವಾಲೊ ಸೌಕಾರ ಮನಕ್ಡಯೆರುಸಲೆಮೆ ಆಯೊ. ಎಬಿ ಯೆಸುನೊ ಶಿಶ್ಯೊವ್ಹತ್ತೊ.

58 ತೆ ಪಿಲಾತನಕನ ಗೈನ, ಯೆಸುನು ಅಂಗ ತಿನೆ ದ್ಯುಕೈನ ಮಾಂಗ್ಯೊ ಯೆಸುನು ಅಂಗ ಯೊಸೆಫನೆ ದ್ಯುಕೈನ ಪಿಲಾತನ ತಿನಾ ಸೈನಿಕೊನೆ ಅಪ್ಪಣೆ ದಿದ್ಲೊ.

59 ಯೊಸೆಫ ತೆ ಅಂಗ ಲಿನ, ತಿನೆ ನವಾ ಶುದ್ಧ ರ್ಹಾಯಲ ಬಾಸನಾ ಫಡ್ಕೆ ಸುತ್ತಿನ

60 ದಗ್ಡಾಮಾ ತೆ ಕರಾಯಲ ಮಜಾರಮಾ ಮೈಲ್ಯೊ ಮಜಾರನಾ ಬಾಕಲನೆ ಯಕ್ಕ್ ಮೊಟ್ಟಾ ದಗ್ಡೊ ರ್ಹಾಕಿನ ಗಯೊ.

61 ಮಗ್ದಲನಿ ಮರಿಯಳ ವರಿ ಬಿಜಾ ಯಕ್ಕ್ ಮರಿಯಳ ತೆ ಮಜಾರಕನ ಬೈಟ್ತಾ.

62 ಶುಕ್ರವಾರ ಕ್ಹರ್ಲ್ಯಲಪರ ಮಹಾಯಾಜಕೊ ವರಿ ಪರಿಸಾಯರೊ ಪಿಲಾತನಕನ ಗೈನ,

63 "ಮಾಲಕ, ತೆ ಸುಳ್ಳ ಬೊಲಾಲೊ ಜಿವ್ತೊ ರ್ಹತಾಮಾ, 'ತನ್ನ ದಿನ್ನ ಥಯಲ್ಪರ ಮಿ ಪುನರುತ್ಥಾನ ವ್ಹಂದುಸ' ಕೈನ ಕದ್ಯಲ ಹಮೊನೆ ಹಞಿನ ಶೆಂ ಲೆ.

64 ತಿನಾಹುತಿ ತನ್ನದಿನ್ನಲಕ್ಹಾ ತೆ ಮಜಾರನೆ ಕೈದಾನೆ ಆಗನ್ಯಾದೆ. ತಿನಾ ಶಿಶ್ಯಾ ಐನ, ತಿನು ಅಂಗ ಕಾಳಿಲಿನ ಗೈನ, ತೆ ಮಜಾರಮಾತೊ ಉಟಿನ ಆಯೊಸ ಕೈನ ಮನಕ್ಹೊನೆ ಕೆಸಕಸ. ತೆಳಾಮಾ ಪಸ್ವ ಥಯಲ ಮೊಸತಿಬಿ ಲಾಸ್ವನುಜ ಘನ್ನು ಮೊಸ ಥಾಸ" ಕೈನ ಕದ್ಯಾ.

65 ಪಿಲಾತ ತ್ಯುನೊನೆ, "ದಕ್ಹಾ ಕೈದಾಲಾ ಸೈನಿಕೊನೆ ಲಿನ ಗೈನ, ತುಮೊನೆ ಚಾಯೆ ಥಯಲ ತರಿಕಾಮಾ ಮಜಾರನೆ ಕೈದಾಲಗಾಡೊ" ಕೈನ ಕದ್ಯೊ.

66 ತ್ಯುನೆ ಗೈನ, ಮಜಾರನೆ ಸಿಕ್ಕೊ ಮಾರಿನ, ಸೈನಿಕೊನೆ ಕೈದಾನೆ ಛೊಡಿನ, ಮಜಾರನೆ ಚೊಕಾ ಕೈದಾ ಲಗಾಡ್ಯಾ.

ಯೆಸುನು ಪುನರುತ್ಥಾನ

(ಮಾರ್ಕ 16:1-10; ಲುಕ 24:1-10; ಯೋಹಾನ 20:1-18)

¹ ಸಭ್ಯತ ದಿನ್ನ ಥಯಲ್ಪರ ಐತವಾರ ಪಾಟಿ ಥಾವಾನಿ ವ್ಹತ್ತಿ. ಮಗ್ದಲನಿ ಮರಿಯಳ ವರಿ ಬಿಜಿ ಮರಿಯಳ ಮಜಾರನೆ ದೆಕಾನೆ ಗಯಾ.

² ತೆಳಾಮಾ ಘನ್ನು ಮ್ಹೊಟು ಭುಕಂಪ ಥಯು. ಕ್ಹುದಾನೊ ದುತ ಹಬಾಳತೊ ಉತ್ತಿನ ಆಯೊ. ತೆ ದುತ ಮಜಾರಕನ ಗೈನ, ಮಜಾರನಾ ಬಾಕಲಕಂತು ಮ್ಹೊಟೊ ದಗ್ಗೊ ಸರ್ಕೈನ ತೆ ದಗ್ಗಾಪರ ಬೈಟ್ಕೊ.

³ ಕ್ಹುದಾನೊ ದುತನು ಮ್ಹೊಡು ಬಿಜಲಿ ಲಿಂಗತ ಚಮ್ಕಾಡುತು. ತಿನಾ ವಣ್ಣಾಮಿಂಚ ಲಿಂಗತ ಥೊಳಾ ವ್ಹತ್ತಾ.

⁴ ಮಜಾರ ಕೈದಾಲಾ ಸೈನಿಕೊ ಕ್ಹುದಾನಾ ದುತನೆ ದೆಕಿನ ಘನ್ನ ಭುಚ್ಚಿನ ಘಾಬ್ರಾ ಥೈನ ಮರೈಲವಾಲಾ ಲಿಂಗತ ಥಯಾ.

⁵ ದುತ ತೆ ಬಾಕ್ಟಿಯೊನೆ, "ತುಮೆ ಭುಚ್ಚೊ ನಕೊ; ಶಿಲುವಿಪರ ಫಾಲಲ ಯೆಸುನೆ ತುಮೆ ಹುಡ್ಕಾಡಾಸ ಕವಾನು ಮನೆ ಗ್ವತ್ತ ಛೆ.

⁶ ತೆನೈಸೊ ಯೆಸು ನ್ಹ್ಯಾ ನತ್ತಿ. ತೆ ಕದಲ ತಿಮ್ಮ ಪುನರುತ್ಥಾನ ವ್ಹಂದ್ಕೊಸ. ಆವೊ, ತಿನು ಅಂಗ ರ್ವಯಲ ಜಗಾ ದೆಕೊ.

⁷ ಜಲ್ದಿ ಗೈನ ತಿನಾ ಶಿಶ್ಯಾವೊನೆ, "ಯೆಸು ಪುನರುತ್ಥಾನ ವ್ಹಂದ್ಕೊಸ. ತೆ ಗಲಿಲಾಯೆ ಚಾಲೊಸ. ತುಮಾರಾತಿ ಪೈಲಾಜ ತೆ ತ್ಯಾರ್ವಸ. ತುಮೆ ತಿನೆ ತ್ಯಾ ದೆಕೊಶಿ" ಕೈನ ಕವೊ. ಮಿ ತುಮೊನೆ ಕವಾನಿ ಸುದ್ದಿ ಎಜಿ ವ್ಹೈ ಇಕ್ವರೊ ನಕೊ" ಕದ್ಕೊ.

⁸ ತೆಳಾಮಾಜ ತೆ ಬಾಕ್ಟಿಯೊ ಭಿಂಕ್ಪುಬಿ ಕ್ಪುಷಿಕ್ಪುಬಿ ಮಜಾರ ಕಂತಾ ಗಯಾ. ಥಯಲ ಕ್ಹಾರು ಶಿಶ್ಯಾವೊನೆ ಕವಾನೆ ತ್ಯನೆ ನ್ಹಟಿನ ಭಾತಾಮಾ,

⁹ ಯೆಸು ತ್ಯನಾ ಕ್ಹಾಮೊ ದಿಕ್ವಿನ, "ತುಮೊನೆ ಶುಭ ಥಾವಾದೆ" ಕದ್ಕೊ. ತೆ ಬಾಕ್ಟಿಯೊ ಯೆಸುಕನ ಗೈನ, ತಿನಾ ಪಗೊ ಥರಿನ ಆರಾಧನಾ ಕರೈ.

ಕೈದಾಲಾನಿ ಸುದ್ದಿ

¹⁰ ಯೆಸು ತೆ ಬಾಕ್ಟಿಯೊನೆ, ಭುಚ್ಚೊ ನಕೊ; ಮಾರಾ ಭಾಯೊಕನ ಗೈನ ಗಲಿಲಾಯೆ ಆವಾನೆ ಕವೊ. ತ್ಯನೆ ಮನೆ ದೆಕಸ" ಕೈನ ಕದ್ಕೊ.

11 ತೆ ಬಾಕ್ಡಿಯೊ ಶಿಶ್ಯಾವೊನೆ ಕವಾನೆ ಗಯಾ. ತ್ಯಾಮಜಾರ ಕೈದಾಲಾ ದಕ್ಖಾ ಸೈನಿಕೊ ಗಾಮಮಾ ಗೈನ ಥಯಲ ಕ್ಹಾರು ಮಹಾಯಾಜಕೊನೆ ಕದ್ಯಾ.

12 ತೆಳಾಮಾ ಮಹಾಯಾಜಕೊ ಮೊಟ್ಟಾ ಯಹುದೊನೆ ಮಳಿನ ಚರ್ಚೆ ಕರ್ರ್ಯಾ ವರಿ ಸೈನಿಕೊನೆ ಘನ್ನಾ ದೊಕ್ಖಾ ದಿನ ತ್ಯನೊಕ್ಖು ಸುಳ್ಳೆ ಕವಾಲಗಾಡಾನು ಉಪಾಯ ಕರ್ರ್ಯಾ.

13 ತ್ಯನೆ ಸೈನಿಕೊನೆ, "ರಾತನಾ ಟೈಮಮಾ ಹಮೆ ಕ್ಹುರಯಲ ಟೈಮಮಾ ಯೆಸುನಾ ಶಿಶ್ಯಾ ಐನ ತಿನು ಅಂಗ ಕಾಳಿಲಿನ ಗಯಾ ಮನಕ್ಹೊನೆ ತಿಳ್ಳಾವೊ.

14 ಎ ರಾಜ್ಯಪಾಲನೆ ಗ್ವತ್ತ ಥಯುಮ ಹಮೆ ತಿನೆ ಸಮಾದಾನ ಕರೆಸ ವರಿ ತುಮೊನೆ ಕಯುಜ್ಜ ತ್ರಾಸ ಥಯಾ ಬಗರ ದೆಕಿಲಿಯೆಸ" ಕೈನ ಕದ್ಯಾ.

15 ಸೈನಿಕೊ ದೊಕ್ಖಾ ಲಿನ, ತ್ಯನೆ ಕದಲ ತಿಮ್ಮ ಕರ್ರ್ಯಾ ಎ ಕಾನಿ ಹಜುನಲಕ್ಹಾಬಿ ಯಹುದಿಯೊಮಾ ಫೈಲ್ಯಲ ಛೆ.

ಯೆಸುನಿ ಲಾಸ್ತನಿ ಅಪ್ಪಣೆ

16 ತೆ ಥಯಲ್ಪರ ಗ್ಯಾರಾ ಜನಾ ಶಿಷ್ಯಾಗಲಿಲಾಯನೆ ಗೈನ ಯೆಸು ಕದ್ಯಲ ಡೊಂಗರಪರ ಗಯಾ.

17 ಶಿಶ್ಯಾ ಡೊಂಗರಪರ ಯೆಸುನೆ ದೆಕಿನ ತಿನೆ ಆರಾಧನಾ ಕರ್ರ್ಯಾ ತೆನೈಸೊ ದಕ್ಖಾ ಶಿಶ್ಯಾ ತೆಜ್ಜ ಕ್ಹರಿನೊ ಯೆಸು ವ್ಹೈ ಕವಾನು ಬರೊಕ್ಹೊ ಕರ್ರ್ಯಾ ನೈ.

18 ತಿನಾಹುತಿ ಯೆಸು ತ್ಯನೊಕನ ಐನ, ಸ್ವರ್ಗ ವರಿ ಎ ದುನಿಯಾನಿ ಕ್ಹಾರಿ ಅದಿಕಾರ ಮನೆ ದಿದಲ ಛೆ.

19 ತಿನಾಹುತಿ ತುಮೆ ಗೈನ, ದುನಿಯಾಮಾ ರ್ವವಾನಾ ಕ್ಹಾರಾ ಮನಕ್ಹೊನೆ ಮಾರಾ ಶಿಶ್ಯಾ ಕರೊ. ಬಾನಾ, ದಿಕ್ರಾನಾ ವರಿ ಪವಿತ್ರ ಆತ್ಮಾನಾ ನಾಮಪರ ತ್ಯನೊನೆ ಬಾಪ್ತಿಸ್ಮಾ ಕರಾವೊ.

20 ಮಿ ತುಮೊನೆ ಆಗನ್ಯಾದಿದ್ಯಲ ಕ್ಹಾರಾವೊನೆ ವಿದೆಲ ಥಾಯೆಲಿಂಗತ ಮನಕ್ಹೊನೆ ಉಪದೆಶ ಕರೊ, ಜಗತ್ತನು ಅಂತ್ಯ ಥಯೆಲಕ್ಹಾ ಹಮೆಶಾಬಿ ಮಿ ತುಮಾರಾ ಕ್ಹಾತೆ ರ್ವಾಸ" ಕೈನ ಕದ್ಯೊ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕೆ, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff